古典文獻研究輯 潘 美月 杜 潔 祥 主 編

花木蘭文化出版社 出 版



刊



古典文獻研究輯刊

十四編

潘美月・杜潔祥 主編

第11冊《集韻》引《說文》考(上) 黄桂蘭著



國家圖書館出版品預行編目資料

《集韻》引《説文》考(上)/黃桂蘭 著一初版 — 新北市:

花木蘭文化出版社,2012 [民 101]

目 2+298 面: 19×26 公分

(古典文獻研究輯刊 十四編:第11冊)

ISBN: 978-986-254-844-8(精裝)

1. 韻書 2. 研究考訂

011.08

101002992



ISBN: 978-986-254-844-8

古典文獻研究輯刊 十四編 第十一冊

《集韻》引《說文》考(上)

作 者 黄桂蘭

編 潘美月 杜潔祥 主

總 編 輯 杜潔祥

企劃出版 北京大學文化資源研究中心

版 花木蘭文化出版社

發 行 所 花木蘭文化出版社

發 行 人 高小娟

聯絡地址 新北市永和區中正路五九五號七樓

電話:02-2923-1455/傳真:02-2923-1452

網 址 http://www.huamulan.tw 信箱 sut81518@gmail.com

刷 普羅文化出版廣告事業 EII

版 2012年3月 初

CAT I 價 十四編 20 冊 (精装) 新台幣 31,000 元

版權所有·請勿翻印

《集韻》引《說文》考(上)

黄桂蘭 著

作者簡介

黃桂蘭,1946年生,台灣師範大學國文系學士,政治大學中國文學研究所碩士。早年曾留意於文字學與晚明小品之探討,其後則專注於明清之際遺民詩及清初涉臺詩文之研究。所著專書有《集韻引說文考》、《張岱生平及其文學》、《白沙學說及其詩之研究》、《吳嘉紀陋軒詩之研究》;單篇論文有〈白沙詩論及詩之風格〉、〈白沙詠物詩之探討〉、〈晚明文士風尚〉、〈論張岱小品文的雅趣與諧趣〉、〈試論明清之際詩人的詩史意識〉、〈明末清初社會詩初探〉、〈從諷諭詩看明季窳政〉、〈方其義與時術堂遺詩〉、〈從泊水齋詩文看晚明現象〉、〈試窺千山詩集的明遺民心境〉、〈從赤崁集看清初的台灣風貌〉、〈存故國衣冠於海島——盧若騰詩文探析〉等十餘篇。

提 要

《說文》今世無傳,惟徐鉉、徐鍇二本,世稱大、小徐本。然二徐本經後人竄亂增刪,亦非其舊矣。《說文》原書既不可得,今見存於經史百家疏注音義中稱引《說文》者,如鄭康成注《考工記》、《禮記》等,仍存十餘種之多,而宋世韻書,如《廣韻》、《集韻》並徵引《說文》,雖在徐鉉校定之後,亦足資取證,尤以《集韻》收字最為賅博,其韻例又首揭「凡字訓悉本許慎《說文》」,其所引《說文》計九千二百四十一字,於《說文》一書,幾援載殆盡。是則欲參訂二徐,上窺唐、宋以前《說文》原貌,鈎稽《集韻》引《說文》,庶幾可得矣。

本文於《集韻》引《說文》與二徐同而是者,從略不論。其與二徐同而非者及與二徐異者,計二千九百三十三字,乃大別為以下十二類:(一)《集韻》是,大徐、小徐非者。(二)《集韻》與大徐是,小徐非者。(三)《集韻》與小徐是,大徐非者。(四)《集韻》、大徐、小徐詞異而義得互通者。(五)《集韻》、大徐、小徐互有是非者。(六)大徐、小徐是,《集韻》非者。(七)大徐是,《集韻》與小徐非者。(八)小徐是,《集韻》與大徐非者。(九)大徐、小徐、《集韻》並非者。(十)《集韻》引大徐新附字者。(十一)《集韻》引《說文》而今不見者。(十二)存疑。至論其是非之詳,具見於案語中。



上 冊	
壹、緒 言	
貳、凡 例	
參、《集韻》引《說文》之分析·······	7
一、《集韻》是,大徐、小徐非者	
二、《集韻》與大徐是,小徐非者 4:	3
三、《集韻》與小徐是,大徐非者 18:	5
四、《集韻》、大徐、小徐詞異而義得互通者 21	1
中 冊	
五、《集韻》、大徐、小徐互有是非者29	9
六、大徐、小徐是,《集韻》非者33	
七、大徐是,《集韻》與小徐非者 53	
下 冊	
八、小徐是,《集韻》與大徐非者54.	3
九、大徐、小徐、《集韻》並非者 59	
十、《集韻》引大徐新附字者 70	
十一、《集韻》引《說文》而今不見者 71:	5
十二、存 疑71	
附錄	
一、大、小徐有,《集韻》未引者 72	5
二、大徐新附字《集韻》未引者 74	8
引用書目78	9

壹、緒 言

《說文解字》,中國文字學之寶典也。吾人處千載下,猶能窺古人造字之 精意悤旨者,惟賴是書之存。第以其書起干東漢,「自《切韻》、《玉篇》之興, 《說文》之學湮廢泯沒。」(見《繫傳·袪妄》) 唐大曆間李陽冰刊正《說文》, 雖「頗排斥許氏,自爲臆說」(見徐鉉《進說文表》),然中興之功不可沒。南 唐徐鍇撰《說文解字繫傳》四十卷,其《通釋》三十卷,析《說文》十五篇 爲二,疏證闡微,有述作之功,凡所發明及徵引經傳,悉加「臣鍇曰」、「臣 鍇案」字以別之。宋太宗雍熙三年,鍇兄徐鉉奉詔與句中正、葛湍、王惟恭 等校定《說文》,以《說文》經歷代傳寫,謬譌實多,又其時學者多從陽冰新 義,故詔取《說文》,精加詳校,凡字本有正體,而流俗書寫譌變者,辯於註 中,其乖戾六書之體者二十八文,則別列卷末,如註義未備,則更爲補釋, 亦題「臣鉉案」以別之,是鉉於《說文》有諟正之功。鉉另就《說文》註義 序例所有之字,而諸部闕載者,補錄新修十九文;又有經典相承,時俗常用, 而《說文》未載之字,補入相屬之部末,謂之新附。《說文》今世無傳,惟徐 鉉、徐鍇二本,世稱大小徐本。鍇書宋時已無完本,王應麟《玉海》云:「《說 文繫傳》舊闕二十五卷,今宋鈔本以大徐本補之。」二十五卷即十三篇系部 至卵部,今所見小徐本該諸部篆注音切全是大徐。鉉書後成,多引徐鍇說, 而徐鍇所引經文,鉉或誤入許注;又諧聲讀若之字,鉉本多刪,誤爲會意。 二徐本經後人竄亂增刪,或一文之繁簡有無不同,或部居移掇,或說解佚亡, 亦非其舊矣!

 林》,顧野王《玉篇》,顏之推《顏氏家訓·書證篇》,裴松之《三國志注》陸德明《經典釋文》,歐陽詢《藝文類聚》,虞世南《北堂書鈔》,孔穎達、賈公彥《五經正義》,李善《文選注》,顏師古《漢書注》,《匡謬正俗》,徐堅《初學記》,玄應、慧琳《一切經音義》,苟一一擷摭,可考正今本《說文》之訛誤。宋世韻書,如《廣韻》、《集韻》並徵引《說文》,雖在徐鉉校定之後,亦足資取證,尤以《集韻》收字最爲賅博,其韻例又首揭「凡字訓悉本許愼《說文》,愼所不載,則引它書爲解」,檢《集韻》所引《說文》計九千二百四十一字(去大徐新附),於《說文》一書,幾援載殆盡。然則,欲參訂二徐,上窺唐宋以前《說文》原貌,鈎稽《集韻》所引《說文》,庶幾可得矣!

宋仁宗景祐四年,宋祁、鄭戩建言陳彭年、邱雍所定之《廣韻》多用舊 文,繁略失常,因詔祁、戩、賈昌朝、王洙同加修定,丁度、李淑爲之典領, 別撰《集韻》。是書所撰,務從該廣,以經史諸子及小學書,更相參定。《廣 韻》、《集韻》體爲韻書,而意兼存字,若《廣韻》本於陸法言《切韻》,《切 韻》之作,意在審音,及郭知玄以下,遞有增益,至於孫愐,加至二萬六千 一百九十四字;《集韻》字數五萬三千五百二十五,視舊增二萬七千三百三十 一,兩書皆兼登正隸,時舉譌俗,雖以韻排列,其實字書也(參見《制言半 月刊》十五期黃季剛《說文略說》)。段玉裁《手校集韻自跋》云:「丁度等此 書,兼綜條貫,凡經、史、子、集,小學、方言、音釋之存者,采擷殆編, 雖或稍有紕繆,然以是資博覽而通古音,其有用最大。」(見清蔣光煦《東湖 叢記》卷六)《集韻》遐按博稽,雖不免駱駁,然後儒多據以斠正群書,鈎沈 輯佚,其書隊爲小學家所寶重。孫詒讓《集韻考正後記》云:「自李登《聲類》 以來,音韻書之賅博,無有及之者,且其時唐以前古籍存者尚眾,其所徵引, 若呂忱《字林》、蕭該《漢書音義》之屬,今並亡佚,采輯家據以鉤沈補逸, 誠韻書之總匯也。」元明之際,鮮究小學,《集韻》一書亦不顯,顧炎武作《音 論》遂疑其不存。迨至清初,朱彝尊自汲古閣毛扆家得景宋本,康熙四十五 年屬曹寅刊於揚州。其本雕鋟雖精,而讎校殊略,陶陰互出,烏焉溷淆,治 小學者弗慊於心。乾嘉以還,經學大師於此書,率多綜涉,如余蕭客、段玉 裁、鈕樹玉、嚴杰、陳奐、汪遠孫、陳慶鏞等,無慮十餘家。瑞安方成珪初 據曹刻本,以羣籍校正譌字,後又得汪、段、嚴三家手校本,重加釐訂,於 形之點畫,音之翻紐,悉心讎對,孫詒讓偁其書「非徒刊補曹本之譌奪,實 能舉景祐修訂之誤」,誠非溢美之辭。

《集韻》爲官修書,所據《說文》葢爲雍熙官校,段玉裁《說文解字注》「桂」字下有「《集韻》據鉉本」云云。今考《集韻》平聲微韻「頎」字注引「頭佳兒」,平聲先韻「揅」字注引「摩也」,上聲琰韻「酓」字注引「酒味苦也」,去聲證韻「鄭」字注引「地名」,並鍇本所有,而鉉本不載;平聲支韻「碑」下引「徐鍇曰:紀功德」,平聲先韻「寡」下引「徐鍇曰:室無人也」,入聲屋韻「遭」下引「徐鍇曰:不以禮自近」,亦並鉉本所無。此或其時鉉本未逸脫之文,或鍇本所有,而爲徐鉉所刪者,是丁氏二徐兼采,亦未可知。平聲歌韻「己」下引「徐鍇曰:气已舒」,此非《繫傳》文,見鍇著《說文韻譜》,然則,丁氏尚旁及鍇所作他書也。宋仁宗嘉祐年間,張次立撰《說文繫傳補》,蘇頌神宗熙寧中謂《繫傳》「舊闕卷廿五、三十」並在丁度撰《集韻》後,或丁氏所見之鍇本猶未如張、蘇時斷爛不完。二徐互有優絀,已如前述,陳鑾曰:「鉉頗簡當,間失穿鑿……鍇加明贍,多巧說衍文。」(見《說文繫傳敍》)故茲編所作,刺取《集韻》所引《說文》,與二徐逐字比勘,覈其異同是非。

《說文》「一曰」以下之文,今本奪去者頗夥,如《集韻》平聲元韻「幅」 字下「一曰:幟也」,上聲蕩韻「駬」字下「一曰:市儈」,上聲姥韻「苦」 字下「一曰:急也」,入聲緝韻「襲」字下「一曰:因也」,平聲虞韻「誅」 字下「一曰:責也」之訓竝是,而《集韻》不奪;惟有清一代,董理《說文》 者,誤以《集韻》兼采他說而附益之「一曰」,或《韻會》本《集韻》所增之 「一曰」爲《說文》者,亦屢見不鮮:如《集韻》入聲屋韻「族」字下有「一 曰:从从,从所以標衆,衆,矢之所集」之語,係丁度等增,非《說文》本有, 段氏誤爲《說文》之別解,率爾取以增入《說文》;如平聲東韻「堫」字下, 有「一曰:不耕而種」之訓,此亦丁度等所益,《韻會》一東承之,而王筠、 桂馥誤以《說文》本有。《集韻》又有於引《說文》兩「一曰」間,羼入他書 之訓詁,亦加「一曰」二字,文例相近,易滋淆惑,如平聲齊韻「婗」字下 羼入「一曰:啼聲」之義,此《釋名》所有,非《說文》; 上聲賄韻「儽」字 下羼入「一曰:儽儽,疲也」之義,此《廣雅》所有,非《說文》,是茲編於 丁度所增益之「一曰」,如可考者,考其出處,如不可考者,明言非《說文》 本有。丁度於引《說文》下,每有演釋之語,如平聲微韻「暉」字引《說文》 曰「光也」,下又申之曰「日之光」,《韻會》五微沿之,嚴可均《校議》則誤 以爲《說文》本有。此皆不免蹈「以數見爲非,罕見爲喜」之弊,抑由不明 丁氏引《說文》例,未加深考耳?

丁度等既修《集韻》,寶元二年奏言所添字與《玉篇》不相參協,乞委脩韻官,別爲《類篇》,與《集韻》相副施行。《類篇》之部首字,依《說文》次序,部中字依見於《集韻》爲先後,其《序》曰:「字書之於天下,可以爲多矣,然而從其有聲也,而待之於《集韻》。天下之字以聲相從者,無不得也。從其有形也,而待之《類篇》,天下之字以形相從者,無不得也。」《類篇》收字五萬三千一百六十五,以偏旁爲綱,以韻爲目,檢尋甚便,然其中舛謬亦不可枚舉。嚴元照評曰:「其書繼《集韻》而作,奉《集韻》爲規矩,未有出入。援引經典,無不相合者,注釋少縣,故卷袠視《集韻》較多,漢儒故訓之學,至宋而盡晦,今人讀此二書,聊以備參證耳,非以其有朇於小學。然其病特在承譌,而不能是正。」(見《悔菴學文》卷七)嚴說塙爲的論。唯後人考證《集韻》,仍多備《類篇》以作參稽。此書,中研院史語所藏有光緒二年歸安姚覲元據曹楝亭《五種本》重栞之《姚刻三韻》。

《集韻》一書,前人每苦浩繁,其所引《說文》多至九千三百二十六字 (含大徐新附及今《說文》不見者)之夥,今復與二徐辨析正訛,紕漏舛誤, 自知不免,祈大雅君子幸垂教焉。茲編自民國六十年十月起撰寫,承高師仲 華諄誨指導,得以發凡起例,中以高師受聘星島講學,又承林師景伊殷切督 教,而底於成,謹此誌謝。

中華民國六十二年六月 黃桂蘭識於國立政治大學中文研究所

貳、凡 例

- 一、茲編所據之《集韻》,爲嘉慶十九年顧廣圻補刊之曹楝亭本(臺灣商務印書館景印,收入《國學基本叢書》)。
- 二、茲編所據之方成珪《集韻考正》,爲光緒五年孫詒讓校刊本(臺灣商務印書館景印,收入《國學基本叢書》)。
- 三、茲編所據之大徐本《說文》,以日本岩崎氏靜嘉堂藏本(藝文印書館景印) 爲主,輔以上海涵芬樓輯印之《續古逸叢書》本。
- 四、茲編所據之小徐本《說文》,爲道光十九年壽陽祁寯藻刻本(上海商務印書館景印,收入《小學彙函》)。
- 五、茲編與《集韻》並列之《說文》爲大徐本,小徐本則於案語中說明。
- 六、爲醒眉目,所考各字標出其本字之篆體及眞書,另立一行;《集韻》所列 古籀或別體悉移入子注中,如說解但云「从某」者,則於其下加一(), 寫出全文,以見原貌。
- 七、《集韻》字義下登錄各體重文,《四庫》病其不主辨體,重文複見,繁所 不當繁,今止節取二徐本所有者,或足訂正二徐者。
- 八、《集韻》字以聲類從,與《說文》以形從者不同,其引《說文》,或一字 而同韻兩見,或一字而隔韻兩見、三見,或併二字爲一,或析一字爲二、 爲三,今皆薈萃一處,取便稽考。
- 九、《集韻》引《說文》與二徐同而是者,計六千三百零八字,囿於篇幅,從 略不論。
- 十、《集韻》引《說文》與二徐同而非者及與二徐異者,計二千九百三十三字,茲編又與二徐覈校,析分條例時,頗滋困擾,爲恐概括難全,止大別爲目錄中所列之十二大類,至論其是非之詳;已具見於案語中。

十一、《集韻》韻例雖明揭「凡字訓悉本許慎《說文》,慎所不載,則引他書 爲解」,今仍考得大小徐有而《集韻》未引者,計一百六十八字;大徐 新附字《集韻》未引者,計三百二十二字,此中有字義盡同者,或其 初亦爲丁氏所引《說文》,後傳寫脫去「說文」二字耳,惟不敢遽斷, 姑具列厠之篇末,以爲附錄。

參、《集韻》引《說文》之分析

一、《集韻》是,大徐、小徐非者

(計一百二十六字)

鬚 髯(當作幾——畢)

《集韻》平聲鍾韻:「《說文》: 亂髮也。或从耳(髮)。」

《說文》九上髟部:「亂髮也。从聲省聲。」

案:「聲」字,二徐竝訓「亂髮也。」又云:「从髟茸省聲。」《集韻》「聲」 注引《說文》「亂髮也。」其下又云「或从耳」,鈕氏《校錄》曰:「則 《說文》當是聲,不當云省。」王筠《句讀》曰:「蓋篆既挩艸,說乃 增省字。茸聲字義相近,不然,何不曰耳聲乎?」考《廣韻》上平三 鍾曰:「髶,髮多亂兒。」周祖謨《校勘記》云:「髶,《故宮王韻》作 聲,與《玉篇》合。」足徵《集韻》以「鬢」爲本字不誤也。

瑶 邛

《集韻》平聲鍾韻:「《說文》: 地名,在濟陰。一曰: 水名,在蜀。一曰: 病也。」

《說文》六下邑部:「邛地,在濟陰縣。从邑工聲。」

案:「邛地,在濟陰縣」,二徐竝同。段氏改「地」爲「成」,注云:「《外 戚矦表》:邛成,屬濟陰縣。」然「成」與「地」形非近,或不致有 此誤也。鈕樹玉《段氏說文注訂》曰:「《集韻》《韻會》引作『地名』, 當不誤。」又《集韻》引「濟陰」下,無「縣」字,嚴氏《校議》云: 「濟陰乃郡國,非縣也。」《韻會》引亦無「縣」字。兩「一曰」義, 非引《說文》,《漢書·地理志》:「臨邛僕千水東至武陽入江。」《廣 雅釋詁》:「邛,病也。」

績 橦

《集韻》平聲江韻:「《說文》:帳極也。一曰:木名。」

《說文》六上木部:「帳柱也。从木童聲。」

案:二徐竝作「帳柱也」、《集韻》引「柱」作「極」。鈕氏《校錄》云:《玉篇》、《類篇》作「帳極也」、段氏《汲古閣說文訂》云趙本、《五音韻譜》亦作「帳極也」、段氏改「柱」作「極」,注云:「極、棟也。帳,屋高處也。」然則《集韻》引「柱」作「極」是也。「一曰」者,非引《說文》、丁度等增。橦華者、樹名、橦、其花柔毳可績爲布也、見《文選・蜀都賦》注。

離離

《集韻》平聲支韻:「《說文》:離黃,倉庚也。鳴則蠶生。一曰:別也。麗也。大琴也。」

《說文》四上隹部:「黃倉庚也,鳴則蠶生。从隹离聲。」

案:二徐竝作「黃倉庚也」,無「離」字。《釋鳥·釋文》、《藝文類聚》卷 九十二、《廣韻》上平五支引皆「離黃」連文,故知二徐「黃」上之「離」 爲後人誤刪,《集韻》引未誤。「一曰」下三義,非引《說文》,《呂覽· 誣徒》「合則弗能離」,高注:「離,別也。」《易·序卦傳》:「離者, 麗也。」《爾雅·釋樂》:「大琴謂之離。」

牄 旇

《集韻》平聲支韻:「《說文》:旌旗旇靡也。」

《說文》七上从部:「旌旗披靡也。从从皮聲。」

案:「披靡」二徐竝同,《集韻》引「披」作「旇」。桂氏《義證》云徐鍇《韻譜》引作「旇」,是小徐舊本當作「旇」也。又云《類篇》非引作「旇」。王筠《繫傳校錄》曰:「《說文韻譜》披作旇,《五音韻譜》同,是也。」又「也」字,小徐作「兒」。

歸四

《集韻》平聲支韻:「《說文》:城上女垣俾倪也,籕作聲。」

《說文》十四下自部:「城上女牆俾倪也。从自卑聲。錄,籀文陴从臺。」

案:二徐竝作「城上女牆俾倪也」、《集韻》引「墻」作「垣」。周雲青曰:「唐 寫本《玉篇》陴注引《說文》:城上女垣也。」此希馮節引,非完文也, 然可證古本「牆」作「垣」、《集韻》引不誤。

騎 骑

《集韻》平聲支韻:「《說文》:虎牙也。」

《說文》二下牙部:「武牙也。从牙。从竒、竒亦聲。」

案:《玉篇》「琦」訓「虎牙也」、《廣韻》上平五支注亦同,知《集韻》引 是也。二徐本竝訓「武牙也」、蓋沿唐人諱。《玉篇》亦訓「虎牙也」。

摩摩

《集韻》平聲支韻:「《說文》:旌旗所以指摩。」

《說文》十二上手部:「旌旗所以指麾也。从手靡聲。」

案:「指麾」二字,大小徐竝同。《集韻》引「麾」作「摩」。《廣韻》上平 五支引《玉篇》注竝作「指摩也」,可證《集韻》是也。

彩為

《集韻》平聲支韻:「《說文》:地名,一曰:阪名。」

《說文》六下邑部:「地名。从邑爲聲。」

案:嚴可均《說文校議》曰:「自部隱,襄七年《經》、《傳》作爲,杜云:鄭地。疑爲隱只是一字。」王筠《說文句讀》曰:「阜部隱下云:鄭地,阪也。引《春秋傳》『將會鄭伯于隱』,今本襄七年《經》作爲者,阜邑二字,古不以左右爲別,猶邡作防,耶作陬也,不知者据今本經文,于《說文》增爲字。《玉篇》爲下引《春秋》,爲下第云:鄭地,阪名。《廣韻》五支、四紙,皆分收爲爲,故嚴氏知爲重出而不敢作斷詞也。」今二徐本「爲」注並止作「地名」二字,《集韻》引又增「一曰:阪名」四字,蓋以「爲」「爲」爲一字,三說可得佐證。另《集韻》支韻「于嬀切」下,《集韻》收「爲」字,注云「阪名,在鄭。或从邑」,知《集韻》以「爲」「爲」爲一字也。

紫粒

《集韻》平聲脂韻:「《說文》:茅莠。」

《說文》一下艸部:「茅秀也。从艸私聲。」

案:二徐本均作「茅秀也」。《集韻》「秀」作「莠」、《廣韻》六脂引亦同。 「秀」、光武帝諱也、故鄭注《周禮》「掌荼」曰:「荼、茅莠也。」 又注《考工・鮑人》曰:「尚如茅莠之色。」皆作「莠」。桂馥《說文 義證》云:「漢諱秀、《周禮》注作莠、本書亦應有借字。」然則《集 韻》引乃古本原貌。

湖 赫

《集韻》平聲脂韻:「《說文》: 倉卒也。」

《說文》二上走部:「蒼卒也。从走布聲。讀若資。」

案:「倉卒也」,大小徐竝作「蒼卒也」。「倉」《說文》訓「穀藏也」,本「倉 黃取而藏之」意,「蒼」《說文》訓「艸色也」,故知《集韻》引作「倉」 是也。《玉篇》注、《廣韻》上平大脂「越」下注引正作「倉」,可證。

《集韻》平聲脂韻:「《說文》: 犬怒貌。一曰: 犬難附。代郡有狋氏縣。」 《說文》十上犬部:「犬怒皃。从犬示聲。一曰: 犬難得。代郡有狋氏縣。 讀又若銀。」

案:二徐並作「一曰:犬難得」、《集韻》引「得」作「附」。嚴章福《說文校議議》云:「下文、獡、犬獡獡不附人也。獷、犬獷獷不可附也。疑附是。」段氏亦改作「附」、段云:「附、各本譌得、今依《集韻》、《類篇》正。附、猶近也。」王筠《句讀》亦依《集韻》引改作「附」。

溢 徵

《集韻》平聲脂韻:「《說文》:物中久雨青黑。一曰:敗也。」

《說文》十上黑部:「中久雨青黑,从黑微省聲。」

案:二徐竝作「中久雨青黑」、《集韻》引「中」上有「物」字、《類篇》、《韻會》竝同。《類篇》、《韻會》或承《集韻》之說解,然二徐作「中久雨青黑」,語亦難解。王筠《句讀》即依《韻會》引補「物」字。「一日:敗也」,非引《說文》,見《廣雅·釋詁》三。

褫 裾

《集韻》平聲魚韻:「《說文》:衣裏也,一曰:衣後裾。」

《說文》八上衣部:「衣袍也。从衣居聲。讀與居同。」

案:鍇本作「衣袍」,無「也」字。段本作「衣裏也」,注云:「裏,各本作袍,今依《韻會》正。上文云:裏,裏也。裏物謂之裏,因之衣前 裣謂之裏。」是《集韻》引作「裏」不誤也。王筠《句讀》亦作「衣裏也」,注云:「依《集韻》、《韻會》改。」「一曰」者,非引《說文》、《爾雅·釋器》:「祝謂之裾。」《方言》:「袿謂之裾。」郭竝注云:衣後裾也。」

開

《集韻》平聲魚韻:「《說文》:馬行徐而疾,引《詩》駟牡譽譽。」

《集韻》入聲覺韻:「《說文》:馬行徐而疾也。一曰:馬腹下聲。」

《說文》十上馬部:「馬行徐而疾也。从馬學省聲。」

案:小徐「疾」下無「也」、《集韻》引同。二徐均未引《詩》、殷氏《注》、王筠《句讀》並依《集韻》、《類篇》增「《詩》曰:四牡譽譽」六字,嚴氏《校議》云「王伯厚《詩考》亦引之」、段氏云:「今《詩》無此句、《小雅·車攻》、《大雅·韓奕》皆云:四牡奕奕。古音奕之平聲,讀弋魚切。蓋即其異文。」《集韻》入聲覺韻未引《詩》,而有「一曰:馬腹下聲」句,此非引《說文》,見《玉篇》。

飆 幅

《集韻》平聲虞韻:「《說文》:魚名,狀如鰕、足長寸大如义股,出遼東。」 《說文》十一下魚部:「魚名。狀似蝦、無足、長寸大如义股。出遼東。从 鱼區聲。」

案:大徐作「狀似蝦」,小徐「蝦」作「鰕」,《集韻》引同,「似」作「如」, 義得兩通。「足」上,二徐有「無」字,桂氏《義證》曰:「『無』字衍。」 王筠《句讀》依《集韻》刪「無」字,云:「蓋謂其足之長則寸,大則如 釵股,此其異於鰕者也。」《類篇》亦無「無」字。

粡 駒

《集韻》平聲虞韻:「《說文》:馬二歲曰駒。」

《說文》十上馬部:「馬二歲日駒。三歲日駣。从馬句聲。」

案:「曰駒」下,大徐有「三歲曰駣」句,小徐作「三歲曰騑」,許書無「駣」

字,又「騑」訓「驂也」,亦非此用。《周禮》庾人「教駣攻駒」,鄭司 農云:「馬三歲曰駣,二歲曰駒。」疑今二徐本乃後人依鄭注誤增。《集 韻》、《類篇》、《韻會》引並止作「馬二歲曰駒」,《玉篇》注亦同。

《集韻》平聲虞韻:「《說文》:从芻莝養牛。引《春秋》《國語》犓豢幾何。」 《說文》二上牛部:「以芻莖養牛也。从牛,芻亦聲。」

案:二徐本並作「以芻莖養牛也」。沈氏《說文古本考》曰:「《初學記》獸部引作『以芻莝養牛也』,《文選》枚乘《七發》注引作『以芻莝養國牛也』,是古本『莖』作『莝』,『莝,斬芻也』,莖字無義。《選》注『國』字疑有誤。」依此,則《集韻》引當不誤也。

諸 誅

《集韻》平聲虞韻:「《說文》:討也。一曰:責也。」

《說文》三上言部:「討也。从言朱聲。」

案:二徐並止作「討也」,玄應《一切經音義》卷二十三《攝大乘論》「誅國」下引「《說文》:誅,罰也。亦責也」。沈氏《古本考》云:「疑古本有『一曰:責也。』四字。」今《集韻》引「討也」下,即有「一曰:責也」四字,沈說可得佐證矣。

增 墙

《集韻》平聲模韻:「《說文》: 黑剛土也。」

《說文》十三下土部:「剛土也。从土鷹聲。」

案:《書·禹貢》「下土墳爐。」《釋文》、《正義》引皆作「黑剛土也」,以「達」 下訓「赤剛土也」例之,知古本有「黑」字,《集韻》引不謬。《韻會》 七虞引亦作「黑剛土也」,二徐竝止作「剛土也」,脫「黑」字。

養養

《集韻》平聲齊韻:「《說文》: 艸盛兒。引《詩》菶菶萋萋。」

《說文》一下艸部:「艸盛。从艸妻聲。《詩》曰菶菶萋萋。」

案:二徐竝作「艸盛」,無「皃」字,然《廣韻》十二齊,《韻會》八齊皆作「草盛貌」,《玉篇》:「萋萋,草茂皃。」蓋古本有「皃」字,今本

已奪,《集韻》引尙不誤也。

蛾 瞡

《集韻》平聲齊韻:「《說文》:病人視也。」

《說文》八下見部:「病人視也。从見氏聲。讀若迷。」

案:《廣韻》上平十二齊有「閱」訓「病人視兒」。鈕氏《校錄》云:「蓋《說文》本作閱,唐人諱民改從氏,後又譌爲氏。」段氏云:「各本篆作閱,解作氏聲。氏聲則應讀若低,與讀若迷不協。」《集韻》正文原以「閱」爲本字,以「閱」爲或體,是也。

帽階

《集韻》平聲皆韻:「《說文》:鳥鳴聲。一曰:喈喈,和聲。」

《說文》二上口部:「鳥鳴聲。从口皆聲。一曰:鳳皇鳴聲喈喈。」

案:《繫傳》「鳥鳴聲」下有「也」字,亦有「一曰:鳳皇鳴聲喈喈」八字, 段《注》云:「此八字蓋後人所增,鳳皇亦鳥耳。」《集韻》引止作「鳥 鳴聲」,「一曰」以下,文字與二徐異,且非引許也。知段氏疑爲後增, 是也。《詩·葛覃》「其鳴喈喈」,毛《傳》:「喈喈,和聲之遠聞也。」《集 韻》「一曰」之義,或節引於此。

廖

《集韻》平聲眞韻:「《說文》:日月合宿爲馨。」

《說文》五下會部:「日月合宿爲辰。从會从辰、辰亦聲。」

案:二徐竝作「曰月合宿爲辰」,《集韻》引「辰」作「鬠」,是也。《玉篇》: 「鬠,日月會也。今作辰。」許書「辰」訓「震也。三月陽氣動」,知 正字當作「鬠」,「辰」借字也。

珣 珣

《集韻》平聲諄韻:「《說文》:醫無閻珣玗璂。引《周書》:所謂夷玉。一曰 器也。」

《說文》一上王部:「醫無閻珣玕琪。《周書》所謂夷玉也。从玉旬聲。一日器。讀若宣。」

案:小徐本「醫無閭」下有「之」字,「一日」下有「五」字。《集韻》說

解本大徐,唯「琪」作「璂」,又「器」下有「也」字。《說文》無「琪」, 許書之舊或當作「璂」;有尾詞「也」,讀之語氣較舒緩不迫,似《集 韻》引爲長。

編 棆

《集韻》平聲諄韻:「《說文》:母枇也。」

《說文》六上木部:「母杶也。从木侖聲。讀若易卦屯。」

案:「母杶也」,二徐並同,《集韻》引「杶」作「枇」。《爾雅·釋》木:「棆,無疵。」《玉篇》:「枇,無枇。木名。」段注云:「古母、無通用,故許作母。」《廣韻》上平五支曰:「枇,無枇木。一名棆。」(今本作「一名榆。」周祖謨《校勘記》云:故宮所藏王仁眴《刊謬補缺切韻》作「棆」。)是《集韻》作「母枇也」,不誤。

幡 幡

《集韻》平聲元韻:「《說文》:書兒拭觚布也。一曰:幟也。」

《說文》七下巾部:「書兒拭觚布也。从巾番聲。」

案:《太平御覽》三百四十一兵部引作「幡,幟也」,是古本有此一解,二 徐本竝奪,《集韻》引猶存。沈氏《古本考》曰:「本部『朝,幡幟也。』 或疑《御覽》傳寫奪『朝』字,然此引在旛條下,則非朝字之解可知。」 王筠《句讀》亦依《御覽》補此一訓,唯作「識也。」

纏 楎

《集韻》平聲魂韻:「《說文》: 六义犂。一曰:犂上曲木。」

《說文》六上木部:「六叉犂。一曰:犂上曲木犂轅。从木軍聲。讀若渾天之渾。」

案:「犂上曲木」下,二徐竝有「犂轅」二字。段云:「《集韻》、《類篇》皆無犂轅二字,似可刪。許云耕上曲木爲耒,此云犂上曲木爲楎者,正謂耒耑也,故《廣韻》云:楎,犂頭。《玉篇》云:楎,犂轅頭也。」又《廣韻》上平二十三魂注亦但有「一曰:犂上曲木也」句,而無「犂轅」二字。

寒

《集韻》平聲寒韻:「《說文》:凍也。从人在一下,从艸薦覆之,下有仌。」 《說文》七下一部:「凍也。从人在一下、以茻薦覆之,下有仌。」

案:大徐作「以茻薦覆之」,小徐作「從茻上下爲覆」,王筠《繫傳校錄》: 「以訛从,因訛從,爲即薦之訛也。」其《句讀》作「以艸上下薦覆 之」,注云:「艸字依《集韻》,上艸覆之,下艸薦之。」今依從之。

帮 奸

《集韻》平聲寒韻:「《說文》:犯也。」

《說文》十二下女部:「犯婬也。从女、从干、干亦聲。」

案:大徐作「犯姪也」,小徐「姪」作「淫」。《集韻》引則止作「犯也」。《五經文字》:「奸,犯也。」《小爾雅·廣言》「奸,犯也。」宣十二年《左傳》「事不奸矣」,杜注:「奸,犯也。」王筠《句讀》曰:「姪義自屬姦字。……僖七年《傳》:子父不奸之謂禮;宣十二年《傳》:事不奸矣;襄十四年《傳》:君制其國,臣敢奸之;《漢書·溝洫志》:使神人各得其所而不相奸。是經典所有奸字,未有涉及淫者也。」王氏旁徵博引,足徵《集韻》作「犯也」是。

黛 黛

《集韻》平聲桓韻:「《說文》: 鱉姍,下色。」

《說文》十上黑部:「盤姍,下哂。从黑般聲。」

案:大徐作「鰲姍,下哂」,小徐作「鰲姍,一色」,並誤。汲古閣毛本作「鰲姍,下色」。《玉篇》注:「鰲姍,下色兒也。」《廣韻》上平二十八桓:「下色。」合諸書以觀,當如毛本所作爲是。《集韻》引同毛本,不誤也。

備 備

《集韻》平聲桓韻:「《說文》:忘也。一曰:備発也。」

《說文》十下心部:「忘也。慲発也。从心滿聲。」

案:「慲」上,二徐竝無「一曰」。王筠《句讀》依《集韻》引補此二字, 曰:「蓋言忘謂之慲,亦謂之慲・也。」是「慲・先」爲別稱也。

醫

《集韻》平聲桓韻:「《說文》:車衡三束也。曲轅寶轉轉重轅暈縛。或作寶。」 《說文》三下革部:「車衡三束也。曲轅寶縛、直轅篝縛。从革爨聲。讀若 《論語》鑽燧之鑚。寶,寶或从革賛。」

案:「曲轅鞼縛」二徐竝同,《集韻》引「鞼」作「鞻」,是也。許書以「鞻」 爲正文,以「鞼」爲重文,當用「鞻」也。段《注》、王氏《句讀》並 改作「鞻」。大徐作「直轅搴縛」,小徐「箺」作「暈」,《集韻》引同。 許書車部曰:「暈,直轅車鞼也。」然則,大徐作「籑」誤也。

豨 貒

《集韻》平聲桓韻:「《說文》:獸也,似豕而肥。」

《說文》九下豸部:「獸也。从豸耑聲。」

案:二徐並止作「獸也」,無「似豕而肥」四字。《爾雅·釋獸釋文》引作 「獸似豕而肥」,《韻會》十四寒引作「獸也,似豕而肥」,《玉篇》注 但云「似豕而肥」,《廣韻》上平二十六桓注同。據上所引,足徵《集 韻》引不誤,而二徐本奪「似豕」等四字。

變變

《集韻》平聲桓韻:「《說文》:赤神靈之精,赤色五彩,雞形,鳴中五音。」

《說文》四上鳥部:「亦神靈之補也,赤色五采,雞形,鳴中五音。頌聲作 則至,从鳥辮聲。周成王時,氏羌獻鸞鳥。」

案:二徐並作「亦神靈之精也」、《集韻》引「亦」作「赤」、是也。《藝文類聚》九十九〈祥瑞部〉、《御覽》九百十六〈羽族部〉引皆作「赤」、知今本作「亦」誤。又《集韻》止節引至「鳴中五音」、非完文也。

望 堅

《集韻》平聲山韻:「《說文》:固也。引《詩》赤舄擊擊。」

《說文》十二上手部:「固也。从手臤聲。讀若《詩》赤舄掔掔。目鉉等日 今別作慳,非是。」

案:大徐作「讀若《詩》:赤舄擊擊」,小徐作「讀若《詩》曰:赤舄擊擊」, 許書己部卺下引作「赤舄几几」,今《詩‧豳風‧狼跋》作「几几」,《呂 氏家塾讀詩記》引董氏云:「崔靈恩集注:几几作擊擊。」許氏此處所引 或係三家異文。又「讀若」二字,蓋衍。許書一部馭下曰:「凡云讀若, 倒不用本字。」又小徐「讀若」下,有「《詩》曰」二字,亦啓人疑竇, 《集韻》作「引《詩》:赤舄擊擊」,可證許氏之舊,原無「讀若」二字。

鼻

《集韻》平聲先韻:「《說文》: 宀宀不見也。謂人處深室。」

《說文》四上自部:「宮不見也。闕。」

案:大徐作「宮不見也,闕」,小徐作「宂宀不見也,闕」,竝有譌誤。目部「矈」下云:「目旁薄緻宀宀也。」「宀宀」正所以說从臱也。「宀」, 許君訓「交覆深屋也」,《集韻》「謂人處深室」是也。

落 篅

《集韻》平聲傳韻:「《說文》,判竹圓以盛穀也。一曰:竹器。」

《說文》五上竹部:「以判竹園以盛穀也。从竹耑聲。」

案:二徐竝作「以判竹園以盛穀也」,然玄應《音義》卷四、卷十二、卷十四、卷十六、卷十七、卷十、卷十四引「判竹」上皆無「以」字,《集韻》引亦無,當非脫。「一曰:竹器」,非《說文》本有,丁度等增。

2 8

《集韻》平聲蕭韻:「《說文》:小也,象子初成之形。」

《說文》四下幺部:「小也,象子初生之形。凡幺之屬皆从幺。」

案:「象子初生之形」,二徐竝同,《集韻》引「初生」作「初成」。《六書故》引蜀本中亦有「象子初成之形」語,則《集韻》作「成」是也。王筠《句讀》依《集韻》改「生」作「成」,其《釋例》並云:「《集韻》引生作成,是也。包部云:已在中,象子未成形也。兩成字正相應。包中之》,蓋胎尚未成,故其體不備。幺則成胎三四月時,其體已備,但在胞中,四體不能展布,故象其拳曲而作呂也。若是已生,豈有此上下皆圓之子乎?」王氏之說甚有理,可從。

意 意

《集韻》平聲閱韻:「《說文》:新魚精也。从三魚不變。」

《說文》十一下魚部:「新魚精也。从三魚不變魚。徐鍇曰:三衆也。衆而 不變是鱻也。」 案:「从三魚不變」下,大徐有「魚」,小徐作「鱻」。王筠《句讀》曰:「文 義不完,似有捝字。」《繫傳》徐鍇曰:「三,眾也。眾而不變,是鱻 也。」細玩鍇語似謂从三魚不變即是鱻,「不變」下,毋須再贅「魚」 或「鱻」字,《集韻》引意已足矣。

் 連

《集韻》平聲僊韻:「《說文》:負連也。一曰:連屬。」

《說文》二下辵部:「貧連也。从辵从車。」

案:大徐本作「負連也」,小徐「負」作「員」。《集韻》引作「負連也」, 《類篇》同。嚴氏《校議》曰:「連即輦人所負以行,《管子》作服連 即負連也。」王筠《繫傳校錄》云《五音韻譜》亦作「負連也」,又 云:「《一切經音義》卷十一出負摙字,而說之曰:力剪反,《淮南子》: 捷載粟米而至,許叔重曰:捷,擔之也。今皆作輦也。筠案:此知負 連即是負捷,又即是負輦,其義則擔負牽挽之義,而非車輦之謂也, 故字屬辵部,不屬車部。」據此,知《集韻》作「負連」古義也。「一 日」者,非引《說文》,《楚語》「雲連徒州」,注:「連,屬也。」

稍 捎

《集韻》平聲爻韻:「《說文》:自關而西,凡取物之上者爲撟捎。」 《說文》十二上手部:「自關已西,凡取物之上者爲撟捎。从手肖聲。」 案:大徐作「自關已西」,小徐「已」字作「以」。《集韻》引作「而」,《方 言》:「撟,捎選也。自關而西,秦晉之間,凡取物之上謂之撟捎。」《集 韻》蓋是。

舸 疴

《集韻》平聲歌韻:「《說文》:病也。引《五行傳》時即有口疴。」

《說文》七下疒部:「病也。从疒可聲。《五行傳》曰:時即有口痾。」

案:引經,小徐作「則有口痾」,《五行傳》者,《伏生鴻範·五行傳》也, 《傳》曰:「言之不從,是謂不乂,時則有口舌之疴。」《漢書·五行志》「即」作「則」,古則、即通用。又《說文》無「痾」,《五行傳》作「疴」,《漢書·五行志》作「痾」,是知二徐本爲後人所改,《集韻》引不誤也。

瞪 瞇

《集韻》平聲戈韻:「《說文》:殘薉田也。引《詩》:大方薦嗟。」

《說文》十三下田部:「殘田也。《詩》曰:天方薦嗟。从田差聲。」

案:二徐竝作「殘田也」、《集韻》引「殘」下有「薉」字。段本依改爲「殘 薉田也」、注云:「薉字、依《集韻》、《類篇》、《韻會》所據補。殘而且 蕪之田是曰畔。」王筠《句讀》亦依補「薉」字。

祭 裻

《集韻》平聲麻韻:「《說文》: 敝衣。」

《說文》八上衣部:「弊衣。从衣奴聲。」

案:「弊衣」,二徐竝同,《集韻》引「弊」作「敝」。許書:「敝,敗衣。」《易·既濟》:「繻有衣袽。」虞翻曰:「袽,敗衣也。」《玉篇》注:「敝衣也。」蓋本《說文》,《廣韻》下平九麻注:「衣敝。」足證《集韻》作「敝」不誤也。嚴氏《校議》曰:「弊,俗獘字,非此義。」是二徐本誤矣。

瓦 际

《集韻》平聲諄韻:「《說文》:小自也。」

《說文》十四下自部:「水自也。从自辰聲。」

案:二徐竝作「水自也」、《集韻》引「水」作「小」。《玉篇》注作「小阜也」、《廣韻》上平十八諄注作「小阜名也」、是可證《集韻》引不誤。

糠

《集韻》平聲陽韻:「《說文》:馬之低卬也。一曰:馬後石足白。」

《說文》十上馬部:「馬之低仰也。从馬襄聲。」

案:「馬之低仰也」,二徐竝同,《集韻》引「仰」作「卬」。《韻會》七陽引作「低昻」,鈕氏《校錄》云「昻,古作卬。」《玉篇》注正作「低卬也」,《集韻》引蓋是。「一曰」者,非引《說文》,《爾雅·釋畜》:「馬後右足白驤。」《集韻》「右」訛作「石」,當改。

雁 怔

《說文》十上心部:「怯也,从心匡,匡亦聲。」

案:二徐竝作「怯也」、《集韻》引「怯」作「猛」,是也。許書心部無怯, 犬部猛訓:「多畏也。」其下收「怯」字,曰:「杜林說猛从心。」故 知《集韻》引爲本字。段注本亦改作「猛也」。

批 洪

《集韻》平聲唐韻:「《說文》:牝羊也。」 《說文》四上羊部:「牡羊。从羊片聲。」

案:二徐竝作「牡羊也」,然《初學記》卷廿九、《御覽》卷九百二、《韻會》七陽引皆作「牝羊也」,蓋古本如是。《爾雅·釋畜》:「羊牝牂。」 許書角部「觟」訓「牝牂羊生角者也」。《詩·苕之華》傳云:「牂羊, 牝羊也。」玄應《音義》卷十四引《字林》云:「牂,牝羊也。」是 古無以「牂」爲牡羊者。《集韻》引作「牝羊也」,正是許意。

耕耕

《集韻》平聲耕韻:「《說文》:犂也。一曰:古者井田。故从井。古作畊。」 《說文》四下耒部:「犂也。从耒井聲。一曰:古者井田。」

案:「古者井田」下,二徐並無「故从井」三字,《韻會》八庚引有,或小 徐舊本原未奪。又慧琳《音義》卷四十一,希麟《音義》卷一「耕」 注引有「或作畊,古字也」一語,《集韻》引亦云「古作畊」,與《音 義》合,故知古本有重文「畊」字,今本奪。

智 硻

《集韻》平聲耕韻:「《說文》:餘堅也。」

《說文》九下石部:「餘堅者。从石堅省。」

案:二徐竝作「餘堅者」,然《廣韻》下平十三耕引作「餘堅也」,《集韻》、 《類篇》引竝同,是「者」當作「也」,段氏本即依改爲「餘堅也」。《玉 篇》注作「堅也」,可爲旁證。

周 宏

《集韻》平聲耕韻:「《說文》:屋深也。」

《說文》七下宀部:「屋深響也。从宀広聲。」

案:二徐本並作「屋深響也」,嚴可均《校議》云:「《韻會》八庚引作『屋深也。』無『響』字。按『響』涉下文而加。」段本作「屋深也」,注曰:「各本『深』下衍『響』字。此因下文『屋響』而誤。今依《韻會》、《集韻》、《類篇》正。」《韻會》或承《集韻》,然由段、嚴二氏之說,知《集韻》不誤。

禹 霝

《集韻》平聲青韻:「《說文》:雨雾也。引《詩》靁雨其濛。」

《說文》十一下雨部:「雨零也。从雨Ⅲ。象雾形。《詩》曰:霊雨其濛。」

案:「雨零也」,二徐竝同,《集韻》引「零」作「零」,是也。《廣韻》八聲 十九鐸引作「雨零也」,《玉篇》注作「落」也,田氏《二徐箋異》以 爲「落即零,通用字」,是二徐「零」字係「零」之譌。大徐「从雨山」 下云「象零形」,尚遺其跡。

脛 樫

《集韻》平聲青韻:「《說文》: 桱桯也。東方謂之簜。」

《說文》六上木部:「桱桯也。東方謂之蕩。从木巠聲。」

案:「東方謂之蕩」,二徐竝同,《集韻》引「蕩」从竹作「簜」,《類篇》引亦同。段氏云:「桱、蕩皆牀前几之殊語也,而《方言》不義。」傅雲龍《古語考補正》云:「蕩疑當依《類篇》、《集韻》引作簜。今驗几有目竹爲者,簜乃牀前几之殊名,可補《方言》之闕。」然則《集韻》从竹,似較長。

知 經

《集韻》平聲青韻:「《說文》:溫器也。圓而直上。」

《說文》十四上金部:「溫器也。圓直上。从金巠聲。」

案:《廣韻》下平十五青引作「溫器也。圓而直上」,《集韻》引亦同。今二 徐本「圓」下奪「而」字,語氣甚促。段氏《注》、王筠《句讀》即依 補「而」字。

曆 膺

《集韻》平聲蒸韻:「《說文》: 胷也。或从骨(膺)。」

《說文》四下內部:「智也。从內確聲。」

案: 慧琳《音義》卷十四「膺」注引《說文》云「或從骨作膺」,丁福保曰:「考漢《繁陽令陽君碑》『膺天鐘慶』,蓋古本有或體膺字。」《集韻》亦曰:「或从骨。」知二徐本逸或體。

精蕕

《集韻》平聲尤韻:「《說文》:水邊艸也。一曰:臭艸。」

《說文》一下艸部:「水邊艸也。从艸猶聲。」

案:二徐竝作「水邊艸也」,無「一日」之別義。慧琳《一切經音義》卷九十七「蕕」注引《說文》,云「臭草也」,八十六卷引《左傳》杜注:「蕕,臭艸也,水邊細艸也。」據此,知許書原有二訓,《集韻》引未奪,而二徐奪「臭艸也」句,宜補。

* 關

《集韻》平聲尤韻:「《說文》:齒搚也。一曰:齰也。一曰:馬口中橜也。」 《說文》二下齒部:「齒搚也。一曰:齰也。一曰:馬口中糜也。从齒芻聲。」 案:「馬口中糜也」,二徐同,《集韻》引「糜」作「橜」,是也。司馬相如 《諫獵書》「猶時有銜橜之變」,張揖曰:「橜,騑馬口長銜也。」,又 《玉篇》引亦作「馬口中橜也」,可證。

精 兓

《集韻》平聲侵韻:「《說文》: 短抵銳意。」

《說文》八下旡部:「朁朁,銳意也。从二旡。」

案:《玉篇》「兓」下注:「兓兓,銳意也」,二徐並作「朁朁,銳意也。」 苗夔《繫傳校勘記》云:「朁朁,當作兓兓。」今《集韻》引亦作「兓兓」, 苗說是也。段氏《注》、王筠《句讀》並依《玉篇》、《集韻》引改作 「兓玩」。

謝 就

《集韻》平聲侵韻:「《說文》:燕代東齊謂信曰訦。」

《說文》三上言部:「燕代東齊謂信訦。从言冘聲。」

案:《方言》卷一「允訦,信也。齊魯之間曰允,燕代東齊曰訦。」許書說

解蓋本《方言》。大徐本作「燕代東齊謂信訦」,無「曰」字,語氣頗 嫌迫促。小徐本作「燕代東齊謂信訦也」,亦無「曰」字。然《廣韻》 下平二十一侵「訦」下引作「燕代東齊謂信曰訦」,《集韻》引「信」 下亦有「曰」字,知有曰爲宜。

| | | | | |

《集韻》平聲侵韻:「說文:木枝條棽儷也。」

《說文》六上林部:「木枝條棽儷兒。从林今聲。」

案:「木枝條棽儷兒」,二徐竝同,《集韻》引「兒」作「也」。段氏依《集韻》改,注云:「人部儷下云:棽儷也。棽儷者,枝條茂密之兒。」是「棽儷」爲狀兒之詞,不必更言「兒」也。

電 覃

《集韻》平聲覃韻:「《說文》:長味也。引《詩》:實覃實訏。或省內,古作 內。」

《說文》五下昌部:「長味也。从昌、鹹省聲。《詩》曰:實覃實吁。 查古文 覃。 意,篆文覃省。」

案:二徐引《詩》並作「實覃實吁」、《集韻》引「吁」作「訏」,是也。今《大雅·生民篇》文作「訏」。段注亦云:「《傳》曰:覃,長也。訏, 大也。許作吁,疑轉寫誤。」

續 灆

《集韻》平聲談韻:「《說文》:瓜葅也。一曰:水清。」

《說文》一下艸部:「瓜菹也。从艸監聲。」

案:二徐篆作「鹽」,解云「从艸監聲」,誤。《御覽》八百五十六〈飲食部〉 所引字義同,而字作「蓋」、《廣韻》下平二十三「談」云:「蓋,瓜菹。」 又去聲五十四「闞」云:「蓋,瓜葅也。」是可證古本篆文作「鹽」, 不作「鹽」也。若如今本,則與染青艸之「藍」無別矣。《集韻》正文 作「蓋」,不誤也。段氏篆文改作「鹽」,解作「从艸濫聲」,注云:「各 本篆作藍,解誤作監聲,今依《廣韻》、《集韻》訂。」「瓜菹」之「菹」, 《集韻》引作「葅」,俗字也。許書艸部有「菹」,訓「酢菜也」。「一 曰:水清」,非引《說文》,丁度等所增。

% 掎

《集韻》上聲紙韻:「《說文》:偏引也。」 說文十二上手部:「偏辟也。从手奇聲。」

案:《文選·琴賦》「時劫掎以慷慨」,李善《注》引作「偏引也」,小徐作「偏引」不誤,唯挽一「也」字。《集韻》引亦不誤也。大徐作「偏辟也」,非。另小徐有「一曰: 踦也」四字,《廣韻》上聲四紙引亦止作「偏引也」,而無「踦」之訓,《韻會》引亦無,今小徐本蓋後人誤沾。

謀 誄

《集韻》上聲音韻:「《說文》: 諡也。」

《說文》三上言部:「謚也。从言耒聲。」

案:二徐並作「諡也」、《集韻》引「諡」作「諡」,是也。說見「諡」字考。 段氏《注》、桂氏《義證》、王氏《句讀》亦皆作「諡」也。

园 匠

《集韻》上聲止韻:「《說文》:山無艸木也。引《詩》:陟彼屺兮。」 《說文》九下山部:「山無草木也。从山己聲。《詩》曰:陟彼屺兮。」 案:「山無草木也」,二徐竝同,《集韻》引「草」作「艸」,是也。

蘭 籐

《集韻》上聲語韻:「《說文》: 飤牛筐也。方日筐圜日籣。」

《說文》五上竹部:「飲牛筐也。从竹豦聲。方日筐。圓日簾。」

案:二徐竝作「飲牛筐也」、《集韻》引「飲」作「飤」。鈕氏《說文校錄》 云:「《集韻》引飲作飤,當不誤。」沈氏《古本考》云:「《御覽》七 百六十〈器物部〉引作飼牛筐也。」蓋古本作飤。《篇韻》亦皆作飤, 飼即飤字之俗。筐非飲器,今本之誤顯然。」《廣韻》上聲八語「隱」 注亦作「飤牛筐」,可爲旁證。

解 煤

《集韻》上聲嘆韻:「說文:撫也。一曰:愛也。」

《說文》十下心部:「煤撫也。从心某聲。讀若侮。」

案:二徐竝作「煤撫也」、《集韻》引但作「撫也」、非脫。《玉篇》、《廣韻》

上聲九麌引亦止作「撫也」,段云:「煤乃複字未刪者」是。「一曰:愛也」,非引《說文》,見《爾雅·釋詁》。

無無

- 《集韻》上聲噴韻:「《說文》:豐也。从林��、或說規模字。从大冊、數之 積也。林者木之多也。冊與庶同意。引《商書》:庶艸繁橆。」
- 《說文》六上林部:「豐也。从林��、或說規模字。从大卌、數之積也。林 者木之多也。卌與庶同意。《商書》曰庶草繁無。徐鍇曰:或說大 卌爲規模之模,諸部無者,不審信也。」
- 案:「卌與庶同意」,小徐「意」下有「也」字。引《商書》,大徐作「庶草 繁無」,小徐作「庶艸繁無」,《集韻》亦作「艸」,「無」作「橆」,此 引經證字說,作「橆」,是也。《爾雅·釋詁》:「蕪,茂,豐也。」釋 文云:「蕪,古本作橆。」今《書·洪範》作「蕃廡」。

期 期

《集韻》上聲嘆韻:「《說文》:量也。引《周禮》: 桼三魁。」

《說文》十四上斗部:「量也。从斗與聲,《周禮》曰:求三則。」

案:引《周禮》,二徐並云「求三財」,嚴可均《校議》曰:「求當作泰,形 近而誤也。《弓人職》:漆三財。漆即泰之假借。」故知《集韻》引作 「泰」,不誤也。

** 苦

《集韻》上聲姥韻:「《說文》:大苦苓也。一曰:急也。」

《說文》一下艸部:「大苦。苓也。从艸古聲。」

案:二徐竝作「大苦。苓也」、《文選》劉峻《廣絕交論》李善注引云「苦猶急也」。沈濤《說文古本考》曰:「此一曰以下之脫文,與苛字玄應書引『尤劇也』同例,唐本尚有之,今皆爲二徐妄刪去矣。」今考《集韻》十姥、《類篇》、《韻會》七麌引竝有「一曰急也」,知二徐脫「一曰」之義,《集韻》所引則爲許書原貌。王筠《說文句讀》即據上述諸家所引,增補爲:「大苦。苓也。從艸古聲。一曰:急也。」

帖 帖

《集韻》上聲姥韻:「《說文》:山有艸木也。引《詩》:陟彼岵兮。」

《說文》九下山部:「山有草木也。从山古聲。《詩》曰:陟彼岵兮。」

案:「山有草木也」,二徐竝同,《集韻》引「草」作「艸」,是也。段本亦作「山有艸木也」,注云:「艸,舊作草,誤,今正。」

《集韻》上聲準韻:「鳥名。《說文》:祝鳩也。或作隼。一曰:鶉子。」

《說文》四上鳥部:「祝鳩也。从鳥隹聲。恩允切。**食**, 雕或从隹, 一曰:鶉字。」

案:重文「隼」下,大徐作「一曰:鶉字」,小徐作「一曰:鷻字」,《詩·四月》「匪鶉匪鳶」,許書鷻字下引作「匪鷻匪鳶」,是「鶉」、「鷻」字通。王筠《句讀》:「一曰:鶉字。」下注云:「此四字,文不成義。玄應曰:隼,又作鶉。同思尹反。蓋即據此文也。《廣雅》:隼,鶉也。則是一物而非一字。《集韻》引作鶉子,顏師古亦作子。」是《集韻》引作「鶉子」,不謬也。

觀

《集韻》上聲阮韻:「《說文》: 鳥也。其雌皇。」

《說文》四上鳥部:「鳥也。其雌皇。从鳥匽聲。一曰:鳳皇也。」

案:二徐竝有「一曰:鳳皇也」句,《集韻》引無。小徐本楚金案語云:「《爾雅》注即鳳一名。」王筠《句讀》以爲「一曰:鳳皇也」,爲校者詞也,其說曰:「彼見別本鳥也作鳳也,故記之,特衍一皇字耳。」然則,《集韻》所見蓋未經妄增之舊本也。

繭繭

《集韻》上聲銑韻:「《說文》:蠶衣也。从糸、从虫、芇聲。古作絸。」 《說文》十三上糸部:「蠶衣也。从糸从虫。黹省。ೀ,古文繭从糸見。」

案:大徐作「从糸从虫。黹省」,小徐作「從糸從虫。薾省」,段云:「各本作黹省,黹不得繭會意。」王筠《句讀》改作「從糸從虫。芇聲」,注云:「《字鑑》引如此。」又云:「蒼頡《解詁》曰:繭,未繰也。字從虫從糸,芇聲。」然則,《集韻》引是也。

崩翦

《集韻》上聲懂韻:「《說文》:羽生也。一曰:矢羽。」

《說文》四上羽部:「羽生也。一曰: 美羽。从羽前聲。」

案:「一曰: 美羽」, 二徐竝同, 《集韻》引「美」作「矢」。考《玉篇》、《廣韻》上聲五旨皆以「美」爲「矢」之俗字, 然則《集韻》引用本字也。

櫃 嫡

《集韻》上聲獨韻:「《說文》:順也。引《詩》:婉兮嬌兮。或作變。」

《說文》十三下女部:「順也。从女衝聲。《詩》曰婉兮嫡兮。豐,籀文嬪。」

案:重文「孌」下,二徐竝云「籀文」、《集韻》云「或作孌」。《玉篇》「嬌」 下次「孌」,注云:「力轉切。慕也。亦同上。」《玉篇》雖作重文,而 別加音義,竝不云籀文。」則《集韻》云「或文」蓋是。許書「孌」 字兩見,說又見「孌」字考。

% 蛸

《集韻》上聲玃韻:「《說文》: 肖也。」

《說文》十三上虫部:「蜎也。从虫自聲。」

案:二徐竝作「蜎也」,段氏改爲「肙」,注云:「肙,各本作蜎,仍複篆文,不可通。考內部員下云:小蟲也。今據正。」王筠《句讀》亦作「肙也」,並云:「依《集韻》引改。」然則,《集韻》引不謬也。

从从

《集韻》上聲養韻:「《說文》:二入也。兩字从此。」

《說文》五下从部:「二入也。兩从此。闕。」

案:二徐均作「兩从此」,《集韻》引「兩」作「兩」,且其下增「字」字。 許書:「兩,再也。」「兩,二十四銖爲一兩。」則《集韻》作「兩」 是也。段注本亦改作「兩」。《玉篇》「从」注引《說文》作「二入也。 兩字从此。」「兩」作「兩」雖非,然下有「字」,可證《集韻》引不 誤也。

粗 駬

《集韻》上聲蕩韻:「《說文》:牡馬也。一曰:馬蹲駔也。一曰:市儈。」

《說文》十上馬部:「牡馬也。从馬且聲。一曰:馬蹲駔也。」

案:「一曰:市儈」,今二徐本無。王筠《句讀》依《類篇》引補此四字,《類篇》蓋本《集韻》也。王云:「《廣韻》: 駔,會馬市。其文完備。《後漢書·郭太傳注》引《說文》: 駔,會也。而說之曰:謂合兩家之賈賣,如今之度市也。」考《御覽》八百二十〈資產部〉引作「駔,市儈」,知古本有此一訓。

楷 楷

《集韻》上聲梗韻:「《說文》:木參交以支炊籅者也。」

《說文》六上木部:「木參交以枝炊籅者也。从木省聲。讀若驪駕。臣鉉等 曰:驪駕,未詳。」

案:「木參交以枝炊籅者也」,二徐竝同,《集韻》引「枝」作「支」,並云:「薁,漉米籔也;籔,炊薁也。薁籔二字爲一物,謂米既淅將炊,而漉之令乾。又以三交之木支以薁,則瀝乾尤易也。」王筠《句讀》亦云:「籔,炊薁也;薁,漉米籔也。交木以支薁,则瀝乾尤易也。」王筠《句讀》亦云:「籔,炊薁也;薁,漉米籔也。交木以支薁,使水下也。」二氏皆主當作「支」,然則《集韻》引是也。

司有

《集韻》上聲有韻:「《說文》:不宜有也。引《春秋傳》:日有蝕之。一曰: 質也。」

《說文》七上有部:「不宜有也。《春秋傳》曰:日月有食之。从月又聲。」 案:引《春秋傳》,二徐竝作「日月有食之」,段注云:「日下之月,衍字也。」吳玉搢《說文引經考》亦云:「《春秋》書日食三十六,自隱三年始,無書月食者,此誤衍『月』字。」《集韻》引「日」下無「月」字,是也。又「食」字,《集韻》引作「蝕」,俗字也。隱三年何休《公羊傳》注:「不言月食之者,其形不可得而覩也,故疑言『日有食之』。」何邵公漢人也,其說可信,知「日」下不當有「月」,「蝕」當作「食」。「一日」者,非引《說文》,《廣雅・釋詁》三:「有,質也」。

美

《集韻》上聲有韻:「《說文》:進善也。文王拘羑里在蕩陰。」

《說文》四上羊部:「進善也。从羊久聲。文王拘羑里在湯陰。」

案:「文王拘羑里在湯陰」,二徐竝同。《集韻》引「湯」作「蕩」。段氏注亦作「蕩」,並云:「蕩各本作湯,誤,今正。水部正作蕩陰。漢二《志》皆云:河內郡蕩陰有羑里,西伯所拘。音湯。」是《集韻》引不誤也。

" 探

《集韻》上聲厚韻:「《說文》:衣上攴也。」

《說文》十二上手部:「衣上擊也。从手保聲。」

案:二徐竝作「衣上擊也」,《集韻》引「擊」作「攴」,《類篇》同。段云: 「攴者,小擊也。」桂馥《段注鈔案》云:「今俗語亦如是。」王筠《句 讀》曰:「此謂振去衣上塵也。」然則,似以《集韻》引意較勝。

稔

《集韻》上聲覆韻:「《說文》:穀孰也。引《春秋傳》:鮮不五稔。」

《說文》七上禾部:「穀熟也。从禾念聲。《春秋傳》曰:鮮不五稔。」

案:二徐竝作「穀熟也」,「熟」爲「孰」之俗字,《集韻》引是也。小徐引《春秋傳》,無「鮮」字,宜補。此《左傳》昭元年文。

္ 啖

《集韻》上聲叙韻:「《說文》: 噍啖也。或作噉。」

《說文》二上口部:「噍啖也。从口炎聲。一曰:噉。」

案:「一曰:噉」,丁福保曰:「慧琳《音義》七卷五頁,五十七卷十八頁噉注引《說文》『噍也。从口敢聲。或作啖。』疑古本啖爲噉之或體,爲傳寫者所誤倒耳。」案《玉篇》、《廣韻》上聲四十九敢皆列「噉」爲正文,「啖」爲重文,丁氏所疑,可得佐證。《韻會》引「一曰:噉。」作「或作噉。」知二徐「一曰」者,乃後人誤入。《集韻》引不云「一曰」,而以爲或體,是也。

睒 睒

《集韻》上聲琰韻:「《說文》:暫視也。」

《說文》四上目部:「暫視也。从目炎聲。讀若白,蓋謂之苦相以。」

案:二徐竝作「暫視兒」,《文選·吳都賦》「忘其所以睒睗」李注、玄應《一

切經音義》卷一皆引作「暫視也」,蓋古本作「也」不作「兒」,《集韻》 引不誤。

檢 獫

《集韻》上聲琰韻:「《說文》:長喙犬。一曰:黑犬黃顧。」

《說文》十上犬部:「長豕犬。一曰:黑犬黃喙。从犬僉聲。」

案:「一曰:黑犬黃喙」,二徐竝同,《集韻》引「喙」作「顫」。唐徐堅《初學記》二十九獸部引亦作「顫」,是知《集韻》引不誤。王筠《句讀》即依《初學記》引改作「黑犬黃顫」。

楊 锋

《集韻》上聲豏韻:「《說文》:犬容頭進也。一曰:賊也。」

《說文》十上犬部:「犬容頭進也。一曰:賊疾也。」

案:「一曰:賊疾也」,二徐竝同,《集韻》引止作「賊也」。考《廣韻·釋 詁》三云「珍,賊也」,《玉篇》注同,則二徐「疾」字係衍文。

鄭 剽

《集韻》去聲至韻:「《說文》: 刖鼻也。引《易》, 天且劇。或从鼻(劓)。」 《說文》四下刀部:「刑鼻也。从刀臬聲。《易》曰: 天且劇。у, 臬或从 鼻。」

案:鍇本作「刖劓也」,「刖」字是,「劓」字則譌。許書刀部曰「刖,絕也」,「刑」,剄也,剄謂斬頭也,是大徐作「刑」誤;而「劓」字,許曰「刖鼻也」,是劓爲狀字,當非此之用。《集韻》引作「刖鼻也」,不誤,段本亦同。

《集韻》去聲未韻:「《說文》: 飲食屰氣不得息曰 · 从反欠、古作 · 。」 《說文》八下 · 「飲食气屰不得息曰 · 、从反欠。今變隸作 · 、 · 、 · 古

文
 文
 元
 。
 」

案:「气屰不得息」,二徐竝同,《集韻》引「气屰」作「屰气」,是也。《玉篇》注作「飲食逆氣不得息也」,《廣韻》去聲入未注亦同,可證《集韻》不誤。王筠《句讀》即依《集韻》乙轉爲「屰气」。

稨 耔

《集韻》去聲遇韻:「《說文》:結也。」

《說文》九上髟部:「髻也。从髟付聲。」

案:二徐竝作「髻也」、《集韻》引「髻」作「結」、是也。許書無「髻」, 用結爲髻、故髟部結字凡四見、皆今之髻字也。「觸」注下、段云:「結, 今之髻字也」。段氏《注》、桂氏《義證》、王氏《句讀》「鬌」訓皆作 「結也」。

峨毗熱

《集韻》去聲祭韻:「《說文》:多言也。引《詩》:無然呭呭。或作詍。」

《說文》二上口部:「多言也。从口世聲。《詩》曰:無然呭呭。」

《說文》三上言部:「多言也。从言世聲。《詩》曰:無然詘詘。」

案:許書「呭」、「詍」二字訓同,各分屬口部、言部,《集韻》引則將後者 併入「呭」字條下。今《詩,大雅,板篇》「無然泄泄」、《釋文》云: 「泄,《說文》作呭。」是元朗所見以「呭」爲正字。嚴可均《校議》 曰:「言部有詍字,當與此爲重文。」然則,《集韻》以「詍」爲「呭」 之重文,不誤也。

数 執

《集韻》去聲祭韻:「《說文》:種也。从坴風。持而種之。引《詩》:我埶黍 稷。徐鍇曰:坴,土也。一曰:枝能也。」

《說文》三下**见**部:「種也。从坴**见**。持<u>亟</u>種之。《書》曰:我熱黍稷。徐鍇曰:幸土也。」

案:大徐作「持亟種之」,小徐作「持種之」,《集韻》作「持而種之」,三 說似以《集韻》語氣較完。鈕氏《校錄》、嚴氏《校議》、王筠《句讀》 並主作「持而種之」,「我埶黍稷」《詩·小雅·楚茨》文,大徐作「《書》 曰」,「書」當爲「詩」之譌。小徐作「《詩》曰」,《集韻》作「引《詩》」, 不誤也。「一曰:枝(當爲技之誤)能也」,非引《說文》,乃丁度等所 增。《禮記·文王世子》「曲藝皆誓之」,注:「小技能也。」

雅 郝

《集韻》去聲夳韻:「《說文》: 郝郡。」

《說文》六下邑部:「沛郡。从邑市聲。」

案:《繫傳》作「沛國縣」,嚴氏《校議》云:「《地理志》作郡,《郡國志》作國。」則大小徐各有所依,小徐本又爲後人妄加「縣」字。《集韻》引從大徐,「沛」作「耐」,《繫傳》楚金案語云:「沛本作此(祁),沛,假借也。」然則作「祁」是也。

輩 輩

《集韻》去聲隊韻:「《說文》:若軍發車百兩爲一輩也。」

《說文》十四上車部:「若軍發車百兩爲輩。从車非聲。」

案:「爲」下,《續古逸叢書》本,岩崎氏本竝有闕文,祁刻《繫傳》則逕接「輩」字。沈乾一曰:「唐寫本《玉篇》輩注引作「軍發車百乘爲一輩。」字句與二徐小異,然可證《集韻》引作「爲一輩」不誤。

熱

《集韻》去聲代韻:「《說文》: 設飪也。」

《說文》三下踂部:「設食也。从踂从食才聲。讀若載。」

案:鍇本作「設餁也」,鈕氏《校錄》云:「《繫傳》飪作餁,非。」《說文》有「飪」無「餁」,食部「飪,大孰也。」《集韻》作「飪」是也。王筠《句讀》亦作「設飪也」,注云:「飪,一作食,非也。此義經典借載爲之,《公食大夫禮》:『載者四面,魚腊飪,載體進奏』,然則既飪而後載之,而饗禮兼有腥者。」

籍 縉

《集韻》去聲稕韻:「《說文》: 帛赤色也。引《春秋傳》: 縉雲氏。」

《說文》十三上糸部:「帛赤色也。《春秋傳》: 縉雲氏。《禮》有縉緣。从糸晉聲。」

案:「縉雲氏」下,二徐並有「《禮》有縉緣」四字,《集韻》未引。段曰: 「凡許云《禮》者,謂《禮經》也,今之所謂《儀禮》也。十七篇無 縉緣,俟考。」王筠《句讀》曰:「《禮》有縓緣而無縉緣。《集韻》、 《韻會》皆不引此句,豈刪之邪?抑本係衍文邪?」是《集韻》無此 句,亦有故也。

鍎 遁

《集韻》去聲恨韻:「《說文》:遷也。」

《說文》二下辵部:「遷也。一曰:逃也。从辵盾聲。」

案:「遷也」下,二徐竝有「一曰:逃也」四字,《集韻》無。段氏「一曰: 逃也」下注云:「此別一義,以遁同遯,蓋淺人所增。」王筠《釋例》 云:「遁下云一曰逃也,此後人逐遯下說於此也,茂堂說是。案:遁字, 古蓋與循同聲,不與遯同聲。《聘禮》:賓辟不答拜,鄭注:辟位逡遁, 《過秦論》:遁逡而不敢進,遁逡即逡巡之倒文也。」然則,《集韻》 引無「一曰」義,乃爲眞本。

章 莫

《集韻》去聲霰韻:「《說文》:置祭也。从酋。酋,酒也。下其丌也。《禮》 有奠祭。一曰:定也。」

《說文》四上酋部:「置祭也。从酋,酋,酒也。下其丌也。《禮》有奠祭者。」 案:「《禮》有奠祭者」,二徐竝同。嚴氏《校議》云:「《韻會》十七霰引 《禮》有奠祭下無者字。」段氏依《韻會》刪「者」字,竝注云:「《說 文》:《禮》有刷巾、《禮》有柶、《禮》有縉緣,句法皆同,無者是也。」 《集韻》引「祭」下亦無「者」字,然則《集韻》引不誤也。「一曰: 定也」,非引《說文》,丁度等所增益也。

蓼藋

《集韻》去聲嘯韻:「《說文》: 堇艸也。一曰:拜商藋。」

《說文》一下艸部:「釐艸也。一曰:拜商藋。从艸翟聲。」

案:大徐作「釐艸也」,小徐「釐」作「荲」,《集韻》引作「堇」,三者互 異。《廣雅·釋草》云:「堇,藋也。」《名醫別錄》云:「蒴藋,一名 堇艸,一名芨。」許書「芨」篆次於「藋」後,訓「堇艸也。」朱駿 聲《說文通訓定聲》云:「芨、堇一聲之轉」。《五音韻譜》、《韻會》十 八嘯引皆作「堇艸」,是知《集韻》不誤。《釋文·爾雅音義》「藋」下 云:「《說文》、《廣雅》皆云堇也。」《釋文》引奪一「艸」字。大徐作 「釐艸也」者,疑涉上篆「讀若釐」而誤;小徐作「荲艸也」者,或 涉上文「荲」篆而誤。

翳影

《集韻》去聲号韻:「《說文》:翳也。所以舞也。引《詩·》:左執翳。」 《說文》四上羽部:「翳也。所以舞也。从羽設聲。《詩》曰:左執翻。」

案:二徐引《詩》俱作「左執翿」、《集韻》引「翿」作「翳」、是也。此引《詩》以證字、當從篆作「翳」。《說文》無「翻」、「翿」乃「翳」之俗、今《詩·王風·君子陽陽》作「左以執翿」、用俗字也。

騰 漾

《集韻》去聲漾韻:「《說文》:水出隴西氐道,東至武都為漢。一曰水皃。 古从養。」

《說文》十一上水部:「水出隴西相道,東至武都爲漢。从水羕聲。古文从 養。」

案:《漢書·地理志》:「隴西郡氐道縣,《禹貢》養水所出。」《繫傳》楚金亦云:「《漢書》漾出氐道縣,至武都爲漢水。」故知《集韻》引云「氐道」,不誤也。《水經・漾水篇》注,酈道元引作「獂道」而駁之,今大徐本作「相道」,小徐本作「柏道」,蓋獂之聲誤爲桓,再誤爲「相」與「柏」也。「一曰:水兒」,非引《說文》,《後漢書・馬融傳注》:「瀇、瀁、流、漭,並水兒也。」

駕 餾

《集韻》去聲宥韻:「《說文》:飯气烝也。」

《說文》五下食部:「飯气蒸也。从食留聲。」

案:二徐竝作「飯气蒸也」、《集韻》引「蒸」作「烝」。許書艸部「蒸」訓「析麻中榦也」、火部「烝」訓「火气上行也」、故知作「烝」是也。《詩·泂酌·正義》引作「飯气流也」、王筠《句讀》曰:「謂飯以气烝之,不入水煮之也」。段氏即依《正義》改,注曰:「餧下云:馬食穀多气,流四下也。然則飯气流者,謂气液盛流也。」段說亦有證,可備此一說。

雞 雞

《集韻》去聲宥韻:「《說文》: 鳥大雛也。一曰: 雉之莫子爲雡。」

《說文》四上隹部:「鳥大舞也。从隹翏聲。一曰:雉之莫子爲雡。」

案: 鉉本作「鳥大舞也」, 丁福保云:「舞宜作雛。」然則《集韻》引不誤。 鍇本則作「天鸙也」, 案許書鳥部有「驂」訓「天龠也」, 段氏於「雞」 下注云:「此與驂別, 而俗通用鷚。」知後人誤仞鷚注而改鍇本。《文 選·吳都賦》「翳薈無驛鷚」李注引作「大雛也」, 是可證福保之說與 鍇本之誤。

糤樕

《集韻》入聲屋韻:「《說文》:樸樕小木。」 《說文》六上木部:「樸樕木。从木敕聲。」

案:二徐並止作「樸樕木」、《集韻》引「木」上有「小」字。《詩·召南》「林 有樸樕」、《傳》:「樸樕、小木也。」是《集韻》引與《毛傳》合,另《五 音韻譜》、《韻會》、《類篇》引皆有「小」字,段氏《注》、王筠《句讀》 並依補。

擀 衛

《集韻》入聲質韻:「《說文》:將衛也。古作衛。」

《說文》二下行部:「將衞也。从行率聲。」

鞠 蒴

《集韻》入聲屋韻:「《說文》:日精也。似秋華。或省(歎)。」

《說文》一下艸部:「日精也。从秋華。从少入**蘋或艸類省聲。��,蘋或省。」** 案:二徐本並作「日精也,以秋華」,「以秋華」三字不詞,《玉篇》、《廣韻》 引「以」皆作「似」,《五音韻譜》、《類篇》引亦同。故知《集韻》引

不誤。

平 은

《集韻》入聲術韻:「《說文》: 五指捋也。」

《說文》四下受部:「五指持也。从受一聲。讀若律。」

案:二徐本竝作「五指持也」,嚴章福《說文校議》云:「一宋本、李燾本 及《集韻》六術、《類篇》引持作捋,此作持,恐誤。」嚴說蓋是,《玉 篇》「守」訓「五指。亦作捋取也。摩也」,可證。

浴 淬

《集韻》入聲沒韻:「《說文》:觸也。一曰:駭也。一曰:倉踤。」

《說文》二下足部:「觸也。从足卒聲。一曰:駭也。一曰:蒼踤。」

案:「一曰:蒼踤」,二徐竝同。《集韻》引「蒼」作「倉」。「蒼踤」二字, 古書多用「倉卒」,許書「趀」下云「倉卒也」,是「蒼」宜作「倉」。

營 磐

《集韻》入聲屑韻:「《說文》: 踶也。一曰: 跂也。」

《說文》二下足部:「踶也。从足敝聲。一曰:跛也。」

案:「一日」之義,二徐竝作「跛也」,《集韻》引「跛」作「跂」是也。《莊子·馬蹄篇》:「蹩躃爲仁,踶跂爲義。」《國語·魯語》:「踦跂畢行,無有處人。」章注云:「踦跂,跘蹇也。」王筠《句讀》即依《集韻》引改作「一日:跂也」。

解 斯

案:二徐重文「¶」下,並云:「篆文折从手。」《集韻》引作「隸从手」是也。段氏於「篆文斯从手」下注云:「按此唐後人所妄增,斤斷艸,小篆文也。艸在仌中,籀文也。從手從斤,隸字也。《九經字樣》云:『《說文》作斯,隸省作折。』《類篇》、《集韻》皆云『隸从手』,則『折』非篆文明矣。」考《玉篇》亦云「今作折」,則「折」非篆文,其不出《說文》,尤曉然可見。

臂 脟

《集韻》入聲醉韻:「《說文》:脅肉也。一曰:腸間脂也。一曰:膫也。」

《說文》四下內部:「脅內也。从內守聲。一曰: 脟, 腸間肥也。一曰: 膫 也。」

案:「脟」字第二義,二徐並云「腸間肥也」,《集韻》引「肥」作「脂」, 段注云:「肥當作脂,此別一義,謂禽獸也。下文云:膫,牛腸脂也。 腸脂謂之脟,一名膫。」如是,則《集韻》引不誤也。

能 汋

《集韻》入聲藥韻:「《說文》:激水聲也。一曰:井一有水一無水謂之瀱汋。 一曰:陂名,在宋。」

《說文》十一上水部:「激水聲也。从水勺聲。井一有水一無水謂之瀱汋。」

案:大徐作「井一有水一無水謂之瀱汋」,小徐「井」上有「一曰」二字,「謂 之」作「爲」。汋,本訓激水聲也,井一有水一無水爲別義,「一曰」二 字當有。許書「汋」「瀱」連文,「瀱」下亦曰:「井一有一無水謂之瀱汋。」 是小徐作「爲」,誤。「一曰:陂名,在宋」,非許書原文,丁氏等所增益。

麗 昆

《集韻》入聲藥韻:「《說文》:獸也。似兔青色而大。」

《說文》十上**起**部:「獸也。似兔,青色而大。象形。頭與兔同。足與鹿同。 **含**,篆文。」

案:二徐並有重文「內」,大徐云:「篆文」。小徐云:「籀文」,《集韻》未收。嚴氏《校議》曰:「內,籀文,一宋本作篆文。按:《左傳》、《漢書》皆作奠,當是毘之重文。今此內體與內相近,疑許書轉寫有脫爛,校者遂以免字當籀文也。」是《集韻》不收,或有然也。

騰濩

《集韻》入聲鐸韻:「《說文》:雨流霤下皃。一曰:渃,大水。一曰:蠖濩, 宫室深邃。一曰:活也。」

《說文》十一上水部:「雨流霤下。从水蒦聲。」

案:《廣韻》入聲十九鐸「濩」注引《說文》作「雨流霤下兒」,《集韻》鐸韻引、《韻會》十藥引竝同。故知大徐敚一「兒」字,小徐作「雨流霤下兒也」,又衍一「也」字。三「一日」義,竝非引《說文》,丁度等所增益。

淵脈

《集韻》入聲陌韻:「恐懼也。《說文》:引《易》:履虎尾虩虩。一曰:蟲名。 蠅虎也。」

《說文》五上虎部:「《易》:履虎尾虩虩。恐懼。一曰:蠅虎也。从虎貨 聲。」

案:「恐懼」二字,大小徐竝在引《易》「履虎尾虩虩」下,《集韻》則在引《說文》上,並加「也」字。王筠《句讀》曰:「知所據亦如今本,爲其不成文而迻之也。」又「一曰:蠅虎也」,二徐竝同,《集韻》引「蠅虎」上有「蟲名」二字,蓋以己意益之也。

举 屰

《集韻》入聲陌韻:「《說文》:不順也。从干,下口屰之也。」

《說文》三上干部:「不順也。从干,下中並之也。」

案:小徐作「逆不順也」,「逆」字符。「下少逆之也」,小徐「少」作「凵」, 《集韻》引同。段注云:「凵,口犯切。凶下云:象地穿交,陷其中也。 方上干而下有陷之者,是爲不順逆之也。」然則,作「凵」是也。

奭 奭

《集韻》入聲昝韻:「《說文》:盛也。北燕召公名。古作奭。」

《說文》四上面部:「盛也。从大、从面、面亦聲。此燕召公名。讀若郝。《史篇》名醜。徐鍇曰:《史篇》謂所作《蒼頡》十五篇也。喚,古文奭。」

案:「此燕召公名」,二徐竝同,《集韻》引「此」作「北」,初疑爲形誤,然王筠《句讀》依《集韻》改爲「北燕」,云:「燕,姞姓,黃帝之後,見左隱公五年《傳》。」又云:「襄公二十八年,北燕始見于傳,召康公受封,後於伯鮍,故稱北以別之。」考左隱五年《傳》「衛人以燕師伐鄭」下,《正義》曰:「燕有二國,一稱北燕,一稱南燕。」襄廿八年《傳》「夏,齊侯、陳侯、蔡侯、北燕伯……朝于晉」,《正義》引《春秋列國譜》云:「北燕,姬姓,召公奭之後。」然則《集韻》引似較勝。

辅 飄

《說文》四上鳥部:「鸊鷈也。从鳥辟聲。」

案: 鍇本作「鸊鷉也」,二徐、《集韻》引形聲偏旁左右各不同,許書「鐴」 「鷈」二字皆右形左聲,故當以《集韻》引爲是。

謝 逖

《集韻》入聲錫韻:「《說文》:遠也。引《詩》:舍爾介逖。古从易。」

《說文》二下辵部:「遠也。从辵狄聲。ٷ,古文逖。」

案:二徐竝訓「遠也」,然未引《詩》。「舍爾介逖」《大雅·瞻卬》文,「逖」 今作「狄」,《毛傳》以「遠」釋之。《集韻》引《詩》固有所據,今本 奪漏,宜補。

襲

《集韻》入聲緝韻:「《說文》:左衽袍也。一曰:因也。籀作饕。」

《說文》八上衣部:「左衽袍。从衣龖省聲。響,籀文襲不省。」

案:二徐竝作「左衽袍」、《集韻》引衍「也」字。「一曰:因也。」二徐本無、《文選》劉孝標《廣絕交論》:「盛衰相襲。」李注引:「襲,因也。」蓋古本有此一訓,今二徐本奪、《集韻》引不誤也。襲之訓因,屢見《禮記》、《淮南》等注,及《廣雅》、《小爾雅》諸書。

熠熠

《集韻》入聲緝韻:「《說文》:盛光也。引《詩》:熠燿宵行。」

《說文》十上火部:「盛光也。从火習聲。《詩》曰:熠熠宵行。」

案:引《詩》,大徐作「熠熠宵行」,小徐作「熠耀」,無「宵行」二字。 今《詩‧豳風‧東山》作「熠燿宵行」,《正義》曰:「熠燿者,螢火 之蟲,飛而有光之兒。」是《集韻》引爲長。

燃 婚

《集韻》入聲合韻:「《說文》: 俛伏也。一曰: 服意。」

《說文》十二下女部:「俛伏也。从女沓聲。一曰:伏意。」

案:「一曰:伏意」,二徐竝同,《集韻》引「伏」作「服」。段氏亦作「服

意也」,注云:「服,各本作伏,今依《集韻》、《類篇》正。悅服之意也。」王筠《句讀》亦依《集韻》引改作「一曰:服意」。

葉葉

《集韻》入聲葉韻:「《說文》: 楄也。一曰: 薄也。」

《說文》六上木部:「楄也。某,薄也。从木世聲。臣鉉等曰:當从者乃得聲。」

案:二徐竝作「楄也。某,薄也。」段注云:「某上當有『一曰』二字,凡 木片之薄者謂之某。」王筠《句讀》於「某」上加「一曰」云:「依《集 韻》引補,蓋蠶薄也。」如是,則《集韻》引不謬也。楄,方木也; 薄,另一義也,故以「一曰」別之。

二、《集韻》與大徐是,小徐非者

(計六百三十字)

第 東

《集韻》平聲東韻:「許慎《說文》:動也。从木,官溥說。从日在木中。一 曰:春方也。」

《說文》六上東部:「動也。从木,官溥說。从日在木中。」

案: 鍇本無「从木。官溥說」。五字,田氏《二徐箋異》曰:「从木者,東 方曰木之意也,此官溥說也,許所博采通人之一也。」是此五字當有, 鍇本葢敚。「一曰:春方也」,非引《說文》,見《玉篇》。

襟 凍

《集韻》平聲東韻:「《說文》:水出發鳩山,入於河。《爾雅》:暴雨謂之凍。 引《楚辭》:使凍雨兮灑塵。一曰:瀧凍沾漬。」

《說文》十一上水部:「水出發鳩山,入於河。从水東聲。」

案:小徐本「入」下無「於」。《廣韻》上平東引同大徐,又《韻會》引作 「入于河」,知小徐舊本不誤。「《爾雅》」以下,非引《說文》,「暴雨 謂之凍」,見《釋天》;「《楚辭》」云云,見《大司命》;「一曰:瀧凍沾 漬」,見《方言》。

闡矇

《集韻》平聲東韻:「《說文》:童矇也。一曰:不明也。」

《說文》四上目部:「童矇也。一曰:不明也。从目蒙聲。」

案:「矇」字,小徐及段《注》皆作「蒙」,然據邵瑛《說文解字羣經正字》云:「蒙,《說文》艸部云:玉女也。(應作「王女」,唐《開成石經》正作「王女」)从艸家聲·····此其義與童矇義迥異。」故仍以作「矇」爲妥。又據沈濤《說文古本考》云:「《後漢書·寶融傳·注》引『有眸子而無見曰矇』,蓋古本如是。《詩傳》云:『有眸子而無見曰矇』,許君正用毛義也。童蒙乃家字之一訓,見《華蔚經音義》,二徐刪後而妄竄于此。」今姑存其說。

遂 髮

《集韻》平聲東韻:「《說文》: 斂足也。鵲鵙醜,其飛也髮。」

《說文》五下夂部:「斂足也。鵲鵙醜,其飛也髮。从夂兇聲。」

案:「鵲鵙」之「鵙」,小徐作「鶪」,是也。許書鳥部有「鶪」無「鵙」,「鶪」 訓「伯勞也」。今《爾雅·釋鳥》:「鵲鵙,醜其飛也騣。」亦用俗字。

雜 豵

《集韻》平聲東韻:「《說文》: 生六月豚。一曰: 一歲豵, 尚叢聚也。」

《說文》九下豕部:「生六月豚。从豕從聲。一曰:一歲豵,尚叢聚也。」

案:「尚叢聚也」,小徐「叢」作「藂」。「藂」為俗體,當以大徐及《集韻》 引為是。

薆薆

《集韻》平聲東韻:「《說文》:青齊沇冀謂木細枝曰葼。」

《說文》一下艸部:「青齊沇冀謂木細枝曰葼。从艸嵏聲。」

案:「沇」字,小徐本作「兖」。田吳炤《二徐箋異》云:「兖州之兖,史遷 正作沇,兖横在上隸變如此。」

ぬ 淬

《集韻》平聲東韻:「《說文》:直流也。一曰:涳濛細雨。」

《集韻》平聲江韻:「《說文》:直流也。」

《說文》十一上水部:「直流也。从水空聲。」

案:小徐作「口流也。」,「流」上闕文。《集韻》兩引皆同大徐。「一日」

者,非引《說文》,丁氏等所增。

豐豐

《集韻》平聲東韻:「《說文》:大屋也。引《易》: 鹽其屋。」

《說文》七下宀部:「大屋也。从宀豐聲。《易》曰:豐其屋。」

案:引《易》,小徐作「豐其屋」,今《易·豐卦》作「豐」,《釋文》云: 「豐,《說文》作寷,大屋也。」許君引《易》,葢證字也,當作「寷」 爲宜。

解 娀

《集韻》平聲東韻:「《說文》:帝高辛之妃偰母號也。引《詩》有娀方將。」

《說文》十二下女部:「帝高辛之妃偰母號也。从女戎聲。《詩》曰:有娀方 將。」

案:「偰」字,小徐作「禼」。許書内部曰:「禼,讀若偰。」人部偰字曰:「高 辛氏之子,堯司徒殷之先也。」則二字或以同音叚用也。

神冲

《集韻》平聲東韻:「《說文》:涌搖也。一曰:和也。」

《說文》十一上水部:「涌搖也。从水中,讀若動。」

案:「搖」字,小徐作「繇」。然《韻會》引作「搖」,知小徐本舊亦如此。《五 音韻譜》亦作「搖」。「一曰:和也」,非引《說文》,丁氏等所增。

鈴 鉵

《集韻》平聲冬韻:「說文:梠屬。」

《說文》十四上金部:「相屬。从金蟲省聲,讀若同。」

案:小徐作「耜屬」,然《說文》無「耜」字,仍當以大徐爲是。

裔 春

《集韻》平聲鍾韻:「《說文》: 擣粟也。古者雝父初作舂。一曰:山名,日 所入。」

《說文》七上臼部:「擣粟也。从卅持杵臨臼上。午,杵省也。古者雝父初 作舂。」 案:《繫傳》作「擣米也」,段氏從大徐作「擣粟也」,注云:「言粟以晐他穀,亦言粟以晐米。」是大徐較長。「一曰:山名,日所入」,非引《說文》,丁度等所增。《穆天子傳》「春山之瑤。」

加 从

《集韻》平聲鍾韻:「《說文》:相聽也。从二人。」

《說文》八上从部:「相聽也。从二人。」

案:鍇本作「相聽許也」,「許」字葢衍。《廣韻》上平三鍾引作「相聽也」,《玉篇》注亦同。

對 葑

《集韻》平聲鍾韻:「《說文》:須從也。」

《說文》一下艸部:「須從也。从艸封聲。」

案:小徐作「蕦蓯也」。田吳炤《二徐箋異》云:「須從不必有艸,小徐本 乃諓人肊加,《爾雅》:『須,葑蓯』,須字正無艸,可證。」段《注》、 桂馥《義證》、王筠《句讀》、朱氏《通訓定聲》皆作「須從」,故知大 徐、《集韻》引不誤。

裔 容

- 《集韻》平聲鍾韻:「《說文》:盛也。从一谷。徐鉉曰:屋與谷,皆所以盛 受。古作容。」
- 《說文》七下一部:「盛也。从一谷。臣鉉等曰:屋與谷皆所以盛受也。囚, 古文容,从公。」
- 案:「从一谷」,小徐作「从一谷聲」,段云:「谷古音讀如欲,从雙聲龤聲 也。鉉本作从一谷,云屋與谷皆所以盛受也,亦通。」

熟餌

- 《集韻》平聲鍾韻:「《說文》:魚名,皮有文,出樂浪東暆。神爵四年,初 捕收輸考工。周成王時,揚州獻鰅。一曰:鱅鱅狀如犂牛。」
- 《說文》十一下魚部:「魚名,皮有文,出樂浪東暆。神爵四年,初捕收輸 考工。周成王時,揚州獻鰅。从魚禺聲。」
- 案:「名」字,小徐作「也」。「捕收」,小徐作「捕取」,譌,《韻會》引亦

作「收」。「一日」以下非引《說文》,「鱅鱅」二字,與正文無涉,方 氏成珪《集韻考正》云宋本《類篇》作「鰅鱅」,當據改。

禮 徥

《集韻》平聲支韻:「《說文》: 徥徥行皃。引《爾雅》: 徥,則也。」

《說文》二下彳部:「徥徥行皃。从彳是聲。《爾雅》曰:徥,則也。」

案:《繫傳》作:「徥徥行皃」,引《爾雅》作「徥,尾則也」,鈕氏《校錄》謂:「皃」下有「也」字,「則」上有「尾」字,注非。「徥,則也」, 今《爾雅》無此文,《釋言》云:「是,則也。」郭云「是事可爲法則」。

兒兒

《集韻》平聲支韻:「《說文》:孺子也。一說:男曰兒,女曰嬰。」

《說文》八下儿部:「孺子也。从儿、象小兒頭囟未合。」

案:《繫傳》作「孩子也」,非。許書子部曰:「孺,乳子也。」口部曰:「孩 (咳之重文),小兒笑也。」故當以大徐爲是,《集韻》引不誤。「一說」 云云,非引《說文》,見《三蒼》。

[]

《集韻》平聲支韻:「《說文》: 痹也。一曰: 兩足不相及。」

《集韻》平聲指韻:「《說文》:痹也。」

《說文》七下疒部:「痹也。从疒委聲。」

案:小徐作「痹疾」,恐非。《五音韻譜》作「痹也」,《釋草釋文》引《字 林》亦同。支韻下「一日」者,非引《說文》,《漢書·哀帝紀贊》:「即 位痿痹。」如淳注:「兩足不能相過曰痿。」《集韻》或本此也。

露露

《集韻》平聲支韻:「《說文》:小雨財雾也。」

《說文》十一下雨部:「小雨財雾也。从雨鮮聲。讀若斯。」

案:《繫傳》作「小雨裁零也」,《御覽》卷十〈天部〉引「裁零」作「裁落」。《初學記》卷二〈天部〉引又作「小雨纔落曰驛」。「財」「裁」「纔」等字,皆有始義,可通用;「落」爲「零」之俗。

陸

《集韻》平聲支韻:「《說文》: 瘢胝也。」

《說文》四下肉部:「瘢胝也。从肉垂聲。」

案:小徐作「跟胝也」,案語又云:「腳跟行多生胝皮也。」然《韻會》引、《廣韻》注竝作「癥胝」,《玉篇》注作「癥也」,故知小徐「跟」字非。

腾

《集韻》平聲支韻:「《說文》:露也。」

《說文》二下止部:「曙也。从止寺聲。」

案:小徐作「躇也」,蓋用俗字也。許書足部曰:「**躇**,峙**踞**不前也。」段云:「峙、**踞**爲雙聲字,此以**琚**釋峙者,雙聲互訓也。」

饕 薼

《集韻》平聲支韻:「《說文》:草木相附產土而生。引《易》:百穀草木產於 地。」

《說文》一下艸部:「艸木相附蘼土而生。从艸麗聲。《易》曰:百穀艸木蘼 於地。」

案:小徐注文「廳」皆作「廳」,段注本從之。然《釋文·周易音義》「草木麗」下云:「《說文》作廳。」證元朗所見舊本如是。大徐、《集韻》引不誤。

鍜 鈹

《集韻》平聲支韻:「《說文》:大鰔也。一曰:劍如仭裝者。」

《說文》十四上金部:「大鍼也。一曰:劒如刀裝者。从金皮聲。」

案:大徐作「一曰:劔如刀裝者」,小徐「如」作「而」,非。《韻會》引、《玉篇》注竝作「如」。《集韻》引則「刀」訛作「仭」,當改。

源 疲

《集韻》平聲支韻:「《說文》:勞也。」

《說文》七下疒部:「勞也。从疒皮聲。」

案:《繫傳》作「勞力也」,恐非。《玉篇》注:「乏也。勞也。」疲,經傳 多假罷爲之。《少儀》:「師役曰罷。」注:「罷之爲言勞也。」

彩 核

《集韻》平聲支韻:「《說文》: 棠棣也。」

《說文》六上木部:「棠棣也。从木多聲。」

案:小徐作「棠棣木」,許書「移」下次「棣」,訓「白棣也」,依語例言, 似大徐、《集韻》引較勝。

鹨 翄

《集韻》平聲支韻:「《說文》:翼也。一曰:猕猕,飛兒。或从氏(狐)。」

《集韻》去聲寘韻:「《說文》:翼也。一曰:過多也。或从氏(紙)。」

《說文》四上羽部:「翼也。从羽支聲。狹, 翄或从氏。」

案:重文「猴」下,小徐云:「猴或從羽氏」。《集韻》支韻下「一曰:猴 猴,飛兒」,非引許書,〈魏都賦〉「紙紙精衞」,李注:「紙紙,飛兒 也」。寘韻下「一曰:過多也」,亦非引《說文》,王粲詩「見眷良不 翅」,注:「不啻,猶過多也。」

輔 軝

《集韻》平聲支韻:「《說文》:長轂之軝也,以朱約之。引《詩》:約軝錯衡。 或作靴。」

《說文》十四上車部:「長轂之軝也,以朱約之。从車氏聲。《詩》曰:約軝 錯衡。靳,軝或从革。」

案:「轂」下,小徐無「之」字。

屬屬

《集韻》平聲支韻:「《說文》:馬絡頭也。从网从馽。馽,馬絆也。或从革 (轟)。」

《說文》七下网部:「馬絡頭也。从网从馬。馬,馬絆也。屬, 屬或从革。」 案:鍇本作「馬絡頭者也」,「者」字衍。《韻會》引作「馬絡頭也」,同大 徐。

福热

《集韻》平聲支韻:「《說文》:裂也。一曰手指也。」

《說文》十二上手部:「裂也。从手爲聲。一曰手指也。」

案:大徐作「一曰:手指也」,小徐作「一曰:手指撝也」,《玉篇》、《集韻》、《類篇》引並止作「手指也」,田氏《二徐箋異》云:「諓人因《敍》有:比類合誼,目見指撝語。
尼沾撝字。不知撝一曰手指,即指撝連用之誼也。」故知小徐非是。

耀始

《集韻》平聲支韻:「《說文》:虞舜居嬀汭因以爲氏。」

《說文》十二下女部:「虞舜居嬀汭因以爲氏。从女爲聲。」

案:「氏」字,小徐作「姓」。鈕氏《校錄》云:《五音韻譜》、《類篇》並作「氏」,又《韻會》引亦作「氏」,則小徐舊本不誤。

師師

《集韻》平聲脂韻:「《說文》:二千五百人爲師。从市、从自。自,四市眾 意也。一曰:長也、節也。古作鑒。」

《說文》六下市部:「二千五百人爲師。从市、从自。自,四市眾意也。業, 古文師。」

案:「从市从自。自,四市眾意也」,小徐作「從自市,四市眾意」,田氏《二徐箋異》云:「小徐省字過多,近於苟簡,許意目自說四市眾意也。重一自字,語意乃完。」「一曰」下二義,非引《說文》,《虞書》「州十有二師」,鄭注:「師,長也。」《法言·學行》:「師者,人之模範也。」

都 趑

《集韻》平聲脂韻:「《說文》: 趑趄, 行不進也。」

《說文》二上走部:「趑趄,行不進也。从走次聲。」

案:「鼠」篆,二徐竝同,小徐注中之「趑」則訛作「趦」。

5 坻

《集韻》平聲脂韻:「《說文》: 从陼。引《詩》: 宛在水中坻。或作汷、渚。」

《說文》十三下土部:「小渚也。《詩》曰:宛在水中坻。从土氐聲。次,坻 域 或从水从久。髓,坻或从水从蓍。」

案:「小渚也」,二徐並同,《集韻》引作「从陼」。方氏《集韻考正》云宋本作「从」「小」。《爾雅·釋水》:「小洲曰陼,小陼曰沚,小沚曰坻。」苗

變《繫傳校勘記》以爲按《爾雅》當作「小沚」,然《秦風·蒹葭》「宛 在水中坻」,《傳》:「坻,小渚也。」是《集韻》引「陼」當改作「渚」, 並加「也」字。

₩ 茎

《集韻》平聲脂韻:「《說文》: 荎藸艸也。一曰: 藲荎木名, 今刺榆。」

《說文》一下艸部:「荎藸艸也。从艸至聲。」

案:小徐作「荎藸也」,無「艸」字。「一曰」者,非引《說文》。見《爾雅· 釋木》。

帷 惟

《集韻》平聲脂韻:「《說文》:凡思也。一曰:謀也。一曰:語辭。」

《說文》十下心部:「凡思也。从心隹聲。」

案:《繫傳》作「思也」,「凡」字脫。《韻會》引作「凡思也」,知小徐舊本不誤,《方言》亦作「凡思也」。兩「一曰」義,非引《說文》。「謀也」, 見《爾雅·釋詁》:惟,經傳多用爲發語詞,《孟子》「惟士無田」,注: 「辭也。」《廣雅·釋詁》四:「惟,詞也。」

龤 郿

《集韻》平聲脂韻:「《說文》:右扶風縣。」

《說文》六下邑部:「右扶風縣。从邑眉聲。」

案:「縣」下,小徐有「名也」二字,蓋衍。《韻會》引同大徐,知小徐舊 亦無比二字。

墙 塒

《集韻》平聲之韻:「《說文》:雞栖垣爲塒。今寒鄉穿墻棲雞。」

《說文》十三下土部:「雞棲垣爲塒。从土時聲。」

案:「棲」下,小徐有「於」字。「今寒鄉穿墻棲雞」,非許書之文,見《爾雅·釋宮》:「鑿垣而栖爲塒」下郭注。

颜 鮞

《集韻》平聲之韻:「《說文》:魚子也。一曰:魚之美者。東海之鮞。」

《說文》十一下魚部:「魚子也。一曰:魚之美者。東海之鮞。从魚而聲。 讀若而。」

案:「東海」上,小徐有「有」字。

鼒 鼒

《集韻》平聲之韻:「《說文》:鼎之圜掩上者。引《詩》:鼐鼎及鼒。通作 鎡。」

《說文》七上鼎部:「鼎之圜掩上者。从鼎才聲。《詩》曰:鼐鼎及鼒。茲, 俗鼒从金从茲。」

案: 鍇本「圜」作「圓」。《爾雅·釋器》:「圜弇上謂之鼒」,大徐、《集韻》 引作「圜」是也。「弇」爲「掩」之借字。

稱褶

《集韻》平聲之韻:「《說文》:訟也。从**獨、獨猶**理辜也。理也。籀从司(嗣)。」 《說文》十四下辛部:「訟也。从**獨。獨猶**理辜也。獨,理也。嗣,籀文辭 从司。」

案:小徐「辭,說也」,葢所據本異,段氏從之。「辜也」下,小徐無「**喬**, 理也」三字。

突

《集韻》平聲之韻:「《說文》:不受也。从辛从受。受辛宜辤之。籀从台(辞)。」

《說文》十四下辛部:「不受也。从辛从受。受辛宜辤之。韓,籀文。」

案:「从辛从受」,小徐作「从受辛」,又「宜辤之」上,不重「受辛」二字。

坍 坦

《集韻》平聲之韻:「《說文》: 東楚謂橋爲圯。」

《說文》十三下土部:「東楚謂橋爲圯。从土巳聲。」

案:鍇本作「東楚謂橋」,脫「爲圯」二字。《玉篇》引《史記》曰:「張良 步游下邳圯上,東楚謂橋曰圯。」可證。

瞎 瞦

《集韻》平聲之韻:「《說文》:目童子精也。」

《說文》四上目部:「目童子精也。从目喜聲。讀若禧。」

案:小徐本作「目童子精瞦也」,「瞦」字蓋衍。《玉篇》注作「目瞳子精也」,亦無「瞦」字。

関 類

《集韻》平聲之韻:「《說文》: 醜也。今逐疫有期頭。期頭,方相也。」

《說文》九上頁部:「醜也。从頁其聲。今逐疫有期頭。」

案:「醜也」,鍇本作「頭也」,恐非。《玉篇》注、《廣韻》上平七之引亦竝作「醜也」。「頬頭,方相也」,非許書原文,《繫傳》楚金案語有云「頬頭,方相四目也」,《集韻》或本此也。

躯 姬

《集韻》平聲之韻:「《說文》:黃帝居姬水,以爲姓。一曰:妾稱。」

《說文》十二下女部:「黃帝居姬水以爲姓。从女臣聲。」

案:「以爲姓」,小徐作「因水爲姓」。《玉篇》注作「黃帝居姬水,以爲姓」, 同大徐,小徐本蓋爲後人所易。「一曰」云云,非引《說文》,丁氏等 所增。

器 稘

《集韻》平聲之韻:「《說文》:復其時也。引《虞書》,棋三百有六旬。」 《說文》七上禾部:「復其時也,从禾其聲,《虞書》曰:棋三百有六旬。」 案:「稘三百有六旬」,《堯典》文,小徐作「《唐書》曰」,嚴氏可均云:「許 引《尚書》,無慮、夏、商、周之別。」「稘」字,今《書》作「朞」。

環 瑧

《集韻》平聲之韻:「《說文》:弁飾往往冒玉也。或从基(璂)。」

《說文》一上王部:「弁飾往往冒玉也。从玉綦聲。瓘, 瑧或从基。」

案:小徐本「往往」作「行行」,誤。《詩·尸鳩·釋文》引亦作「往往」, 且「弁飾」下有「也」字,段注據此而補。《詩·韓奕》「鞗革金厄」, 《箋》云:「以金爲小環,往往纏縊之。」《正義》云:「往往者,言 其非一二處也。」桂氏《義證》曰:「瑧貫玉十二,故曰往往也。」

獎 婓

《集韻》平聲微韻:「《說文》:往來裴婁皃。一曰:醜兒。《列仙傳》:江裴 二女。」

《說文》十二下女部:「往來婓婓也。一曰:醜兒。从女非聲。」

案:「一曰:醜兒」,小徐作「一曰:大醜兒」。《玉篇》注亦曰:「大醜也」。 《集韻》又云「《列仙傳》江婓二女」,此非許書本文,丁氏等所增。

帮 肥

《集韻》平聲微韻:「《說文》:多肉也。徐鉉曰:內不可過多,故从下。」 《說文》四下內部:「多肉也。从內、从下。臣鉉等曰:內不可過多,故从下。」

案:《集韻》引「多肉也」,與二徐同。下引鉉說,同大徐。大徐作「从肉 从下」,小徐作「从肉下聲」;楚金案語云:「疑當從已,或從下,不得 云聲。」

歸紀

《集韻》平聲微韻:「《說文》:女嫁也。籀省(婦)。一曰:還也。」

《說文》二上止部:「女嫁也。从止,从婦省,自聲。婦,籀文省。」

案:重文「婦」下,大徐云「籀文省」,《集韻》同,而小徐云:「籀文婦從止」。田吳炤《二徐箋異》云:「小徐意以止得意,所謂歸止者,止於此也。大徐弟云:『籀文省』者,謂不必取自聲,以會意爲重也。」「一曰:還也」,非引《說文》,丁度等所增也。《廣韻·釋言》:「歸,返也。」返即還意。

習習

《集韻》平聲微韻:「《說文》:大飛也。一曰:伊雒而南雉五采皆備曰翬。 引《詩》:如翬斯飛。」

《說文》四上羽部:「大飛也。从羽軍聲。一曰:伊雒而南雉五采皆備曰翬。 《詩》曰:如翬斯飛。臣鉉等曰:當从揮省。」

案:小徐引《詩》作「有翬斯飛」,今《詩》「有」作「如」,當从大徐。

夏 男

《集韻》平聲微韻:「《說文》:歸也。从反身。徐鍇曰:古人所謂反身脩道 故曰歸。」

《說文》八上再部:「歸也。从反身。徐鍇曰:古人所謂反身脩道故曰歸也。」

案:楚金案語原作「人之身有所爲,常外向趣外事,故反身爲歸也。古人 多反身脩道」,徐鉉引有所節易,《集韻》引從鉉之節文。

烷 旂

《集韻》平聲微韻:「《說文》:旗有眾鈴。以令眾也。一曰:交龍爲旂。」

《說文》七上从部:「旗有眾鈴。以令眾也。从从斤聲。」

案:小徐作「有鈴曰旂。以令眾」、《爾雅·釋天》「有鈴曰旂」、小徐本疑 後人依《爾雅》易之。段《注》從大徐。「一曰」者,非引《說文》、《周 禮·司常職》曰:「交龍爲旂。」

《集韻》平聲魚韻:「《說文》:處也。從尸得几而止。引《孝經》:仲尼凥。 「元謂閒居如此。」

《說文》十四上几部:「處也。从尸得几而止。《孝經》曰:仲尼凥。凥謂閒 居如此。」

案:「《孝經》曰」下,小徐作「仲尼凥,閒居如此」,苗夔《繫傳校勘記》曰:「仲尼凥下,當依鉉補凥、謂二字。」段《注》、王筠《句讀》並從大徐,《集韻》引是也。

組 組

《集韻》平聲魚韻:「《說文》:趑趄也。」

《說文》二下走部:「趑趄也,从走且聲。」

案:「趑」字,小徐訛作「趦」。

掣 挐

《集韻》平聲魚韻:「《說文》:持也。」

《說文》十二上手部:「持也。从手如聲。」

案:小徐尚有「一曰:誣也」四字。《玉篇》引無,《韻會》引亦無,知小

徐本舊亦無。

| 蘇 | 陈

《集韻》平聲魚韻:「《說文》:黃蒢職也。葉似酸漿,華小而白,中心黃, 江東以作菹食。」

《說文》一下艸部:「黃蒢職也。从艸除聲。」

案:小徐作「董蒢職也」、「董」乃「黃」之譌、《爾雅·釋艸》作「職,黃除」, 與大徐本合。「葉似酸漿」以下,非許君語,乃《爾雅·釋艸》郭注。

燴 旗

《集韻》平聲魚韻:「《說文》:錯革畫鳥其上。所以進士眾。旟旟,眾也。 引《周禮》:州里建旟。」

《說文》七上从部:「錯革畫鳥其上。所以進士眾。旟旟,眾也。从从與聲。 《周禮》曰:州里建旟。」

案:「旟旟,眾也」,小徐不疊「旟」字,作「旟,眾也」,嚴氏《校議》 云《五音韻譜》引亦同大徐。段注本依大徐、《集韻》補一「旟」字。

嶋衈

《集韻》平聲虞韻:「《說文》:封嵎之山,在吳楚之間。汪芒之國。」

《說文》九下山部:「封嵎之山,在吳楚之間。汪芒之國,从山禺聲。」

案:「汪芒之國」四字,小徐本無。《韻會》引有,是小徐舊本原未脫。《國語,魯語》:「客曰:防風氏何守也?仲尼曰:汪芒氏之君也,守封嵎之山者也。」

品

《集韻》平聲虞韻:「《說文》: 踦區,藏匿也。一曰:處也,屈也。一曰: 玉十曰區。」

《說文》十二下匸部:「踦區,藏匿也。从品在匸中。品,眾也。」

案:「匿」字,小徐作「隱」,《韻會》七虞引亦同,而無「踦區」二字。《玉篇》注同大徐作「匿」;《集韻》亦同。「一曰」以下,非引《說文》,《荀子·大畧》「言之信者,在乎區蓋之間」,注:「區,藏物處」;《禮記·樂記》「區萌達」,鄭注:「屈生曰區」。《爾雅·釋器》:「玉十謂之區」。

綳 泭

《集韻》平聲虞韻:「《說文》:編木以渡也。一曰:庶人乘泭。」

《說文》十一上水部:「編木以渡也,从水付聲。」

案:小徐作「編木以渡水也」,「水」字衍。《韻會》引同大徐,知小徐舊本亦無「水」字。《玉篇》注亦作「編木以渡也」,《集韻》引奪「也」字。「一曰」者,非引《說文》,《爾雅·釋水》曰:「大夫方舟,士特舟,庶人乘祔。」

糕 扶

《集韻》平聲虞韻:「《說文》: 扶疏,四布也。一曰:木盛皃。」

《說文》六上木部:「扶疏,四布也。从木夫聲。」

案:《繫傳》作「枎四布也」,脫「疏」字。「一曰:木盛皃」,非引《說文》, 丁氏等所增益也。《廣韻》上平十虞「枎」注:「枎疏,盛也。」

霖 無

《集韻》平聲虞韻:「《說文》:亡也。奇字作无,无通於元者。王育說,天 屈西北爲无。」

《說文》十二下亡部:「亡也。从亡無聲。彥,奇字无通於元者。王育說, 天屈西北爲无。」

案:重文「无」下,大徐作「奇字无通於元者」,小徐作「奇字無通於无者, 虛無道也」,然《五音韻譜》、《類篇》引並作「通於元者」,而無「虛 無道也」句。《集韻》引亦從大徐。

\$ 8

《集韻》平聲虞韻:「說文:刈艸也,象包束艸之形。」

《說文》一下艸部:「刈艸也,象包束艸之形。」

案:小徐本作「刈艸爲也,包束艸之形」,慧琳《一切經音義》卷五十四 「芻」注引《說文》作「刈艸也,象包束艸之形」,大徐本同。是知 小徐衍「爲」字,奪「象」字。

辉 杸

《集韻》平聲虞韻:「《說文》:軍中士所持殳也。引《司馬法》:執羽从杸。」

《說文》三下殳部:「軍中士所持殳也。从木,从殳。《司馬法》曰:執羽 从杸。」

案:引《司馬法》,小徐作「執羽以投」,「以」字誤。《玉篇》引作「從投」, 《廣韻》上平十虞引亦作「從投」,是可證大徐,《集韻》引不誤也。

業薬

《集韻》平聲虞韻:「《說文》:茱萸,茮屬。」

《說文》一下艸部:「茱萸, 茮屬。从艸朱聲。」

案:小徐本作「茱萸也」,多一「也」字;然無「茮屬」二字。

儒 儒

《集韻》平聲虞韻:「《說文》:柔也。術士之偁。」

《說文》八上人部:「柔也。術士之稱。从人需聲。」

案:小徐「稱」下有「者也」二字,蓋衍。《韻會》引同大徐。

渝 窬

《集韻》平聲虞韻:「《說文》:穿木戶也。一曰:空中。」

《說文》七下穴部:「穿木戶也。从穴俞聲。一曰:空中也。」

案:大徐作「一曰:空中也」,小徐作「一曰:空中之皃。」段氏《注》、 王筠《句讀》皆從大徐,並引孟康《漢書注》:「東南謂鑿木空中如曹 曰斎。」爲說,段云:「斎者,窬之或體。」《集韻》引作「一曰:空 中」,葢從大徐,而脫「也」字。

緰 榆

《集韻》平聲虞韻:「說文:榆,白枌。」

《說文》六上木部:「榆,白粉。从木俞聲。」

案:《爾雅·釋木》:「榆,白枌。」正許君所木。《繫傳》作「木·白枌」, 「木」當作「榆」。

凝 萲

《集韻》平聲模韻:「《說文》:藝田都醜也。」

《說文》十二下女部:「蟇田都醜也。从女莫聲。」

案:「**募**毌」下,小徐有「古帝妃」三字,《韻會》七虞引則在「都**醜**也」下,疑此三字原係校語。

鞴 蒲

《集韻》平聲模韻:「《說文》:水艸也。可以作席。」

《說文》一下艸部:「水艸也。可以作席。从艸浦聲。」

案:小徐作「水艸也,或以作席。」田吳炤《二徐箋異》云:「《周禮·澤 虞》注:蒲以爲席;《大宗伯》注:蒲爲席,所以安人;《荀子》楊注 〈不苟篇〉:蒲葦所以爲席可卷者也。皆言蒲爲席,可證不當言或然。」 故知大徐、《集韻》引不誤。

匍

《集韻》平聲模韻:「《說文》:手行也。」

《說文》九上勹部:「手行也。从勹甫聲。」

案:小徐作「裹也。手裹行也」,語頗累贅,葢涉「包」下注而衍。《玉篇》 注作「手行盡力也」,亦無「裹」字。《韻會》引作「手行也」,同大徐, 知小徐舊本原不誤。

蘇蘇

《集韻》平聲模韻:「說文:桂荏也。一曰:薪艸曰蘇。摯虞曰鳥尾也。所 謂流蘇者,緝鳥尾垂之若流然。」

《說文》一下艸部:「桂荏也。从艸蘇聲。」

案:小徐作「桂蘇荏也」,慧琳《音義》卷九十六引作「桂荏也」,是可證 小徐衍「蘇」字。段氏從大徐作「桂荏也」,注云:「桂上鍇本有蘇字, 此複寫隸字刪之未盡者。」許書「蘇」下次「荏」,訓「桂荏蘇」,小 徐或涉「荏」字說解而譌。「一曰」以下,非引《說文》,丁氏等所增。

祖 沮

《集韻》平聲模韻:「《說文》:往也。追,齊語。或从彳(徂),籀从虚(遺)。」 《說文》二下辵部:「往也。从辵且聲。追,齊語。祖,追或从彳。諡,籀 文从虛。」

案:小徐本亦作「往也。从辵且聲,追,齊語」,唯或文、籀文先後易置,

有所不同耳。

暴擾

《集韻》平聲元韻:「《說文》:水泉本也。或从泉。亦作原。」

《說文》十一下灥部:「水泉本也。原,篆文从泉。臣鉉等曰:今別作源, 非是。」

案:《集韻》引「水泉本也」,與二徐同。或文「原」,大徐云「篆文从泉」, 小徐云「篆文厵省」,《集韻》引從大徐。「一曰:再也」,非引許書, 見《爾雅·釋言》。

驢

《集韻》平聲模韻:「《說文》:鱸鷀也。」

《說文》四上鳥部:「驢鷀也。从鳥鷹聲。」

案:《繫傳》作「驢螆也」,「螆」字當依大徐、《集韻》引作「鷀」為是。 許書「鱸」下正次「鷀」篆。

胡胡

《集韻》平聲模韻:「《說文》:牛顧垂。一曰:戈戟內柄處,一曰:虜锪稱。 一曰:何也、壽也。」

《說文》四下內部:「牛顫垂也。从內古聲。」

案:小徐本作「牛頷垂也」、《集韻》引「頷」作「顧」、是也。「頷」訓「面 黃也」、非其義、「顧」訓「頤也」、胡謂牛兩頤至頸之下垂物也、非惟 牛也・他物亦有之、如《詩・豳風》「狼跋其胡」者是。「一曰」以下, 皆非引《說文》、《廣雅・釋器》:「胡、戟也。」《風俗通》:「胡者互也, 言其被髮左衽、言語贅幣、事殊互也。」《詩・日月》:「胡能有定。」 胡者、何也。《詩・載芟》「胡考之寧」《傳》:「胡、壽也。」

罗 平

《集韻》平聲模韻:「《說文》:語之餘也。一曰:疑辭。舒辭。」

《說文》五上兮部:「語之餘也。从兮象聲上越揚之形也。」

案:小徐作「乎者語之餘也」,「乎者」二字衍。「一日」下二義,非引《說 文》,丁度等所增益也。

柄 狐

《集韻》平聲模韻:「《說文》: **誤**獸也。鬼所乘之。有三德,其色中和,小 前大後,死則丘首。」

《說文》十上犬部:「祥獸也。鬼所乘之。有三德,其色中和,小前大後, 死則丘首。从犬瓜聲。」

案:「祥獸」之「祥」,小徐作「妖」。《釋獸·釋文》引作「祆」,「祆」即「祥」 省,「妖」非。「大後」,小徐作「豐後」,義得兩通。

啊咖

《集韻》平聲模韻:「《說文》:小兒嗁聲。引《詩》:后稷呱矣。」

《說文》二上口部:「小兒嗁聲。从口瓜聲。《詩》曰:后稷呱矣。」

案:《繫傳》無「小兒嗁聲」四字。《文選·幽通賦》注引《字林》「呱,子啼聲」、《廣韻》十一模「呱」下云:「啼聲」、雖未引《說文》、皆有「啼」字。且《韻會》引作「小兒啼聲」、唯「嗁」作「啼」、與鉉本有異耳。故知小徐今本有敚文。

聞思

《集韻》平聲模韻:「《說文》: 魚罟也。引《詩》: 施罛濊濊。」

《說文》七下网部:「魚罟也。从网瓜聲。《詩》曰:施罛濊濊。」

案:小徐作「魚网」,非。《玉篇》作「魚罟」,《韻會》引亦作「魚罟」可 證。《爾雅·釋器》、《碩人·毛傳》皆曰魚罟謂之罛,更無疑義矣。

呼呼

《集韻》平聲模韻:「《說文》:外息也。一說:於呼,嘆辭。」

《說文》二上口部:「外息也。从口乎聲。」

案:小徐本作「外息」,無「也」字。但下文「吸」二徐竝注「內息也」, 知此當有「也」字,宜補。《集韻》引不誤。「一說」者,非許書本有, 丁氏等所增。

潭 虚

《集韻》平聲模韻:「《說文》: 哮虖也。」

《說文》五上虍部:「哮虖也。从虍兮聲。」

案:小徐「虖」作「呼」。《說文》口部「呼,外息也」;「嘑,嗁也」,「嗁, 號也」,則當作「虖」爲是。《玉篇》注亦作「哮虖也」。

野 評

《集韻》平聲模韻:「《說文》:召也。」

《說文》三上言部:「召也。从言平聲。」

案:《繫傳》作「召許也」。「許」蓋「評」之譌衍。許書口部曰「召,評也」, 二篆轉注。

贈躋

《集韻》平聲齊韻:「《說文》:登也。引《商書》:予顚躋。」

《說文》二下足部:「登也。从足齊聲。《商書》曰:予顚躋。」

案:小徐引《商書》作「若予顚躋」,今《微子篇》作「告予顚躋」,然《偽 孔傳》以「告」字屬上爲句,許書原本當祇作「予顚躋」三字。

精 櫅

《集韻》平聲齊韻:「《說文》:木也,可以爲大車軸。一曰:白棗。」

《說文》六上木部:「木也,可以爲大車軸。从木齊聲。」

案:「可以爲大車軸」,小徐作「可以爲車軸材」。鈕氏《校錄》、桂氏《義證》、王筠《句讀》皆云《玉篇》亦作「可以爲大車軸」,段氏亦從大徐,而未言其故。「一曰:白棗」,非引《說文》,見《爾雅·釋木》。

麗 隄

《集韻》平聲齊韻:「說文:唐也。」

《說文》十四下自部:「唐也。从自是聲。」

案:小徐作「塘也」,非,《說文》無塘。大徐、《集韻》、《類篇》並作「唐也」,是。《周語》:「陂唐污庳,以鍾其美。」韋注:「唐,隄也。」宋庠曰:「唐如字,今俗本多加土於旁,《說文》無塘字。」

曹 曹

《集韻》平聲齊韻:「《說文》:狻麑獸也。一曰:麑,鹿子。」

《說文》十上鹿部:「狻麑獸也。从鹿兒聲。」

案:「覽」字,小徐作「猊」,俗字也。「一曰:鹿子」之義,非引《說文》, 見《玉篇》。

生 圭

- 《集韻》平聲齊韻:「《說文》:瑞玉也。上圜下方。公執桓圭九寸,侯執信 圭,伯執躬圭,皆七寸。子執穀璧,男執蒲璧,皆五寸,以封諸侯。 从重土,楚爵有執圭。一曰:六十四黍爲圭。古作珪。」
- 《說文》十三下土部:「瑞玉也。上圜下方。公執桓圭九寸,矦執信圭,伯 執躬圭,皆七寸。子執穀璧,男執蒲璧,皆五寸。以封諸矦。从重 土。楚爵有執圭。珪,古文圭从玉。」
- 案:小徐「圜」字作「員」,非;「五寸」下,有「圭」字;「執圭」下,有 「者」字,段氏並不取。「一日」者,非引《說文》,《漢·律麻志》「不 失圭撮」,注:「六十四桼爲圭。」

图 閨

《集韻》平聲齊韻:「《說文》:特立之戶,上圜下方有以圭。」

《說文》十二上門部:「特立之戶,上圓下方有似圭。从門圭聲。」

案:「戶」下,小徐有「也」字。「闤」字,小徐作「員」,俗字也。

紫 柴

- 《集韻》平聲佳韻:「《說文》:小木散材。徐鉉曰:師行野次,竪散木爲區 落,名曰柴籬。」
- 《說文》六上木部:「小木散材。从木此聲。臣鉉等曰:師行野次,竪散木 爲區落,名曰柴籬。後人語譌,轉入去聲,又別作寨字,非是。」
- 案:《集韻》引「小木散材」,與二徐同。下所引爲徐鉉說,鉉說非承徐鍇,徐鍇曰:「散材謂不屋及器用也……」,不與大徐同。

留 皆

《集韻》平聲皆韻:「《說文》:俱詞也。」

《說文》四上白部:「俱詞也。从比、从白。」

案:小徐作「俱辭也」,許書詞爲言詞,辭爲辭訟,故大徐、《集韻》引作 「詞」,是也。

瘤 浩

《集韻》平聲皆韻:「《說文》:水流湝湝也。一曰:湝湝,寒也。引《詩》: 風雨湝湝。」

《說文》十一上水部:「水流湝湝也。从水皆聲。一曰:湝湝寒也。《詩》曰: 風雨湝湝。」

案:「寒」之訓上,小徐不重「湝」字。

褒 褒

《集韻》平聲皆韻:「《說文》:袖也。一曰:藏也。在衣爲裹,在手爲握。」 《說文》八上衣部:「袖也。一曰:藏也。从衣鬼聲。」

案:小徐作「裏」,段注本作「褎」是也。「袖」「裏」竝俗字也。「在衣」「在手」句,非許君語,見《玉篇》。《韻會》引本之,誤作《說文》。 苗夔《校勘記》誤以「在袖曰裹,在手曰握」二語,爲鍇說「藏」之 義,尤誤。

娌 悝

《集韻》平聲灰韻:「《說文》: 啁也。引《春秋傳》: 有孔悝。一曰: 病也。 私也。」

《說文》十下心部:「啁也。从一里聲。《春秋傳》:有孔悝。一曰:病也。」案:「啁」,小徐作「潮」,後起俗字也。許書無「潮」,見大徐新附。「私也」, 非引《說文》,丁氏等所增。

糥 核

《集韻》平聲咍韻:「《說文》:蠻夷以木皮爲篋,狀如籢尊。」

《說文》六上木部:「蠻夷以木皮爲篋,狀如籢尊,从木亥聲。」

案:《繫傳》「尊」作「樽」,俗字也。且下有「之形也」三字,葢淺人忆增 也。上已言「狀如」,則「之形也」三字可不贅。

計 邰

《說文》六下邑部:「炎帝之後,姜姓所封,周棄外家國。从邑台聲。右扶

風斄縣是也。《詩》曰:有邰家室。」

案:小徐引《詩》在「臣鍇曰」下,作「《詩》曰:即有邰家室。」鈕氏《校錄》云:「《韻會》引《詩》亦在徐甲下,則楚金因今《詩》加即字,遂以爲己引耳。」

舒 封

《集韻》平聲咍韻:「《說文》:疑之等財而去也。」

《說文》二上辵部:「疑之等赵而去也。从走才聲。」

案:小徐本「疑之等**赵**赴而去也」,重一「**赵**」字。《廣韻》上平十六咍「**赵**」 下所引止一「**赵**」,《玉篇》亦同,故知大徐、《集韻》引是也。

草草

《集韻》平聲眞韻:「《說文》: 僊人變形而登天也。一曰:實也。古作為。」

《說文》八上七部:「僊人變形而登天也。从七,从目,从口, 上音隱,八 所乘載也。 5, 古文眞。」

案:「僊人」之「僊」,小徐作「仙」,俗字也。「一曰:實也」,非引《說文》, 丁度等所增。

慧 晨

《集韻》平聲眞韻:「《說文》:早昧爽也。从臼,从辰。辰,時也。辰亦聲。 四夕爲烟,臼辰爲晨,皆同意。」

《說文》三上晨部:「早昧爽也。从臼,从辰。辰,時也。辰亦聲。**见**夕爲**舛**, 臼辰爲晨。皆同意。」

案:「从臼从辰。辰,時也。辰亦聲。」小徐作「從臼辰。辰,時也。亦聲」,「亦聲」上,當補一「辰」字,否則語不完。

鄹 駰

《集韻》平聲諄韻:「《說文》:馬陰白雜毛黑。引《詩》:有駰有騢。」

《說文》十上馬部:「馬陰白雜毛黑。从馬因聲。《詩》曰:有駰有騢。」

案:小徐作「馬陰黑喙」,且無「《詩》曰」句。《爾雅·釋獸》:「陰白襍毛 曰駰。」《四牡·毛傳》亦同。《集韻》、《類篇》、《韻會》引皆同大徐, 故知小徐爲後人舛改,且誤敚引《詩》句。

景 旻

《集韻》平聲真韻:「《說文》: 秋天也。引《虞書》: 仁閔覆下則稱旻天。」 《說文》七上日部:「秋天也。从日文聲,《虞書》曰: 仁閔覆下則稱旻天。」 案:「仁閔覆下則稱旻天」, 小徐「稱」下有「曰」字,「旻」下無「天」字。

裔 忞

《集韻》平聲眞韻:「《說文》: 彊也。引《周書》: 在受德忞。」

《說文》十下心部:「彊也。从心文聲。《周書》曰:在受德忞。讀若旻。」

案:小徐「彊」作「強」,且未引經。「在受德忞」,《書·立改》文,今「忞」 作「昬」。陳瑑《說文引經考證》謂此衛包所改,又謂忞昬古今字。小 徐本或爲後人以「忞」與「昬」異,而刪奪。

韓 諄

《集韻》平聲諄韻:「《說文》:告曉之孰也。一曰:懇誠兒。」

《說文》三上言部:「告曉之孰也。从言臺聲。讀若庉。」

案:「告曉之孰也」、《繫傳》「孰」作「熟」、俗字也。「一日」者,非引《說文》,丁度等所增益也。《廣韻》上平十八諄注「誠懇皃也。」

倫 倫

《集韻》平聲諄韻:「《說文》:輩也。一曰:道也。」

《說文》八上人部:「輩也。从人侖聲。一曰:道也。」

案:鍇本無「一曰:道也」四字,葢脫。《玉篇》引有此一訓,《韻會》亦 有,可證小徐本舊亦有也。

胸 姰

《集韻》平聲諄韻:「《說文》:鈞適也。男女併也。」

《說文》十二下女部:「鈞適也。男女併也。从女旬聲。」

案:「男女併也」上,小徐有「謂」字,葢後人增。

業 業

《集韻》平聲臻韻:「《說文》:果實如小栗。引《春秋傳》:女摯不過棄栗。」《說文》六上木部:「果實如小栗。从木辛聲。《春秋傳》曰:女摯不過棄栗。」

案:小徐「實」上無「果」字,《玉篇》注作「實似小栗」,則「果」字不 必有;然王筠《句讀》以「果」字句絕,復云:「實如小栗」,似有亦 可通。引《春秋傳》,小徐「摯」作「贄」,恐非。今莊二十四年《左 傳》作「女摯不過榛栗」,《曲禮》「婦人之摯棋榛」。

糊 梤

《集韻》平聲文韻:「《說文》:香木也。」

《說文》六上木部:「香木也。从木穿聲。」

案:段注本「梤」下云「芬爲艸香,故梤爲香木」,又云:「隸字多作棻。」 《玉篇》正作「棻」亦訓「香木也」,《繫傳》正作「木也」,無「香」 字,徐鍇案語引《字書》云「香木也」,則無「香」字,似又非脫。

續 濆

《集韻》平聲文韻:「《說文》:水厓也。引《詩》:敦彼准濆。一說:汝爲濆, 大水溢出,別爲小水之名。」

《說文》十一上水部:「水厓也。从水賁聲。《詩》曰:敦彼淮濆。」

案:「厓」字,小徐本作「崖」,涘、汻、氿、漘等字俱如此。「一說」云云, 非引《說文》,《爾雅·釋水》「汝爲濆」。

君君

《集韻》平聲文韻:「《說文》: 尊也。从尹發號故从口,一曰: 羣也。下之 所歸也。古作**科**。」

《說文》二上口部:「尊也。从尹發號,故从口。份,古文象君坐形。」

案:「从尹發號故从口」,小徐本作「從尹口發號,故從口」,實則大徐語意已完足,「尹」下之「口」,不必有。「一曰」者,非引《說文》,見班固《白虎通》。

● 軍

《集韻》平聲文韻:「說文: 圜圍也。四千人爲軍。从車从包省。軍,兵車 也。周制萬二千五百人爲軍。」

《說文》十四上車部:「圓圍也。四千人爲軍。从車从包省。軍兵車也。」 案:「从車从包省」,小徐作「從包省從車」。「周制」云云,非許君語,丁 度增。《周禮・夏官・敍官》:「凡制軍萬有二千五百人爲軍。」

派 訢

《集韻》平聲欣韻:「《說文》:喜也。」

《說文》三上言部:「喜也。从言斤聲。」

案:小徐訓「憘也」、《說文》有喜無憘,當依鉉作喜。

尼 斤

《集韻》平聲欣韻:「《說文》: 斫木也。一曰: 斤權輕重之數。一曰: 明也。」 《說文》十四上斤部:「斫木也,象形。」

案:小徐作「斫木斧也」,玄應《音義》卷十四、十五引、及《玉篇》注 並無「斧」字,小徐衍。兩「一曰」義,非引《說文》,丁氏等所增。 《漢書·律麻志》:「十六兩爲一斤。斤者,明也。」《詩·執競》:「斤 斤其明。」

離離

《集韻》平聲元韻:「《說文》:揮角兒。梁隱縣有觿亭。」

《說文》四下角部:「揮角兒。从角雚聲。梁隱縣有鱹亭。又讀若縷。」

案:小徐作「撣角兒」,嚴氏《校議》曰:「權撣以同聲爲義。《太玄經》:『撣 繫其名。撣,觸也。』擬撣是。」然《玉篇》「權」亦訓「揮角兒」,《廣 韻》上平二十元「權」訓「揮角」,是大徐、《集韻》引爲古本。

軒 軒

《集韻》平聲元韻:「《說文》:曲輈藩車也。一曰:檐宇之末曰軒取車象。」 《說文》十四上車部:「曲輈藩車。」

案:「藩」字,小徐作「轓」,《說文》無「轓」,段氏從大徐,注:「謂曲輈而有藩蔽之車也。」《集韻》引不誤。「一曰」者,非引《說文》,丁氏等所增。

寮 騫

《集韻》平聲傳韻:「《說文》:馬腹縶也。一曰:虧也。」

《說文》十上馬部:「馬腹絷也。从馬寒省聲。」

案:鍇本「縶」作「熱」,誤。《玉篇》注作「馬腹縶也」,同大徐,《廣韻》下平二仙注作「虧少。一曰:馬腹縶」,故知《集韻》引作「縶」是也。「一曰:虧也」,非引《說文》,《詩·天保》「不騫不崩」,《毛傳》:「騫,虧也。」

《集韻》平聲灰韻:「《說文》:怒也。詆也。一曰:誰何也。」

《集韻》平聲魂韻:「《說文》: 怒也。詆也。一曰:大也。勉也。誰何也。」

《說文》三下支部:「怒也, 詆也。一曰:誰何也。从攴臺聲。」

案:「一曰:誰何也」,小徐作「一曰:訪行」。田氏《二徐箋異》云:「祁 氏舟本作『訪行。』二字自是版本之譌,《校勘記》(苗夔《繫傳校勘 記》)說『一曰: 新行也。』今從之。」桂馥《義證》引《史記·衞綰 傳》「不譙呵綰」,《漢書》作「孰何」,李奇曰:「孰,誰也。何,呵也。」 惠棟云:「孰何當爲敦何。」是大徐、《集韻》引不誤也。《集韻》平聲 魂韻引「誰何」上,羼入「大也」,「勉也」二義,此均非引《說文》。 「大也」,見《方言》;「勉也」,見《爾雅·釋詁》。

烟 涒

《集韻》平聲魂韻:「《說文》:食已而復吐之。引《爾雅》:太歲在申曰涒灘。」 《說文》十一上水部:「食已而復吐之。从水君聲。《爾雅》曰:太歲在申曰 涒灘。」

案:小徐作「食已復吐之」,無「而」字,語嫌迫促。

珊珊

《集韻》平聲寒韻:「《說文》:珊瑚,色赤,生於海,或生於山。」

《說文》一上王部:「珊瑚,色赤,生於海,或生於山。从玉刪省聲。」

案:「生於海,或生於山」句,小徐作「生於海,或於山」,「或」下之「生」, 蓋承上「生於海」而省。

增增

《集韻》平聲寒韻:「《說文》:祭場也。」

《說文》十三下土部:「祭場也。从土會聲。」

案: 鍇本作「祭壇場也」,「壇」字衍。《韻會》十四寒引作「祭場也」,知 徐鍇舊本原不誤。

鹃 般

- 《集韻》平聲桓韻:「說文:辟也。象舟之旋。从殳,所以旋也。一曰:移 也。亦數別之名。古从攴(般)。」
- 《說文》八下舟部:「辟也。象舟之旋。从舟从殳。殳,所以旋也。於,古 文般从支。」
- 案:大徐作「从舟从殳。殳,所以旋也」,小徐作「從舟從殳。殳令舟旋」, 王筠《句讀》謂:「殳非楫,不可如小徐本作殳令舟旋,但約畧解之而 已。」故知大徐本爲是。《集韻》引從大徐,唯語有檃栝。「一曰」以 下,非引《說文》,丁度等所增益也。

腦髮

《集韻》平聲桓韻:「《說文》:臥結也。」

《說文》九上髟部:「臥結也。从髟般聲。讀若槃。」

案: 鍇本作「臥髻也」。然《說文》無「髻」。段氏云:「結,今之髻字也。」 鍇本恐後人所改。

滿 滿

- 《集韻》平聲桓韻:「《說文》:平也。從北五行之數,二十分爲一辰。兩繭平也。」

精 欑

《集韻》平聲桓韻:「《說文》:積竹杖也。一曰:穿也。一曰:叢木。」 《說文》六上木部:「積竹杖也。从木贊聲。一曰:穿也。一曰:叢木。」 案:「積竹杖」下、「穿」下,小徐竝無「也」字。又「叢」字,小徐作「藂」, 俗別字也。

希 耑

《集韻》平聲桓韻:「《說文》:物初生之題也。上象生形,下象其根也。」

《說文》七下耑部:「物初生之題也。上象生形。下象其根也。臣鉉等曰: 中一,地也。」

案:「上象生形,下象其根也」,小徐作「且上象生形,下象根也」,鈕氏《校錄》云:「《韻會》引同《繫傳》,無且字,且蓋其之譌。」《廣韻》 上平二十六桓引作「上象生形,下象其根也」,與大徐同。

攀攀

《集韻》平聲桓韻:「《說文》:人君乘車,四馬鏕,八鑾鈴,象鸞鳥聲,和 則敬也。」

《說文》十四上金部:「人君乘車,四馬鑣,八鑾鈴,象鸞鳥聲,和則敬也。 从金从鸞省。」

案:「人君」下,小徐無「乘」,葢脫。《韻會》引同大徐,有「乘」字。又 小徐「聲」上有「之」字。

環環

《集韻》平聲刪韻:「《說文》:壁也。內好若一,謂之環。」

《說文》一上王部:「璧也。內好若一,謂之環。从玉瞏聲。」

案:鍇本無「謂之環」三字,葢脫。《爾雅·釋器》:「內倍好謂之璧,好倍 內謂之瑗,內好若一,謂之環。」正許君所本。

明明

《集韻》平聲山韻:「《說文》: 戴目也。江淮之間謂眄曰瞯。」

《說文》四上目部:「戴目也。从目閒聲。江淮之間謂眄曰瞯。」

案:《繫傳》作「江淮之間謂眂曰瞯」,非。《方言》:「瞯,眄也。吳揚江淮 之間或曰瞯。」故知大徐、《集韻》引不誤。

關關

《集韻》平聲山韻:「《說文》:很視也。齊景公之勇臣有成觀者。」

《說文》八下覞部:「很視也。从覞肩聲。齊景公之勇臣有成觀者。」

案:鍇本「視」下無「也」,且「勇臣」,作「勇士」。

腦情

《集韻》平聲山韻:「說文:鬢禿也。」

《說文》九上髟部:「鬢秃也。从髟閒聲。」

案:小徐「鬢」作「髮」,誤。《韻會》引作「鬢秃也」,知舊本不誤也。《玉 篇》注亦作「鬢秃也」。

護 簿

《集韻》平聲先韻:「《說文》:竹豆也。籀作傳。」

《說文》五上竹部:「竹豆也。从竹邊聲。屬,籀文籩。」

案:小徐重文「MI」下云:「籀文籩從C。」非是。籀文從C、不得言从C。

据 煸

《集韻》平聲先韻:「說文:牀版也。」

《說文》七上片部:「牀版也。从片扁聲。讀若邊。」

案:鍇本作「木版也」,非。《方言》:「牀其上板,衞之北郊,趙衞之閒,謂 之牒,或曰牖。」《玉篇》亦云:「牀上版。」大徐、《集韻》引不誤也。

旗 滇

《集韻》平聲先韻:「《說文》:益州池名。」

《說文》十一上水部:「益州池名。从水真聲。」

案:「池」下,小徐無「名」字,脫。《韻會》引有「名」字,知小徐原不 誤也。

H H

《集韻》平聲先韻:「《說文》:陳也。樹穀曰田。象四口。十,阡陌之制也。」 《說文》十三下田部:「陳也。樹穀曰田。象四口。十,阡陌之制也。」 案:「阡陌」下,小徐有「形」字,非。《玉篇》引亦作「阡陌之制」,同大

徐。

鹰

《集韻》平聲傳韻:「《說文》:長生傳去。」

《說文》八上人部:「長生僊去。从人、从罨。罨亦聲。」

案:小徐「長生」下,有「者」字,「去」下有「也」字。

縈 郞

《集韻》平聲僊韻:「《說文》:河東聞喜聚。」

《說文》六下邑部:「河東聞喜聚。从邑虔聲。」

案:鍇本「聚」作「邑」,非。《玉篇》注:「聚名,在河東聞喜。」《廣韻》 下平二仙亦云:「聚名,在河東聞喜也。」《五音集韻》云:「聞喜有鄭 聚。」段氏從大徐作「聚」,注云:「烝部曰:邑落曰聚。舜所居一年 成聚,二年成邑,三年成都。聚小於邑也。」

篇 篇

《集韻》平聲傳韻:「《說文》:書也。一曰:關西謂榜曰篇。」

《說文》五上竹部:「書也。一曰:關西謂榜曰篇。从竹扁聲。」

案:「一日」之義,小徐作「關西謂榜篇」,「榜」下脫「日」字。

糎 猫

《集韻》平聲閱韻:「《說文》:頭妍也。」

《集韻》平聲嘆韻:「《說文》:頭妍也。」

《說文》九上頁部:「頭妍也。从頁羽省聲。讀若翩。臣鉉等曰:从翩聲,

又讀若翩,則是古今異音也。」

案:鍇本作「頨妍也」,恐非。《玉篇》注、《廣韻》上聲九虞引並作「頭妍

也」,同大徐,《集韻》亦是。

P

《集韻》平聲閱韻:「《說文》:似小瓿大口而卑用食。」

《說文》十二下瓦部:「似小瓿大口而卑用食。从瓦扁聲。」

案:鍇本止作「似小瓿,大口而卑」,無「用食」二字。田氏《二徐箋異》

引《玉篇》「小盆大口而卑下」,爲證,以爲大徐「用食」二字衍。然

《淮南書》曰:「狗彘不擇甂甌而食。」《說苑·反質篇》:「魯有儉者,

瓦鬲煮食以進孔子。孔子歡然而悅。弟子曰:瓦甂,陋器也。煮食薄膳也,而先生何喜如此乎?」是「用食」二字,仍當有。

紹 鐉

《集韻》平聲覺韻:「《說文》:所以鉤門戶樞也。一曰:治門戶器。」

《說文》十四上金部:「所以鉤門戶樞也。一曰:治門戶器也。从金異聲。」

案:小徐「樞」下無「也」,「治」下無「門」,蓋脫。《廣韻》下平二仙引 同大徐。

鵨 鐫

《集韻》平聲僊韻:「《說文》:穿木鐫也。一曰:琢石也。」

《說文》十四上金部:「穿木鐫也。从金雋聲。一曰:琢石也。讀若瀸。」

案:「穿」字,小徐作「破」,義得兩通。許書「鐫」下次「鑿」訓「穿木也」,依語次言,似大徐爲是。

糖 嫙

《集韻》平聲傳韻:「《說文》:好也。」

《說文》十二下女部:「好也。从女旋聲。」

案:小徐作「好女也」,「女」字衍。《玉篇》注作「好皃」。

整

《集韻》平聲傳韻:「《說文》: 牛純色。」

《說文》二上牛部:「牛純色。从牛全聲。」

案:《繫傳》作「牲牛純色」,然《韻會》一先引作「牛純色」,知舊本不複舉「牲」字。

員

《集韻》平聲覺韻:「《說文》:物數也。徐鍇曰:古以貝爲貨,故數之。籀 从鼎(屛)。」

《說文》六下員部:「物數也。从貝口聲。徐鍇曰:古以貝爲貨,故數之。彙, 籀文从鼎。」

案:《繫傳》徐鍇曰:「古以貝爲貨,故員數之字從貝」。大徐節引作「古以

貝爲貨,故數之」,《集韻》引同。

影影

《集韻》平聲蕭韻:「《說文》:琢文也。」 《說文》九上彡部:「琢文也。从彡周聲。」

案:鍇本「琢」作「瑑」,非。段云:「琢者,治玉也。玉部有琱,亦治玉

也。」《爾雅·釋器》:「玉謂之彫。」又云:「彫謂之琢。」

鄉跳

《集韻》平聲蕭韻:「《說文》:蹶也。一曰:躍也。」

《說文》二下足部:「蹶也。从足兆聲。一曰:躍也。」

案:「蹶」字,小徐作「蹷」,一字之二體也。

· 僥

《集韻》平聲蕭韻:「《說文》:南方有焦僥,人長三尺,短之極。」

《說文》八上人部:「南方有焦僥,人長三尺,短之極。从人堯聲。」

案:小徐「南方」下無「有」字,「極」下有「也」字。

燫 旚

《集韻》平聲宵韻:「《說文》:旌旗旚繇也。」

《說文》七上从部:「旌旗旚繇也。从从要聲。」

案:小徐「繇」字作「搖」。《禮記·明堂位》注「今之步搖」,《釋文》云:「搖本作繇。」段注從大徐,注云:「繇,今之搖字。……飄搖行而旚繇廢矣。」

陌 召

《集韻》平聲宵韻:「《說文》:廟侶穆。父爲侶,南面;子爲穆,北面。」

《說文》八上人部:「廟侶穆。父爲侶,南面;子爲穆,北面。从人召聲。」

案:「廟侶穆」下,小徐有「也」字,義較顯。「父爲侶,南面」,小徐作「面南」,葢誤例。下云:「子爲穆,北面」,語例當同。

饒 饒

《集韻》平聲宵韻:「《說文》:飽也。一曰:益也。多也。」

《說文》五下食部:「飽也。从食堯聲。」

案:小徐作「饒飽也」,「饒」字蓋涉正文衍。「一曰」下二義,非引《說文》, 「益也」,見《廣雅・釋詁》一:「多也」,見《小爾雅・廣詁》。

♣ ■

- 《集韻》平聲宵韻:「《說文》: 匽鼂也。楊雄說: 匽鼂蟲名。社林以爲朝旦, 非是。篆从皀,或作晁,亦姓。」
- 《說文》十三下黽部:「匽鼂也。讀若朝。揚雄說:匽鼂蟲名。杜林以爲朝 旦,非是。从黽从旦。臣鉉等曰:今俗作晁。**‰**,篆文从皀。」

窯 窯

《集韻》平聲宵韻:「《說文》: 燒瓦竈也。」

《說文》七下穴部:「燒瓦竈也。从穴羔聲。」

案:小徐作「燒瓦窯竈也」,然慧琳《音義》卷十六、卷十七、卷四十三、 卷四十六、卷五十五、卷六十八引皆作「燒瓦竈也」,與大徐合。《玉 篇》注亦作「燒瓦竈也」,是大徐、《集韻》引不誤也。

※ 蘇

《集韻》平聲宵韻:「《說文》: 艸盛兒。引《夏書》: 厥艸惟蘇。」

《說文》一下艸部:「艸盛兒。从艸繇聲。《夏書》曰:厥艸惟蕬。」

案:小徐本引《夏書》作「厥艸惟繇」,陳瑑《說文引經考證》云:「今省 艸,衞包所改也。」故知大徐是也。《集韻》引不誤。

帜 娱

《集韻》平聲宵韻:「《說文》:巧也。一曰:女子笑皃。引《詩》:桃之媄媄。」 《說文》十二下女部:「巧也。一曰:女子笑皃。《詩》曰:桃之媄媄。从女 芙聲。」

案:「女子笑兒」上,小徐無「一日」二字,葢敚。《韻會》引有,且此爲 別義,「一日」二字不得少。

肾

《集韻》平聲爻韻:「《說文》:刺也。一曰:痛聲。」

《說文》八上人部:「刺也。从人肴聲。一曰:痛聲。」

案:第二訓,小徐作「毒之」,非。《顏氏家訓》曰:「《蒼頡篇》有倄字, 訓詁云:痛而謼也。羽罪反。今北人痛則呼之,聲類音于來反,今南 人痛或呼之。」足證大徐、《集韻》引爲是。

旅 洨

《集韻》平聲爻韻:「《說文》:水出常山石邑井陘,東南入于泜。郝國有洨縣。」

《說文》十一上水部:「水出常山石邑井陘,東南入于泜。从水交聲。 郝國 有洨縣。」

案:「井陘」,小徐作「井陵」,又下有「山」字,「入」下無「于」字。《漢書,地理志》:「常山郡石邑縣,井陘山在西,洨水所出。」《玉篇》注作「水出常山石邑縣井陘山東」,是小徐作「井陵」,非。

0 勺

《集韻》平聲爻韻:「《說文》: 裹也。象人曲形有所包裹。」

《說文》九上勺部:「裹也。象人曲形有所包裹。」

案:「象人曲形」,小徐作「象人曲身形」。王筠《繫傳校錄》曰:「大徐無身字,是也。案:人曲形者,以人字屈曲書之,即成〇字也,加身字則晦。且《說文》身字,祇謂聲背之一體,不該全體言也。」王說甚精審,知大徐、《集韻》引不誤也。

7 厚

《集韻》平聲爻韻:「《說文》:膀光也。」

《說文》四下內部:「膀光也。从內平聲。」

案:鍇本作「旁光也」,玄應《音義》卷三、卷十一引亦同,葢古本如是, 古膀胱字止作旁光,見《素問》諸書。

紗 鈔

《集韻》平聲爻韻:「《說文》: 叉取也。」

《說文》十四上金部:「叉取也。从金少聲。臣鉉等曰:今俗別作抄。」

案:「叉」字,小徐作「扠」,俗字也。《韻會》引作「叉」,同大徐,是小徐舊本用正字也。

糖 曹

- 《集韻》平聲**蹇**韻:「《說文》:獄之兩曹也。在廷東,从**棘**。治事者,从日。 徐鍇曰:以言詞治獄也。」
- 《說文》五上曰部:「獄之兩曹也。在廷東,从棘。治事者,从曰。徐鍇曰: 以言詞治獄也。故从曰。」
- 案:「治事者,从日」,二徐竝同,《集韻》「日」訛作「日」。曹入曰部,當 从曰。徐鍇案語原作「棘音曹。曰,言詞理獄也」。鉉引略有改易,《集 韻》則從鉉引。

雷雷

《集韻》平聲臺韻:「《說文》:瓦器也。古者昆吾作匋。」

《說文》五下缶部:「瓦器也。从缶包省聲。古者昆吾作匋。案《史篇》讀 與缶同。」

案:「古者昆吾作匋」句,《繫傳》在「臣鍇曰」下,此《說文》本有,與「弓」 下曰「古者揮作弓」,「矢」下曰「古者夷牟初作矢」一例,當是許說, 小徐誤逸。

製

《集韻》平聲歌韻:「《說文》:陰娿也。謂媕娿不決。」

《說文》十二下女部:「陰娿也。从女阿聲。」

案:《繫傳》作「媕娿也」,《集韻》引同大徐,然又申之曰「謂媕娿不決」, 則知作「陰」譌也。段云:「媕、娿,雙聲字。」

阿何

《集韻》平聲歌韻:「《說文》:儋也。徐鉉曰:儋何即負何也。」

《說文》八上人部:「儋也。从人可聲。臣鉉等曰:儋何即負何也。借為誰何之何。今俗別作檐荷,非是。」

案:《集韻》引「儋也」,與二徐同。下引鉉說,與大徐同。

渊 俄

《集韻》平聲歌韻:「《說文》:行頃也。引《詩》:仄弁之俄。」

《說文》八上人部:「行頃也。从人我聲。《詩》曰: 仄弁之俄。」

案:引《詩》,小徐「仄」作「側」,與今《詩·小雅·賓之初筵》合。蓋 後人因今《詩》改。

窠 窠

《集韻》平聲戈韻:「《說文》:空也。穴中曰窠,樹上曰巢。」

《說文》七下穴部:「空也。穴中曰窠,樹上曰巢。从穴果聲。」

案:小徐本作「空也。从穴果聲。一曰:鳥巢也。一曰:在穴曰窠,在樹曰 巢。」然《玉篇》引同大徐,《韻會》五歌引「在穴」上無「一曰」二字, 是可證小徐本多後人竄易。今仍以大徐爲是,《集韻》引同大徐,不誤也。

器 鄱

《集韻》平聲戈韻:「《說文》:鄱陽,豫章縣。」

《說文》六下邑部:「鄱陽,豫章縣。从邑番聲。」

案:小徐無「豫章」二字。今《漢書·地理志》豫章郡有鄱陽縣。田氏《二徐箋異》云:「二《志》同大徐本,豫章二字宜有。《玉篇》作豫章鄱陽縣,句中稍有顚倒耳。」

煙 座

《集韻》平聲戈韻:「《說文》:小腫也。一曰:族絫。」

《說文》七下疒部:「小腫也。从疒坐聲。一曰:族粲。臣鉉等曰:今別作 瘯蠡,非是。」

案:第二義,小徐作「族累病」,「累」爲「絫」之俗。王筠《句讀》曰: 「小徐句末有『病』字,非也。《左傳·釋文》『蠡,力果切。』絫之 音當如之。痤絫叠韻,短言之爲痤,長言之爲族絫,與『薺,疾黎』 一例。」是大徐、《集韻》引不誤也。

驒 驒

《集韻》平聲戈韻:「《說文》:驒騱,野馬也。一曰:青驪曰鱗,文如鼉魚。」 《說文》十上馬部:「驒騱,野馬也。从馬單聲。一曰:青驪白鱗,文如鼉魚。」 案:「野馬也」,小徐「也」作「屬」,非。《廣韻》下平八戈引亦作「野馬也」,《韻會》引同,知小徐舊本原不誤。大徐作「青驪白鱗」,小徐「鱗」作「驎」,葢後人本《爾雅·釋畜》文改,《說文》無驎。《集韻》引「白」作「曰」,字誤。

高高

《集韻》平聲戈韻:「《說文》: 驢父馬母。或从羸(騙)。」

《說文》十上馬部:「驢父馬母。从馬羸聲。傷,或从羸。」

案:重文「騙」下,大徐云「或从羸」,小徐云「或不省」,非。正文作贏, 重文作騙,則从馬从羸,無所謂不省也。《集韻》引作「或从羸」,不 誤也。

體 沙

《集韻》平聲麻韻:「《說文》:水散名也。从水,从少。水少沙見。楚東有 沙水。譚長說:或从止(社)。」

《說文》十一上水部:「水散石也。从水,从少。水少沙見。楚東有沙水。於, 譚長說沙或从止。」

案:大徐作「仌水从少」,小徐作「從水少聲」,然《韻會》引無「聲」字, 是小徐本舊同。

炽 杈

《集韻》平聲麻韻:「《說文》:枝也。一曰:杈杷,農器。」

《說文》六上木部:「枝也。从木又聲。」

案:小徐「枝」上有「杈」字。《玉篇》「杈」亦訓「枝也」,是「杈」字不 宜有。「一曰」者,非引《說文》,《廣韻》下平九麻注:「杈杷,田器。」 丁氏葢本此也。

太 参

《集韻》平聲麻韻:「《說文》:豕也。从 4,下象其足。」

《說文》九下互部:「豕也。从 互,下象其足。讀若瑕。」

案:「下象其足」,小徐作「下象足」,意雖同,然有「其」字,語較舒緩不 迫促。

痂

《集韻》平聲麻韻:「《說文》: 疥也。」

《說文》七下疒部:「疥也。从疒加聲。」

案:小徐作「乾瘍也」,葢因「癬」下說解而譌。段氏從大徐作「疥也」, 注云:「痂本謂疥,後人乃謂瘡所蛻鱗爲痂,此古義、今義之不同也。 葢瘡鱗可曰介,介與痂雙聲之故耳。」《廣韻》下平九麻「痂」訓「瘡 痂」,然則此今義,非古義也。

籍 雅

《集韻》平聲麻韻:「《說文》:楚鳥也。一曰譽。一名:卑居。秦謂之雅。」

《集韻》平聲馬韻:「《說文》: 楚鳥也。一名譽。一名卑居。秦謂之雅。雅 一曰: 正也。」

《說文》四上隹部:「楚鳥也。一名譽。一名卑居。秦謂之雅。从隹牙聲。 臣鉉等曰:今俗別作鴉,非是。」

案:小徐「楚鳥」作「楚鳥」,「一名譽」作「一名譽」。今考《爾雅·釋鳥》 云:「鱟斯,卑居也。」《詩·小雅·小弁》「弁彼譽斯」,毛《傳》云: 「譽,卑居。卑居,雅鳥也。」足證大徐、《集韻》引是也。馬韻下: 「一曰:正也」,非引許書,《詩序》曰:「雅者,正也。」

窜 窪

《集韻》平聲麻韻:「《說文》: 甑空也。」

《說文》七下穴部:「甑空也。从穴圭聲。」

案:《繫傳》作「空也」,然「臣鍇曰」下,云「甑下孔也」,是小徐亦本 有「甑」字。《玉篇》注作「甑孔也」,《集韻》引不誤。

暘 暘

《集韻》平聲陽韻:「《說文》:日出也。引《書》:暘谷。」

《說文》七上日部:「日出也。从日易聲。《虞書》曰:暘谷。」

案:小徐「暘谷」上有「至于」二字。嚴氏《校議》曰:「《韻會》七陽引 暘谷上有至于二字,據通釋則但云:暘谷,無至于也。」

祥 祥

《集韻》平聲陽韻:「《說文》:福也。一日,善也。」

《說文》一上示部:「福也。从示羊聲。一云:善。」

案:《繫傳》無「善」也之義,蓋寫者譌敚。慧琳《一切經音義》四十三卷「祥」注引《字林》「福也,善也」,當本《說文》。《玉篇》、《廣韻》亦皆有「善也」之訓。《集韻》從大徐,然「一云」改「一曰」,又「善」下衍「也」字。

章 章

《集韻》平聲陽韻:「《說文》:文彰也。」

《說文》九上彡部:「文彰也。从彡,从章,章亦聲。」

案:鍇本「彰」作「章」,誤。《玉篇》引亦作「文彰也」,可證。

图图

《集韻》平聲陽韻:「《說文》: 天門也。楚人名門曰閭闍。」

《說文》十二上門部:「天門也。从門昌聲。楚人名門曰閶闔。」

案:「閶闔」上,小徐無「臼」字。

批 床

《集韻》平聲陽韻:「《說文》:安身之坐者。」

《說文》六上木部:「安身之坐者。从木爿聲。徐鍇曰《左傳》薳子馮詐病,掘地下冰而牀焉,至於恭坐則席也。故从爿,爿則片之省,象人衰身有所倚箸,至於牆壯戕狀之屬,竝當从牀省聲。李陽冰言木右爲片,左爲爿,音牆。且《說文》無爿字,其書亦異,故知其妄。」

案:小徐作「安身之几坐也」,田氏《二徐箋異》云:「几字涉上『桯,牀前几』而衍。《玉篇》引同大徐,是作『安身之坐』者較合,且桯爲牀前几,則牀不得爲几,可知。」故大徐、《集韻》引不誤也。

場場

《集韻》平聲陽韻:「《說文》:祭神道也。一曰:田不耕。一曰:治穀田也。」 《說文》十三下土部:「祭神道也。一曰:田不耕。一曰:治穀田也。从土 易聲。」

案:「田不耕」上,小徐有「山」字,葢衍。《玉篇》引亦作「田不耕」,同 大徐。

糧 糧

《集韻》平聲陽韻:「《說文》:穀也。」

《說文》七上米部:「穀也。从米量聲。」

案:小徐作「穀食也」,然慧琳《音義》卷三、卷七、卷十五注引作「穀也」,《集韻》引亦作「穀也」,小徐「食」字葢衍。

涼 涼

《集韻》平聲陽韻:「《說文》:事有不善,言諒也。引《爾雅》: 諒薄也。」

《說文》八下完部:「事有不善,言諒也。《爾雅》: 諒,薄也。从完京聲。 臣鉉等曰:今俗隸書作亮。」

[嬢

《集韻》平聲陽韻:「《說文》:煩擾也。一曰:肥大也。」

《說文》十二下女部:「煩擾也。一曰:肥大也。从女孃聲。」

案:「煩擾」,小徐作「煩役」,非。玄應《音義》卷七引正作「煩擾」,與 大徐合,《集韻》引不誤。

黄 姜

《集韻》平聲陽韻:「《說文》:神農居姜水以爲姓。」

《說文》十二下女部:「神農居姜水以爲姓。从女羊聲。」

案:「以」上,小徐有「因」字。《玉篇》注作「炎帝居姜水以爲姓」,與大徐合。小徐「因」字衍。

僵 僵

《集韻》平聲陽韻:「《說文》: 價也。」

《說文》八上人部:「債也。从人畺聲。」

案:《釋木·釋文》,玄應《音義》卷十三引皆作「偃也」,小徐本亦作「偃也」,疑古本如此。然許書「價」訓「僵也」,此訓「價也」,正是互訓, 大徐、《集韻》引當亦不誤也。

想 狼

《集韻》平聲唐韻:「《說文》:似犬。銳頭白頰,高前廣後。」

《說文》十上犬部:「似犬,銳頭白頰,高前廣後。从犬良聲。」

案:「廣後」,小徐作「後廣」,疑誤倒。上云「高前」,下亦當狀字「廣」 在前。

誉 蒼

《集韻》平聲唐韻:「《說文》: 艸色也。」

《說文》一下艸部:「艸色也。从艸倉聲。」

案:徐鍇本作「艸覆也」,非,《韻會》引同大徐作「艸色也」,是鍇本舊亦作「艸色也」。

鄙 剛

《集韻》平聲唐韻:「《說文》: 彊斷也。古作后。」

《說文》四下刀部:「彊斷也。从刀岡聲。於,古文剛如此。」

案:《繫傳》止作「彊也」,無「斷」字。田氏《二徐箋異》云:「大徐本 是。《書·臯陶謨》『剛而塞』,鄭注『剛謂事理剛斷』。又左氏昭六年 《傳》『斷之以剛』,剛有斷誼,古訓可徵如此。」故知大徐較勝矣。 《集韻》引從大徐。

型 望

《集韻》平聲唐韻:「《說文》:樂舞以羽穲,自翳其首,以祀星辰也。」《說文》一上玉部:「樂舞以羽曜自翳其首,以祀星辰也。从羽王聲。讀若

皇。」

案:小徐本「羽獾」上無「以」字。

煌煌

《集韻》平聲唐韻:「《說文》: 煌煇也。」

《說文》十上火部:「煌煇也。从火皇聲。」

案:鍇本作「煌煌煇也」,非,《說文》葢連上讀。玄應《音義》卷十二引作「煌煇也」,可證古本不重「煌」字。

[清

《集韻》平聲唐韻:「《說文》:積水也。」

《說文》十一上水部:「積水池。从水黃聲。」

案:《繫傳》作「積水池也」,《玉篇》、《廣韻》引同。《集韻》引作「積水也」,葢從大徐,而將「池」字誤作「也」。

新 杭

《集韻》平聲庚韻:「《說文》:稻屬或作稉。」

《說文》七上禾部:「稻屬。从禾亢聲。稉, 杭或从更聲。」

案:《繫傳》作「稻也」,非。慧琳《音義》卷八、卷十一、卷四十四、卷 八十三引皆作「稻屬」,桂氏《義證》云:「此旱稻也。內則謂之陸稻, 《管子》謂之陵稻。」段云:「凡言屬者,以屬見別也。言別者,以別 見屬也。重其同則言屬,杭爲稻屬是也。」大徐、《集韻》引不誤也。

變響

《集韻》平聲庚韻:「《說文》:五味盉鸞也。引《詩》:亦有和鸞。或作鸞、黱、羹。」

《說文》三下囑部:「五味盉鬻也。从囂、从羔。《詩》曰:亦有和鬻。**鸞**, 鬻或省。**鬻**,或从美鬻省。**羹**,小篆。从羔,从美。」

案:小徐「盉」字作「和」,俗字也。許書皿部曰:「盉,調味也。」引《詩》 「亦有和鬻」,小徐「鬻」作「羹」,今《周頌,烈祖》亦作「羹」,从 小篆也。

辦 洐

《集韻》平聲庚韻:「《說文》:溝水行也。」

《說文》十一上水部:「溝水行也。从水从行。」

案:《繫傳》作「溝行水也」,《周禮·地官·稻人》:「以溝蕩水。」注云:

「以溝行水也。」王筠《繫傳校錄》謂許似本此爲說。又謂:「大徐本作溝水行也。《玉篇》、《廣韻》皆作溝水也,又似因字从行而衍行字。」《集韻》引從大徐,未知然否?

盲旨

《集韻》平聲庚韻:「《說文》:目無牟子。」

《說文》四上目部:「目無牟子。从目亡聲。」

案:《繫傳》「牟」作「眸」,非。《說文》無「眸」,大徐列入新附字。

飄 辨

《集韻》平聲庚韻:「《說文》: 冥也。」

《說文》七上冥部:「冥也。从黽聲。讀若黽蛙之黽。」

案:小徐本但有:「从冥黽聲」四字,其上敚「冥也」二字。

明明

《集韻》平聲庚韻:「《說文》:照也。从月,从囧。古作明。」

《說文》七上明部:「照也。从月,从囧。》,古文朙从日。」

案:大徐作「照也」,小徐作「昭也」,許書火部曰:「照,明也。」日部曰: 「昭,明也。」《詩·大雅·皇矣傳》曰:「照臨四方曰明。凡明之至, 則曰明明。明明猶昭昭也。」是作「照」作「昭」皆可通。段注從大徐,王筠《句讀》從小徐。「从月从囧」,小徐作「從囧月聲」。鈕氏《校錄》云:「《繫傳》作从囧月聲,蓋傳寫誤。」段氏云:「从月者,月以日之光爲光也;从囧,取窗牖麗廔闓明之意也。」

點 點

《集韻》平聲耕韻:「《說文》: 鸚鴉。能言鳥也。」

《說文》四上鳥部:「鸚鶻。能言鳥也。从鳥嬰聲。」

案:小徐止作「鸚鵡也」,「能言鳥也」四字,綴于「鴟」字下,非是。

閉思

《說文》十二上門部:「釐門也。从門左聲。」

案:「養」字,小徐作「養」。許書醫部「體」下曰:「里中道也。」「養」 下曰:「篆文从邑省。」段注云:「養今作巷。」是小徐用後起字也。

燥

《集韻》平聲耕韻:「《說文》: 崝嶸也。」 《說文》九下山部:「崝嶸也。从山榮聲。」

案:小徐「也」作「皃」,《玉篇》「崝」下曰「崝嶸,高峻皃」,是「崝嶸」 爲狀物連詞,其下不宜複云「皃」也。

ず 萌

《集韻》平聲耕韻:「《說文》: 艸芽也。」 說文一下艸部:「艸芽也。从艸明聲。」

案:小徐本作「艸也」, 慧琳《一切經音義》卷五十四「萌」注引《說文》 作「艸芽也」, 與大徐本同, 知《集韻》引不誤。

精 精

《集韻》平聲清韻:「《說文》:擇也。」 《說文》七上米部:「擇也。从米青聲。」

案:小徐作「精擇也」,《玉篇》引作「擇也」,同大徐。

離 觲

《集韻》平聲清韻:「《說文》:用角低仰便也。引《詩》:解解角弓。」 《說文》四下角韻:「用角低仰便也。从羊牛角。《詩》曰:解解角弓。」 案:大徐作「《詩》曰:解解角弓」,小徐作「讀若《詩》曰:解解角弓」, 讀若者,擬其音也;許所引《詩》作「解」與篆同字,不當云讀若。 今《小雅·角弓》「解解」作「騂騂」。

証 证

《集韻》平聲清韻:「《說文》:正行也。或从彳(征)。」 《說文》二下辵部:「正行也。从辵正聲。被,延或从彳。」 案:鍇本止作「正也」,恐有誤脫。「近」字从辵,當有行意。

筒 營

《集韻》平聲清韻:「《說文》:市居也。一曰度也。」

《說文》七下宮部:「市居也。从宮,熒省聲。」

案:小徐作「市居也」,「市」蓋「市」之譌。《玉篇》、《廣韻》下平十四清引 並作「市居也」。營从熒省聲,熒从门,市亦从门,可證市居爲營之本義。 李注《文選·東京賦》引《說文》「營,市」是也,是唐時《說文》作市, 不作市矣。「一曰:度也」,非引《說文》,見《廣雅·釋詁》一。

鳳冥

《集韻》平聲青韻:「《說文》: 幽也。从日六, 一聲。日數十。十六日而月 始虧幽也。」

《說文》七上冥部:「幽也。从日、从六、一聲。日數十。十六日而月始虧 幽也。」

案:大徐作「从日从六一聲」,小徐作「從日六一聲」,《集韻》引同小徐, 唯「一聲」誤作「一聲」,當改。

器 鄍

《集韻》平聲青韻:「《說文》:晉邑也。引《春秋傳》:伐鄍三門。」

《說文》六下邑部:「晉邑也。从邑冥聲。《春秋傳》曰:我鄍三門。」

案:《玉篇》注:「晉邑也」,同大徐,《韻會》引無「也」字。小徐作「晉 邑食也」,非。另小徐「三門」下,有「是也」二字,段注、玉筠《句 讀》從之。

小 丁

《集韻》平聲青韻:「《說文》:夏時萬物皆丁實。象形。一曰:當也。」

《說文》十四丁部:「夏時萬物皆丁實。象形。丁承丙。象人心。」

案:「丁寶」,小徐作「丁壯成寶」。段氏從大徐注引《律書》曰:「丁者, 言萬物之丁壯也。」又引《律麻志》:曰:「大盛於丁。」「象形」下, 小徐有「也」字。「一曰:當也」,非引許書,見《爾雅·釋詁》。

《集韻》平聲青韻:「《說文》:玉聲也。引齊太公子伋謚曰:玎公。」 《說文》一上王部:「玉聲也。从玉丁聲。齊太公子伋謚曰:玎公。」 案:「諡」字,小徐作「諡」,誤。玄應《一切經音義》引《說文》曰:「諡, 行之迹也,從言益聲。」《廣韻》去聲六至曰:「諡,《說文》作諡」。

經 涇

- 《集韻》平聲青韻:「《說文》:水出安定涇腸开頭山,東南入渭。雝州之川 也。」
- 《說文》十一上水部:「水出安定涇陽开頭山,東南入渭。雝州之川也。从 水巠聲。」
- 案:「州」下,小徐無「之」字。「雝州」句,乃自上文細繹之,「之」字不可始奪。

新 新

《集韻》平聲青韻:「《說文》:似鍾而頸長。一曰:酒器。」

《說文》十四上金部:「似鍾而頸長。从金开聲。」

案:小徐「鍾」作「鐘」。段氏從大徐,注云:「鍾,俗本作鐘,今從宋本。 鍾者,酒器,見下,此以相聯爲文矣。」許書「鈃」下次「鍾」,段說 是也。「一曰:酒器」,非引《說文》,丁氏等所增。

H D

- 《集韻》平聲青韻:「《說文》:邑外謂之郊,郊外謂之野,野外謂之林,林 外謂之门,象遠界也。古从口(问),象國邑。或从土(坰)。」
- 《說文》五下门部:「邑外謂之郊,郊外謂之野,野外謂之林,林外謂之门, 象遠界也。 例,古文门、从口象國邑。 切,问或从土。」
- 案:古文「回」下,《繫傳》云:「古文门,象國邑,從口也。」語次雖與 大徐不同,無害於義也。

屬 烝

《集韻》平聲蒸韻:「《說文》:火氣上行也。一曰:君也、進也、眾也、淫 上也。」

《說文》十上火部:「火气上行也。从火丞聲。」

案:小徐作「火气也」,脫「上行」二字,《韻會》引作「火气上行也」,《集韻》引「气」作「氣」,俗字也。知小徐舊本原不誤。「一曰」下數義,

非引《說文》,「君也」、「進也」、「眾也」並見《爾雅・釋詁》;《左傳》 桓公十六年:「烝于夷姜。」《小爾雅・廣義》:「上淫曰烝。」《集韻》 云「淫上」,意同。

豐 登

《集韻》平聲登韻:「《說文》:上車也。从则豆,象登車形。籀从收(於)。」

《說文》二上艸部:「上車也。从艸豆,象登車形。醬,籀文登从收。」

案:「象登車形」,小徐作「爲登車形」,蓋譌,許書語例不如此作也。艸部「芻」下云「象包束艸之形」,小徐「象」亦譌作「爲」。

證 鐙

《集韻》平聲登韻:「《說文》:錠也。徐鉉曰:錠中置燭,故謂之鐙。」

《說文》十四上金部:「錠也。从金登聲。臣鉉等曰:錠中置燭,故謂之鐙。 今俗別作燈,非是。」

案:《集韻》引「錠也」,與二徐同。下引鉉說,與大徐本同。

晋 晋

《集韻》平聲登韻:「《說文》:魚罔也。」

《說文》七下网部:「魚网也。从网曾聲。」

案: 鍇本作「魚网」無「也」字。「网」爲本字,「网」乃或體,《集韻》引 當改從本字。

え 尤

《集韻》平聲尤韻:「《說文》:異也。徐鍇曰:乙欲出而見閡,見閡則顯其 尤異也。一曰:甚也、過也。」

《說文》十四下乙部:「異也。从乙又聲。徐鍇曰:乙欲出而見閡,見閡則 顯其尤異也。」

案:徐鍇原文:「乙」下有「者」字,「異」下無「也」字。「一曰」下二義, 非引《說文》,襄廿六年《左傳》:「而視之尤。」服注:「尤,甚也。」 《孟子》「畜君何尤」,注:「何尤,無過也。」「尤」即「過」也。

楽 楽

《集韻》平聲尤韻:「《說文》:皮衣也。一曰象形。與衰同意。」

《說文》八上**裘**部:「皮衣也。从衣求聲。一曰象形,與衰同意。**承**,古文 省衣。」

案:「與衰同意」,小徐作「與衰同」,「意」字葢脫。許書云某與同意者, 謂其造字之形同。「裘」與「衰」同意,指其皆从衣而象其形也。另二 徐竝收有古文「求」,《集韻》未引,宜補。

曳 曳

- 《集韻》平聲尤韻:「《說文》:木生條也。从弓由聲。引《商書》:若顚木之 有專枿。古文言由枿。徐鍇曰:《說文》無由字,今《書》由作專 枿,蓋古文省弓,而後人因之。从弓。上象枝條華圅之形。」
- 《說文》七上**弓**部:「木生條也。从弓由聲,《商書》曰:若顚木之有粵枿。 古文言由枿。徐鍇曰:《說文》無由字,今《尚書》只作由枿,蓋 古文省**弓**,而後人因省之,通用爲因由等字。从**弓**、上象枝條華 南之形。臣兹等案:孔安國注尚書直訓由作用也。用枿之語不通。」
- 案:大徐本有引「徐鍇曰:《說文》無由字。……上象枝條華圉之形」等語,此一條今《繫傳》無。《集韻》引從大徐,唯語有省誤。「今《尚書》只作由枿」,《集韻》引作「今《書》由作專枿」,「由」爲「只」之誤,「粵」爲「由」之誤,從下文「蓋古省弓」可知。「而後人因省之」《集韻》引省作「而後人因之」。「古文省弓」及「从弓」,《集韻》引「弓」並誤作「弓」。

阴 俯

《集韻》平聲尤韻:「《說文》:有廱蔽也。引《詩》:誰侜予美。」

《說文》八上人部:「有廱蔽也。从人舟聲。《詩》曰:誰侜予美。」

案:鍇本「廱」作「壅」,非。《說文》無壅。段氏從大徐,注云:「廱,今 之壅字。」小徐本蓋後人改。《韻會》引作「有廱蔽也」,是小徐舊本 亦不誤也。

廖廖

《集韻》平聲尤韻:「《說文》:疾瘉也。」

《說文》七下疒部:「疾瘉也。从疒翏聲。」

案:小徐作「疾病瘉也」,「病」即是「疾」,毋庸複出。

嘐 疁

《集韻》平聲尤韻:「《說文》:燒穜也,《漢律》曰:疁田茠艸。」

《說文》十三下田部:「燒穜也。《漢律》曰:疁田茠艸。从田翏聲。」

案:「穜」字,小徐作「種」,非。

解 汓

《集韻》平聲尤韻:「《說文》:浮行水上也,古或以汓爲沒。或作泅。」

《說文》十一上水部:「浮行水上也。从水从子,古或以汓爲沒。**‰**,子或 从囚聲。」

案:「古或以汓爲沒」,鍇本作「古文或以汓爲沒字」,義同。

瞬 喋

《集韻》平聲尤韻:「《說文》:和田也。一曰:鄭地名。」

《說文》十三下田部:「和田也。从田柔聲。」

案:鍇本有「鄭有輮,地名也」六字。嚴可均《校議》曰:「《韻會》十一 尤引作:一曰:鄭地名。議依《韻會》。」然《韻會》實沿《集韻》之 文,非小徐舊本,竊以爲仍依今本所見爲是,段氏《注》、王筠《句讀》 並從今之鍇本。

鸭 接

《集韻》平聲尤韻:「《說文》:衆意也。一曰:求也,引《詩》:東矢其接。」 《說文》十二上手部:「衆意也。一曰:求也。从手叜聲。《詩》曰:東矢其 接。」

案:「意」下,小徐有「兒」字。

糟 獀

《集韻》平聲尤韻:「《說文》:南越名犬獶獀。一曰:春獵。」

《說文》十上犬部:「南越名犬獶獀。从犬叜聲。」

案:「越」下,小徐有「人」字。「一曰:春獵」,係丁度等所附益,非引《說文》。獀,經典作蒐,《左傳》隱公五年曰「春蒐夏苗」,丁度蓋

本此也。

磐 鄒

《集韻》平聲尤韻:「《說文》: 魯縣古邾國,帝顓頊之後所封。一說魯穆公 改邾作鄒。」

《說文》六下邑部:「魯縣古邾國,帝顓頊之後所封。从邑芻聲。」

案:「魯縣」下,小徐有「也」字。「一說」云云,非許君語,《元和郡縣 志》:「鄒縣故邾國魯之附庸,魯穆公改邾爲鄒。因鄒山以爲縣。」

糯 媰

《集韻》平聲尤韻:「《說文》:婦人妊身也。引《周書》:至于媰婦。」

《說文》十二下女部:「婦人妊身也,从女器聲。《周書》曰:至于媰婦。」

案:引《周書》,小徐作「至媰婦」,奪「于」字。今《書·梓材》作「至 于屬婦。」

將 桴

《集韻》平聲尤韻:「《說文》: 棟名。」

《說文》六上木部:「棟名。从木孚聲。」

案:小徐作「眉棟名」、《廣韻》下平十八尤「桴」注:「齊人云:屋棟曰桴也。」鈕氏《校錄》疑《繫傳》「眉」爲「屋」之譌。《爾雅·釋宮》:「棟謂之桴。」正許君所本。竊以爲「屋」字亦不必有。

窗 君

《集韻》平聲尤韻:「《說文》:覆車也。引《詩》:雉離于雹。或从孚(罦)。」《說文》七下网部:「覆車也。从网包聲。《詩》曰:雉離于雹。屬,雹或从孚。」案:鍇本作「覆車网也」,「网」字衍。《韻會》引亦作「覆車」,《爾雅·釋器》、《王風·毛傳》並同。

雅 猴

《集韻》平聲侯韻:「《說文》:羽本也。一曰:羽初生兒。」

《說文》四上羽部:「羽本也。一曰:羽初生皃。从羽矦聲。」

案:小徐本第二義作「羽初生」,無「兒」字。《玉篇》:「猴,羽初生兒。」

《廣韻》下平十九侯引亦有「兒」字,故知當以大徐爲是。

埬 塿

《集韻》平聲侯韻:「《說文》: 壓土也。一曰:部塿,小阜。」

《說文》十三十十部:「摩土也。从土婁聲。」

案:小徐作「摩土也」,非。許書「塿」上正承「塺」篆,《集韻》引同大徐,是也。「一曰」者,非引《說文》,丁氏等所贈。

翔 槑

《集韻》平聲侵韻:「《說文》:積柴水中以聚魚也。」

《說文》七下网部:「積柴水中以聚魚也,从网林聲。」

案:小徐作「積柴木水中以聚魚」,「木」字蓋緣「水」字而訛衍,楚金案 語引《爾雅》注「積柴于水中,魚得寒入其裏……」,是舊本當亦無「木」 字。《玉篇》亦作「積柴於水中取魚」。

雨 無

《集韻》平聲侵韻:「《說文》:霖雨也。南陽謂霖霏。」

《說文》十一下雨部:「霖雨也。南陽謂霖霏。从雨水聲。」

案:大徐作「南陽謂霖聚」,小徐作「南陽名霖雨聚。」,《五音韻譜》作 「南陽謂霖聚」,可證大徐是,《集韻》引亦同。小徐蓋經後人竄改, 至不可讀。

燃沈

《集韻》平聲侵韻:「《說文》: 陵上滈水也。一曰濁黕也。一曰溺也。」

《說文》十一上水部:「陵上滈水也。从水穴聲。一曰濁默也。臣鉉等曰: 今俗別作沉, 冗不成字, 非是。」

案:「滈水」,小徐作「滴水」。田吳炤《二徐箋異》云:「《廣韻》、《集韻》、《類篇》引正作滈水。許著久雨曰滈。段氏若膺曰:謂陵上雨積停潦也。 即以滈字本義釋此文,小徐作滴,非是。」「一曰:溺也」,非引《說文》, 丁度等增。《書,微子》「我用沈酗于酒」是也。

至至

《集韻》平聲侵韻:「《說文》:近求也。从爪壬。壬,徼幸也。」

《說文》八上壬部:「近求也。从爪壬。壬,徼幸也。」

案:小徐作「求也」,無「近」字。然段注從大徐,注云:「近求,浸淫之意也。」王筠《句讀》亦作「近求士」,其說曰:「謂浸淫而求之,由近及遠也。」是當有「近」字,《集韻》引不誤。大徐作「从爪壬」,《集韻》引同,小徐作「从爪从壬」。

[唐

《集韻》平聲侵韻:「《說文》:不能言也。」

《說文》七下疒部:「不能言也。从疒音聲。」

案:小徐作「不能言病」,恐非。《玉篇》注作「不能言也」,同大徐。

盛 暗

《集韻》平聲侵韻:「《說文》:宋齊謂兒泣不止曰喑。」

《說文》二上口部:「宋齊謂兒泣不止曰喑。从口,音聲。」

案:小徐本作「宋齊謂兒泣下不止曰喑」,「泣」下衍「下」字。《方言》「宋 齊之間謂之喑」,是「下」字不必有;且《韻會》引即無「下」字,可 證。

朝 耽

《集韻》平聲覃韻:「《說文》,耳大垂也。引《詩》:士之耽兮。」

《說文》十三上耳部:「耳大垂也。从耳冘聲。詩曰:士之耽兮。」

案:引《詩》,小徐作「女之耽兮」,誤。《玉篇》、《集韻》引《詩》均同大徐。此《詩・衛風・氓》文。

灣 傪

《集韻》平聲覃韻:「《說文》:好兒。」

《說文》八上人部:「好皃。从人參聲。」

案:鍇本作「好也」,《玉篇》引作「好皃」,同大徐,《集韻》引不誤也。

含 含

《集韻》平聲覃韻:「《說文》:嗛也。」

《說文》二上口部:「嗛也。从口今聲。」

案:小徐作「銜也」、《廣韻》 十二覃、《韻會》 十三覃引並同。許書同部「嗛, 口有所銜也」,田氏《二徐箋異》云:「大徐作『嗛』是,舊本小徐作 『銜』者,後世習用字也。」然則大徐、《集韻》不誤也。

曆曆

《集韻》平聲談韻:「《說文》:和也。从甘从麻。麻,調也。」

《說文》五上甘部:「和也。从甘,从麻,麻,調也。」

案:大徐作「从甘从麻。麻,調也」,小徐作「麻,調也。从甘从麻」,就 語次言,當以大徐爲長,《集韻》引從大徐。

翰 嬐

《集韻》平聲談韻:「《說文》:敏疾也。一曰:莊敬皃。」

《說文》十二下女部:「敏疾也。一曰:莊敬皃。从女僉聲。」

案:「一曰:莊敬皃」,小徐作「一曰:莊皃」。《廣韻》五十剡:「嬐,嬐然 齊也。」桂馥曰:「齊,即莊敬。」段注本亦作「一曰:莊敬皃」。

嫌嫌

《集韻》平聲談韻:「《說文》:火燥車輖絕也。引《周禮》:燥牙外不嫌。一曰:火不絕兒。」

《說文》十上火部:「火煣車輖絕也。从火兼聲。《周禮》曰:煣牙外不熑。」

案:兩「煣」字,小徐竝作「輮」,非。煣,謂火曲木也;輮,謂車网也, 非此之用。《廣韻》下平二十五添引同大徐,《韻會》引亦同,知小徐 舊本不誤。「一曰」者,非引《說文》,《玉篇》:「燫熪,火不絕也。」 段氏云:「此義與火絕相輔。」丁氏蓋本此,改「也」爲「皃」。

粉黔

《集韻》平聲談韻:「《說文》:黎也。秦謂民爲黔首,謂黑色也。周謂之黎 民,引《易》:爲黔喙。」

《說文》十上黑部:「黎也,从黑今聲。秦謂民爲黔首,謂黑色也。周謂之 黎民。《易》曰:爲黔喙。」

案:《繫傳》作「黧也」,非。《說文》無「黧」。《字林》「黔,黧黑也」,蓋

以《字林》改也。又「色」下小徐無「也」字。

帖 沾

《集韻》平聲沾韻:「《說文》:水出壺關,東入淇。一曰:沾,益也。」

《說文》十一上水部:「水出壺關,東入其。一曰:沾,益也。从水占聲。 臣鉉等曰:今別作添,非是。」

案:小徐「壺關」上,多「上黨」二字,蓋衍。《廣韻》下平鹽韻引,《韻 會》引竝無此二字。

咸 咸

《集韻》平聲咸韻:「《說文》:皆也。悉也。从口、从戌,戌,悉也。」

《說文》二上口部,「皆也。悉也。从口、从戌。戌,悉也。」

案:「从口从戌」小徐作「從口戌聲」。又鍇本無「戌,悉也」三字,嚴章 福《說文校議議》云:「小徐無末三字,非。蓋謂所以从戌,且戌字別 義于此見之,許例往往如此。」

辦 誠

《集韻》平聲咸韻:「《說文》:和也。引《周書》:不能諴于小民。」

《說文》三上言部:「和也。从言咸聲,《周書》曰:不能諴于小民。」

案:鍇本引《周書》作「丕誠于小民」,「丕」與「不」古通,「能」字鉉有 鍇無,《古文尚書》有「能」,知小徐脫誤。《集韻》引雖作「丕」,然 未脫「能」字。

9 3

《集韻》平聲銜韻:「《說文》:毛飾畫文也。」

《說文》九上彡部:「毛飾畫文也。象形。」

案:小徐作「毛飾畫之文也」,「之」字蓋衍。《玉篇》注作「毛飾畫文也」, 同大徐,《集韻》引不誤也。

《集韻》上聲腫韻:「《說文》:脛氣足腫,引《詩》:既微且臺。或作鐘。」

《說文》七下疒部:「脛气足腫。从疒童聲,《詩》曰:既微且瘴。濾,籀文

从允。」

案:小徐作「脛氣腫」,「氣」爲借字,且脫「足」字。《玉篇》訓「足腫也」, 《小雅·巧言》:「既微且隨。」《爾雅·釋訓》、《毛傳》皆曰:「骬瘍 爲微,腫足爲隨。」是「足」字不可少。《集韻》引「气」亦用借字「氣」, 官改。重文「隨」,二徐並云「籀文」,集韻「或」字當改作「籀」。

輔軵

《集韻》上聲腫韻:「《說文》:反推車令有所付也。一曰:輕車。」

《說文》十四上車部:「反推車令有所付也。从車从付,讀若胥。」

案:小徐「也」字作「者」,非是。《玉篇》引亦作「反推車令有所付也」, 「一曰」者,非引許書,丁氏等所增。

蘭 拳

《集韻》上聲腫韻:「《說文》:兩手同械也。引《周禮》:上辠梏莑而桎。或 作蓁。」

《說文》十二上手部:「兩手同械也。从手、从共,共亦聲。《周禮》:上皋 档藆,从共,共亦聲。屬,攀或从木。」

案:引《周禮》,《續古逸叢書》本《說文》作「上辠梏藆而桎」,《集韻》 引同。祁刻小徐本「辠」作「罪」,俗字也。

18 侈

《集韻》上聲紙韻:「《說文》:掩脅也。一曰:奢也。大也。」

《說文》八上人部:「掩脅也。从人多聲。一曰:奢也。」

案:第二訓,大徐作「一曰:奢也」,小徐作「一曰:奢侈」,《集韻》引同 大徐。「大也」,非引《說文》,見《字林》。

爾爾

《說文》三下茲部:「麗爾,猶靡麗也。从门、从茲,其孔茲,介聲。此與 奕同意。」

案:「靡麗也」下,《集韻》引羼入「一曰:汝也」四字,此非引《說文》,

見《小爾雅·廣詁》。大徐作「从门从茲。其孔茲。介聲」,小徐作「從 □ 公。其孔茲。介聲」,《集韻》引同大徐,然未引「其孔茲」句。

够移

《集韻》上聲紙韻:「說文:衣張也。引《春秋傳》:公會齊侯于袳。」

《說文》八上衣部:「衣張也。从衣多聲。《春秋傳》曰公會齊矦于袳。」

案:《繫傳》作「衣裾」,非。徐鍇案語曰:「《禮》言大夫袳袂。謂其袂張 大。」是鍇意亦以爲「張大」也。又《廣韻》上聲四紙:「袳,衣長。」 周祖謨《校勘記》云:「長,當作張。故宮王韵,五代刻本韵書並同。」 可證大徐、《集韻》引不誤也。

锤

《集韻》上聲紙韻:「《說文》:以杖擊也。」

《說文》十二上手部:「以杖擊也。从手垂聲。」

案:小徐有「一曰:摘也」四字。《玉篇》、《廣韻》上聲四紙、《集韻》引 並無此訓,《韻會》引亦無,是小徐本舊無,今者蓋後人肊沾。

断此

《集韻》上聲紙韻:「《說文》:止也。从止、从七。七,相比次也。」

《說文》二上此部:「止也。从止从七。七,相比次也。」

案:釋字之形,小徐作「從止,能相比次」,田氏《二徐箋異》云:「能相 比次,語不適,大徐本是,小徐本蓋因能二七,涉之而誤。」段注亦 從大徐,《集韻》引不誤。

紫 粜

《集韻》上聲紙韻:「《說文》:識也。一曰:石鍼謂之漿。一曰:藏也。」

《說文》二上此部:「識也。从此束聲。一曰:藏也。」

案:「識也」, 錯本作「職也」, 蓋譌。《玉篇》引亦作「識也」。中羼入「石 鍼謂之漿」者, 非引許也, 見《廣雅・釋器》。

派 柅

《集韻》上聲旨韻:「《說文》:木也,實如棃。一曰止車輪。」

《集韻》上聲紙韻:「《說文》:木也,實如梨。一曰椅柅,木弱皃。」 《說文》六上木部:「木也。實如棃。从木尼聲。」

案:《繫傳》闕「柅」篆,然段注本有。許書木部「柅」字兩見,小徐蓋以 爲重出而刪之。實則其爲「杘」之或體者,當爲下形上聲,如《玉篇》 作「屎」者是。王筠《釋例》云:「此與柔杼之爲兩字者同,不爲重出。」 《集韻》引「木也。實如棃」,與大徐同。紙韻下:「一曰: 椅柅,木 弱兒。」非引《說文》,丁氏自增也。旨韻下:「一曰: 止車輪。」亦 非引《說文》,《易》「金柅」,馬注:「在車之下,所以止輪,令不動也。」 丁氏蓋本此也。

便匜

《集韻》上聲紙韻:「《說文》:似羹魁,柄中有道,可以注水。」 《說文》十二下匸部:「似羹魁,柄中有道,可以注水。从匸也聲。」

案:「可以注水。」,小徐作「可以注水酒」。玄應《音應》卷一注作「匜似杓,柄中有道,可以注水也。」《廣韻》上聲四紙注作「柸匜,有柄可以注水」,僖公二十三年《左傳·釋文》引作「似羹魁,柄中有道,可注水」,「可」下雖奪「以」字,然亦可證古本「水」下無「酒」字。

灩 豧

《集韻》上聲紙韻:「《說文》:豶也。一曰:俗呼小豶爲黐子。」

《說文》九下豕部:「豶也。从豕隋聲。臣鉉等曰:當从隨省。」

案:小徐作「豬也」,誤。《初學記》二十九〈酆部〉引作「豶也」,與大徐 同,《集韻》引不誤也。「一曰」者,非引《說文》,見《爾雅·釋獸》 「豨,豶也」下郭注。

诗 伎

案:引《詩》,小徐「籟」作「鞫」,與今《大雅·瞻卬》合,蓋後人因今 《詩》改。

錡 錡

《集韻》上聲紙韻:「《說文》: 鉏鋤也。江淮之間謂釜曰錡。一曰:鑿屬。」 《說文》十四上金部:「鉏鋤也。从金奇聲。江淮之間謂釜曰錡。」

案:「釜」下,小徐無「日」字。《方言》卷五:「鍑,江淮陳楚之間謂之錡。」 鍑亦釜屬,是有「日」字,語較順暢。「一日」者,非引說文,《詩 豳風,破斧》:「又缺我錡。」《傳》曰:「鑿屬曰錡。」

翳製

《集韻》上聲紙韻:「說文:米一斛春爲八斗。一曰:饘也。」

說文七上毇部:「米一斛舂爲八斗也。从泉从殳。」

案:鍇本「米」上有「糲」字,然《玉篇》注、《廣韻》上聲四紙引均同大徐。《集韻》引亦無,唯「斗」下奪「也」字。「一曰:饘也」,非引《說文》,見《廣雅·釋器》。

酒 酒

《集韻》上聲紙韻:「《說文》:飲也。《周禮》:大渳謂浴尸也。」

《說文》十一上水部:「飲也。从水弭聲。」

案:廣韻上聲四紙「湖」注引作「歓也」,大徐、《集韻》引「歓」注作 「飲」,俗字也。小徐作「飲歃也」,「歃」蓋涉「澊」下「飲歃也」 而衍。《玉篇》、《廣韻》亦皆作「飲也」,「《周禮》」云云,非許書原 文,丁度等所附益。

淵 秭

《集韻》上聲旨韻:「《說文》: 五稷爲秭。一曰:數億至萬曰秭。」

《說文》七上禾部:「五稷爲秭。从禾톼聲。一曰:數億至萬曰秭。」

案:「五稷爲秭」,小徐作「五稷也」,「數億」二字,小徐作「億數」。《詩·周頌·豐年》「萬億及秭」,毛《傳》:「數億至億曰秭。」與此微別, 然大徐作「數億」,與《詩傳》合。

世市

《集韻》上聲止韻:「說文:下基也。象艸木出有址。故以爲足。一曰已也。」 《說文》二上止部:「下基也。象艸木出有址。故以止爲足。」 案:鍇本作「下也」,「基」字蓋脫。許氏說字形,謂「象艸木出有址」,《說文》自部「阯,基也。或作址」,王筠《句讀》曰:「許以止爲阯之古文也。」「故止以爲足」,二徐注同,《集韻》引作「故以爲足」,「止」字非脫,蓋省。「一曰」者,非引《說文》、〈東京賦〉「神具醉止」,注:「止,已也。」

士士

《集韻》上聲止韻:「《說文》:事也。數始於一,終於十。从一从十。孔子 曰:推十合一爲士。」

《說文》一上士部:「事也。數始於一,終於十。从一从十。孔子曰:推十 合一爲士。」

案:大徐本有「从一从十」四字,小徐無。《廣韻》上聲六止引作「从一十」,少一「从」字,是《說文》本有,小徐脫去。《集韻》引同大徐,不誤也。

解 涘

《集韻》上聲止韻:「《說文》:水厓也。引《周書》王出涘。」

《說文》十一上水部:「水厓也。从水矣聲。《周書》曰:王出涘。」

案:「厓」字,小徐作「崖」。《爾雅·釋丘》「涘爲厓」,《詩·葛藟》、《蒹 葭》、《大明傳》並云:「涘,厓也。」《廣雅·釋邱》:「涘,厓也。」 是古皆作「厓」。

第 枲

《集韻》上聲止韻:「《說文》: 麻也。籀文作韖。」

《說文》七下木部:「麻也。从木台聲。蠶,籀文枲从林从辝。」

案:鍇本作「麻子也」,非。「枲,麻也」,《爾雅·釋草》文。《喪服傳》曰:「苴,麻之有蕡者也。牡麻者,枲麻也。」有子不得云牡,是《玉篇》曰:「有子曰苴,無子曰枲。」《廣韻》上聲六止注作「麻有子曰枲,無子曰苴」,「有」「無」二字互訛。《詩·七月》:「九月叔苴。」毛《傳》:「苴,麻子也。」故知《玉篇》是也。段注本從大徐作「麻也」,《集韻》亦然。

1000

《集韻》上聲止韻:「《說文》:用也。从辰巳。賈侍中說:已意已實也。象 形。」

《說文》十四下已部:「用也。从辰巳。賈侍中說:己意已實也。象形。」

案:引賈侍中說:小徐作「己意目實也」。王筠《繫傳校錄》曰:「案:以、已,皆已之變文。」「象形」下,小徐有「也」字。

首皆

《集韻》上聲止韻:「《說文》: 芣苢, 一名馬舄, 其寶如李, 令人宜子。《周書》所說。」

《說文》一下艸部:「芣苢。一名馬舄,其實如李,令人宜子。从艸目聲。《周書》所說。」

案:「《周書》所說」,小徐本作「《周禮》書所說」,《周書》者,《逸周書》 也,「禮」字衍。

雅 匪

《集韻》上聲尾韻:「《說文》:器似竹篋。引《逸周書》:實玄黃于匪。匪, 一曰非也。」

《說文》十二下匚部:「器似竹管。从匚非聲。《逸周書》曰:實玄黃于匪。」案:《續古逸叢書》本作「器似竹篋」,《集韻》引同。岩崎氏本「篋」作

「笆」,非。祁刻小徐本止作「如篋。」蓋有敚奪。《廣韻》上聲七尾引作「器如竹篋」,近大徐。「一曰:非也」,非引《說文》,見《廣雅·釋詁》四。

*

《集韻》上聲尾韻:「《說文》: 餱也。陳楚之間相謁,食麥飯曰餥。」

《說文》五下食部:「餱也。从食非聲。陳楚之間相謁,食麥飯曰餥。」

案:鍇本作「謁」下有「而」字,蓋涉《方言》增。《方言》卷一云:「陳 楚之內相謁而食麥饘謂之餥。」

豨 豨

《集韻》上聲尾韻:「《說文》:豕走豨豨。古有封豨脩虵之害。」

《說文》九下豕部:「豕走豨豨。从豕希聲。古有封豨脩虵之害。」

案:《繫傳》無「古有封豨脩虵之害」八字。《左傳》申包胥曰:「吳爲封豕 長蛇。」《淮南·本經訓》:「逮至堯之時,封豨脩蛇,皆爲民害。」許 蓋列此義于後也。

볼 불

《集韻》上聲尾韻:「《說文》:還師振旅樂也。一曰:欲也,登也,非也。」 《說文》五上豈部:「還師振旅樂也。一曰:欲也。登也。从豆微省聲。」 案:小徐引《詩》作「還師振旅旅樂也」,「旅旅」當衍其一。饒炯《說文 解字部首訂》曰:「凡軍中還師振旅樂,謂揚旆而返,鼓譟而還,歌以 樂之。如《左傳》僖二十八年云:振旅豈以入於晉。是也。」「非也」 之義,非《說文》本有,丁度等所增。

許 許

《集韻》上聲語韻:「《說文》:聽也。」

《說文》三上言部:「聽也。从言午聲。」

案:小徐作「聽言也」,然《廣雅·釋詁》四:「許,聽也。」《玉篇》訓「進也。從也。聽也」,據此,知仍以大徐爲是。

園 盧

《集韻》上聲語韻:「《說文》:鐘鼓之柎也。飾爲猛獸。从虍異。象其下足。 或省(撰)。亦作鐻。」

《說文》五上虍部:「鐘鼓之柎也。飾爲猛獸。从虍異。象其下足,鑽,虞或从金喙聲。攝,篆文虞省。」

案:「象其下足」,小徐作「象形其下足」,「形」字衍。

聯節

《集韻》上聲語韻:「《說文》: 幡也。所以載盛米。从宁从甾,甾,缶也。」 《說文》十四下宁部:「幡也。所以載盛米。从宁从甾。甾,缶也。」 案:小徐「从宁」二字,在「甾,缶也」下。

旅

《集韻》上聲語韻:「《說文》:軍之五百人爲旅。古作状。」

《說文》七上从部:「軍之五百人爲旅。从从从从,从俱也。**炎**,古文旅, 古文以爲魯衛之魯。」

案:小徐作「軍之五百人」,無「爲旅」二字。

患 禹

《集韻》上聲噴韻:「《說文》:蟲也。从厹。象形。古作会、一曰:夏王之 號。」

《說文》十四下厹部:「蟲也。从厹象形。為,古文禹。」

案:小徐「从厹」之「厹」作「內」,且二字在「象形」下。「一曰:夏王 之號」,係丁度等增,非《說文》本有。

榜 撫

《集韻》上聲囔韻:「《說文》:安也。一曰:循也。或作近。」

《說文》十二上手部:「安也。从手無聲。一曰:循也。卷,古文从辵亡。」 案:小徐尚有「一曰:掇也」四字,《玉篇》引無,經傳亦無「撫」訓爲「掇」

者。掇,拾也。小徐本恐後人增。

康 庶

《集韻》上聲噴韻:「《說文》:堂下周屋。籀从툙。」

《說文》九下尸部:「堂下周屋。从广無聲。廣,籀文从舞。」

案:鍇本作「堂下周廡屋」,「廡」字蓋衍。《後漢書·梁鴻傳》注、《文選· 雪賦》、《懷舊賦》李注引並作「堂下周屋」,與大徐同,《集韻》引不 誤。

楊 鴉

《集韻》上聲嘆韻:「《說文》: 鸚鴉也。」

《說文》四上鳥部:「鸚鵡也。从鳥母聲。」

案:小徐「鸚鵡也」,下尚有「能言鳥也」四字,蓋「鸚」注,移竄於此也。

图 宝

《集韻》上聲嘆韻:「《說文》:宗廟宔祏。」

《說文》七下宀部:「宗廟宝祐。从宀主聲。」

案:小徐作「宗廟主石也」,田氏《二徐箋異》云:「示部『祏』字下,『宗廟主也』主當作宝,此作『祏』,正與示部應。小徐之誤作石,猶祏下之誤作主也。」是大徐、《集韻》引不誤也。《玉篇》亦作「宗廟宝祏也」。

乳乳

- 《集韻》上聲噴韻:「《說文》:人及鳥生子曰乳。獸曰產。从孚从乙。乙者, 玄鳥也。《明堂月令》:玄鳥至之日,祠于高禖,以請子故乳。从乙, 請子必以乙至之日者。乙春分來,秋分去。開生之候鳥,帝少昊司 分之官也。」
- 《說文》十二上乙部:「人及鳥生子曰乳。獸曰產。从孚从乙。乙者,玄鳥也。《明堂月令》:玄鳥至之日,祠于高禖。以請子故乳。从乙,請子必以乙至之日者。乙春分來、秋分去,開生之候鳥,帝少昊司分之官也。」
- 案:「開生之候鳥」,小徐作「開生之候玄鳥」,田氏《二徐箋異》云:「玄字衍」。

i 僂

《集韻》上聲噳韻:「說文: 涯也。周公韤僂。或言背僂。」

《說文》八上人部:「尫也。从人婁聲。周公韤僂。或言背僂。」

案:小徐作「戹也」,非。《玉篇》引作「尫也」,慧琳《音義》卷二、卷三十二、卷七十三引亦作「尫也」,足證大徐本、《集韻》引之不誤也。《韻會》引亦作「尫也」,故知小徐本原不誤也。

廖庾

《集韻》上聲嘆韻:「《說文》:水漕倉也。一曰:倉無屋者。」

《說文》九下广部:「水漕倉也。从广臾聲。一曰:倉無屋者。」

案:鍇本「漕」作「槽」,誤。《漢書·文帝紀》「發倉庾」,應劭曰:「水漕 倉曰庾。」

角用

《集韻》上聲姥韻:「《說文》: 穜菜曰圃。」

《說文》六下口部:「穜菜曰圃。从口甫聲。」

案:《繫傳》「穜」作「種」,非。「種植」字,古作「穜」,後世多混。

增 堵

《集韻》上聲姥韻:「《說文》:垣也。五版爲一堵。籀作齇。」

《說文》十三下土部:「垣也。五版爲一堵。端,籀文从土者聲。高从享。」

案:「堵」上,小徐無「一」字。

吐 吐

《集韻》上聲姥韻:「《說文》:寫也。」

《說文》二上口部:「寫也。从口土聲。」

案:小徐作「瀉也」,「寫」、「瀉」古今字。

첢 詁

《集韻》上聲姥韻:「《說文》:訓故言也。从言古聲。詩曰:詁訓。」

《說文》三上言部:「訓故言也。从言古聲。《詩》曰:詁訓。」

案:小徐作「詩詁訓」無「日」字,蓋脫。

厚 扈

《集韻》上聲姥韻:「《說文》:夏后同姓所封,戰於甘者,在鄠有扈谷甘亭, 古作屺。」

《說文》六下邑部:「夏后同姓所封,戰於甘者在鄠有扈谷甘亭。从邑戶聲。 此,古文扈从山马。」

案:「有扈谷甘亭」小徐作「有扈國也,有甘亭」。《玉篇》注同大徐,桂氏《義證》云:「有扈谷甘亭者,言有扈谷亭及甘亭也。《漢志》有扶風鄠縣古國有扈谷亭。……《續漢書·郡國志》:有扶風鄠有甘亭。」徐耀箋亦曰:「許蓋謂扈谷亭、甘亭耳。」依此,則大徐爲是。

* *

《集韻》上聲薺韻:「《說文》:粟實也。象禾實之形。」

《說文》七上米部:「粟實也。象禾實之形。」

案:小徐作「穬實也。象禾黍之形」,恐非。《玉篇》注亦作「粟實也」,與

大徐同,《廣韻》上聲十一薺作「穀寶也」。「象禾黍之形」,〈祛妄篇〉仍作「象禾實之形」。

閣園

《集韻》上聲薺韻:「《說文》: 智少力劣也。」

《說文》三下鬥部:「智少力劣也。从鬥爾聲。」

案: 鍇本作「智力少劣也」,非。《廣韻》上聲十一薺「鬮」注亦作「智少力劣」,段注從大徐。

原 棨

《集韻》上聲薺韻:「《說文》:傳信也。一說:形如戟,有幡書之吏執爲信。」 《說文》六上木部:「傳信也。从木啓省聲。」

案:小徐作「傳書也」,慧琳《音義》卷九十八「棨」注引《說文》作「傳信也」,同大徐,《廣韻》上聲十一薺引亦同。小徐「信」作「書」,義雖兩通,然非古本。「一說」云云,非引許書,丁度等所增益也,《漢書·韓延壽傳》「建幢棨」,注:「有衣之戟也。」「有衣」謂「有幡」也。

解 解

《集韻》上聲蟹韻:「《說文》:判也。以刀判牛角。一曰:解廌,獸名。」 《說文》四下角部:「判也。从刀。判牛角。一曰:解廌,獸也。」

案:「一曰:解廌,獸也」,小徐「廌」作「豕」。許書「廌」下曰:「解廌 獸也」,《廣韻》上聲十二蟹注云:「解廌,仁獸,似牛一角」,桂氏《義 證》曰:「《字林》、《字樣》俱作解廌」,綜上所引,小徐作「豕」,非。 又「獸也」,《集韻》引作「獸名」,宜改。

置 潤

《集韻》上聲蟹韻:「《說文》:水出豫章艾縣,西入湘。」

《說文》十一上水部:「水出豫章艾縣,西入湘。从水買聲。」

案:「西」下,小徐有「北」字。《水經·湘水篇》曰:「又北過羅縣西,潤水從東來流注之。」潤水又別爲篇曰:「潤水出豫章艾縣,西過長沙羅縣西,又西至磊石山,入於湘水。」據是,則「北」字不宜有。

麗 罪

《集韻》上聲賄韻:「《說文》:捕魚竹网。」

《說文》七下网部:「捕魚竹网。从网非。秦以罪爲辠字。」

案:小徐「捕魚」下無「竹网」二字,蓋以爲與「从网」二字混,而刪奪。

階 債

《集韻》上聲賄韻:「《說文》: 嫺也。一曰:長兒。」

《說文》八上人部:「嫺也。从人貴聲。一曰:長兒。」

案:小徐無「一曰:長兒」四字。考《玉篇》「僓」訓「長好兒。又嫺也」, 《廣韻》上聲十四賄亦訓「長好兒」,去聲十八隊訓「長也」,是許書 當亦有「長兒」之別義。

& 案

《集韻》上聲賄韻:「《說文》:學也。」

《說文》九下山部:「廛也。从山絫聲。」

案:鍇本作「巖也」,恐誤。《玉篇》注作「紊² ,山形」,《廣韻》上聲十四賄注作「紊² ,山狀」,紊² ,疊韻字也,訓「巖」,非也。

3 改

《集韻》上聲海韻:「《說文》:更也。从己,从支,李陽冰曰:一有過,支之即改。」

《說文》三下攴部:「更也。从攴己。李陽冰曰:己有過攴之即改。」

案:大徐作「从支己」,小徐作「從支己聲」,《繫傳》楚金案語云:「從戊己之己。」己疑非聲。《集韻》引作「从己从支」,亦視同會意。引李陽冰說,二徐注作「己有過,支之卽改」,此說从己从支之意也,《集韻》引作「一有過,支之卽改」,「一」當爲「己」之誤。

翰 聹

《集韻》上聲蟹韻:「《說文》:益梁之州謂聾爲騂,秦晉聽而不聞,聞而不 達,謂之騂。」

《說文》十二上耳部:「益梁之州謂聲爲聜,秦晉聽而不聞,聞而不達,謂 之 時。从耳宰聲。」

案:「聽而不聞」,小徐作「聽而不聰」。《御覽》七有四十〈疾病部〉引作「聽

而不聞」,同大徐。《玉篇》引《方言》作「聽而不聰」,鍇本或後人據《方言》改。

前 袗

《集韻》上聲軫韻:「《說文》:玄服或从裖。」

《說文》八上衣部:「玄服。从衣含聲。齲,袗或从辰。」

案:小徐作「袨服」,非,《說文》無「袨」。

段頻

《集韻》上聲準韻:「《說文》:面色顚顛兒。」

《說文》九上頁部:「面色顚顚兒。从頁員聲。讀若隕。」

案:小徐作「面色顚兒」,「鬨」字奪。《廣韻》上聲十八吻引作「面色顚顚 兒」,可證。

糊粉

《集韻》上聲吻韻:「《說文》:袞衣山龍華蟲黺畫粉也。衞宏說。」

《說文》七下黹部:「袞衣山龍華蟲黺畫粉也。从黹从粉省。衞宏說。」

案:鍇本「蟲」下有「粉米也」三字,段氏《注》、王氏《句讀》皆不取。 《書·臯陶謨》:「日月星辰山龍華蟲作繪、宗彝藻人粉米黻絺繡。」「華 蟲」不與「粉米」相屬,鍇本蓋傳寫誤衍。

牆 卷

《集韻》上聲阮韻:「《說文》:粉也。一曰:饋捲搏也。」

《說文》七上米部:「粉也。从米卷聲。」

案:小徐無義,作「或从卷作」,以爲「粉」之重文,誤。《廣韻》上聲二十阮注作「粉也」,同大徐,《集韻》亦然。「一曰」者,非引《說文》, 見《廣雅,釋詁》三。

想 很

《集韻》上聲很韻:「《說文》:不聽从也。一曰行難也。一曰:盭也。」 《說文》二下彳部:「不聽从也。一曰:行難也。一曰:盭也。从彳皀聲。」 案:「不聽从也」,小徐作「不聽從也」,許書从部曰「相聽也」,「從」下曰 「隨行也」,故知大徐、《集韻》引不誤。

《集韻》上聲緩韻:「《說文》: 淥米籔也。」

《說文》十二下匸部:「淥米籔也。久匸箕聲。」

案:「淥」字,小徐作「盝」。淥爲漉之重文,訓「浚也。」小徐又作「水下兒」,許書竹部「奠」下云「漉米籔也」,則匴與奠同。《說文》無盝,小徐非也。

鬱矕

《集韻》上聲緩韻:「《說文》:百家爲酇。酇,聚也。一曰:縣名,在南陽。」

《集韻》去聲換韻:「《說文》:百家爲酇。酇,聚也。南陽有酇縣。蕭何子 孫續封者。」

《說文》六下邑部:「百家爲酇,酇,聚也。从邑贊聲。南陽有酇縣。」

案:「酇,聚也」,小徐作「酇,四里也」,田氏《二徐箋異》云:「二十五家里,百家爲酇,實四里,無庸綴設『酇,四里』之訓,其誼已明。《玉篇》引《說文》亦作『酇,聚也。』」《周禮‧遂人》:「五家爲鄰,五鄰爲里,四里爲酇。」後人或據此而改小徐。「南陽有酇縣」,二徐注同,《集韻》上聲緩韻引作「一曰:縣名。在南陽」,文字、言次均有改易,去聲換韻引則同,其下又曰:「蕭何子孫續封者」,乃丁度等所增益,蕭何始封于沛郡劇縣,高后徙封于酇。

疃 疃

《集韻》上聲緩韻:「《說文》: 禽獸所踐處也。引《詩》: 町疃鹿場。」 《說文》十三下田部:「禽獸所踐處也。《詩》曰: 町疃鹿場。从田童聲。」 案:「踐」下,小徐有「地」,蓋衍。

預 瓪

《集韻》上聲潸韻:「《說文》: 敗也。一曰牝瓦。」

《說文》十二下瓦部:「敗也。从瓦反聲。」

案:鍇本作「敗瓦也」,桂氏《義證》云:「本書初刻無瓦字,後增。」田 氏《二徐箋異》曰:「茲,破也; 瓪,敗也。均以單字成訓,一例。」 是《集韻》引不誤也。「一曰:牝瓦」,非引《說文》,見《玉篇》。

[]

- 《集韻》上聲產韻:「《說文》:羊相厠也。从羴在尸下。尸,屋也。一曰: 相出前也。」
- 《說文》四上羴部:「羊相厠也。从羴在尸下。尸,屋也。一曰:相出前也。」
- 案:「一曰:相出前也」,小徐本作「相出前屋在初也」,考《玉篇》亦作「相 出前也」,知鍇本「屋在初」三字衍。

銤 銑

- 《集韻》上聲銑韻:「《說文》:金之澤者。一曰:小鑿。一曰:鐘兩角謂之 銑。」
- 《說文》十四上金部:「金之澤者。一曰:小鑿,一曰:鐘兩角謂之銑。从 金先聲。」
- 案:「兩角」上,小徐有「下」字。《廣韻》引同大徐,亦無「下」字,小 徐衍。

號 我

- 《集韻》上聲銑韻:「《說文》: 仲秋鳥獸毛盛,可選取以爲器用。」
- 《說文》八上毛部:「仲秋鳥獸毛盛,可選取以爲器用。从毛先聲。讀若選。」
- 案:「以爲器用」,小徐作「以爲器」,無「用」字,然《書·堯典·釋文》 有「用」字,小徐蓋脫。

扁 扁

- 《集韻》上聲銑韻:「《說文》:署也。从戶冊。戶冊者署門戶之文也。一曰: 不圓兒。」
- 《說文》二下冊部:「署也。从戶冊,戶冊者署門戶之文也。」
- 案:大徐本作「从戶冊。戶冊者,署門戶之文也」,小徐作「從戶冊者,署 門戶之文也」,不重「戶冊」二字,非。重之者,所以說其義,不重則 語句不完。「一曰」者,非引《說文》,蓋丁度等自增也。

館 鉉

《集韻》上聲銑韻:「《說文》:舉鼎也。《易》謂之鉉,《禮》謂之鼏。」 《說文》十四上金部:「舉鼎也。《易》謂之鉉,《禮》謂之鼏。从金玄聲。」 案:「鼎」下,小徐有「具」字。《五音韻譜》、《廣韻》上聲二十七銑、《集 韻》、《類篇》竝無「具」字。《易·鼎卦·釋文》引馬注曰:「扛鼎而 舉之也。」是「具」字不必有。

翳 揃

《集韻》上聲殭韻:「《說文》: 搣也。一曰:擇也。」

《說文》十二上手部:「搣也。从手前聲。」

案:小徐有「一曰:竊也」之訓,朱氏《通訓定聲》曰:「未詳。」《韻會》 引無此四字,是小徐舊本亦無。「一曰:釋也」,非引《說文》,丁度等 所增。

譱 善善

《集韻》上聲独韻:「《說文》:吉也。或省善。」

《說文》三上語部:「吉也。从語从羊,此與義美同意。書,篆文从言。」

案:小徐作「言也」,當係形誤。「譱」字从羊,且許君又云:「此與義美同意。」訓「吉」是也。《說文》口部曰:「吉,善也。」二字相轉注也。

騰 儀

《集韻》上聲ূূূূ韻:「《說文》:作姿也。」

《說文》八上人部:「作姿也。从人善聲。」

案:小徐作「作姿態也」,「態」字蓋衍。「СССС 「係」字,《玉篇》作「係」,注「作姿也」,同大徐。是《集韻》引不誤也。

燃燃

《集韻》上聲玃韻:「《說文》:酸小棗。一曰染也。」

《說文》六上木部:「酸小棗。从木然聲。一曰:染也。」

案:「一曰:染也」,小徐「染」作「柔」。楚金案語有云:「《上林賦》: 枇杷燃柿。燃之言柔也。」似爲「柔」字作注,然郭璞以爲「燃」爲「燃支木也」,段氏從大徐作「染」,注曰:「染,小徐作柔,皆未詳。」嚴

可均《校議》云:「手部撚一曰:躁也。作染誤。」洪頤煊《讀書叢錄》 同此說。今存之備考。

- 《集韻》上聲獨韻:「《說文》:開閉門利也。一曰:縷十紘。」
- 《說文》十二上門部:「開閉門利也。从門繇聲。一曰:縷十紘也。臣鉉等 曰:繇非聲,未詳。」
- 案:《繫傳》作「開閉門戶利也」,「戶」字似衍。《玉篇》作「開閉戶利也」, 蓋有「門」即不必有「戶」,有「戶」即不必有「門」。「一日」,小徐 作「或日」,意同。「紘」下,二徐注有「也」字,《集韻》奪。

簡整

- 《集韻》上聲玃韻:「《說文》:柔韋也。从北从皮省。从敻省。徐鉉曰:北 者反覆柔梁之也。古作尺,籀作贵。」
- 《說文》三下北部:「柔韋也。从北从皮省,从敻省。讀若耎。一曰讀若儁。 臣鉉等曰:北者反覆柔治之也。敻營也。於,古文甍。於,籀文甍 从敻省。」
- 案:「从北从皮省从敻省」,小徐作「從北皮省敻省」。

屬星

- 《集韻》上聲玃韻:「《說文》:大夫已上冠也。邃延垂瑬紞纊。古者黃帝初 作晜。或从糸(綠)。」
- 《說文》七下同部:「大夫以上冠也。邃延垂瑬紞纊,从月免聲。古者黃帝初 作冕。緣,冕或从糸。」
- 案:「大夫以上冠也」,二徐竝同,《集韻》引「以」作「已」,當改。王筠《句讀》曰:「据《士冠禮》三加至爵弁而止,是士無冕也。」「紞纊」二字,小徐作「纊紞」。段注、王筠《句讀》竝從大徐。段云「糸部曰:紞者冕冠塞耳者也。按紞所以懸瑱也。瑱亦謂之纊。」王云:「紞所以縣纊也。纊即瑱。」《集韻》引亦從大徐。

衚 衍

《集韻》上聲玃韻:「說文:水朝宗于海也。一曰:廣也。達也。樂也。散

也。」

《說文》十一上水部:「水朝宗于海也。从水从行。」

案:「海」下,小徐有「兒」字。然《韻會》引無「兒」字,知小徐本舊無。「一日」下數義,非引《說文》,「廣也」,見《廣雅·釋詁》二;《太玄》「法水直衍」,注:「衍,達也。」「樂也」之義,諸書未見,《詩·小雅·南有嘉魚》「嘉賓式燕以衎」,《傳》云:「衎,樂也。」疑丁氏等涉此而誤。「散也」,見《小爾雅·廣言》。

癵 疼

《集韻》上聲玃韻:「《說文》:拔取也。南楚語。引《楚詞》:朝寒阰之木蘭。」 《說文》十二上手部:「拔取也。南楚語。从手寒聲。《楚詞》曰:朝寒批之 木蘭。」

案:鍇本無「南楚語」三字,《韻會》引有,知今鍇本散失。

將 杓

《集韻》上聲筱韻:「說文:禾危穗也。」

《說文》七上禾部:「禾危穗也。从禾勺聲。」

案:《繫傳》「穗」作「穟」,非。徐鍇曰:「危謂獨出之穗也。」是小徐舊本當亦作「穗」也。《玉篇》亦訓「禾危穗」。

熱繰

《集韻》上聲小韻:「《說文》:帛如紺色。一曰:深繒。」

《說文》十三上糸部:「帛如紺色。或曰:深繪,从糸喿聲。讀若喿。」

案:「帛如紺色」,小徐「紺」作「繒」,非。《玉篇》引亦作「紺」。「深繒」 上,二徐注云「或曰」,《集韻》引作「一曰」,義得兩通。

嬌 蟜

《集韻》上聲小韻:「《說文》:蟲名。一曰:夭蟜龍皃。一曰:野人身虎文。」 《說文》十三上虫部:「蟲也。从虫喬聲。」

案:二徐注作「蟲也」,《集韻》引「也」作「名」,宜改。兩「一日」義, 非引《說文》,丁氏等所增。

嬲 覨

《集韻》上聲小韻:「《說文》:目有察省兒也。」

《說文》八下見部:「目有察省見也。从見票聲。」

案:鍇本作「目有察省」,無「見也」二字。《集韻》引從大徐,然「見」 作「兒」,蓋形訛也。《玉篇》作「目有察省見也」,同大徐。

襟 標

《集韻》上聲小韻:「《說文》:木杪,末也。」

《說文》六上木部:「木杪。末也。从木爂聲。」

案:小徐「杪」作「標」,非。王筠《繫傳校錄》云:「大徐標作杪,是。 與杪互訓也。」其《句讀》又云:「說標日木杪,說杪日木標,轉注也, 皆申之以末者,以恆言統之也。」《集韻》引從大徐,不誤。

農

《集韻》上聲小韻:「《說文》: 鹿藿也。一曰: 菽屬。」

《說文》一下艸部:「鹿藿也。从艸麃聲。讀若剽,一曰: 菽屬。」

案:「鹿藿也」小徐作「鹿蘿也」。嚴可均《說文校議》云:「《韻會》十七 篠引作『鹿蘿也』,蘿爲正體。《釋艸》:蔨,鹿蘿。《說文》無蔨字, 蓋許所見本作『蔍』,鹿藿。」段氏注亦作「鹿蘿也」,則大徐、《集 韻》引宜改。又「一曰:蔵屬」,小徐「蔽」作「蔽」,乃轉寫之誤。 許書「蔽」篆,在「藨」篆上,从又不从支。大徐、《集韻》引不誤。

퉏 疝

《集韻》上聲巧韻:「《說文》:腹中急也。」

《說文》七下疒部:「腹中急也。从疒口聲。」

案:小徐作「腹中急痛也」,《廣韻》上聲三十一巧注作「腹中急痛」,與其同。然《玉篇》作「腹中急」,與大徐合。

稿 鎬

《集韻》上聲晧韻:「《說文》:溫器也。武王所都,在長安西上林苑中。」 《說文》十四上金部:「溫器也。从金高聲。武王所都,在長安西上林苑中。 字亦如此。」

案:「武王所都」下,小徐有「鎬」字,嫌贅,蓋後人加。《韻會》引「都」 下無「鎬」,可証。

詹 媪

《集韻》上聲晧韻:「《說文》:女老偁也。」

《說文》十二下女部:「女老偁也。从女昷聲。讀若奧。」

案:小徐作「母老稱也」,段云:「大徐作女,非也。高帝母曰劉媪。」然《韻會》引、《玉篇》、《廣韻》注皆作「女老稱」,又「稱」字,當作「偁」,大徐、《集韻》引不誤。

珠 璪

《集韻》上聲晧韻:「《說文》:玉飾如水藻之文。引《虞書》璪火黺米。」 《說文》一上玉部:「玉飾如水藻之文。从玉喿聲。《虞書》曰:璪火黺米。」 案:小徐本引《虞書》「黺」作「粉」。鈕樹玉《說文校錄》謂作「粉」者 非,並云:《說文》黺下引此文,《書·益稷。釋文》引亦作「黺」。

图图

《集韻》上聲晧韻:「《說文》:頭騰也。从七,七,相匕箸也。巛,象髮, 囚,象匘形。」

《說文》八上七部:「頭騰也。从七,七,相七著也。巛,象髮。囟,象匘 形。」

案:大徐作「頭騰也」,小徐作「頭髓也」,「髓」爲「騰」之隸寫。《集韻》 引同大徐。「囟,象匘形」,二徐並同,《集韻》引「囟」,訛作「囚」, 當改。

離 細

《集韻》上聲哿韻:「《說文》:富奲奲兒。」

《說文》十下奢部:「富奲奲兒。从奢單聲。」

案:鍇本「富」作「當」,譌。《玉篇》訓「大寬也」,《廣韻》上聲三十五 馬韻注曰:「寬大也。」均有「富」義。

淵淵

《說文》八下見部:「屰惡驚詞也。从見過聲。讀若楚人名多夥。」

案:小徐「屰」作「逆」,「詞」下無「也」字。《集韻》引從大徐,唯「屰」 譌作「芇」,不體。

舞 錁

《集韻》上聲果韻:「《說文》:齊謂多爲夥。」

《說文》七上多部:「齊謂多爲錁。从多果聲。」

案:鍇本作「齊謂多也」,無「爲絮」二字,然義仍同。

標 婐

《集韻》上聲果韻:「《說文》: 她也。一曰: 女侍。孟軻曰舜爲天子, 二女 媧。」

《說文》十二下女部:「她也。一曰:女侍曰婐。讀若騙。或若委。从女果 聲。孟軻曰舜爲天子,二女媧。」

案:「一曰:女侍曰婐」句上,小徐有「一曰:果敢也」五字。王筠《句讀》曰:「果,當作婐。《左傳》:殺敵爲果。《蒼頡篇》作惈。案:嬾、媠,從女,果敢字似不宜從女。大徐本無此句,蓋疑而刪之也。」王說非 尼斷也。婐,訓姬也,姬下注云:「一曰:弱也。」弱與果敢意正相戾, 許訓當不至如此悖理。

隱 隋

《集韻》上聲果韻:「《說文》:山之隋隋者。」

《說文》九下山部:「山之嶞嶞者。从山从隋省聲。讀若相推落之憜。」

案: 鍇本作「山之嶞者」, 蓋脫一「嶞」字。《周頌·般篇》:「嶞山喬嶽。」 傳曰:「嶞山, 山之嶞嶞小者。」與大徐、《集韻》引合。

權 槎

《集韻》上聲馬韻:「《說文》: 褒斫也。引《春秋傳》: 山不槎。」

《說文》六上木部:「褒斫也。从木差聲。《春秋傳》曰:山不槎。」

案:小徐本作「斫也」,無「衰」字。《文選·西京賦》「槎木剪棘」,李善

引賈逵《國語注》:「槎,邪斫也。」〈東京賦〉「山無槎枿」,薜綜曰:「斜斫曰槎。」是「袞」字宜有。引《春秋傳》大徐作「山不槎」,小徐作「山木不槎」,今《三傳》注無此文,《魯語》曰:「山不槎櫱。」嚴氏校議云:「山木不槎,木乃帀之誤,不槎當作槎木,轉寫到耳。不即櫱,所謂古文從木無頭者。」嚴說可取。嚴氏又謂《春秋傳》當改作《春秋國語》,段注云:「許書亦有謂《國語》爲《春秋傳》者,此其一也。」然則不改亦可。

增 治

《集韻》上聲馬韻:「《說文》:銷也。一曰:女熊。」

《說文》十一下仌部:「銷也。从仌台聲。」

案:鍇本作「消也」,非。段云:「銷者鑠金也。仌之融如鑠金然,故鑪鑄 亦曰冶。」「一曰」者,非引《說文》,丁氏等所增。

課 稞

《集韻》上聲馬韻:「《說文》:善者。一曰:無穀之皮穀。」

《說文》七上禾部:「穀之善者。从禾果聲。一曰:無皮穀。」

案:小徐無「一曰:無皮穀」句,錢坫《說文解字斠詮》云:「無皮穀,今 所云青稞也,似非古訓。」然段氏以爲此謂穀中有去稃者,桂氏《義 證》並引《四民月令》「青稞麥與大麥同時熟、麫美、磨盡無麩」爲說, 田氏《二徐箋異》云:「此非諓人所能肊艁,當是舊本所有。」如是, 則小徐脫「一曰」義也。

群 毒羊

《集韻》上聲馬韻:「《說文》:黃華也。」

《說文》一下艸部:「黃華也。从艸黊聲。讀若壞。」

案:《繫傳》作「華黃」,蓋誤倒,《玉篇》作「黃花」,可證。

屬 寡

《集韻》上聲馬韻:「《說文》:少也。从一、从頒。頒,分賦也。故爲少。」

《說文》七下宀部:「少也。从宀、从頒。頒,分賦也。故爲少。」

案:「从宀,从頒。頒,分賦也。故爲少」,小徐作「從宀頒。頒,分也。

從一頒,故爲少」,「從一頒」三字複出,其衍無疑。

剱 類

《集韻》上聲養韻:「《說文》: 瑳垢瓦石。」

《說文》十二下瓦部:「瑳垢瓦石。从瓦爽聲。」

案:「瑳」字,小徐作「磋」,俗字也。《說文》無磋。段氏《汲古閣說文訂》 云:「經典切磋字,古多作磋。」

쇸 支

《集韻》上聲養韻:「《說文》:十尺也。从又持十。」

《說文》三下支部:「十尺也。从又持十。」

案:「从又持十」, 鍇本作「从手持十」, 又, 即手也, 篆文下實是「又」字, 因此大徐爲是。

1 L

《集韻》上聲養韻:「《說文》: 高也。此古文。指事也。一曰:外也。或作 上。」

《說文》一上上部:「《說文》: 高也。此古文上。指事也。 2, 篆文上。」

案:「此古文上。指事也」,小徐「上」作「丄」,非是。《集韻》引止作「此 古文。指事也」,「上」字非脫,蓋省。「一曰:外也」,非引《說文》, 「外」宋本《集韻》作「升」,棟亭本「升」多訛作「外」。《易·需 卦》「雲上于天」,《注》:「上,升也。」

特 奘

《集韻》上聲蕩韻:「《說文》:妄彊犬也。从大。」

《說文》十上犬部:「妄彊大也。从犬从壯,壯亦聲。」

案:「彊」字,小徐作「強」,借字也。

紒 沆

《集韻》上聲蕩韻:「《說文》:莽沆大水也。一曰:大澤皃。一曰:沆瀣露 气。」

《說文》十一上水部:「莽沆大水也。从水亢聲。一曰:大澤皃。」

案:《繫傳》「大澤」下,無「兒」字。《風俗通》:「山澤沆者莽也,言其平望 莽莽無涯際也。」是莽沆沆所以狀山澤之大水。許收入則一義,故曰「大 澤兒」,小徐省奪「兒」字,則沆爲大澤矣。又「大水」下,小徐無「也」 字,此無關要義。「一曰:沆瀣、露气」,非引《說文》,丁度等所增。

州 皿

《集韻》上聲梗韻:「《說文》:飯食之用器也。象形。」

《說文》五上皿部:「飯食之用器也。象形。與豆同意。讀若猛。」

案:鍇本「飯食」作「飲食」、《御覽》七百五十六〈器物部〉引亦同。然《玉篇》引作「飯食」與大徐同;嚴氏《校議》云《韻譜》、《集韻》、《類篇》、《韻會》二十三梗引亦作「飯食」、是與大徐同者多。且《韻會》引係小徐舊本,亦與大徐同,故知小徐原亦作「飯食」也。

╢ 永

《集韻》上聲梗韻:「《說文》:長也。象水巠理之長。引《詩》江之永矣。」 《說文》十一下永部:「長也。象水巠理之長。《詩》曰:江之永矣。」

案:小徐作「永長也」,然《爾雅·釋詁》、《毛詩傳·箋》注訓「長也」。《方言》卷一:「施于眾長謂之永。」是「永」長,非必指「永長也」,當以大徐爲是,《集韻》引不誤。又「象水巠理之長」下,小徐有「永也」二字,嫌贅。

耿 耿

《集韻》上聲耿韻:「《說文》:耳箸頰也。从耳烓省聲。杜林說:耿光也。 从光聖省。」

《說文》十二上耳部:「耳箸頰也。从耳炷省聲。杜林說:耿光也。从光聖省。凡字昔左形右聲。杜林非也。徐鍇曰:凡字多右形左聲。此說或後人所加,或傳寫之誤。」

案:大徐「从耳烓省聲」,小徐「烓」作「炯」。五音韻譜、《集韻》、《類篇》 引注作「炐」,烓見許書火部、讀若門。大徐是也。

奎 蚕

《集韻》上聲耿韻:「《說文》:吉而免凶也。从屰、从夭。夭,死之事。故

死謂之不奪。」

《說文》十下夭部:「吉而免凶也。从並从夭。夭,死之事。故死謂之不奪。」 案:「故死謂之不奪」,小徐作「故謂死爲不奪」,顚倒耳,義仍同。《集韻》 引「奪」譌作「喬」,當改。

聚 聚

《集韻》上聲廻韻:「《說文》: 榮也。引《詩》:衣錦褧衣。示反古。」

《說文》八上衣部:「檾也。《詩》曰:衣錦褧衣。示反古。从衣耿聲。」

案:「示反古」,小徐作「反古」,毛本亦刓去「示」字,然《爾雅翼》引亦作「示反古」,同大徐,《集韻》引不誤也。

辩 娃

《集韻》上聲廻韻:「《說文》:很也。引《楚詞》鯀婞直。」

《說文》十二下女部:「很也。从女幸聲。《楚詞》曰鯀婞直。」

案:《繫傳》有「一曰:見親」四字,然《韻會》引無,《玉篇》注亦無, 恐是後人增。

鏦 鋌

《集韻》上聲廻韻:「《說文》:桐鐵樸也。」

《說文》十四上金部:「桐鐵樸也。从金廷聲。」

案:「樸」字,小徐作「朴」。段氏從大徐,注云:「樸,木素也,因以爲凡 素之稱。小徐作朴,非也。」

縱 梃

《集韻》上聲廻韻:「《說文》:一枚也,一曰:木名。」

《說文》六上木部:「一枚也。从木廷聲。」

案:小徐作「一枝也」,田氏《二徐箋異》云:「竹部箇下,鍇說竹璞曰竿、 曰梃、曰橦。是梃一枚,大徐本是。」「一曰」者,非引《說文》,丁 度等增。梃木見《山海經,海內西經》。

身 友

《集韻》上聲有韻:「《說文》:同志爲友。从二又,相交友也。古作學樣。」

《說文》三下又部:「同志爲友。从二又相交友也。**キキ**,古文友。**诊**,亦古文友。)

案:「从二又,相交友也」,小徐作「从二又相交」,無「友也」二字。

业 韭

《集韻》上聲有韻:「《說文》:菜名。一種而久者,故謂之韭。象形。在一之上。一,地也。」

《說文》七下韭部:「菜名。一穜而久者,故謂之韭。象形。在一之上。一, 地也。此與耑同意。」

案:小徐作「菜名也」,「也」字蓋衍;「一種而久」之「穜」訛作「種」。 又「一,地也」,《繫傳》在「臣鍇曰」下,然《釋草,釋文》引有「一, 地也」句,則非楚金說。《集韻》引同大徐,不誤也。

新 咎

《集韻》上聲有韻:「《說文》:災也。从人从各,各者,相違也。」

《說文》八上人部:「災也。从人从各。各者,相違也。」

案:「从人从各」,小徐作「从人各聲」,恐非。《繫傳》鍇曰:「會意也」, 王筠《句讀》亦作「从人从各」,《集韻》引當不誤也。段本作「从人 各」,視同會意。

西酉

- 《集韻》上聲有韻:「《說文》:就也。八月黍成,可爲酎酒。象古文酉之形。 古文酉,从卯丣,卯爲春門,萬物已出。酉爲秋門,萬物已入。一, 閉門象也。」
- 《說文》十四下酉部:「就也。八月黍成,可爲酎酒。象古文酉之形。**介**, 古文酉,从卯,卯爲春門,萬物已出。酉爲秋門,萬物已入。一, 閉門象也。」

案:「一,閉門象也」,小徐作「從一ф,閉門象也」。

置 不

《集韻》上聲有韻:「《說文》: 鳥飛上翔不下來也。从一,一猶天也。象 形。」 《說文》十二上不部:「鳥飛上翔不下來也。从一,一猶天也。象形。」 案:「象形」上,小徐有「黃」。許書「董」下說解,象形二字上,小徐亦 無「董」形,此蓋校者旁注混入正文。段氏用其說,而不目之入正文, 是也。

烟 狃

《集韻》上聲有韻:「《說文》: 犬性驕也。」

《說文》十十大部:「犬性驕也。从犬丑聲。」

案:「驕」字,小徐作「忕」,非。《說文》無「忕」,《玉篇》「忕」訓「奢也」,與犬性義不合。

厚厚

《集韻》上聲厚韻:「《說文》:丘陵之厚也。从尋从厂。古作垕。」

《說文》五下尋部:「山陵之厚也。从尋从厂,胡口切。厚,古文厚从后土。」

案:二徐注作「山陵之厚也」、《集韻》引「山」作「丘」、宜改。《廣韻》 上聲四十五厚引亦作「山陵」。「从尋从厂」、小徐作「從厂從尋」、王 筠《繫傳校錄》曰:「若如小徐、則當隸厂部。」是語次當以大徐、《集 韻》爲當。

晞 晦

《集韻》上聲厚韻:「《說文》: 六尺爲步, 步百爲晦。或作畞。」

《說文》十三下田部:「六尺爲步,步百爲晦,从田每聲。**咸**,晦或从田十久。臣鉉等曰十四方也。久聲。」

案:「步百爲畮」,小徐作「百步爲畮」,且下有「秦田二百四十步爲畮」句。 《玉篇》引《司馬法》亦作「步百爲畮」,小徐誤倒。「秦田」句,疑校者 語,《韻會》二十六厚引作「秦孝公制二百四十步爲畮」,故有所異。

臺

《集韻》上聲褒韻:「《說文》:覆也。」

《說文》一下艸部:「覆也。从艸僾省聲。」

案:鍇本作「艸覆地也」,「艸」,「地」二字蓋衍。《玉篇》引作「覆也」, 同大徐,《集韻》引亦是。《集韻》本又收重文「養」,二徐無;《廣韻, 釋詁》:「養,覆也。」《廣韻》上聲四十七侵「養」注亦曰「覆也」,亦可爲佐證。

攬 煩

《集韻》上聲褒韻:「《說文》:項枕也。」

《說文》九上頁部:「項枕也。从頁冘聲。」

案:「項枕」之「枕」,小徐作「煩」。嚴章福《說文校議議》云:「項枕者,即今人所謂後枕骨,仰臥箸枕處,宋本是。」王筠《句讀》亦謂:「此骨受枕,故以枕名,迨有專字作煩,仍以枕說之,而連言項以定之。」《集韻》引作「枕」,當不誤。顧廣圻云「汪刻《繫傳》改枕爲煩」,《玉篇》引同小徐本,恐亦後人轉改。

衽 衽

《集韻》上聲寶韻:「《說文》:衣裣也。」

《說文》八上衣部:「衣裣也。从衣壬聲。」

案:小徐「裣」作「衿」,非。說文無「衿」,《韻會》引亦作「裣」。

答答

《集韻》上聲蘹韻:「《說文》:侵火也。」

《說文》十上炎部:「侵火也。从度靣聲。讀若桑葚之葚。」

案:小徐作「侵也」,「火」字蓋脫。《玉篇》注作「火兒」。

稱 揻

《集韻》上聲感韻:「《說文》:搖也。」

《說文》十二上手部:「掬也。从手咸聲,臣鉉等曰:今別作撼,非是。」

案:小徐作「搖也」,李善注〈長門賦〉、慧琳《音義》卷七十四、卷九十四、 希麟《續音義》卷六「撼」注引皆作「搖也」。「搖」訓不誤,「撼」乃俗 誤字。大徐本作「镏」,恐「搖」之訛字。《集韻》引作「搖也」,不誤。

3 3

《集韻》上聲感韻:「《說文》:嘾也。艸木之華未發圅然。象形。」

《說文》七上了部:「嘾也。艸木之華未發圅然。象形。讀若含。」

案:鍇本「艸木之華未發」下,脫「圅然象形」四字。段云:「圅之言含也,

深含未放。」又云:「下象承華之莖,上象未放之蓓蕾。」是此四字不當少。

豫 黲

《集韻》上聲感韻:「《說文》:淺青黑也,一曰:敗也。」

《說文》十上黑部:「淺青黑也。从黑參聲。」

案:鍇本作「淺青黑色」,「色」,疑「也」之誤。《廣韻》上聲四十八感注作「淺青黑也」,同大徐,《集韻》亦是。然《玉篇》注作「淺青黑色也」,未審孰是?「一曰:敗也」,非引《說文》,見《廣雅·釋詁》三。

關浦

《集韻》上聲感韻:「《說文》:西河美稷保,東北水。」

《說文》十一上水部:「西河美稷保東北水。从水南聲。」

案:「東」下,小徐無「北」字,「水」下有「也」字。

震 菜

《集韻》上聲琰韻:「《說文》:濡也。」

《說文》十一下雨部:「濡也。从雨染聲。」

案:鍇本作「霑也」,然《玉篇》注作「濡也」,同大徐,《集韻》亦是。鍇 本或涉「霑」下訓「雨露也」而改,取其互訓也。

稿 講

《集韻》平聲尤韻:「《說文》: 詶也。引《周書》: 無或譸張爲幻。」

《說文》三上言部:「詶也。从言壽聲。讀若醻。《周書》曰:無或譸張爲 幻。」

案:小徐引經作「無或譸張幻」,「幻」上無「爲」字。今《周書·無逸》「幻」 上有「爲」字,小徐脫。

爺 龍

《集韻》去聲号韻:「《說文》:炊竈也。或不省竈。」

《說文》七下穴部:「炊竈也。从穴鼄省聲。圖,竈或不省。」

案:鍇本作「炮竈也」,非。段氏從大徐作「炊竈也」,注云:「炊者,爨也。

電者炊爨之處也。」考《玉篇》注作「炊竈也」,正同大徐。《集韻》 引不誤也。

繋 邦

《集韻》去聲隊韻:「《說文》: 今桂陽邦陽縣。」

《說文》六下邑部:「今桂陽邦陽縣。从邑耒聲。」

案:小徐「邾陽」下,脫「縣」字。

貢 賈

《集韻》去聲送韻:「《說文》:獻功也。」

《說文》六下貝部:「獻功也。从貝工聲。」

案:《繫傳》「獻」下無「功」字,「聲」下有「獻納總稱尊嚴」六字。田 氏《二徐箋異》云:「貢功目同音相訓。《國語》:蒸而獻功,即謂貢 也。小徐刪『功』也,沾下六字,非是。」是知《集韻》引不誤。

器 衆

《集韻》去聲送韻:「《說文》:多也。从低目眾意。」

《說文》八上众部:「多也。从低目衆意。」

案:「从低目衆意」,小徐作「從低從目。目衆意」。

用宋

《集韻》去聲宋韻:「《說文》:居也。一曰:木者所以成室,以居人也。一曰 : 木者所以成室,以居人也。一曰 : 木者所以成字,以居人也。一曰 : 木者所以成字,以居人也。一曰 : 木者所以成字,以居人也。一曰 : 木子也。

《說文》七下一部:「居也。从一从木。讀若送。臣鉉等曰:木者所以成室, 以居人也。」

案:《集韻》引「居也」,與二徐同,「一曰:木者所以成室,以居人也」, 徐鉉說,《集韻》未言明也。「一曰:地名。商後微子所封」,係丁氏等 所增,非《說文》;《左傳》昭公十七年「宋,大辰之墟」,在今河南歸 德府商邱縣,周成王封微子啓爲宋公,以紹殷後。

留 詈

《集韻》去聲寘韻:「《說文》: 罵也。从网从言, 网罪人。」

《說文》七下网部:「罵也。从网从言。网辠人。」

案:「从网从言」,小徐作「从网言」,且無「网,辠人」三字。《集韻》引 從大徐,唯「辠」作「罪」,俗字也。

阵 吱

《集韻》去聲寘韻:「《說文》:頃也,从匕。匕,頭頃也。引《詩》:歧彼織女。」 《說文》八上匕部:「頃也,从匕支聲。匕,頭頃也,《詩》曰:歧彼織女。」 案:小徐「頃」作「傾」,一字也。又小徐無「匕,頭頃也」四字,然楚金 案語有「傾側其首而望也」句,疑小徐舊本亦有「匕,頭頃也」四字, 以解从匕之意。段氏《注》、王筠《句讀》並采之。

糖 燒

《集韻》去聲寘韻:「《說文》:不說也。」

《說文》十二下女部:「不說也。从女恚聲。」

案:小徐「說」下有「兒」字。

韶 詖

《集韻》去聲寘韻:「《說文》:辯論也。」

《說文》三上言部:「辯論也。古文从爲頗字,从言皮聲。」

案:小徐「辯」作「辨」,譌。「詖」从言,說解亦應从言作「辯」。

赞 勢

《集韻》去聲至韻:「《說文》:至也。引《周書》:大命不勢。一曰:《虞書》 雉勢。」

《說文》十二下女部:「至也。从女執聲。《周書》曰:大命不勢。讀若摯同。 一曰: 慮書雉褺。」

案:「《虞書》:雉勢」上,小徐無「一曰」二字,非。段云:「此別一義, 謂勢即今贄字,引《堯典》:一死贄。以明之。」王筠《句讀》亦曰: 「《堯典》:一死贄。《釋文》:贄,本又作摯,引此以爲則義。小徐无 一曰,非也。」

_ _

《集韻》去聲至韻:「《說文》:地之數也。从偶,古作弍。」

《說文》十三下二部:「地之數也。从偶。試,古文。」

案:「从偶」,小徐作「从偶一」。《五音韻譜》、《集韻》、《類篇》引「偶」 下並無「一」字。又「偶」字,當作「耦」。段云:「偶者,桐人也, 凡云偶爾用之。耦者,二人並耕之偁,故凡奇耦字用之。」

棄 棄

- 《集韻》去聲至韻:「《說文》: 捎也。从廾推**苹**棄之。从云。云,逆子也。 古作弃棄。」
- 《說文》四下**苹**部:「揜也。从卅推**苹**棄之。从云。云,逆子也。臣鉉等曰: 云他忽切。齊,古文棄。黨,籀文棄。」
- 案:「从卅推**羊**棄之」、《繫傳》「之」作「也」。「从云:云,逆子也」、《繫傳》作「从元;元,逆子也」,田氏《二徐箋異》曰:「元,云重文。若本从元,則當言从倒古文学矣。」故知仍以大徐、《集韻》引爲是。重文「棄」,大徐云「籀文」,小徐云「古文」、《集韻》引亦視作「古文」。

蔥蘿

《集韻》去聲至韻:「《說文》:北方州也。一曰:欲也。」

《說文》八上北部:「北方州也。从北異聲。」

案:小徐作「北方也」、《玉篇》注:「冀州也。北方州、故从北。」是「州」 字宜有、大徐、《集韻》引不誤也。「一曰:欲也」、非引《說文》、丁 度等增。

鞘費

《集韻》去聲至韻:「《說文》: 韋繡也。」

《說文》三下革部:「韋繡也。从革貴聲。」

案:《繫傳》作「革繡也」,然徐鍇引《唐史》云:「戎狄婦女或能刺韋爲繡也。」是小徐舊本當亦作「韋繡也」,段氏從《繫傳》作「革繡也」,然《注》中引《後漢·烏桓傳》曰:「婦人能刺韋作文繡。」是可證「韋繡」之語古已有之。《廣韻》上平聲十五灰引正作「韋繡也」,《集韻》引不誤也。

願 寐

《集韻》去聲至韻:「《說文》:臥也。」

《說文》七下寐部:「臥也。从瘳省未聲。」

案:鍇本無義,但作「從瘳省未聲」,其上蓋脫「臥也」二字。

谜 蒔

《集韻》去聲志韻:「《說文》:更別穜。」

《說文》一下艸部:「更別穜。从艸時聲。時吏切。」

案:「更別穜」之「橦」,小徐作「種」,非,古「種植」字,作「穜」,後 世多混,大徐、《集韻》引不誤。

陌 佴

《集韻》去聲志韻:「《說文》: 饮也。一曰: 貳也。」

《說文》八上人部:「你也。从人耳聲。」

案:許書「佴」上次「次」篆,此訓「次也」,段云:「家遞訓言。」是小徐作「次也」,非許氏之舊。《玉篇》亦作「次也」。「一曰:貳也」,非引《說文》,見《爾雅·釋言》,亦見《玉篇》。

珥 珥

《集韻》去聲志韻:「《說文》:瑱也。」

《說文》一上玉部:「瑱也。从玉耳。耳亦聲。」

案:小徐本作「瑱者」,苗夔《繫傳校勘記》曰「者當依鉉作也」,段《注》 多從小徐,然此亦作「也」。

위字

《集韻》去聲志韻:「《說文》:乳也。从子在一下,一曰:文也。」

《說文》十四下子部:「乳也。从子在一下。子亦聲。」

案:「从子在宀下」,小徐作「从宀子」。王筠《句讀》從大徐,注云:「與 宀部安、冗二字說解相儷。」許君「安」下云「从女在宀下」,「冗」 下云「从宀,人在屋下」,以語例言,大徐是也,《集韻》引不誤。「一 曰:文也」,丁度等增,非引《說文》。

随值

《集韻》去聲志韻:「《說文》:措也。」

《說文》八上人部:「措也。从人直聲。」

案:小徐尚有「一曰:逢遇也」,蓋後人以引申義誤加,與「但」字同例。

《爾雅·釋訓》:「逢遇,見也。」郭注:「行而相值也。」

诵 亟

《集韻》去聲志韻:「《說文》:敏疾也。从人、从口、从又、从二。二,天 地也,徐鍇曰:承天之時,因地之利,口謀之,手執之,時不可失, 疾也。」

《集韻》入聲職韻:「《說文》:敏疾也。从人、从口、从又、从二。二,天 地也。徐鍇曰:承天之時,因地之利,口謀之,手執之,時不可失, 疾也。」

《說文》十三下二部:「敏疾也。从人、从口、从又、从二。二,天地也。 徐鍇曰:承天之時,因地之利,口謀之,手執之,時不可失,疾 也。」

案:「从人从口从又从二」,小徐作「从人口又二」,無下三「从」字。「時不可失疾」上,小徐尚有「時乎」二字。

를 諅

《集韻》去聲志韻:「《說文》:忌也。引《周書》:上不諅于凶德。」

《說文》三上言部:「忌也。从言其聲。《周書》曰:上不諅于凶德。」

案:小徐引《周書》作「爾尚不諅于凶德」,然《廣韻》去聲七志引作「上不諅于凶德」,同大徐,《集韻》引亦然。今《書·多方》作「爾尚不忌于凶德」,小徐或後人據今本改。

扉 扉

《集韻》去聲未韻:「《說文》:履也。」

《說文》八上尸部:「履也。从尸非聲。」

案:小徐作「履屬」,段云:「云屬者,履之麤者曰屝也。《方言》曰:扉, 麄屨也。」似小徐爲長。唯《廣韻》亦曰:「屝,履也。」

氣 氣

《集韻》去聲未韻:「《說文》:饋客芻米也。引《春秋傳》:齊人來氣諸侯。 或从既(獎),亦作餼。」

《說文》七上米部:「饋客芻米也。从米气聲。《春秋傳》曰:齊人來氣諸侯。 許既切。��,氣或从既。餼,氣或从食。」

案:《玉篇》引作「饋客芻米也」,同大徐,小徐作「饋客之芻米」,「之」 字蓋衍。《集韻》引不誤也。

气气

《集韻》去聲未韻:「《說文》:雲气也。象形。一曰:息也。」

《說文》一上气部:「雲气也。象形。凡气之屬皆从气。」

案:「雲气也」下小徐本脫「象形」二字。「一曰:息也」,非許書原文,《玉篇》「气」下云「候也、息也」,《集韻》或本此也。

衙 御

《集韻》去聲御韻:「《說文》:使馬也。徐鍇曰:卸解車馬也。或彳,或卸, 皆御者之職。古作馭。一曰:侍也,進也。」

《說文》二下彳部:「使馬也。从孑从卸。徐鍇曰:卸解車馬也。或卸,或 彳,皆御者之職。劉,古文御。从又从馬。」

案:《繫傳》「臣鍇曰:卸解車馬也」下,作「彳,行也,或行或卸,皆御者之職」,大徐引有所節省,《集韻》引從大徐。「一曰」下,非引《說文》;「侍也」,見《小爾雅·廣言》;「進也」,見《廣雅·釋詁》二。

瘀 瘀

《集韻》去聲御韻:「《說文》:積血也。」

《說文》七下疒部:「積血也。从疒於聲。」

案:《繫傳》作「積血病」,恐非。玄應《一切經音義》卷三、卷九引、《玉篇》注皆作「積血也」,《集韻》引亦同大徐。

響 選

《集韻》去聲遇韻:「《說文》:不行也。」

《說文》二下辵部:「不行也。从辵鷞聲。讀若住。」

案:小徐本作「馬不行也」,「馬」字誤衍,「邁」字,非從馬。《玉篇》注 亦止作「不行也」。

棒嬕

《集韻》去聲莫韻:「《說文》:敗也,引《商書》,霧倫攸爅。」

《說文》四下夕部:「敗也。从夕睪聲,《商書》曰:彝倫攸嬕。」

案:引經,小徐「彝」作「夷」,鈕氏《校錄》以爲非,《韻會》引作「彝」, 或小徐舊亦不誤。

领 瓠

《集韻》去聲莫韻:「《說文》: 匏也。」

《說文》七下瓠部:「匏也。从瓜夸聲。」

案: 鍇本作「瓠匏也」,「瓠」字衍。鈕氏《校錄》云《韻會》引與大徐同, 是小徐舊本亦作「匏也」,《玉篇》注亦同。許書包部曰:「匏,瓠也。」 二字相轉注。

麗 嬖

《集韻》去聲霽韻:「《說文》:便嬖愛也。」

《說文》十二下女部:「便嬖,愛也。从女辟聲。」

案:《繫傳》作「便辟也。愛也」,田氏《二徐箋異》曰:「便嬖愛也,段氏 讀便嬖一讀,最合。小徐兩也字,非是。」今從之。

べ 押

《集韻》去聲霽韻:「《說文》:撮取也。或从折,从示,兩手急持人也。」

《說文》十二上手部:「攝取也。从手帶聲。讀若《詩》曰: 螮蝀在東。稱, 帶或从折、从示,兩手急持人也。」

案:小徐本「誓」下,尚有重文「赸」,云:「古文摕從止辵。臣次立曰: 今《說文》并李舟《切韻》所載徙字如此。」桂氏《義證》曰:「朱 君文藻曰:徐鍇次敍多與《說文》移易,《說文》撫下接捪,《繫傳》 捪上接徙,撫之古之作徙,其形類赸,或傳寫錯簡以撫之古文係於誓 下,而又譌其文爲赸。」是「赸」字譌衍,大徐乃刪之,《集韻》亦 不取。

鬚 鬄

《集韻》去聲霽韻:「《說文》: 髲也,或鬆。」

《集韻》入聲笞韻:「《說文》:髮也,或从也(髢)。」

《說文》九上髟部:「髮也。从髟易聲。騷,鬄或从也聲。」

案:小徐「髮也」,蓋譌。許書「髲」下訓「鬄也」,二字轉注。《詩·庸風· 君子偕老》:「不肖髢也。」箋云:「髢,髮也。」鄭注《周禮·追師》 引此句作「不屑鬄也」。

腰 癯

《集韻》去聲霽韻:「《說文》:癰也。一曰:瘦兒。」

《說文》七下疒部:「癰也。从疒麗聲。一曰:瘦黑。讀若隸。」

案:「一曰:瘦黑」,《玉篇》注、《廣韻》去聲五寘、十二霽注竝同。小徐 作「黑瘦」,義可通。《集韻》引作「瘦兒」蓋傳寫偶誤。

親 親

《集韻》去聲霽韻:「《說文》:旁視也。」

《說文》八下見部:「旁視也。从見兒聲。」

案:小徐作「內視」誤。許書目部曰:「睨,褒視也」,與此音義同,《玉篇》 注亦作「旁視也」,同大徐。

晶 最

《集韻》去聲夳韻:「《說文》:犯而取也。一曰:極也。凡也。」

《說文》七下冃部:「犯而取也。从月从取。」

案:《繫傳》作「犯取又曰會」,然鍇說曰:「犯而取也,故軍功上曰最,下 曰殿。」是小徐舊本,當亦作「犯而取也」。鈕氏《校錄》云《五經文字》亦作「犯而取」,王筠《句讀》「犯而取也」下曰:「猶家而前也。 家犯皆指月而言,乃冒突、冒犯之謂也。」「一曰」下二義,非引《說 文》,「極也」,見《廣韻》;《漢書·霍去病傳》「最大將軍青凡七出擊 匈奴」,注:「最,凡也。」

凶么

《集韻》去聲夳韻:「《說文》:乞也。逯安說:亡人爲匃。」

《說文》十二下亡部:「气也。逯安說:亡人爲匃。」案:「逯安說」,小徐在「亡人爲匃」下,語次有異。

鱠 嬒

《集韻》去聲本韻:「《說文》:女黑色也。引《詩》: 嬒兮蔚兮。」

《說文》十二下女部:「女黑色也。从女會聲,《詩》曰: 嬒兮蔚兮。」

案:引《詩》,小徐作「蔚兮嬒兮」,蓋誤倒。艸部薈下引《詩》,作「薈兮 蔚兮」,與今《曹風·候人》合。此不應又作「嬒」。段云:「此或爲三 家《詩》,或本作讀若《詩》曰薈兮蔚兮。今有舛奪,皆未可定也。」

苦 苦

《集韻》去聲祭韻:「說文:以艸補缺,或以爲綴。一曰:約空也。」

《說文》一下艸部:「以艸補缺。从艸西聲。讀若陸。或以爲綴。一曰約空也。」

案:「以艸補缺」,小徐本作「次艸補闕」。「缺」,器破也;「闕」,門觀也。 闕,通用字,缺義引申較近也。

辩 袂

《集韻》去聲祭韻:《說文》袖也。

《說文》八上衣部:「袖也。从衣夬聲。」

案:小徐作「夷」,「夷」蓋「袖」之別體。段注本改作「褎」,是也。「褎」 爲正字,「袖」爲俗字,見許書「褎」字下。

縣 縣

《集韻》去聲怪韻:「《說文》:簪結也。一曰:覆髻也。」

《說文》九上髟部:「簪結也。从髟介聲。」

案:鍇本作「簪髻也」,非。《說文》無「髻」。《玉篇》引作「簪結也」,同 大徐,《集韻》亦是。「一曰」者,非引《說文》,丁度等所增。

《集韻》去聲夳韻:「《說文》:天大地大人亦大,故大象人形。」

《說文》十下大部:「天大地大人亦大,故大象人形。古文大也。」

《說文》十下大部:「籀文大,改古文,亦象人形。」

案:「人亦大」下,小徐有「焉」;「象人形」上,無「故大」二字。籀文 「介」,《集韻》無,或隸寫與篆同,故不複攷也。

派 疥

《集韻》去聲怪韻:「《說文》:搔也。」

《說文》七下疒部:「搔也。从疒介聲。」

案:小徐作「瘙也」,李注《文選·登徒子好色賦》引同,《禮記·內則·釋文》引作「瘙瘍也」,然《說文》無「瘙」字,段注從大徐作「搔也」,注云:「疥急於搔,因謂之搔,俗作瘙,或作藻。……《禮記·釋文》引《說文》作『瘙瘍也。』《文選·登徒子好色賦》注引『疥,瘙也。』皆以俗字改正字耳。」故大徐、《集韻》引作「搔」是也。《左傳》昭公二十年:「齊侯疥遂店。」《正義》引亦作「搔也」。

馻 馻

《集韻》去聲怪韻:「《說文》:系馬尾也。」

《說文》十上馬部:「系馬尾也。从馬介聲。」

案: 鍇本作「馬尾也」,「系」字蓋脫。《玉篇》注作「結馬尾也」,《廣韻》 去聲十六怪注作「馬尾結也」,並有「系」意。

割 叡

《集韻》去聲祭韻:「《說文》:深明也。通也。古作睿,籀作壡。」

《說文》四下奴部:「深明也。通也。从奴、从目、从谷省。**膚**,古文**骸。๋酮**, 籀文叡,从土。」

案:鍇本止作「深明也」,無「通也」之訓。然玄應《音義》,卷二引有云, 又《漢書·五行志》引《洪範》「思曰睿」,應劭曰:「睿,通也。古文 作睿。」是「通也」之義當有。

攜 粸

《集韻》去聲夳韻:「《說文》: 粟重一柘,爲十六斗,太半斗。舂爲米一斛, 曰糲。」

《說文》七上米部:「粟重一柘,爲十六斗,太半斗。舂爲米一斛,曰糕。

从米萬聲。」

案:「舂爲米」,小徐作「舂爲粟」,非。粟爲禾黍實之名,舂而去其皮則爲 米。

厦 癘

《集韻》去聲夳韻:「《說文》: 惡疾也。」

《說文》七下疒部:「惡疾也。从疒也。从疒蠆省聲。」

案:小徐作「惡瘡疾也」,非,《說文》無「瘡」篆。《論語》「伯牛有疾」, 包氏注:「牛有惡疾。」《論衡‧刺孟篇》:「伯牛爲癘。」是癘爲惡疾 也。昭二十年《公羊解詁》:「惡疾謂痞聾盲癘秃跛傴,不逮人倫之屬。」 亦可證也。《玉篇》訓「疫氣也」,又引《說文》作「惡病也」,是所據 又不同。

腦瘦

《集韻》去聲卦韻:「《說文》:劇聲也。」

《說文》七下疒部:「劇聲也。从疒殹聲。」

案:小徐作「病也」,然鍇曰「今謂甚劇曰癡」,大徐蓋是。段氏從大徐, 注云:「劇者,病甚也。癡者,病甚呻吟之聲,酉部醫下曰:『殷,病 聲也。』殷蓋癥之省。」許書無「劇」字,王筠《句讀》以爲當作「劇」。

幣 撑

案:小徐「斧」字在「秤」字上,下云「古文拜從二手」。

層 瘵

《集韻》去聲怪韻:「《說文》:病也。」

《說文》七下疒部:「病也。从疒祭聲。」

案: 鍇本作「病劣也」,《玉篇》、《廣韻》去聲十六怪「瘵」注,竝作「病也」,均無「劣」字。大徐、《集韻》引是也。

業業

《集韻》去聲隊韻:「《說文》耕多艸。」

《說文》一下艸部:「耕多艸。从艸耒,耒亦聲。」

案:鍇本作「耕名」,誤,「葉」字从艸耒會意,若作「耕名」,無以見指撝。 《玉篇》、《廣韻》去聲十八隊「葉」均訓「耕多草」。

ゎ 類

《集韻》去聲隊韻:「《說文》:頭不正也。从頁从耒。耒頭傾也。」

《說文》九上頁部:「頭不正也。从頁,从未。耒頭傾也。讀又若《春秋》 陳夏齧之齧。」

案:「从頁从耒」,小徐作「從頁耒」。又「傾」下無「也」字。

然 妹

《集韻》去聲隊韻:「莫佩切。《說文》:女弟也。」

《說文》十二下女部:「女弟也。从女未聲。」

案:鍇本作「夫之女弟也」,「夫之」二字蓋後人肊增,《韻會》引止作「女弟也」。

體 潰

《集韻》去聲隊韻:「《說文》:漏也。一曰:散也。」

《說文》十一上小部:「漏也。从水貴聲。」

案:鍇本「貴」聲下,有「亦決也」三字,《韻會》引無,苗夔《繫傳校勘 記》云:「亦決也上,當有臣鍇曰三字。」是此爲小徐校語,非許君語, 段氏不取。「一曰:散也。」今《說文》無,《左傳》文公三年:「凡民 逃其上曰潰。」杜注:「潰,眾散流移,若積小之潰,自壞之象也。」 丁氏謂「散」也,意同於此。

粮 縣 集 集

《集韻》去聲代韻:「說文:及也。从又、从尾省。又持尾者从後及之也。 或作肄。引《詩》: 隸天之未陰雨。」

《說文》三下隶部:「及也。从又、从尾省。又持尾者,从後及之也。」

《說文》三下隶部:「及也。从隶枲聲。《詩》曰: 隸天之未陰雨。臣鉉等曰:

桌非聲,未詳。」

案:許書「隶」「隸」各爲二字,竝訓「及也」。《集韻》引則併爲一字,以 「隸」爲「隶」之或文。釋「隶」字之形,「从又,从尾省」,小徐作 「從又尾省」。「从後及之也」,小徐作「後從及之」,非是。

& 熊

《集韻》去聲代韻:「《說文》:意也。从心从能。徐鍇曰:心能其事,然後 有態度也。或从人儱。」

案:《繫傳》徐鍇說,「能」下本有「於」字。

| 愛

《集韻》去聲代韻:「《說文》:仿佛也。引《詩》:僾而不見。一曰:邑也。」 《說文》八上人部:「仿佛也。从人愛聲。《詩》曰:僾而不見。」

案:《繫傳》無「《詩》曰:僾而不見」六字,田氏《二徐箋異》云:「僾,仿佛也。正合僾而不見之意,許故引《詩》說之,六字宜有。」今《邶風·靜女》作「愛而不見。」省形存聲,非古也。「一曰:邑也」,非引《說文》,「僾」訓「邑」,於古無徵,《爾雅·釋言》「僾,唈也」,《玉篇》注亦作「唈也」,《集韻》舊本當亦作「唈」也。

魔 廢

《集韻》去聲廢韻:「《說文》:屋頓也。一曰:置也。」

《說文》九下广部:「屋頓也。从厂發聲。」

案: 鍇本「頓」作「傾」, 誤。《玉篇》注作「大屋頓也」,《淮南·覽冥訓》 「四極廢」, 高注:「廢, 頓也。」「一曰:置也」, 非引《說文》, 見 《小爾雅·廣言》。

曆廢

《集韻》去聲廢韻:「《說文》:固病也。」

《說文》七下疒部:「固病也。从疒發聲。」

案:小徐作「痼疾也」、《玉篇》:痼重文作括。許書疒部有括無痼、故當以

大徐爲是。段注亦從大徐。

震 震

《集韻》去聲震韻:「《說文》: 劈歷振物者。引《春秋傳》: 震夷伯之廟。籀 作龗。」

《說文》十一下雨部:「劈歷振物者。从雨辰聲。《春秋傳》曰:震夷伯之廟。 臣兹等曰:今俗別作霹靂,非是。靈籀文震。」

案:重文「靈」,大徐云「籀文」,小徐云「古文」。《玉篇》亦云籀文,知 大徐是。王筠《繫傳校錄》曰:「凡文蘇不殺者,概當爲籀文。」

網潤

《集韻》去聲稕韻:「《說文》:水曰潤水。」

《說文》十一上水部:「水曰潤下。从水閏聲。」

案:「水曰潤水」,《書·洪範》文。王肅注:「水之性潤萬物而退下。」鍇 本作「水潤下」,「曰」字蓋奪。

出 木

《集韻》去聲稕韻:「《說文》:分枲莖皮也。从屮八象枲之皮莖也。」

《說文》七下木部:「分枲莖皮也。从屮八,象枲之皮莖也。讀若髕。」

案:大徐作「象枲之皮莖也」,小徐作「象枲皮」,段本「从屮」下,注云「象枲莖」,「八,象枲皮」下注云「兩旁皆其皮分離之象」,然則,小徐以「從屮」爲句,第以「八」象皮也。

屬胤

《集韻》去聲稕韻:「《說文》:子孫相承續也。从內、从八、象其長也。从 幺,象重累也。」

《說文》四下內部:「子孫相承續也。从內、从八、象其長也。从幺、象重 累也。貸,古文胤。」

案:「从幺,象重累也」,小徐作「幺亦象重累也」。

銷 鐼

《集韻》去聲焮韻:「《說文》:鐵屬。」

《說文》十四上金部:「鐵屬。从金賁聲。讀若熏。」

案:小徐作「鐵類也」,《廣韻》上平二十文引亦作「鐵類」,大徐、《集韻》 引則作「鐵屬」,未審許氏之舊究如何也?

見見

- 《集韻》去聲le :「《說文》:很也。从匕目。匕目,猶目相匕不相下也。 引《易》: 具其限。匕目爲具,匕目爲真也。」
- 案:「七目爲邑,七目爲眞也」小徐作「七目爲邑,爲眞」,「爲眞」上省奪 「七目」二字,下脫「也」字。

罪 巽

- 《說文》五上兀部:「具也。从兀巴聲。臣鉉等曰:庶物皆具兀,以薦之。 琛,古文巽。舜,篆文巽。」

案:《繫傳》亦有案語,「臣鍇曰」下作「具謂僎具而進之也」。

爆 焌

- 《集韻》去聲le韻:「《說文》:然火也。引《周禮》:遂籥其焌。焌火在前, 以焞焯龜。」
- 《說文》十上火部:「然火也。从火夋聲,《周禮》曰:遂籥其焌。焌火在前, 以焞焯龜。」
- 案:「然火也」鍇本作「然也」,「火」字脫。《韻會》引作「然火也」,知小徐舊本原不誤。《玉篇》注亦作「然火也」。引《周禮》,大徐作「遂籥 其焌」,小徐「籥」作「炊」,《集韻》引作「籥」,譌以竹,當改。今 《春官•華氏》作「龡」。

畔 肝

《集韻》去聲翰韻:「《說文》:目多白也。一曰:張目。」

《說文》四上目部:「目多白也。一曰:張目也。从目干聲。」

案:小徐本作「多白也」,無「一曰」之義,而云:「臣鍇曰:張目也。」 今考《廣韻》二十八翰「肝」下注:「《說文》曰:目多白也。一曰: 張目也。」《韻會》十五翰引亦有「一曰:目張」之語,故知舊本當有 第二義。《集韻》引不誤,唯「張目」下「也」字,宜補。

《集韻》去聲翰韻:「《說文》: 闕。」

《說文》七上倝部:「闕」。

案:《繫傳》「闕」字下,有「旦從三日在从中」句。楚金案語曰:「李陽冰云:从三日在从中,蓋籀文。許愼闕義,旦字下從人加。」是小徐本「闕」下七字。許愼闕義,旦字下後人加。」是小徐本「闕」下七字,當是李陽冰語,不宜沾入。又各本以「鳴」爲「倝」之籀文,皆連屬於「倝」下。岩崎氏本《說文》、《集韻》引則各自分立。嚴氏《校議》云:「此云闕者,闕籀文二字;乙部乾,籀文作乾,以是知云。」段氏云:「此蓋倝籀文也。《汗簡》朝作餚,翰作餘,亦可證矣。」蓋是。

赣

《集韻》去聲換韻:「《說文》:赤色也。」

《說文》十下赤部:「赤色也。从赤倝聲。讀若浣。」

案:小徐作「赤也」,脫「色」字。《玉篇》注作「赤色也」,同大徐,《集 韻》引不誤。

塘 垸

《集韻》去聲換韻:「《說文》:以黍和灰而髮也。一曰:補垸也。」

《說文》十三下土部:「以桼和灰而髮也。从土完聲。一曰:補垸。」

案:大徐作「一曰:補垸」,小徐「垸」作「垣」,非。《玉篇》引同大徐, 《廣韻》去聲二十九換「垸」注作「桼補垸也」,可證大徐是。《集韻》 引同大徐,唯「垸」下衍「也」字。

辩 姅

《集韻》去聲換韻:「《說文》:婦人污也。引《漢律》:見姅變不得侍祠。一 曰褱子傷也。」

- 《說文》十二下女部:「婦人污也。从女半聲。《漢律》曰:見姅變不得侍 祠。」
- 案:小徐作「婦人污見也」,《史記·五帝世家·索隱》引作「女污也」,或 所據本有異,然可證無「見」字。「一曰」者,非引《說文》,丁氏等 所增。《玉篇》注:「又傷孕也」,丁氏蓋本此義也。

覹 枚

《集韻》去聲換韻:「《說文》:分離也。从支从林。林,分枚之意也。」

《說文》七下林部:「分離也。从支从林。林,分枚之意也。」

案:「从支从林。林,分枘之意也」,小徐作「後支從林,分散意也。」

架 粲

- 《集韻》去聲換韻:「《說文》:稻重一柘,爲粟二十斗,爲米十斗曰穀。爲 米六斗,太半斗曰粲。」
- 《說文》七上米部:「稻重一柘,爲粟二十斗,爲米十斗,曰穀。爲米六斗、 太半斗曰粲。从米奴聲。」

案:「太半斗曰粲」,小徐「斗」作「升」,誤。《韻會》引同大徐。

茄 菻

- 《集韻》去聲換韻:「《說文》:明視以筭之。从二示。引《逸周書》:士分民之祘,均分以祘之也。」
 - 《說文》一上示部:「明視以筭之。从二示。《逸周書》曰:士分民之祘,均 分以祘之也。讀若筭。」
 - 案:小徐本「明視以筭之」「讀若筭」之「筭」,竝作「算」。「筭」「算」二字音同,義微別,許書竹部「筭」下訓曰「長六寸計歷數者」,言常弄乃不誤也,與明視之意合,作「筭」是也。今《逸周書》無「士分民之祘」等語,當在亡篇內。

炭炭

《集韻》去聲換韻:「《說文》:燒木餘也。」

《說文》十上火部:「燒木餘也。从火炭省聲。」

案:小徐作「燒木未灰也」,玄應《音義》卷二十二引《釋名》作「火所燒

餘木曰炭」,似以大徐爲長。

禪 僤

《集韻》去聲換韻:「《說文》:疾也。引《周禮》:句兵欲無僤。」

《說文》八上人部:「疾也。从人單聲。《周禮》曰:句兵欲無僤。」

案:小徐作「病也」,蓋後人妄作。僤訓疾,乃速疾之意,非謂疾病也。《繫傳》有錯說:「速疾也」之語,又《韻會》引亦作「疾也」,是小徐舊本當不誤也。

胆 但

《集韻》去聲換韻:「《說文》:裼也。」

《說文》八上人部:「裼也。从人旦聲。」

案:小徐尚有「一曰:徒」之義,蓋後人以引申義誤加。許書衣部曰:「裼, 但也。」二篆爲轉注。

彈彈

《集韻》去聲換韻:「《說文》:行丸也。或从弓持丸(殊)。」

《說文》十二下弓部:「行丸也。从弓單聲。14,彈或从弓持丸。」

案:重文「弘」下,小徐作「或說彈從弓打丸如此」,《說文》無「打」字, 蓋「持」之譌也。

雕雁

《集韻》去聲諫韻:「《說文》: 鳥也。徐鉉曰: 雁知時鳥,大夫以爲摯、昏 禮用之。」

《說文》四上佳部:「鳥也。从佳从人厂聲。讓若鷹。臣鉉等曰:雁知時鳥。 大夫以爲摯。昬禮用之。故从人。」

案:《集韻》引「鳥也」,與二徐同。下引鉉說,與大徐同。

聚霰

《集韻》去聲霰韻:「《說文》: 稷雪也。或从實。」

《說文》十一下雨部:「稷雪也。从雨散聲。賣,霰或从見。」

案:《繫傳》作「稷霄也」,非。許書「霰」篆上次「霄」,蓋涉此而誤。《御

覽·天部》、《廣韻》去聲三十二霰引皆作「積雪」,王筠《句讀》云:「稷,一引作積,非也。《埤雅》:霰,閩俗謂之米雪。」是可證大徐、《集韻》引不誤也。

请 倩

《集韻》去聲霰韻:「《說文》:人字。東齊壻謂之倩。一曰:美也。一曰: 無廉隅。」

《說文》八上人部:「人字。从人青聲。東齊壻謂之倩。」

案:「東齊」句,小徐作「東齊人謂壻爲倩也」,意雖同,語繁贅。《方言》:「青齊之閒,壻謂之倩。」蓋許君所本,大徐語近是。兩「一曰」義,非引《說文》,丁度等所增益。

牒 瀳

《集韻》去聲霰韻:「《說文》:水至也。」

《說文》十一上水部:「水至也。从水薦聲。讀若尊。」

案:小徐「也」作「皃」,非。《玉篇》亦作「水至也」。

會 甸

《集韻》去聲霰韻:「《說文》:天子五百里地。」

《說文》十三下田部:「天子五百里地。从田包省。」

案: 鍇本作「天子五百里內田」,恐非,《韻會》引作「天子五百里地」,同 大徐。

粉沏

《集韻》去聲霰韻:「《說文》:水也。出上黨。」

《說文》十一上水部:「水也。从水刃聲。」

案:小徐作「水名也」、《集韻》從大徐。另有「出上黨」三字、《類篇》亦同。考上黨郡無此水,丁氏不知何據也?

薦 羨

《集韻》去聲綫韻:「《說文》:貪欲也。从次从羑省。一曰:餘也。」

《說文》八下次部:「貪欲也。从次从羑省。羑呼之羑,文王所拘羑里。」

案:「欲」下,小徐無「也」字。「从次从羑省」,小徐「羑」上少一「从」字。「一曰」者,非引《說文》,《詩·十月之交》:「四方有羨。」《傳》云:「羨,餘也。」

偏 偏

《集韻》去聲綫韻:「《說文》: 熾盛也。引《詩》: 豔妻偏方處」。

《說文》八上人部:「熾盛也。从人扇聲。《詩》曰:豔妻傓方處。」

案:引《詩》,小徐作「偏方熾」,蓋脫誤。今《詩·小雅·十月之交》作 「艷妻煽方處」,「煽」爲「偏」之俗,餘與大徐同。小徐「熾」字, 涉上「熾盛也」而譌。許引《詩》當是全句,《玉篇》注、《集韻》、《韻 會》引均與大徐同,可證大徐不誤,而小徐舊本亦完也。

轉轉

《集韻》去聲綫韻:「《說文》:運也。」

《說文》十四上車部:「運也。从甫專聲。」

案:大徐本作「運也」、《集韻》引同、《韻會》引亦同。祁刻《繫傳》作「還也」、形近而誤。《玉篇》注作「轉運也」、可證。

常覚

《集韻》去聲綫韻:「《說文》: 冕也。周曰皃, 商曰吁, 夏曰收。从皃, 籀 从廾畁上皆象形。或作弁。」

《說文》八下兒部:「冕也。周曰党,殷曰吁,夏曰收,从兒,象形。皮變切。爲籀文。党从廾上象形。斉,或党字。」

案:大徐作「殷曰:吁」,小徐「吁」作「哻」,非。段云:「《五經文字》 曰:《字林》作
經典相承隸省作
。然則,哻字又出《字林》後, 許書安得有
。」《集韻》引從大徐,唯「殷」作「商」有異耳。

3 弔

《集韻》去聲嘯韻:「《說文》:問終也。古之葬者厚衣之以薪。从人持弓會 歐禽。」

《說文》八上人部:「問終也。古之葬者厚衣之以薪,从人持弓會歐禽。」案:大徐作「从人持弓會歐禽」,小徐作:「从人持弓歐禽也。」顏注《急

就篇》曰:「弔問者持弓會之,以助彈射也。」是大徐義較長。《集韻》 引同大徐。小徐「歐禽也」下,尚有「弓蓋往復弔問之」。《繫傳·袪 妄》云:「弔從二人往返相弔問之義。」後人蓋以陽冰語羼入鍇本也。

窟 寫

《集韻》去聲嘯韻:「《說文》:寫窅,深也。」

《說文》七下原部:「寫窅,深也。从穴鳥聲。」

案:小徐作「寫窅也」,蓋脫「深」字。《玉篇》注作「寫窅深也」,同大徐, 且《繫傳》楚金案語曰「深邃皀也」,是當有「深」字。

贸 窔

《集韻》去聲嘯韻:「《說文》: 寶窔, 深也。一曰:室中東南隅謂之窔。」

《說文》七下穴部:「寶窔,深也。从穴交聲。」

2 召

《集韻》去聲笑韻:「《說文》:評也。」

《說文》二上口部:「評也。从口刀聲。」

案:小徐本作「嘑也」。「評」,《說文》在言部,訓「召」也,與此字轉注。 苗藥《繫傳校勘記》亦以爲當作「評」。

荫 效

《集韻》去聲效韻:「《說文》:象也。一曰:功也。」

《說文》三下支部:「象也。从支交聲。」

案:小徐作「爲也」,蓋僞。《左傳》襄公三十一年:「則而象之。」象即效 法之意。《小雅·鹿鳴》:「是則是傚。」傚即效之俗字。「一曰」者, 非引《說文》,《淮南·脩務》「效亦大矣」,注:「效,功也」。

景景

《集韻》去聲效韻:「《說文》: 闕。」

《說文》十二下氐部:「闕。臣鉉等案:今篇韻音艁、又音效,注云誤也。」 案:大徐本云「闕」,小徐本無「闕」,作「家本無注」,徐鍇曰:「此云家 本無注,疑許慎子許冲所言也。」

糖 橈

《集韻》去聲效韻:「《說文》:曲木。」

《說文》六上木部:「曲木。从木堯聲。」

案:《繫傳》作「曲也」,蓋脫,《玉篇》引作「曲木也」,可證「曲」下當 有「木」字。

朝 報

《集韻》去聲号韻:「《說文》:當罪人也。从卒从及。服罪也。一曰:荅也。 告也。」

《說文》十下圶部:「當罪人也。从圶、从及,及,服罪也。」

暴暴

《集韻》去聲号韻:「《說文》:疾有所趣也。从日出华卅之。」

《說文》十下谷部:「疾有所趣也。从日出谷廾之。」

案:大徐作「从日出华廾之」,小徐止作「从本……」,下闕文。

帽 媢

《集韻》去聲号韻:「《說文》:夫妬婦也。一曰:相視。」

《說文》十二下女部:「夫妒婦也。 公冒声。一曰:相視也。」

案:「一曰:相視也」,小徐作「一曰:梅目相視也」,錢坫《說文解字斠 詮》引《雜記》:「視容梅梅」當之,王筠《句讀》:「梅梅,乃形容之 詞,豈可用一梅字,且是喪容,與從女無涉。」王筠又云:「相視也」 之義,蓋謂與唱通也。目部: 間,氏目視也。故知大徐、《集韻》引 是也。

源察

《集韻》去聲号韻:「《說文》:朝鮮謂藥毒曰癆。一曰:痛也。」

《說文》七下疒部:「朝鮮謂藥毒日癆。从疒勞聲。」

案:《繫傳》作「朝鮮謂飲藥毒曰癆。」《廣韻》去聲三十七号引亦同。然《方言》曰:「凡飲藥、傅藥而毒,北燕、朝鮮之間,謂之癆。」蓋不專言「飮」也。王筠《句讀》亦謂:「小徐『謂』下有『飮』字,然既與瘌說異,又遺傳藥一事,不可從也。」是大徐、《集韻》引不誤也。「一曰:痛也。」非引《說文》,見《廣雅・釋詁》二。

臣 左

《集韻》去聲簡韻:「《說文》:手相左助也。」

《說文》五上左部:「手相左助也。从大工。則箇切。臣鉉等曰今俗別作佐。」 案:小徐作「手左相佐也。」「手左」義不可通,「左」字疑衍。又「佐」

字《說文》無。故當以大徐爲是。《集韻》引不誤。

戠 卸

《集韻》去聲碼韻:「《說文》:舍車解馬也。从卩上午。」

《說文》九上「部:「舍車解馬也。从「止午。讀若汝南人寫書之寫。臣鉉 等曰:午馬也,故从午。」

案:大徐作「从卩止午」,小徐作「从卩止午聲」,田吳炤《二徐箋異》云: 「从午止,謂逆而止之也,宜從會意。」是大徐爲長。《集韻》引從大 徐,然「止」字缺,誤作「上」,當改。

% 駕

《集韻》去聲碼韻:「《說文》:馬在軛中。籀作辂。」

《說文》十上馬部:「馬在軛中,从馬加聲。粉,籀文駕。」

案: 鍇本作「軛中」, 敓「馬在」二字。《韻會》引作「馬在軛中」, 知小徐 舊本不誤。《廣韻》去聲四十碼引作「馬在軛中也」。「軶」爲「軛」之 正字。

幏 幏

《集韻》去聲碼韻:「《說文》:南郡蠻夷竇布。」

《說文》七下巾部:「南郡蠻夷竇布。从巾家聲。」

案: 鍇本作「枲羣蠻夷竇布也。」苗夔《繫傳校勘記》云:「枲羣當依鉉作南郡。」《御覽》七百八十五〈四夷部〉、《通典》一百八十七引竝作「南郡蠻夷布也。」故作「南郡」是。又上二引「夷」下無「竇」字,沈濤以爲今本衍,非。許書貝部曰:「竇者,南蠻賦也。」正與此應。

胸稼

《集韻》去聲碼韻:「《說文》:禾之秀實爲稼。莖節爲禾。一曰:稼,家事也。一曰:在野曰稼。」

《說文》七上禾部:「禾之秀實爲稼。莖節爲禾。从禾家聲。一曰:稼,家 事也。一曰:在野曰稼。」

案:「一曰:稼,家事也。」小徐作「稼,家也」,《詩》:「好是稼穡。」《釋文》:「稼作家事者,有所事也。」是「事」字不當少。「一曰:在野日稼。」小徐作「禾在野爲稼」,有「禾」無「禾」,意同。

匠

《集韻》去聲漾韻:「《說文》:木工也。从匚从斤,斤所以作器也。」

《說文》十二下匚部:「木工也。从匚从斤,斤所以作器也。」

案:「从匚从斤」,小徐作「从匚斤」。「斤所以作器也。」小徐作「斤所作器也。」當依鉉補「以」字。

循 越

《集韻》去聲漾韻:「說文:行貌。」

《說文》二上走部:「行皃。从走匠聲。讀若匠。」

案:小徐作「行」下無「皃」字,蓋轉寫脫去也。

《集韻》去聲漾韻:「說文:秦晉謂兒泣不止曰唴。」

《說文》二上口部:「秦晉謂兒泣不止曰唴。从口羌聲。」

案:小徐本作「秦晉謂兒泣下不止曰唴」,「泣」下增一「下」字。《方言》 「自關而西,秦晉之間凡大人小兒泣而不止謂之唴」,小徐「下」字, 或是後人涉《方言》「而」字而誤衍,宜從大徐。

同 宕

《集韻》去聲宕韻:「《說文》:過也。一曰:洞屋。汝南項有宕鄉。」

《說文》七下門部:「過也。一曰:洞屋。从宀,碣省聲。汝南項有宕鄉。」

案:「汝南項有宕鄉」,謂汝南郡項縣有宕鄉,小徐作「汝南有項宕鄉」,誤 倒。段云:「汝南郡項縣,《地理志》、《郡國志》同。《春秋經》之項國 也。今河南陳州府項城縣是其地。」

流 伉

《集韻》去聲宕韻:「《說文》:人名。《論語》有陳伉。曰匹也,健也。」

《說文》八上人部:「人名。从人亢聲。《論語》有陳伉。」

案: 鍇本「有」作「曰」,欠妥。今《論語》作「亢」。「匹也」,非引《說 文》,《後漢書・張衡傳》:「疇可與乎比伉?」注「偶也。」即匹耦之 義。《漢書・朱博傳》注:「伉,健也。」又許書「健」篆下訓「伉也。」

意 竟

《集韻》去聲映韻:「《說文》:樂曲盡爲竟。」

《說文》三上音部:「樂曲盡爲竟。从音从人。」

案:小徐作「樂曲盡竟。」省「爲」字,不詞。段注從大徐。

| 慶

《集韻》去聲映韻:「《說文》:行賀人也。从心从文。吉禮以鹿皮爲贄。故 从鹿省。」

《說文》十下心部:「行賀人也。从心从攵。吉禮以鹿皮爲贄。故从鹿省。」 案:大徐作「从心从攵」,小徐作「從心攵」。《集韻》引同大徐,然「攵」 訛作「文」,與字體不符。

《集韻》去聲勁韻:「《說文》:營求也。从夏。」

《說文》四上敻部:「營求也。从是从人在穴上。《商書》曰:高宗夢得說, 使百工敻求得之傅嚴。嚴,穴也。徐鍇曰:人與目隔穴經營而見之, 然後指使以求之,支所指畫也。」

案:「从夏从人」,小徐作「从夏人」。引《商書》「夢」字,小徐作「纏」,

正字也。「徐鍇曰」云云,楚金原作「人與目隔穴,刀,人字也,目經營而見之,然後指使人求之也。支,所以指畫也。」鉉引略有簡省、《集韻》則從鉉省。

職和

《集韻》去聲勁韻:「《說文》:無垢薉也。」

《說文》上水部:「無垢薉也。从水靜聲。」

案:小徐作「無垢也」,然《韻會》引作「無垢薉也。」,知小徐舊亦有「薉」 字。

軸山

《集韻》去聲宥韻:「《說文》:如鼠赤黃而大,食鼠者。」

《說文》十上鼠部:「如鼠赤黃而大,食鼠者。从鼠由聲。」

案:小徐作「如鼫,赤黄色,尾大,食鼠者。」蓋本《釋獸》郭注改。郭云:「似鼫,赤黄色,大尾。」《說文》無「鼫」,「鼫」即「貂」之俗。《釋文》引《字林》作「如鼠,赤黃而大。」呂忱正本《說文》。大徐、《集韻》引當不誤。

富 富

《集韻》去聲宥韻:「《說文》:備也。一曰:厚也。」

《說文》七下宀部:「備也。一曰:厚也。从宀畐聲。」

案:鍇本無「一曰:厚也」句,富,厚叠韻為訓,《韻會》引在「畐聲」之下,可證小徐舊本亦有此義。

% 伯

《集韻》去聲假韻:「《說文》:務也。」

《說文》八上人部:「務也。从人句聲。」

案:小徐本作「覆也。」非。《玉篇》引《楚辭》作「直佝愁以自苦。」務 乃愁之通用字,大徐、《集韻》引是也。

慧 蓩

《集韻》去聲候韻:「《說文》:毒艸也。」

《說文》一下艸部:「毒艸也。从也務聲。」

案:「蓩」字,段本無,蓋「蓩」爲「蓩」之訛增。鈕氏《校錄》曰:「段 云蓩當是蓩。《玉篇》蓩下引《說文》:卷耳,後人增也,又出蓩字, 引《說文》,亦後人增。」參見「蓩」字考。

属属

《集韻》去聲候韻:「《說文》:屋穿水下也。从雨在尸下。尸者,屋也。」 《說文》十一下雨部:「屋穿水下也。从雨在尸下。尸者,屋也。」

案:《繫傳》作「屋穿水入也。」《玉篇》、《韻會》廿六宥引竝同,是大徐、《集韻》引「入」作「下」,誤。大徐作「从雨在尸下。尸者,屋也。」《集韻》引同。小徐作「從雨在尸下,屋也。」省「尸者」二字,非是。許書尸部屋下云:「尸,象屋形。」小徐「尸下」逕接「屋也」,語欠明曉。

丙丙

《集韻》去聲候韻:「《說文》:側逃也。一曰:箕屬。」

《說文》十二下匚部:「側逃也。从匚丙聲。一曰:箕屬。臣鉉等曰:丙非聲,義當从內,會意。疑傳寫之誤。」

案:「箕屬」上,小徐複舉「匧」字。

் 建

《集韻》去聲候韻:「《說文》:剛鐵,可以刻鏤。引《夏書》:梁州貢鏤。一 曰:釜也。」

《說文》十四上金部:「剛鐵,可以刻鏤。从金婁聲。《夏書》曰:梁州貢鏤。 一曰:鏤釜也。」

案:「鐵」下,小徐有「也」字。引《夏書》,小徐「鏤」下有「金」字, 田氏《二徐箋異》曰:「金也二字衍,此舉經目證誼,無足重加解釋 也。」《集韻》引從大徐,亦無「金」字。「釜也」上,二徐並複舉「鏤」 字,《集韻》無,蓋省。

徐 淦

《集韻》去聲勘韻:「《說文》:水入船中也。一曰:泥也。或作汵。」

《說文》十一上水部:「水入船中也。一曰:泥也。从水金聲。」

案:「一曰:泥也。」,小徐作「汎也。」考《玉篇》引正作「泥也。」小徐作「汎」,誤字也。

凿 者

《集韻》去聲栝韻:「《說文》:老人面如點也。」

《說文》八上老部:「老人面如點也。从老省古聲。讀若耿介之耿。」

案:鍇本作「老人面如點處」,恐非。《玉篇》注:「老人面如墨點也。」蓋 本《說文》。

留 留

《集韻》上聲小韻:「《說文》: 抒臼也。引《詩》: 或簸或舀。或作抌欿。」

《說文》七上臼部:「抒臼也。从爪臼。《詩》曰:或簸或舀。**输**,舀或从手 从宂。**晌**,舀或从臼穴。」

案:《繫傳》作「杼臼」,然段注、王筠《句讀》皆從大徐作「抒臼也」,《詩·生民》:「或舂或揄,或簸或蹂。」毛《傳》:「揄,抒臼也。」段云:「然則,揄者舀之叚借字也。抒,挹也。既舂之乃於臼中挹出之,今人凡酌彼注此,皆曰舀,其引伸之語也。」《廣韻》上聲三十小引亦作「抒臼也」。

派 氾

《集韻》去聲梵韻:「《說文》:濫也。」

《說文》十一上水部:「濫也,从水巳聲。」

案:小徐尚有「一曰:淹」之義,王筠《句讀》曰:「淹篆下無此義,於此補。」然他書引皆不見此訓。

漁

《集韻》入聲屋韻:「《說文》:未練治纑也。徐鉉以爲後非聲,疑从復。今 按:沃字韻有添,蓋从沃。」

《說文》七下麻部:「未練治纑也。从麻後聲。臣鉉等日後非聲,疑後字譌。 當从復省,乃得聲。」

案:《集韻》引「未練治纑也」,與二徐同。下引徐鉉說,語有改易,意仍同。「今按」者,當爲丁氏等人所按。桂馥《義證》云:「添,纑未練,

此即纔之別體,不得據以易纔字也。」

(3) 沐

《集韻》入聲屋韻:「《說文》:濯髮也。一曰:水名,在青州。」

《說文》十一上水部:「濯髮也。从水木。」

案:《繫傳》作「灌髮也」,「灌」乃「濯」之譌。《韻會》引作「濯髮也」, 知小徐舊本不誤。《玉篇》注亦作「濯髮也」。「一曰」者,非引《說文》, 丁度等所增益也。

* 秃

- 《集韻》入聲屋韻:「《說文》:無髮也。从人上,象禾粟之形,取其聲。王 育說:倉頡出,見禿人伏禾中,因以制字。未知其審。」
- 《說文》八下秃部:「無髮也。从人上,象禾粟之形,取其聲。王育說:蒼 頡出,見秃人伏禾中,因以制字。未知其審。」
- 案:「象禾粟之形。」小徐「禾」作「采」。段氏從大徐,然注云:「按粟當作秀,以避諱改之也。采下云:禾成秀也。然則秀采爲轉注。」段說 站存。

騺 麓

- 《集韻》入聲屋韻:「《說文》:守山林吏也。一曰:林屬於山爲麓。引《春 秋傳》:沙麓崩。古从录(饕)。」
- 《說文》六上林部:「守山林吏也。从林鹿聲。一曰:林屬於山爲麓。《春秋 傳》曰:沙麓崩。縈,古文从录。」
- 案:《繫傳》「《春秋》」下有「左」字,恐非。《說文》通篇不稱「左」也, 許《敍》言:其於《春秋》以左爲主,故不著其姓,惟公羊乃特明之 耳。

福福

《集韻》入聲屋韻:「《說文》:祐也。」

《說文》一上示部:「祐也。从示畐聲。」

案:《繫傳》「福」訓「備也」,與《禮記·祭統》合,《韻會》一屋引亦作 「備」。《玉篇》、《集韻》、《類篇》引則作「祐」,同大徐。田吳炤《二 徐箋異》以爲:作祐者,舊本也,小徐訓「備」,參之《祭統》,又屬聲訓,固非肊說,而福下直次祐文,許書舊本亦不可厚非。田氏云:「專論字義,則備訓可從,若就部次論,則祐訓實不可易」,可謂折衷之論。

蒼 蕧

《集韻》入聲屋韻:「艸名。《說文》: 盜庾也。一曰: 旋蕧似菊。」

《說文》一下艸部:「盜庚也,从艸復聲。」

案:二徐均作「盜庚也」,《集韻》作「盜庾也」,「庾」顯係「庚」之譌。「一 曰:旋蕧似菊」,非許書原文,乃郭璞《爾雅注》。

窟 寝

《集韻》入聲屋韻:「《說文》: 地室也。引《詩》: 陶霭陶穴。」

《說文》七下穴部:「地室也。从穴復聲。《詩》曰:陶豬陶穴。」

案:《繫傳》無「《詩》曰:陶瓊陶穴。」六字,而有作「《詩》古公亶父避 狄于岐下。陶瓊陶穴,謂於地旁巖築下爲室,若陶竈也。」在「臣鍇 曰」之下,是爲校語。考《玉篇》引《詩》同大徐本,小徐當亦有此 六字,後人蓋因鍇釋語而刪之也。

堺 坶

《集韻》入聲屋韻:「《說文》:朝歌南七十里地。《周書》:武王與紂戰于姆野。」

《說文》十三下土部:「朝歌南七十里地。《周書》:武王與紂戰于坶野。从 土母聲。」

案:小徐「地」下有「也」字,「周書」下有「曰」字,「戰」下無「于」字。《集韻》引從大徐,故「周書」上無「引」字。「武王與紂戰于坶野」,《牧誓》序文。

ホ 赤

《集韻》入聲屋韻:「《說文》:豆也。象未豆生之形也。」

《說文》七下未部:「豆也。象未豆生之形也。」

案:「象尗豆生之形也」,小徐作「象尗豆生形」,無「之」字。

版 柷

《集韻》入聲屋韻:「《說文》:樂木空也,所以止音爲節。」

《說文》六上木部:「樂木空也,所以止音爲節。从木,祝省聲。」

案:小徐作「樂木工用祝,聲音爲亨。」與大徐頗有出入。田吳炤《二徐 箋異》云:「木空即《詩・毛傳》『木椌也』,借空爲椌,別無疑誼。所 以止音爲節,《禮記》王制『則目柷將之』,注『柷鼗所目節』,此可爲 所目止音爲節之証。《說文》隱梧古誼,類如此。小徐本不可句讀,显 有舛誤。」段本作「樂木椌也。所目止音爲節。」幾全從大徐,雖注 云:「柷以始樂,非以止音。」然徐灝《箋》引《風俗通》「柷,止音 爲節。」及高誘注《呂覽·仲夏紀》「柷如漆桶中有木椎,左右擊以節 樂」爲駁,然則大徐、《集韻》引是也。

茜茜

- 《集韻》入聲屋韻:「《說文》:禮祭束茅,加于裸圭,而灌鬯酒是爲莤,象神歆之也。一曰:莤,榼上塞也。引《春秋傳》:爾貢包茅不入, 王祭不供,無以莤酒。」
- 《說文》十四下酉部:「禮祭束茅,加于裸圭,而灌鬯酒是爲莤,象神歆之也。一曰:莤,榼上塞也。从酉从艸。《春秋傳》曰:尔貢包茅不入,王祭不供,無以莤酒。」

案:「一曰: 莤, 榼上塞也。」, 小徐在引《春秋傳》下。

筠 筑

《集韻》入聲屋韻:「《說文》:以竹曲五弦之樂也。从竹、从承。承持之也。」 《說文》五上竹部:「以竹曲五弦之樂也。从竹、从承。承,持之也。竹亦 聲。」

案:釋字之形,小徐作「從承。承,持之也。從竹亦聲。」

富 畜

《集韻》入聲屋韻:「《說文》:田畜也。引《淮南子》:玄田爲畜。魯《郊禮》, 畜或从田从茲。茲益也。」

《說文》十三下田部:「田畜也。《淮南子》曰:玄田爲畜。\$ \$ \$ \$ \$ \$ \$ \$ \$

畜从田从兹,兹益也。」

案:「淮南子」,小徐作「淮南王」,然《玉篇》、《廣韻》、《韻會》引並作 「子」。「魯郊禮」下,小徐作「畜從茲田。茲,益也。」語稍異。

峚 坴

《集韻》入聲屋韻:「《說文》:土塊峚峚也。一曰:坴梁。」

《說文》十三下土部:「土塊峚峚也。从土光聲。讀若逐。一曰:峚梁。」

案:「一曰:峚梁。」下,小徐有「地」字。

~ 藿

《集韻》入聲屋韻:「《說文》: 艸也。引《詩》: 食鬱及藿。」

《說文》一下艸部:「艸也。从艸崔聲。《詩》曰:食鬱及藿。」

案:小徐本無「《詩》曰:食鬱及藿。」六字。嚴氏《校議》云:「《釋艸疏爾雅翼》卷一引《韓詩》如此。」小徐本蓋因今《詩》作「薁」而刪之也,不知許君偁《詩》以毛爲主,而亦間用三家《詩》也。

鞝 蘜

《集韻》入聲屋韻:「《說文》:治牆也。今之秋華菊。」

《說文》一下艸部:「治牆也。从艸鞠聲。」

案:《繫傳》「牆」作「蘠」。《集韻》七之云:「若蘠, 艸名。」《說文》「蘜」 篆下,即爲「蘠」篆,大徐,集韻引作「治牆」,或爲假借,未敢遽定。 《玉篇》注「牆」亦作「蘠」。「今之秋華菊」,非許書原文,見《爾雅· 釋草》「蘜,治牆」下郭注。

墙塊

《集韻》入聲屋韻:「《說文》:四方土可居也。古作埓。」

《說文》十三下土部:「四方土可居也。从土奥聲。垮,古文墺。」

案:小徐作「四方上下可居者。」然《韻會》引亦同大徐,知小徐舊本不 誤。《玉篇》作「四方之土可居」,亦不作「上下」也。

關澳

《集韻》入聲屋韻:「《說文》: 隈厓也。其內曰澳,其外曰隈。」

《說文》十一上水部:「隈厓也。其內曰澳,其外曰隈。从水奥聲。」

案:「厓」字,小徐作「崖」。《爾雅·釋丘》「厓內爲隩,外爲隈」,鈕氏《校 錄》云「澳與隩通」,然則當作「厓」爲是。

14 特

《集韻》入聲漢韻:「《說文》: 牛馬牢也。引《周書》: 今惟牿牛馬。」

《說文》二上牛部:「牛馬牢也。从牛告聲。《周書》曰:今惟牿牛馬。」

案:小徐本引《周書》作「今惟淫舍牿牛馬」,然《韻會》引作「今惟牿牛 馬」,是小徐舊本亦無「淫舍」二字。

督督

《集韻》入聲漢韻:「《說文》:察也。一曰:目痛也。」

《說文》四上目部:「察也。一曰:目痛也。从目叔聲。」

案:「一日」之義, 鍇本作「目病也」,《廣韻》入聲二沃引作「目痛也」,《玉篇》注亦同, 是作「病」義雖可通, 恐非許氏之舊。

東 東

《集韻》入聲燭韻:「《說文》:嘉穀實也。孔子曰: 彙之爲言續也。籀作櫜。」

《說文》七上卤部:「嘉穀寶也。从卤从米。孔子曰:彙之爲言續也。♠,籀文變。」

案:引孔子說,「麋之爲言續也」,小徐「棗」作「粟」,从隸寫。

ШШ

《集韻》入聲燭韻:「《說文》:象器曲受物之形。古作 [6]。」

《說文》十二下曲部:「象器曲受物之形,或說曲蠶薄也。」,古文曲。」

案:小徐無古文「人」、《玉篇》作「人」、亦云「古文」、是本當有此字、 小徐啟奪。

局局

《集韻》入聲燭韻:「《說文》:促也。从口在尺下復局之。一曰:博所以行 基。象形。徐鍇曰:人之無涯者惟口,故口在尺下,則爲局。博局 外有垠堮周限也。」

《說文》二上口部:「促也。从口在尺下復局之。一曰:博所以行棊。象形。

徐鍇曰:人之無涯者,唯口,放口在尺下則爲局。博局外有垠堮周 限也。」

案:徐鍇案語,《繫傳》原作:「臣鍇曰:人之無涯者唯口耳,故君子重無 擇言,故口在尺下則爲局。又人言榦局取象於博局外有垠堮周限可用, 故謂人材爲榦局,在尺下則爲會意。象博局形,廣異聞也。」是鉉本 乃括引之也。《集韻》引又從鉉之括引。

構構

《集韻》入聲覺韻:「說文:平斗斛也。」

《說文》十四上斗部:「平斗斛也。从斗冓聲。」

案:「斛」下,小徐有「量」字,衍。玄應《音義》卷十四引作「平斗斛也。」, 同大徐,《韻會》引亦同。

嶽 嶽

《集韻》入聲覺韻:「《說文》:東岱、南靃、西華、北恆、中泰室。王者之 所以巡狩所至。古作岳。」

《說文》九下山部:「東岱、南霍、西華、北恆、中泰室。王者之所以巡狩 所至。从山獄聲。瓜,古文。象高形。」

案:「至」上,鍇本無「所」,蓋脫。《韻會》引有,又《玉篇》注作「王者 巡狩所至之山」可證。

園 雹

《集韻》入聲覺韻:「《說文》:雨冰也。古作②。」

《說文》十一下雨部:「雨冰也。从雨包聲。風,古文雹。」

案:「冰」字,小徐作「仌」,是也。大徐、《集韻》引並用後起字。

篇 稽

《集韻》入聲覺韻:「《說文》:特止也。徐鍇曰:特止,卓立也。」 《說文》六下禾部:「時止也。从稽省卓聲。徐鍇曰:特止,卓立也。」 案:「特止,卓立也」,徐鍇原文「止」下有「者」字。

會實

《集韻》入聲質韻:「《說文》:富也。从一从貫。貫,貨貝也。」

《說文》七下一部:「富也。从一从質。質,貨貝也。」

案:「从一从貫」,小徐作「从一貫」。「貫,貨貝也」,小徐作「貫爲貨物」, 當以大徐爲是,貫从母貝,許書訓「錢貝之貫」。

澤彈

案:引《楚詞》,小徐作「夫芎焉彃日也」,今《天問》作「羿焉彃日」,無 「夫」「也」二字,小徐衍,「一曰」者,非引《說文》,丁度等所增。

四四

《集韻》入聲質韻:「《說文》:四丈也。从八口,八揲一匹。一曰偶也。」

《說文》十二下匚部:「四丈也。从八匚,八揲一匹,八亦聲。」

案:「从八二」,小徐作「从二八」。「一曰:偶也」,非引《說文》,《禮記· 三年問》「失喪其羣匹」,註:「偶也。」

耞 駆

《集韻》入聲質韻:「《說文》:馬飽也。引《詩》:有駜有駜。」

《說文》十上馬部:「馬飽也。从馬必聲。《詩》云:有駜有駜。」

案:徐鍇無「《詩》云:有駜有駜」句,田氏《二徐箋異》曰:「駫騯皆引 《詩》,此字亦當有,小徐敚。」

落 孫

《集韻》入聲質韻:「《說文》:輔也。重也。徐鍇曰:西,舌也。舌柔而好剛以柔,从剛輔弼之意。或从二丙(彌),古作強,費。」

案:重文「彌」下,大徐云「弼或如此」,小徐云「古文彌如此」。《玉篇》「彌」 下收「彌」,註云「同上」,是「彌」爲或文,非古文。又「費」字,大 徐並「強」以爲古文,小徐則云「彌或如此」。《玉篇》無「費」,而力部 有「費」,云「古弼字」,是「費」字當亦是古文。大徐、《集韻》引不誤。

明 昳

《集韻》入聲質韻:「《說文》:目不正也。」

《說文》四上目部:「目不正也。从目失聲。」

案:小徐本作「目不從正也」,「從」字衍,《玉篇》:「跌,目不正。」同大 徐本,《集韻》引亦不誤。

桌 桌

《集韻》入聲質韻:「《說文》:木也。其實下垂,故从卤,古作屬。徐巡說: 木至西方戰壞。」

《說文》七上卤部:「木也。从木,其實下垂,故从卤。臺,古文桌,从西, 从二卤,徐巡說:木至西方戰桌。」

案:引徐巡說,「戰퇶」二字,小徐作「戰栗」,蓋从隸寫。

號 逸

《集韻》入聲質韻:「《說文》:失也。从辵兔,兔謾訑善逃也。」

《說文》十上兔部:「失也。从辵兔,兔謾訑善逃也。」

案:《繫傳》「逃」下,有「失」字,蓋衍。《韻會》引同大徐,知小徐舊本 原不誤。

序 戌

《集韻》入聲術韻:「《說文》:滅也。九月陽气微,萬物畢,成陽下入地也。 五行土生於戊盛於戌,从戊含一。」

《說文》十四下戌部:「滅也。九月陽气微,萬物畢,成陽下入地也,五行 土生於戊,盛於戌,从戊含一。」

案:「陽下入地」下,小徐有「戊含一」三字,而「盛於戌」下,作「從戊, 一亦聲」。許君說干支等字,頗涉陰陽五行之說,難審其是非。

酱 适

《集韻》入聲術韻:「《說文》:回避也。一曰:述也。」

《說文》二下辵部:「回避也。从辵矞聲。」

案:小徐作「迴避也」,「迴」字宜改作「回」,小徐「避」篆下亦作「回」。 「一曰:述也」,非引《說文》,見《爾雅·釋言》。

《集韻》入聲勿韻:「《說文》:畢沸濫泉。」

《說文》十一上水部:「畢沸濫泉。从水弗聲。」

案:鍇本作「滭沸濫泉也」,王筠《句讀》謂:「《說文》無滭字,濫下已引 沸濫泉矣,且單言,沸豈遂無義乎?」是大徐、《集韻》引不誤。

分分

《集韻》入聲迄韻:「說文:振針也。」

《說文》四下內部:「振貸也。从內八聲。」

案:《繫傳》作「振也」、《漢書·禮樂志》:「鸞路龍鱗罔不肸飾。」師古註: 「肸,振也,謂皆振整而飾文也。」肸從分,故得與分同義。《玉篇》 註:「分,振眸也。」「眸」當爲「肸」之譌。段氏即依《玉篇》改「分」 註爲「振肸也」,實則「分」「肸」義同,不勞更改也。小徐作「振也」, 《字林》引同,亦非不可通。

鵝 趉

《集韻》入聲迄韻:「《說文》:走也。」

《說文》二上走部:「走也。从走出聲。讀若無尾之屈。」

案:小徐「從走出聲,讀若無尾之屈」,無「走也」之本義,蓋傳寫脫失也, 宜補。

D 月

《集韻》入聲月韻:「《說文》: 闕也。太陰之精。象形。」

《說文》七上月部:「闕也。太陰之精。象形。」

案: 鍇本「闕也」下,有「十五稍減故曰闕也」八字,王筠《句讀》曰:「二 句蓋庾注。」

5 5

《集韻》入聲月韻:「《說文》:木本。」

《說文》十二下氏部:「木本。从氏大於未。讀若厥。」

案:小徐作「木末也」,然《列子·黃帝篇》「厥株駒」,《釋文》云:「厥, 本或作欄,《說文》作氒,木末也。」故知小徐非,大徐、《集韻》「本」 字下,宜補一「也」字。

屬 厥

《集韻》入聲月韻:「《說文》: 勥也。」

《說文》十三下力部:「勥也。从力厥聲。」

案:小徐「勥」作「強」,殘字也。《玉篇》引、《廣韻》十月注作「強力也」, 乃「勥」字之誤分。許書力部有「勥」字,訓「迫也」。

嗤 噦

《集韻》入聲月韻:「《說文》:气啎也。」

《說文》二上口部:「气啎也。从口歲聲。」

案:小徐本作「气牾也」,《說文》無「牾」字,「牾」係「啎」字之譌,玄 應《一切經音義》卷二、卷廿兩引均作「气啎也」。

陽陽

《集韻》入聲月韻:「《說文》:傷暑也。」

《說文》七上日部:「傷暑也。从日昼聲。」

案:鍇本作「傷熱暑」,鈕氏《校錄》云:「《晉書音義》及《韻會》引同大徐,乃小徐眞本,今作『傷熱暑』,諓人所改。」故知大徐、《集韻》引是也。

影 嶏

《集韻》入聲沒韻:「說文:崩聲。」

《說文》九下山部:「崩聲。从屵配聲。讀若費。」

案:鍇本作「崩也」,恐非。《玉篇》注亦作「崩聲」。

⑧ 割

《集韻》入聲曷韻:「《說文》:剝也。」

《說文》四下刀部:「剝也。从刀害聲。」

案:鍇本訓「開也」,誤。許書「割」上次「剝」,註云:「一曰:剝,割也。」 段注「割」訓「剝」,註曰:「蒙剝之弟二義互訓」是也。遍檢經典, 割無訓開者。《廣韻》入聲十二曷「割」下訓「剝也。害也。斷也。截 也」,「剝」訓在前,可證剝爲割之本訓。

甘 笪

《集韻》入聲曷韻:「《說文》: 笞也。一曰:覆舟簟。」

《說文》五上竹部:「笞也。从竹旦聲。」

案:小徐本作「竹也」,誤。《玉篇》、《廣韻》去聲二十八翰「笪」注皆訓「笞也」。「一曰」者,非引《說文》,蓋丁氏自增也。

爤 獺

《集韻》入聲曷韻:「說文:如小狗也,水居食魚。」

《說文》十上犬部:「如小狗也。水居食魚。从犬賴聲。」

案:《繫傳》作「小狗也。食魚」,蓋脫。玄應《音義》卷十五、十六引, 並作「形如小犬,水居食魚者也」,《御覽》九百十二〈獸部〉引作「如 小狗,水居食魚」,字句互有出入,然知「獺」似小狗,而非小狗。

渐 瘌

《集韻》入聲曷韻:「《說文》:楚人謂藥毒曰痛瘌。一曰漡,疥也。」

《說文》七下疒部:「楚人謂藥毒曰痛瘌。从疒刺聲。」

案:《繫傳》作「楚人謂藥毒痛痢」,無「曰」字。「一曰」下二義,皆非引《說文》,《廣雅·釋詁》:「瘌,傷也。」《集韻》云:「湯也。」檢字書無作「湯」者,「湯」蓋「傷」之譌。「疥也」之義,亦不見字書, 痢或作癩,今俗謂癩痢者,蓋亦指長疥子也,《集韻》或謂此也。

黱 糡

《集韻》入聲末韻:「《說文》: 麩也。」

《說文》七上米部:「麩也。从米蔑聲。」

案:小徐作「麩也」:嚴氏可均云:「麩也,宋本及《五音韻譜》、《集韻》 十三末、《類篇》、《韻會》七曷引皆同。」

《集韻》入聲末韻:「《說文》:會也。引《詩》:曷其有佸。一曰:佸佸,力 兒。」 《說文》八上人部:「會也。从人昏聲。《詩》曰:曷其有曆。一曰:曆曆, 力兒。」

案:大徐「曆」字,小徐、《集韻》引竝作「佸」,隸變字也。小徐無「一 曰:**佰**曆,力兒」六字,《韻會》引有,則今本《繫傳》脫。《集韻》 末韻「佸」字兩引《說文》,「苦活切」下止作「會也」,「古活切」下, 竝引《詩》及「一曰」義,蓋詳略互見也。

髓 浯

《集韻》入聲末韻:「《說文》:水流聲。或从略()。」

《說文》十一上水部:「水流聲。从水昏聲。概, 活或从略。」

案:小徐作「流聲也」,《韻會》引同。然《廣韻》入聲十三末兩收「涽」(作活,執變字也。)並訓「水流聲」。

數數

《集韻》入聲末韻:「《說文》:早鬼也。《周禮》:有赤魃氏,除牆屋之物。 引《詩》:旱魃爲虐。」

《說文》九上鬼部:「旱鬼也。从鬼友聲,《周禮》:有赤魃氏,除牆屋之物也。《詩》曰:旱魃爲虐。」

案:「赤魃」下,小徐無「氏」字,蓋脫。徐鍇案語云:「《周禮》赤犮氏掌除牆屋,謂除自理之物。」是小徐原未脫,「赤魃氏」之「魃」,今《秋官》作犮。

? 空

《集韻》入聲點韻:「《說文》:空大也。」

《說文》七下穴部:「空大也。从穴乙聲。」

案:大徐作「空大也」,《廣韻》入聲十四點、《集韻》引同。小徐作「空也」, 《玉篇》同。

帴 帴

《集韻》入聲點韻:「《說文》: 帬也。一曰: 帗也。一曰: 婦人脅衣。」

《說文》七下巾部:「帬也。一曰: 城也。一曰: 婦人脅衣。从巾戔聲。讀 若未殺之殺。」 案:「婦人脅衣」,小徐作「婦人脅巾」,段氏《注》、王筠《句讀》並從大徐作「脅衣」,桂氏《義證》引宣九年《左傳》「衷其袒服,解作脅衣」,又云:「字或作袜,楊愼曰:袜,女人脅衣也。」是「脅衣」二字較常見。

图 察

- 《集韻》入聲點韻:「《說文》:覆也。徐鉉曰:祭祀必質明。明,察也。故 从祭。」
- 《說文》七下一部:「覆也。从一祭。臣鉉等曰:祭祀必天質明。明,察也, 故从祭。」
- 案:大徐作「覆也」、《廣韻》入聲十四點引、《集韻》引竝同、《玉篇》註 亦同。小徐作「覆審也」、多一「審」字。《集韻》引徐鉉說、首句「必」 下敚「天」字、當補。

蓝蓝

《集韻》入聲點韻:「《說文》:艸初生出地兒。引《詩》:彼茁者葭。」

《說文》一下艸部:「艸初生出地兒。从艸出聲。《詩》曰:彼茁者葭。」

案:《繫傳》作「艸初生地兒」,無「出」字,蓋脫。《召南·騶虞》「彼茁 者葭」,毛《傳》:「茁,出也。」是茁字固以出得義也。大徐本有「出」 字,正以說解「茁」字也,小徐亡,非。玉篇「茁」訓「草出兒」, 亦有「出」字,可爲佐證。

憩 飻

《集韻》入聲屑韻:「《說文》:貪也。引《春秋傳》:謂之饕飻。」

《說文》五下食部:「貪也。从食殄省聲。」

案:小徐引《春秋傳》作「是謂饕飻」,非。今《左傳》文公十八年作「謂 之饕餮」,《說文》「飻」本从殄省,今不省。

牌 涅

《集韻》入聲屑韻:「《說文》: 黑土在水中也。一曰: 化也。一曰: 水名。 一曰: 縣名,在上黨。」

《說文》十一上水部:「黑上在水中也。从水从土,白聲。」

案: 鍇本「中」作「者」,非。《韻會》引亦作「黑土在水中也」。三「一日」 義: 皆非引《說文》,丁度等所增。「化也」,見《方言》卷三。

結 桔

《集韻》入聲屑韻:「《說文》: 桔梗,藥名。一曰:直木。」

《說文》六上木部:「桔梗,藥名。从木吉聲。一曰:直木。」

案:《繫傳》無「一曰:直木」四字,然「臣鍇案」下有「一莖直上,三四 葉相對,似人參,故曰直木」等語,似小除舊本不當無此四字,殆今 本脫去耳。

墻 噎

《集韻》入聲眉韻:「《說文》:飯窒也。」

《說文》二上口部:「飯窒也。从口壹聲。」

案:「飯窒也」, 鍇本作「飲窒也」。慧琳《一切經音義》卷十八、卷七十七、 卷九十四「噎」注引《說文》「飯窒也」, 與大徐本同。故知鍇本「飲」 係「飯」字形近而譌也。又慧琳《音義》卷四十一、卷八十引有「食 在喉不在下」句, 疑誤以他書爲《說文》也。

膦 決

《集韻》入聲肩韻:「《說文》:行流也。廬江有決水,出於大別山。一曰: 斷也。」

《說文》十一上水部:「行流也。从水从夬。盧江有決水,出於大別山。」

案:「出」下,小徐無「於」,《廣韻》入聲屑韻兩收,亦無「於」字,《韻會》引同。「一曰」者,非引許書,《曲禮》「濡肉齒決」,注:「決,猶斷也。」

擊擊

《集韻》入聲屑韻:「《說文》:別也。一曰:擊也。拂也。」

《說文》十二上手部:「別也。一曰:擊也,从手敝聲。」

案:「一曰:擊也」,小徐「擊」作「擊」,非。《玉篇》注作「擊也」,可證。 屑韻下又有「拂也」之訓,非引《說文》,《漢書·揚雄傳》:「浮蔑蠓 而擊天。」顏注:「擎,拂也。」王筠《句讀》依《韻會》補「一曰: 拂也」之訓,實則此乃《韻會》本《集韻》而誤增。

- 《集韻》入聲辞韻:「《說文》:軍法以矢貫耳也。引《司馬法》:小罪聅,中 罪刖,大罪剄。」
- 《說文》十二上耳部:「軍法以矢貫耳也。从耳从矢。《司馬法》曰:小罪联, 中罪刖,大罪到。」
- 案:「罪」字,二徐竝同,當作「辠」。引《司馬法》,「聅」下、「刖」下,「剄」下,小徐皆有「之」字。《司馬法》等語,今無攷,然《玉篇》引同大徐,《集韻》亦同,竝無三「之」字。

日 第

《集韻》入聲聲韻:「《說文》:捕鳥覆車也。」

《說文》七下网部:「捕鳥覆車也。从网叕聲。轍, 罬或从車。」

案:小徐作「捕魚覆車也」,非。《韻會》引「魚」作「鳥」,是小徐舊本不 誤。《廣韻》入聲十七醉作「捕鳥覆車罔」。又二徐竝有重文「輟」,《集 韻》未引,宜補。

垣 瑶

《集韻》入聲薛韻:「《說文》: 卑垣也。一曰:丘名。」

《說文》十三下土部:「卑垣也。从土守聲。」

案:小徐「卑」作「庳」,非。《玉篇》引作「卑垣也」,同大徐。「一日」 者,非引許書,丁氏等所增。

楊鴉

《集韻》入聲藥韻:「《說文》:犬獡獡不附人也。南楚謂相驚曰獡。」

《說文》十上犬部:「犬獡獡不附人也。从犬舄聲。南楚謂相駕曰獡。讀若 愬。」

案:「南楚謂相驚四獡」,小徐作「讀若南楚相驚曰獡」,蓋傳寫誤。《方言》: 「宋衛南楚凡相驚曰獡,或曰透。」

桑

《集韻》入聲藥韻:「《說文》:日初出東方湯谷。所登榑桑。桑,木也。籀 作喬。」

《說文》六下叒部:「日初出東方湯谷。所登榑桑, 叒木也。象形, 發, 籀文。」

案:「湯谷」小徐作「暘谷」、《楚辭》、《淮南》皆云「日出湯谷」、《山海經》 云「湯谷上有扶桑」、則大徐、《集韻》引是也。

履属

《集韻》入聲藥韻:「《說文》: 屐也。」

《說文》八下履部:「屐也。从履省喬聲。」

案:《繫傳》作「履」,然許書「屐」下訓「屩也」,是二字互訓,當以大徐 本爲是。《集韻》引不誤也。

襻 蘀

《集韻》入聲鐸韻:「《說文》: 艸木凡皮葉落陊地爲蘀。引《詩》: 十月隫 蘀。」

《說文》一下艸部:「艸木凡皮葉落陊地爲蘀。从艸擇聲。《詩》曰:十月隕 蘀。」

案:《繫傳》作「艸木皮葉落墮地爲蘀。从艸擇聲。《詩》曰:十月殞蘀」,無「凡」字,「陊」作「墮」,「隕」作「殞」。田氏《二徐箋異》云:「凡者,最括也。落陊地者有艸木之分,皮葉之異,故目凡字最括之,此許書古誼也,小徐渻渻,非也。」又云:「自部『陊,落也』,《吳都賦》『硩陊山谷』; 陊即墮字,義當本《說文》。」又云:「歹部無殞字,隕預正俗字,今《詩》正作隕。」田氏一一爲之辨解,知大徐、《集韻》引不誤。

桑桑

《集韻》入聲鐸韻:「《說文》:木葉陊也。」

《說文》六上木部:「木葉陊也。从木色聲。讀若薄。」

案:小徐「陊」作「隋」。田氏《二徐箋異》云:「自部隓:敗城曰隓,重 文嘴。不當木葉。陊意陊落也,是其誼。」故知小徐非。

龄 郝

《集韻》入聲鐸韻:「《說文》:右扶風鄠盩厔鄉。」

《說文》六下邑部:「右扶風鄠盩厔鄉。从邑赤聲。」

案:「鄠盩厔鄉」,小徐作「鄠鄉盩厔縣」。段氏云:「右扶風之鄠縣、盩厓 縣皆有郝鄉。」則鉉本爲是。

哥 各

《集韻》入聲鐸韻:「《說文》:異辭也。从口久。久者,有行而止之,不相 聽也。」

《說文》二上口部:「異辭也。从口夂。夂者,有行而止之,不相聽也。」

案:「久者有行而止之,不相聽也」,「也」字,小徐作「意」。田吳炤《二 徐箋異》云:「意字,未定之詞,有行而止之不相聽,各字會意如此, 宜從大徐。」《集韻》引「夂」字皆訛作「久」,當改。

間閣

《集韻》入聲鐸韻:「《說文》:所以止扉也,一曰:觀也。一曰:度藏之所。」 《說文》十二上門部:「所以止扉也。从門各聲。」

案:「止扉」下,小徐作「者」。《玉篇》引作「所以止扉也。」同大徐,《集韻》亦同。兩「一曰」義,非引許書,丁度等所增益也。

百日

《集韻》入聲陌韻:「《說文》:十十也。从一白。數十百爲一貫相章也。」 《說文》四上白部:「十十也。从一白。數十百爲一貫相章也。**酉**,古文百 从自。」

案:《繫傳》重文「百」下云:「古文百」,無「从自」二字。

釋 擇

《集韻》入聲陌韻:「《說文》:柬選也。」

《說文》十二上手部:「柬選也。从手睪聲。」

案: 鍇本作「簡選也」, 許書「柬」訓「分別簡之也」, 「簡」訓「牒也」, 故知大徐、《集韻》引是也。

韬 挌

《集韻》入聲陌韻:「《說文》: 枝挌也。一曰: 木枝橫者。」

《說文》四下丰部:「枝挌也。从丰各聲。」

案:小徐作「枝輅也」,「駱」當作「駱」。《玉篇》:「駱,枝柯也。」王筠《句讀》謂「**及**辂,今作枝格,枝柯多横生,故從丰」,是小徐作「駱」非。「一曰」者,非引《說文》,丁氏等自增益也,可參見王筠說。

图 索

《集韻》入聲陌韻:「說文:入家核也。」

《說文》七下宀部:「入家接也。从宀索聲。」

案:小徐作「入家接索之兒」,非。《玉篇》引、希麟《續音義》卷五引並 作「入家接也」,與大徐本合,是《集韻》引亦不誤也。

常 貧

《集韻》入聲陌韻:「《說文》:際見之白也。从白上下小見。」

《說文》七下白部:「際見之白也。从白上下小見。」

案: 鍇本作「際見之皃」,「皃」爲「白」之誤,《玉篇》云:「壁際見白也。」 「上下小見」下,小徐有「之」字,王筠《句讀》從之。

横

《集韻》入聲麥韻:「《說文》:髮有巾曰幘。一說:古賤服,漢元帝頂有壯髮,故服之,王莽秃又加巾。」

《說文》七下巾部:「髮有巾曰幘。从巾責聲。」

案: 鍇本「髮有巾」上尚有「幘也」二字,蓋是衍文,段氏不取。「一說」 云云,非許書原文,見鍇本案語,其說曰:蔡邕《獨斷》曰:漢元帝 額有壯髮,不欲人見,故加幘以布包之也。至王莽內加巾,故時人云 「王莽禿幘施屋」。《集韻》蓋本此也。唯「額」作「頂」,當改。《後 漢書,輿服志》亦作「額」。

楊 獡

《集韻》入聲麥韻:「《說文》:犬張耳皃。」

《說文》十上犬部:「犬張耳兒。从犬易聲。」

案:「張」上,小徐有「開」字,蓋衍。《玉篇》訓「犬張耳」。

上广

《集韻》入聲麥韻:「《說文》:倚也。人有疾病,象倚箸之形。」

《說文》七下疒部:「倚也,人有疾病,象倚箸之形。」

案:《繫傳》作「痾也。人有疾痛,象倚箸之形」,然《玉篇》引作「倚也」, 同大徐,且鍇語曰:「痾者,病气有所倚也。」「痾」者,「疴」之俗字, 「疴」篆下,鍇語亦云「疴猶倚也」,是「疒」篆下,小徐本爲人竄改 可知。

覈覈

《集韻》入聲麥韻:「《說文》:實也。考事,西笮邀遮其辭得實曰覈,或从 雨(竅)。」

《說文》七下西部:「實也。考事, 西笮邀遮其辤得實曰覈。从西敫聲。**聚**, 覈或从雨。」

案:《後漢書·和帝紀》注、《文選·長笛賦》注、玄應《音義》卷七、卷十二引並作「考實事也」,蓋古本如是。嚴氏《校議》謂大徐作「實也。考事」轉寫到,說頗有據。「考事」下等語,沈氏《古本考》以爲當是庾氏注,王筠《句讀》亦謂「句似庾注」,今從沈說。小徐本今止存「笮邀遮其辭得實曰覈」等字,本義脫。然《韻會》引同大徐,又鍇曰「實謂考之使實也」,是徵小徐舊本不敚。《集韻》引從大徐,「一」訛作「西」。

庸儘

《集韻》入聲麥韻:「《說文》:錐刀曰劃。」

《說文》四下刀部:「錐刀曰劃,从刀从畫,畫亦聲。」

案:小徐止作「錐刀也」,無「曰劃」二字,然義仍同。

踏踏

《集韻》入聲答韻:「《說文》:長脛行也。」

《說文》二下足部:「長脛行也。从足營聲。一曰:踧踖。」

案:小徐作「長踁行也」,許書有「脛」無「踁」,大徐本、《集韻》引是也。

育 穸

《集韻》入聲昝韻:「《說文》: 窀穸也。」

《說文》七下穴部:「窀穸也,从穴夕聲。」

案:小徐作「窀穸夜也」,「夜」字誤衍。《玉篇》注正作「窀穸」, 沾「夜」字無意。段注、王筠《句讀》並從大徐。

賜 賜

《集韻》入聲答韻:「《說文》:目疾視也。」

《說文》四上目部:「目疾視也。从目易聲。」

案: 鍇本作「目熟視也」,非。玄應《一切經音義》卷一引作「目疾視也」, 《玉篇》注同,知大徐、《集韻》引不誤。

肾 疫

《集韻》入聲 ��韻:「《說文》:民皆疾也。」

《說文》七下疒部:「民皆疾也。从疒役省聲。」

案:《繫傳》作「民皆病曰疫」,然《廣韻》入聲二十二者「疫」注引作「民 皆疾也」,與大徐同。又《韻會》引作「民皆疾疫」,疑小徐舊本亦同 大徐,「疫」字乃後人妄加。

19 汨

《集韻》入聲錫韻:「《說文》:長沙汨羅淵,屈原所沈之水。」

《說文》十一下水部:「長沙汨羅淵,屈原所沈之水。从水冥省聲。」

案:「淵」下小徐有「也」字,又「屈原」作「屈平」,且「沈」下無「之」字。《玉篇》引作「長沙汨羅淵也,屈平所沈之水。」《韻會》引盡同小徐,似以小徐近古本。

歷歷

《集韻》入聲錫韻:「《說文》:過也。」

《說文》二上止部:「過也。从止麻聲。」

案:小徐「過也」下,有「傳也」二字。王筠《句讀》云:「當作傅也。《釋 詁》:歷,傅也。」竊疑「傳也。」二字,乃後人據《爾雅》沾入,而 又訛其字也。

層 磿

《集韻》入聲錫韻:「《說文》:石聲也。」

《說文》九下石部:「石聲也,从石厤聲。」

案:鍇本作「磊砢也」,與鉉本大異。許書石部「砢」下訓「磊砢也」,鍇 本蓋爲後人以「砢」注誤竄。《集韻》引作「石聲也」,同大徐,當不 誤。《玉篇》注作「磿磿,小石聲」。

總歷

《集韻》入聲錫韻:「《說文》:浚也。一曰:水下滴歷。」

《說文》十一上水部:「浚也。从水歷聲。一曰:水下滴瀝。」

案:鍇本無「一曰:水下滴瀝」六字,江淹《擬謝臨川詩》:「乳竇既滴瀝。」 李善注引作「滴瀝,水下滴瀝也」,是古有此訓。《繫傳》徐鍇案語由 有云:「《魯靈光殿賦》曰:動滴瀝以成響,凡言滴瀝者,皆謂漉出而 餘滴也。」據此校語,似小徐所見本亦有此六字,不知何以敚奪!

1 休

《集韻》入聲錫韻:「《說文》:沒也。」

《說文》十一上水部:「沒也。从水从人。」

案: 鍇本作「沒水也」,「水」字衍。《韻會》引作「沒也」,同大徐,知小 徐舊亦無「水」字。

擊擊

《集韻》入聲錫韻:「《說文》: 瓴適也。一曰:未燒也。」

《說文》十三下土部:「瓴適也。一曰:未燒也。从土般聲。」

案:「一曰:未燒也」,小徐作「一曰:不燒」,《玉篇》引作「未燒者」,段 氏《注》、王筠《句讀》並依《玉篇》改,《韻會》引作「未燒磚也」, 非,說文無「磚」。

影 郹

《集韻》入聲錫韻:「《說文》:蔡邑也。引《春秋傳》: 郹陽封人之女奔之。」 《說文》六下邑部:「蔡邑也。从邑臭聲。《春秋聲》曰: 郹陽封人之女奔之。」 案:「郹陽封人之女奔之」,見《左傳》昭公十九年。《繫傳》作「郹陽人女 奔之」,蓋脫。

就 戠

《集韻》入聲職韻:「《說文》: 闕。」

《說文》十二下戈部:「闕。从戈从音。」

案:小徐「闕」下有「職從此。古職字。古之職役皆執干戈」十四字,《廣 韻》入聲廿四職引「闕」下有「職識字从此」,皆校語也。

瀬 稙

《集韻》入聲職韻:「《說文》:早穜也。引《詩》: 稙稚尗麥。」

《說文》七上禾部:「早穜也。从禾直聲。《詩》曰: 稙稚尗麥。」

案:《集韻》引「早穜也」,與二徐同。引《詩》,小徐「稚」作「稺」,「未」作「菽」。作「稺」是也,郭景純註《方言》曰:「稺古稚字。」《韻會》十三職引亦作「稺」。作「菽」則非,《說文》無「菽」字,今《詩。 閟宮》亦作「稙稺尗麥」。

熄熄

《集韻》入聲職韻:「《說文》:畜火也。一曰:滅火。」

《說文》十上火部:「畜火也。从火息聲,亦曰滅火。」

案:《繫傳》無「亦曰:滅火」四字,蓋脫。《玉篇》注:「畜火滅也。」疑本《說文》。段注:「滅與蓄義,似相反而實相成,止息即滋息也。孟子曰:王者之迹熄而《詩》亡,《詩》亡然後《春秋》作。」《集韻》引「亦曰」作「一曰」,義得兩通。

恕 即

《集韻》入聲職韻:「《說文》:即食也。一曰:就也。」

《說文》五下皀部:「即食也。从皀下聲。徐鍇曰:即,就也。」

案:小徐作「即湌也」,「湌」爲「餐」之或文,大徐作「食」是,《集韻》 引同。「一曰:就也」,非許書原文,楚金案語有云「即猶就也」,《玉 篇》注亦有此訓。

ば 侙

《集韻》入聲職韻:「《說文》:惕也。引《春秋國語》:於其心侙然。」

《說文》八上人部:「惕也。从人式聲。《春秋國語》曰:於其心侙然。」 案:小徐「侙然」下有「是也」二字。

髄 菹

《集韻》入聲職韻:「《說文》:水也。曰出潁川。一曰:艸名。」

《說文》十一上水部:「水也。从水直聲。」

案:小徐作「水名也」,《集韻》引同大徐。兩「一曰」義,非引《說文》, 《漢書·地理志》潁川郡無淔水,《水經志》亦不載,未知丁氏何據? 菌芝,一名淔灌。故丁氏云:「一曰:艸名。」

稿 檍

《集韻》入聲職韻:「《說文》: 杶也。」

《說文》六上木部:「杶也。从木意聲。」

案:鍇本無此篆,段本亦無。段氏於「楢」篆下注曰:「心部啻,今作憶; 艸部蓄,今作薏;水部濟,今作意;人部億,今作億;然則,經典檍字,即《說文》之權,何疑?」段說甚是。黃公紹《韻會》云:《說文》作權,今作檍。可爲佐證。鉉本蓋後人誤增,然嚴可均校議又有言曰:「余謂說解與篆誤到。檍,杶也;舊本當是光內,棉也。檍即俗楂字,《詩·隰有杻》,《釋木》:杻,檍。《毛傳》同。則許書不得無杻字。」嚴氏以爲「光內」形近「杶」而譌,議移杶篆之重文於此,云:「楂也。从木丑聲。」嚴說亦足以發人,茲附存於此。

対 蜮

《集韻》入聲職韻:「《說文》:短狐也。似鼈三足,以气射害人。一曰:蝦蟇也,或从國(蟈)。」

《說文》十三上虫部:「短狐也。鼈三足,以气软害人。从虫或聲。褐,蜮 又从國。臣鉉等曰:今俗作古獲切,以爲般蟇之別名。」

案:「一曰:蝦蟇也」,非許君語,徐鉉曰:「今俗作古獲切。以爲蝦蟇之別 名」,丁氏蓋本此而改作「一曰:蝦蟇也」。

特特

《集韻》入聲德韻:「《說文》: 朴特, 牛父也。一曰:獨也。」

《說文》二上牛部:「朴特,牛父也。从牛寺聲。」

案:小徐作「特牛也」。《楚辭・天問》:「焉得夫朴牛。」王注:「朴,大也。」 又注《九章》曰「壯大爲朴」。「牛父也」者,與下文「牝」注「畜母 也」對言。故大徐說似較長。《集韻》引亦同。「一曰:獨也」,非引許 書,見《廣雅・釋詁》三。

編 編

《集韻》入聲德韻:「《說文》:治黍禾豆下濆葉。」

《說文》七上黍部:「治黍禾豆下潰葉。从黍畐聲。」

案:小徐作「治粟麥禾豆下潰葉也」,考《玉篇》注作「治黍豆也」,《廣韻》入聲二十五德作「黍豆潰葉也」,是大徐作「桼」不誤也。額字从黍,自不關粟麥也。《集韻》引從大徐,唯「潰」訛作「濆」,當改。段氏云:「潰葉菸殘,恐其傷穀,故必治之。」作「濆」則無義矣。

訓鯛

《集韻》入聲德韻:「《說文》: 鳥劇, 魚名。或从即(鲫)。」

《說文》十一下魚部:「鳥鰂,魚名。从魚則聲。鷹,鰂或从即。」

案:小徐作「鳥鰂也」,無「魚名」二字。

9克

《集韻》入聲德韻:「《說文》: 肩也。象屋下刻木之形。徐鍇曰: 肩,任也。 負何之名也。與人肩膊之義通,作勝此物謂之克。古作芦, 虚。」

《說文》七上克部:「肩也,象屋下刻木之形,徐鍇曰:肩,任也。負何之 名也。與人肩膊之義通,能勝此物謂之克。含,古文克。木,亦古 文克。」

案:《繫傳》「臣鍇曰」下,作「肩者,任也。《尚書》曰:朕不肩好,貨 不委任,好貨也。任者又負荷之名也,與人肩膊之肩義通,故此字下 亦微象肩字之上也,能勝此物謂之克,故亦象刻木也。」大徐引頗有 省改。《集韻》從大徐,唯「能勝此物」之「能」,引作「作」,宜改。

勃

《集韻》入聲德韻:「《說文》:尤極也。一曰:自疆也。」

《說文》十三下力部:「尤極也。从力克聲。」

案: 鍇本作「尤劇也」,然《五音韻譜》、《集韻》、《類篇》引並作「尤極也」, 今仍依大徐。「一曰」者,非引《說文》,丁氏等所增。

祉 泣

《集韻》入聲緝韻:「《說文》:無聲出涕曰泣。」

《說文》十一上水部:「無聲出涕曰泣。从水立聲。」

案:《繫傳》作「無聲出涕者」,與鉉本微異。《玉篇》注曰:「無聲出涕也。」 與鉉作「曰泣」語意相合。

烬 颯

《集韻》入聲合韻:「《說文》:翔風也。」

《說文》十三下風部:「翔風也。从風立聲。」

案:鍇本作「朔風也」,「朔」爲「翔」之訛。《韻會》引作「翔風也。」同 大徐,可證。

軸 輌

《集韻》入聲合韻:「《說文》: 驂馬內轡繫軾前者。引《詩》: 茨以觼軜。」 《說文》十四上車部:「驂馬內轡繫軾前者,从車內聲。《詩》曰: 茨以觼軜。」 案:引《詩》,小徐作「鋈以觼軜」,今《詩·秦風·小戌》亦作「鋈」,箋: 「繫軜於軾前。」

谦 康

《集韻》入聲葉韻:「《說文》: 次也, 一曰: 倢伃, 女字。」

《說文》八上人部:「佽也。从人疌聲。」

案:許書「依」下訓「便利也」,「倢」下訓「依也」,段云:「此解家便利 之訓。」小徐作「次也」,非許氏之舊。「一日」,丁度等所附益,非《說 文》,漢婦官有倢仔。

港 疌

《集韻》入聲葉韻:「《說文》:疾也。从止,从又。又,手也。少聲。」

《說文》二上止部:「疾也。从止,从又。又,手也, 少聲。」

案:釋字之形,小徐作「从又。又,手也,从止」,若此,則「疌」當入「又」 部也,是語次仍以大徐、《集韻》引爲是。

職

《集韻》入聲葉韻:「《說文》:毛巤也。象髮在囟上,及毛髮巤巤之形。」

《說文》十下囟部:「毛巤也。象髮在囟上。及毛髮巤巤之形。此與籀文子 宇同。」

案:「毛巤」下,小徐無「也」;而「象」下,有「形」字,衍。許蓋以「象」 連下之「形」爲句。大徐、《集韻》引不誤。

品 强

《集韻》入聲葉韻:「《說文》:多言也。从品相連。引《春秋傳》:次于嵒北。」 《說文》二下品部:「多言也。从品相連。《春秋傳》曰:次于嵒北。讀與聶同。」

案:「从品相連」,小徐作「从品山相連」,非。山非山川之山,嵒从三口, 而山以連之,即絮聒之義也。

平 剪

《集韻》入聲帖韻:「《說文》:蹈瓦聲。一曰:瓦薄也。」

《說文》十二下瓦部:「蹈瓦聲。从瓦耎聲。」

案:鍇本作「蹈瓦甄也」,《玉篇》:「甄甄,蹋瓦聲。」《通俗文》曰:「瓦破聲曰甄。」玄應《音義》卷十一引作「蹈瓦聲躐躐也」,「躐躐也」三字,乃玄應所增,是可證小徐「瓦」下奪「聲」,且衍「甄」字。「一日」者,非引《說文》,丁度等自增。

悦 協

《集韻》入聲帖韻:「《說文》:同心之和。」

《說文》十三下劦部:「同心之和。从劦从心。」

案:小徐作「同心和也」,苗夔《繫傳校勘記》云:「同心下,當依鉉補之字。」

腋 灰

《集韻》入聲帖韻:「《說文》:病息也。」 《說文》七下疒部:「病息也。从疒夾聲。」 案:大徐作「病息也」,《廣韻》入聲三十帖、《集韻》引竝同。小徐作「病小息也」,許書女部曰:「嫉,息也。一曰:少氣也。」《玉篇》「疾」作「臧」,訓「病少氣」,王筠《句讀》曰:「然則小息即少氣之謂也。」是錯說亦可取。

燮 燮

- 《集韻》入聲帖韻:「《說文》:和也。从言、从又炎。徐鉉曰:此蓋从燮省, 言語以和之也,二字義相出入故也。」
- 《說文》三下又部:「和也。从言从又炎。籀文燮从羊,羊音飪讀若溼。臣 鉉等案燮字義大孰也,从炎从又即孰物可持也,此燮蓋从燮省,言 語以和之也。二字義相出入故也。」
- 案:大徐作「从言从又炎」,視爲會意。小徐作「從言又炎聲」,視爲形聲, 小徐非。《廣韻》入聲三十帖引作「从言又炎」,同爲會意。

瓔瓊

《集韻》入聲帖韻:「《說文》:石之次玉者。」

《說文》一上玉部:「石之次玉者。从玉燮聲。」

案:《繫傳》作「石之玉言次玉者」,苗夔《繫傳校勘記》云:「『玉言』二字衍。」田吳炤《二徐箋異》云:「『玉言』二字寫者誤多。此殆涉下文『琂』而誤。」段氏以「石之玉」爲句,注云:「鍇本如此,下有『言次玉者』四字,蓋注釋語。」惟田氏云:「段氏以『石之玉』句,以『言次玉者』四字爲注釋語,殊爲穿鑿。」然則大徐、《集韻》引不誤也。「璆」,《玉篇》、《廣韻》入聲三十帖皆云「石似玉」。

縣 協

《集韻》入聲業韻:「《說文》:『摺也。一曰:拉也。』」

《說文》十二上手部:「摺也。从手劦聲。曰:拉也。」

案:「一曰:拉也」,小徐作「一曰:擸也」,《廣韻》入聲業及《韻會》引 並作「拉也」,可證大徐、《集韻》引不誤也。

黃 臿

《集韻》入聲洽韻:「《說文》:舂去麥皮也。从臼千。所以臿之。」

《說文》七上臼部:「舂去麥皮也。从臼干。所以臿之。」

案:大徐作「从臼干」,小徐作「从臼干聲」,無「所以臿之」四字。嚴氏《校議》云:《韻會》十七洽引有「一曰:干所以臿之」句,此小徐真貌也。《集韻》引從大徐,唯「从臼干」誤作「从臼干」,當改。

甲甲

《集韻》入聲狎韻:「《說文》:東方之孟,陽气萌動。从木戴孚甲之象。一曰:人頭空爲甲,甲象人頭。古作命。始於十,見於千,成於木之象。一曰:介鏡也。一曰:狎也。」

《說文》十四下甲部:「東方之孟,陽气萌動。从木戴孚甲之象。一曰:人頭 宜爲甲。甲象人頭。命,古文甲始於十,見於千,成於木之象。」

案:「東方」之上,小徐有「位」字。「丙」下,二徐並作「位南方」,是此亦當有。大徐作「一曰:人頭宜爲甲,甲象人頭」,小徐作「《大一經》曰:頭玄爲甲,甲爲人頭」,《集韻》從大徐,而「宜」作「空」,段氏從之,注曰:「空爲善。空腔古今字,許言頭空、履空、額空,脛空,皆今之腔也。人頭空,謂髑髏也。」重文「命」下,小徐作「古文甲,始於一,見於十歲,成於木之象」,頗有出入,許氏說干字十二字,每多附會之言,今不詳考。兩「一曰」義,非引《說文》,《易。說卦傳》「離爲甲胄」,此指護首之介鎧也;《爾雅·釋言》:「甲,狎也。」

峥坤

《集韻》入聲狎韻:「《說文》:吸呷也。」

《說文》二上口部:「吸呷也。从口甲聲。」

案:小徐作「吸呷兒」。《文選·吳都賦》注、玄應《一切經音義》卷十七、 卷廿引作「吸也」,少一「呷」字。《玉篇》、《廣韻》引正作「吸呷也」, 同大徐,故知《集韻》引不誤。

嗷 噆

《集韻》入聲合韻:「《說文》:嗛也。一曰:齧脣。」

《說文》二上口部:「嗛也。从口替聲。」

案:《繫傳》作「從也」,與口義大不類。玄應《一切經音義》卷十七、卷十

八引作「銜也」,《玉篇》亦訓「銜」,是知「從」字係「銜」字之譌。「含」字下,大徐訓「嗛」,小徐訓「銜」,爲其碻証。「一曰」者,非引《說文》,丁度等所增益也。

三、《集韻》與小徐是,大徐非者

(計一百零八字)

產庸

《集韻》平聲鍾韻:「《說文》:用也。从用庚。庚,更事也。引《易》:先庚 三日。一曰:常也。愚也。」

《說文》三下用部:「用也。从用从庚。庚,更事也。《易》曰:先庚三日。」 案:大徐作「从用从庚」,小徐作「从用庚」。《集韻》引同小徐。「一曰」 下二義,皆非引《說文》,「常也」,見《爾雅·釋詁》,「愚也」,蓋丁 度等自增。

図 匈

《集韻》平聲鍾韻:「《說文》:膺也。或作腎。」

《說文》九上勺部:「聲也。从勺凶聲。為。匈或从內。」

案:鍇本作「膺也」,《集韻》引同。慧琳《音義》卷六十五、卷七十四兩 引皆作「膺也」,知大徐作「聲也」誤。許書內部曰:「膺,匈也。」 二篆相轉注。《玉篇》注亦作「膺也」,大徐之誤,自無可疑。

將 桏

《集韻》平聲鍾韻:「《說文》:椶椐木也。」

《說文》六上木部:「糬椐木也。从木邛聲。」

案:大徐作「糬」字,小徐作「椶」,《集韻》引同。鈕氏《校錄》云:「宋

本初印本、《五音韻譜》及《類篇》引椶並作糬,蓋譌。《說文》無糬。」嚴氏《校議》云:「《釋木》:援,柜桏。椶援形近,恐有一誤。」段氏云:「樗字無考……《說文》蓋取諸《爾雅》。椶與楥形似,椐與柜聲同。椶疑楥之誤。」合諸家說以觀,似以作「椶」爲是。

% 施

《集韻》平聲支韻:「《說文》:旗皃。齊欒施字子旗。知施者旗也。一曰: 設也。」

《說文》七上从部:「旗兒。从从也聲。亝欒施字子旗。知施者旗也。」

案:「亝欒施字子旗」,小徐「亝」作「齊」,《集韻》引同,俗寫也。「一曰: 設也」,非引《說文》,見《漢書·董仲舒傳》集注。

障碑

《集韻》平聲支韻:「《說文》:豎石。徐鍇曰:紀功德也。鄭康成曰:宮有 碑所以識日景,宗廟則麗牲焉,其材:宮廟以石,窆用木。」

《說文》九下石部:「豎石也。从石卑聲。」

案:小徐作「豎石」、《集韻》引同。徐鍇說,原作「古宗廟立碑以繫牲耳, 非石也。後人因於其上紀功德。」《集韻》蓋節引之也。鄭康成云云, 非許書本有,見《檀弓》注。

雅雕

《集韻》平聲脂韻:「《說文》:尻也。一曰地名,祠后土汾脽是也。」

《說文》四下內部:「屍也。从內隹聲。」

案: 鍇本作「尻也」、《御覽》卷三百七十六、《韵會》四支引亦作「尻也」、 許書尸部:「尻, 雕也。」二字轉注,故知《集韻》引不誤。「一曰: 地名」以下非引《說文》、《漢書·武帝紀》:「元鼎四年,立后土祠于 汾陰睢上。」

懨 澬

《集韻》平聲脂韻:「《說文》:久雨涔澬也。一曰:水名。」

《說文》十一上水部:「久雨涔資也。一曰:水名。从水資聲。」

案:《繫傳》作「久雨涔澬也」,《集韻》引同。大徐「澬」作「資」,非。

許槤《讀說文記》云:「涔濱,雙聲漢人語。」《廣韻》下平六脂「濱」 注云:「又:涔濱,久雨。」

於

《集韻》平聲微韻:「《說文》:酒泉天体阪也。漢有天体縣。」

《說文》十四下自部:「酒泉天依阪也。从自衣聲。」

案:大徐作「酒泉天依阪也」,小徐「依」作「陈」,《集韻》引同。《漢書· 地理志》:「酒泉郡天陈縣。」師古曰:「此地有天陈阪,故以名。」是大 徐作「依」,誤。「漢有天陈縣」,非許書原文,丁氏本《漢志》而增也。

爾順

《集韻》平聲微韻:「《說文》:頭佳皃。一曰:長皃。」

《說文》九上頁部:「頭佳也。从頁斤聲。讀又若鬢。」

案: 鍇本「顤」篆後,有「頎」篆,注云:「頭佳也。从頁斤聲。讀若鬢。」 今鉉本脫此篆,然《集韻》八微引有「頎」字,訓「頭佳皃」,是丁氏 所據本猶未誤脫。《類篇》、《韻會》五微引亦作「頭佳皃」,段本同。「一 日」者,非引許書,《衞風》「碩人其頎」,《傳》曰:「頎,長皃。」

龍 湋

《集韻》平聲微韻:「《說文》:回也。一曰:水名。」

《說文》十一上水部:「回也。从水韋聲。」

案:小徐有「一曰:水名」四字,《集韻》引同。《韻會》引作「又水名」。 《玉篇》、《廣韻》並訓「水名」,故知大徐本敚奪。

羅 渠

《集韻》平聲魚韻:「《說文》:水所居也。一曰:渠渠,勤也。」

《說文》十一上水部:「水所居。从水榘省聲。」

案:「居」下,小徐有「也」,《集韻》引同。「一曰」義,非引《說文》,《詩·權輿》:「夏屋渠渠。」《箋》:「猶勤勤也。」

玩 玛

《集韻》平聲虞韻:「《說文》:石之似玉者。《爾雅》:東方之美者,有醫無

閭之珣玗琪焉。」

《說文》一上王部:「石之似玉者。从玉于聲。」

案:《集韻》引「石之似玉者」,與二徐同。下引《爾雅》,見《釋池》。鍇 本案語亦引此文。唯「美」下無「者」字。

識 迷

《集韻》平聲齊韻:「《說文》:惑也。」

《說文》二下辵部:「或也,从辵米聲。」

案:小徐本作「惑也」,《集韻》引同。《說文》心部曰:「惑,亂也。」段 氏注、桂氏《義證》、王氏《句讀》均作「惑也」。

熄 煨

《集韻》平聲灰韻:「《說文》:盆中火也。一曰:煻火曰煨。」

《說文》十上火部:「盆中火。从火畏聲。」

案:小徐作「盆中火也」、《集韻》引同。「一曰」者,非引《說文》,丁度等所增。《通俗文》曰:「熱灰謂之塘煨。」《廣韻》上平十五灰注:「煻,煨火。」丁氏蓋本此而遞訓也。

隆催

《集韻》平聲灰韻:「《說文》:相擣也。引《詩》:室人交徧催我。一曰:促期。」

《說文》八上人部:「相儔也。从人崔聲。《詩》曰:室人交徧催我。」

案:小徐作「相擣也」,《集韻》引同。《玉篇》注亦作「相擣也」,大徐作「儔」,蓋譌。段氏從小徐,注曰:「猶相迫也。《邶風》北門曰:室人交徧摧我。《傳》曰:摧,沮也。《音義》曰:摧或作催。據許則催是也。不從《傳》者,《傳》取沮壞之義,與摧訓擠、訓折義同。蓋當時字作催,而毛釋爲摧之假借,許則釋其本義也。」「一曰」者,非引《說文》,丁氏等所增。

网 份

《集韻》平聲真韻:「《說文》:文質備也。引《論語》文質份份。古从乡林。 俗作斌,非是。」

- 《說文》八上人部:「文質僣也。从人分聲。《論語》曰:文質份份。獻,古文份,从彡林,林者从焚省聲。臣鉉等曰:今俗作斌,非是。」
 - 案:小徐作「文質備也」,《廣韻》上平十七眞引同,《集韻》引亦同。大徐 「備」作「僭」,非。「僭」訓「儗也」,非此之用。

訓巡

《集韻》平聲諄韻:「《說文》:視行兒。」

《說文》二下辵部:「延行兒。从辵川聲。」

案:小徐本作「視行兒」、《集韻》引同。《書·大傳》「維元祀巡守」、注:「巡行視所守也。」《舜典》「歲二月東巡守」、鄭注:「巡守者、行視所守也。」是「視行」與經義合。《玉篇》引作「視行」、《廣韻》十八諄引作「視行也」,雖詞尾有所不同、作「視行」則一也。故知大徐本作「延行兒」爲誤。

阑 寅

- 《集韻》平聲諄韻:「《說文》: 髗也。正月陽氣動,去黃泉欲上出,陰尙強。 象宁不達髗寅於下也。古作繼。」
- 《說文》十四下寅部:「髕也。正月陽气動,去黃泉欲上出,陰尙彊,象宁 不達、髕寅於下也。徐鍇曰:髕斥之意,人陽气銳而出上閡於宁曰 所以擯之也。‰,古文寅。」

案:大徐作「陰尙彊」,小徐「彊」作「強」,《集韻》引同,借字也。

) 黄

《集韻》平聲諄韻:「《說文》:兔瓜也。」

《說文》一下艸部:「兎苽也。从艸寅聲。」

《集韻》平聲文韻:「《說文》:火煙上出也。从屮从黑。屮黑,熏象也。」

《說文》一下屮部:「火煙上出也。从屮、从黑。屮黑,熏黑也。」

案:「屮黑熏黑」小徐作「屮黑熏象」、《集韻》引同。段注從小徐,云:「此煙上出而煙所到處成黑色之象也。」桂氏《義證》云:「屮黑熏象也者,本書『黑,火所熏之色也。』從炎上出四,馥謂炎出四,如艸之出土,所以爲熏象。」王氏《句讀》亦作「屮黑熏象」,注云:「屮本不黑,而今黑者,熏之所致也。」三家雖各有說解,作「熏象」則一也。

阨 鮔

《集韻》平聲元韻:「《說文》: 角七也。一曰: 牛角一頫一仰。」

《說文》四下角部:「角上也。从角亘聲。讀若讙。」

案:大徐作「角上也」,小徐作「角七也」,《玉篇》、《廣韻》上平二十二元 「舸」注竝作「角七」,《集韻》引亦作「角七也」,知大徐「上」字爲 「七」字之形譌。許書「七」下曰「七,所以比取飯,一名柶」,「柶」 下曰「七也」,《士冠禮》:「天官玉府,皆有角柶。」「角柶」即「角七」 也。「一曰」者,非引《說文》,丁氏等所增。

緒 繙

《集韻》平聲元韻:「《說文》:冤也。一曰:亂也。」

《說文》十三上糸部:「冕也。从糸番聲。」

案:鍇本作「冤也」、《集韻》引同。大徐作「冕也」、當係形誤。《玉篇》 注亦作「冤也」、《莊子·天道》:「于是繙十二經以說老聃。」《釋文》 引司馬彪云:「繙,煩冤也。」

者 看

《集韻》平聲寒韻:「《說文》: 睎也。从手下目。或从翰。」

《說文》四上目部:「睎之。从手下目。勒,看或从倝。」

案:《繫傳》作「睎也」、《集韻》引同。大徐作「睎之」、義不可通、《玉篇》 注亦作「睎也」、是小徐、《集韻》引不誤。

檀 儃

《集韻》平聲寒韻:「《說文》:何也。」

《說文》八上人部:「儃何也。从人亶聲。」

案:小徐作「何也」、《集韻》引同。《玉篇》注亦同。大徐作「儃何也」、

段云:「未聞。」又曰:「假令訓爲儋何,則又不當析廁於此。或當作 儃回。《九章》曰:欲儃何以干傺。又曰:入溆浦余儃何。王逸曰:儃 回猶低何也。」段說姑存。

逮 遗

《集韻》平聲先韻:「《說文》:自進極也。一曰:至也。」

《說文》二下辵部:「目進極也。从辵事聲。」

案:《繫傳》作「自進極也」,《玉篇》注,《廣韻》下平一先引並同。大徐本「自」作「目」,形譌也。「一曰:至也」,非引許也,亦見《玉篇》。

髓 媊

《集韻》平聲先韻:「《說文》:《甘氏星經》曰:太白上公妻曰女媊。居南斗、 食厲天下祭之曰明星。」

《說文》十二下女部:「《甘氏星經》曰:太白上公妻曰女媊。女媊居南斗、 食厲天下祭之曰明星。从女前聲。」

案:小徐本「居南斗」上,不重「女媊」二字,《集韻》引同。

摩 堂

《集韻》平聲先韻:「《說文》:摩也。」

《說文》十二上手部:「摩也。从手研聲。」

案:段本「揅,摩也」下注云:「宋本奪此字,今依小徐、《集韻》、《類篇》 補。」手部部末「文二百六十六」處,王筠《繫傳校錄》云:「大徐二百六十五,汲古增揅字,而改五爲六。」

腦浦

《集韻》平聲**階**韻:「《說文》:水出蜀郡縣虒玉壘山東南入江。一曰手**赫也**。 洒也,傍沾也。」

《說文》十一上水部:「水出蜀郡縣虒玉壘山東南入江。从水前聲。一曰手瀚 之。」

案:大徐作「手灕之」,小徐「之」作「也」。《集韻》引同小徐。《六書故》、 《韻會》引亦同,故當作「手灕也」。「洒也」,非引《說文》,見《廣雅·釋詁》二;「傍沾也」,亦非引《說文》,見《通俗文》。

欖 嫥

《集韻》平聲傳韻:「《說文》:壹也。一曰:女嫥嫥。一曰:愛皃。」

《說文》十二下女部:「壹也。从女專聲。一曰:嫥嫥。」

案:「一曰:嫥嫥」,小徐「嫥嫥」上有「女」字,《集韻》引同。《集韻》 又曰「一曰:愛皃」,今《說文》無,又「愛」上有闕文。考《玉篇》、 《廣韻》皆云「可愛之皃」。「愛」上之闕文,當是「可」字,當取以 補之。

糕 樵

《集韻》平聲宵韻:「《說文》: 散木也。」

《說文》六上木部:「散也。从木焦聲。」

案: 鍇本作「散木也」、《集韻》引同。「散」字,宜作「散」。鉉本作「散也」、《廣韻》四宵、玄應《音義》卷十五引作「木也」,蓋竝脫。《華嚴經·音義》卷十三引作「薪也」,與諸書引又異、《釋木·釋文》引《字林》亦云「薪也」,則《華嚴經·音義》乃涉《字林》而誤。

嚛 噢

《集韻》平聲宵韻:「《說文》:疾也。引《詩》:匪車喚兮。」

《說文》二上口部:「疾也。从口樂聲。《詩》曰:匪車嘌兮。」

案:《繫傳》引《詩》作「匪車嚶兮」,《集韻》同。大徐「嚶」作「嘌」, 蓋用隸省字。

縮 鉊

《集韻》平聲宵韻:「《說文》:大鎌也。鎌或謂之鉊。張徹說。」

《說文》十四上金部:「大鐵也。从金召聲。鎌謂之鉊。張徹說。」

案:鍇本有「大鎌也」,又大徐「鎌謂之鉊」,小徐作「鎌或謂之鉊」,《集 韻》引同。大徐「鎌」作「鐵」,非。《廣雅釋器》:「鉊,鎌也。」《廣 韻》「鉊,淮南呼鎌」,皆可爲證。

陽膠

《集韻》平聲爻韻:「《說文》:昵也。作之以皮。一曰:欺也、糾也。」

《說文》四下內部:「昵也。作之以皮。从內翏聲。」

案:「眤」字小徐本作「昵」、《集韻》引同。《考工記·弓人》說膠曰:「凡 昵之類不能方。」知大徐作「眤」非。「一曰」以下非引《說文》、《廣 雅·釋詁》二:「膠,欺也。」《禮記·王制》「周人養國老於東膠」、《注》: 「膠之言糾也。」

嗪 磽

《集韻》平聲爻韻:「《說文》: 磐石也。」

《說文》九下石部:「磐石也。从石堯聲。」

案:《孟子》「地有肥磽」,趙注:「磽,薄也。」《漢書·賈山傳》:「地之磽者,難有善種,不能生焉。」顏注:「磽确,瘠薄也。」許書「确」訓「磐石也」,是「磽」亦訓「磐石也」。小徐、《集韻》引不誤,大徐「磬」作「磐」,非。

豪豪

《集韻》平聲豪韻:「《說文》:豕臘如筆管者。籀从豕(豪)。」

《說文》九下**希**部:「豕**職**如筆管者。出南郡。从**希**高聲。**\$**,說文从**豕**。臣 鉉等曰:今俗則作臺,非是。」

案:重文「豪」下,大徐云「說文从豕」,小徐云「籀文從豕」,大徐「說」 爲「籀」之誤,顯然可知。《集韻》云「籀从豕」,不誤也。

想 峱

《集韻》平聲豪韻:「《說文》:山在齊地。引《詩》:遭我乎峱之間兮。」

《說文》九下山部:「山在齊地。从山狃聲。《詩》曰:遭我于峱之間兮。」

案:大徐引《詩》作「遭我于峱之間兮」,小徐、《集韻》引「于」作「乎」, 與今《齊風・還篇》合。

啊 抲

《集韻》平聲歌韻:「《說文》: 抲撝也。引《周書》: 盡執抲。」

《說文》十二上手部:「抲擔也。从手可聲。《周書》曰:盡執抲。」

案:小徐作「抲撝也」,《集韻》引同。大徐作「抲擔也」,「擔」字誤。《玉篇》注作「撝也」,可證。

訛 鈋

《集韻》平聲戈韻:「《說文》: 鈋園也。」

《說文》十四上金部:「吪圜也。从金化聲。」

離 難

《集韻》平聲戈韻:「《說文》:行有節也。引《詩》:佩玉之儺。」

《說文》八上人部:「行人節也。从人難聲。《詩》曰:佩玉之儺。」

案:《繫傳》作「行有節也」,《玉篇》、《詩·竹竿·釋文》、《集韻》引並同。 大徐「有」作「人」,誤。《衞風·竹竿》「佩玉之儺」下,《毛傳》亦曰:「儺,行有節度。」

蒉 蒉

《集韻》平聲陽韻:「《說文》:萇楚銚弋。一曰:羊桃。」

《說文》一下艸部:「萇楚跳弋。一名羊桃。从艸長聲。」

案:小徐本作「萇楚銚弋」。《廣雅·釋草》:「銚弋,羊桃也。」正作「銚」。 《玉篇》引與《詩·檜風·隰有萇楚》毛《傳》並作「銚」,是知小徐、 《集韻》不誤,大徐字譌。「一名羊桃」,二徐並同,《集韻》引改「一 名」爲「一曰」,義同。

燃 鄉

《集韻》平聲陽韻:「《說文》:國離邑,民所封鄉也。嗇夫別治。封圻之內, 六鄉六卿治之。」

《說文》六下颶部:「國離邑,民所封鄉也。嗇夫別治。封折之內,六鄉六 鄉治之。从壘自聲。」

案:大徐作「六鄉六郷治之」,小徐作「六鄉六卿治之」,《集韻》引同。段 注云:「六鄉六卿治之,謂《周禮》也。」嚴氏《校議》云:「《集韻》 十陽、《類篇》引作『六鄉六卿治之。』與《周禮》合。」今考《周禮· 大司徒》:「五州爲鄉。」鄭司農云:「百里內爲六鄉。」《卿大夫職》 曰:「每鄉卿一人。」是《集韻》引不誤也。

渊 秧

《集韻》平聲陽韻:「《說文》:禾若秧穰也。一曰:蒔謂之秧。」

《說文》七上禾部:「禾若秋穰也。从禾央聲。」

案:鍇本作「禾若秧穰也」、《集韻》引同。大徐「秧」作「秋」,誤。《玉篇》注:「禾苗秧穰也」。「一曰:蒔謂之秧」者,非《說文》本有,丁度等所增。

| | | | | | | | |

《集韻》平聲唐韻:「《說文》:山脊也。」

《說文》九下山部:「山骨也。从山网聲。」

案:鍇本作「山脊也」,《集韻》引同。大徐「脊」作「骨」,形訛也。《詩· 卷耳》:「陟彼高岡。」《傳》云「山脊曰岡。」《玉篇》注亦作「山脊 也」,《釋名》亦云「山脊曰岡」,皆足徵大徐之誤。

影影

《集韻》平聲庚韻:「《說文》: 亂也。一曰: 窒置。籀作器。」

《說文》二上吅部:「亂也。从爻工交吅,一曰窑設,讀若禳。徐鍇曰:一口噂杳也。爻物相交質也。工人所作也。己象交權形。***,籀文器。」

案:小徐「一日」之下作「窒置」、《集韻》引同。《玉篇》引作「窒穰」、《廣韻》十二庚引作「窒置」、故知大徐作「窑」者,乃傳寫之誤。

器 程

《集韻》平聲清韻:「《說文》:品也。十髮爲程,一程爲分,十分爲寸。」

《說文》七上禾部:「品也。十髮爲程,十程爲分,十分爲寸。从禾呈聲。」

案:大徐作「十程爲分」,小徐作「一程爲分」,《集韻》引同小徐。《藝文類聚》五十四、《太平御覽·刑法部》引皆作「十發爲程,十程爲寸。」 是十程不得爲分之証。沈濤《古本考》以爲「發」乃「髮」字傳寫之 誤,今本「爲分十分」四字衍,說亦通。

娉

《集韻》平聲青韻:「《說文》:俠也。」

《說文》八上人部:「使也。从人甹聲。」

案:小徐作「俠也」、《集韻》引同、《韻會》、《類篇》引亦同。許書「傳」下次「俠」、訓「傳也」、則此訓「俠」、當不誤。《廣雅·釋詁》亦訓「俠也」、大徐作「使也」、恐非許氏之舊、許書彳部:「德、使也。」後人或據此而改。

野 鼾

《集韻》平聲青韻:「《說文》: 醉令,鼠。一曰:鼠子。」

《說文》十上鼠部:「鼫令,鼠。从鼠平聲。」

案:《繫傳》作「斷令,鼠」、《集韻》引同,另《五音韻譜》、《廣韻》、《類篇》引並同。大徐「斷」作「鼫」,非。「一曰:鼠子」,非引《說文》,丁度等所增。

剱 瓴

《集韻》平聲青韻:「《說文》: 豐似瓶。」

《說文》十二下瓦部:「兊似瓶也。从瓦令聲。」

案:大徐作「兊似瓶也」,小徐「兊」作「甕」。《史記·高祖本紀》:「譬循居高屋之上建瓴水也。」晉灼《集解》引許愼曰:「瓴,甕似瓶者也。」《集韻》去聲送韻「瓮」下云「亦作雍」,是甕即瓮之俗,然則大徐作「兊」者,當係「瓮」之爤文。《集韻》引作「豐」。豐,《說文》作響,《集韻·送韻》「瓮」下又云「通作響」。

訂太

《集韻》平聲登韻:「《說文》:臂上也。古作人。徐鍇曰:象人曲腕而寫之, 乃得其實。不爾,即多相亂。」

《說文》三下又部:「臂上也。从又从古文。》,古文左。象形。例,左或 从內。」

案:《集韻》引「臂上也」,與二徐同。下引徐鍇說,《繫傳》原作「臣鍇曰: 此既象形,宜學人曲肱而寫之,乃得其實。不爾,即多相亂。」《集韻》 首二句約引爲「象人曲腕而寫之」,「腕」爲「肱」之誤。

軌

《集韻》平聲尤韻:「《說文》:病寒鼻窒也。」

《說文》四上鼻部:「病寒鼻室也。从鼻九聲。」

案:《禮記·月令·釋文》引作「病寒鼻窒也」,徐鍇本同,《集韻》引亦同。 大徐本作「鼻室」,室字爲窒字之誤。《玉篇》作「病寒鼻塞也」,「塞」 與「窒」義得兩通。

顺 淲

《集韻》平聲幽韻:「《說文》:水流兒。引《詩》:滤池北流。」

《說文》十一上水部:「水流兒。从水彪省聲。《詩》曰: 滤沱北流。」

案:引《詩》,小徐作「淲池北流」,《集韻》引同。今《詩·小雅白華》作 「滮」,不省。

任 任

《集韻》平聲侵韻:「《說文》:保也。」

《說文》八上人部:「符也。从人壬聲。」

案: 鍇本作「保也」,《集韻》引同。玄應《一切經音義》卷六、卷二十三 引皆作「保也」,《玉篇》引亦同。可證古本如是。大徐作「符也」, 誤 字。《廣雅·釋詁》亦云:「任,保也。」

隊 涔

《集韻》平聲侵韻:「《說文》: 漬也。一曰: 涔陽渚在郢中。」

《說文》十一上水部:「潰也。一曰:涔陽渚在郢中。从水岑聲。」

案:《繫傳》作「漬也」、《集韻》引同。田氏《二徐箋異》曰:「涔、漬、 温三篆相次。温,久漬也。漬,温也。涔自應訓漬也,義迺相生。潰 係譌字。」又小徐「涔陽」上無「一曰」二字,「郢」下無「中」字。

* 尤

《說文》五下门部:「淫淫,行皃。从人出门。」

案:《後漢書·來歙傳》注引作「冘冘,行兒。音淫。」《馬援傳》「冘豫未決」注云「冘,行兒也。義見《說文》。」蓋古本作「冘冘,行兒」、《集韻》引不誤也。《玉篇》「冘」字重出,一在冂部,訓「行兒。从人出冂」;另別有「冘」部,訓「冘冘,行兒」,後一解蓋本《說文》,前者或爲孫強所增。今大徐本「冘冘」作「淫淫」,疑涉音讀而誤,小徐本誤同。「兒」下又衍「也」字。「一曰」者,非引《說文》、《後漢書·來歙傳》「故久冘豫不決」,顏注:「冘豫,不定之意也。」丁氏蓋本此意也。

鞅

《集韻》平聲沾韻:「《說文》:赤黃也。一曰:輕易人。一一一:輕易人。一一

《說文》十三下黃部:「赤黃也。一曰:輕易入。歡姁也。从黃夾聲。」

案:「一曰:輕易人。一數的也」,小徐、《集韻》、《類篇》引同,《玉篇》注 亦同。大徐「人」作「入」,形似而誤也。

鷹 使

《集韻》上聲止韻:「《說文》:令也。」

《說文》八上人部:「伶也。从人吏聲。」

案:小徐作「令也」、《集韻》引同。段云:「大徐令作伶,誤。令者,發號也。《釋詁》:使,從也。其引申之義也。」然《詩·車鄰》:「寺人之令。」《釋文》云:「令、《韓詩》作伶,云使伶。」則古令伶通。

幕 矣

《集韻》上聲止韻:「《說文》:語已詞也。」

《說文》五下矢部:「語以詞也。从矢以聲。」

案:鍇本作「語已詞也」,《集韻》引同。語詞之「矣」,多在句末,表完結 之語氣,故作「已」是也,大徐作「以」則誤。

图 国

《集韻》上聲語韻:「說文:囹圉,所以拘罪人。一曰:圉垂也。一曰:圉 人掌馬者。」

《說文》十下圶部:「囹圄。所以拘罪人。从奋从口。一曰:圉垂也。一曰:

圉人掌馬者。」

案:大徐作「囹圄」,小徐作「囹圉」,《集韻》引同小徐。段云:「卒爲罪人,口爲拘之,故其字作圉。他書作囹圄者,同音相叚也。」王筠《釋例》曰:「蓋圉爲古字,圄爲後作。」又曰:「《韻會》圄下云:《說文》本作圉。即引『囹圉所以拘人』,又引《前漢書·東方朔傳》:『囹圉空虚』以爲證。又曰:今作圄。則其所據小徐本無圄明矣。」然則,今許書口部有圄,蓋後人增。兩「一曰」義,小徐本無,然《韻會》引有,是小徐本舊亦有之。

《集韻》上聲姥韻:「《說文》:相毀也。一曰:畏譚。」

《說文》三上言部:「相毀也。从言亞聲。一曰:畏亞。」

案:「一曰: 畏亞」,小徐「亞」作「融」,《集韻》引同。王筠《繫傳校錄》 云:「大徐諲譌作亞。」段注於「畏諲」下,注云:「此與惡惡之惡略 同。」桂氏《義證》云:「亞當爲諲,本書: 畏,惡也。《本草》某畏 某,又言惡某。」王筠《句讀》亦云:「藥性有畏有惡,《左傳》:『合 左師畏而惡之。』皆當作此諲。」故《集韻》引作「畏諲」不誤也。

禮禮

《集韻》上聲薺韻:「《說文》:履也。所以事神致福也。古作礼。」

《說文》一上示部:「履也。所以事神致福也。从示从豊。豊亦聲。**顺**,古文禮。」

案:《集韻》所引字義與二徐同。古文禮,大徐作「**m**】」,小徐作「**f**」」, 《集韻》同小徐。

煮 莙

《集韻》上聲準韻:「《說文》:牛藻也。似藻葉大。」

《說文》一下艸部:「井藻也。从艸君聲。讀若威。」

案:《繫傳》作「牛藻也」,《五音韻譜》、《玉篇》、《廣韻》注並同,蓋本《釋草》。大徐「牛」作「井」誤;牛藻,大藻也。「似藻葉大」,非許書原文,見《釋草》郭注。

쌲 搾

《集韻》上聲產韻:「《說文》: 畜牲也。」

《說文》二上牛部:「畜牷也。从牛產聲。」

案:《繫傳》作「畜牲也」,《集韻》引同。鈕氏《說文校錄》、桂馥《義證》、 《通訓定聲》亦皆作「畜牲也」。大徐「牲」作「牷」,非。

[編] 編

《集韻》上聲殭韻:「《說文》:搏也。」

《說文》十二上手部:「撫也。从手扁聲。」

案:小徐本作「搏也」,《集韻》引同。《類篇》引、《玉篇》注並同。大徐 作「撫也」,非。

新勉

《集韻》上聲玃韻:「《說文》:強也。」

《說文》十三下刀部:「彊也。从力免聲。」

案:小徐作「強也」,《集韻》引同。「強」爲「彊」之借字。

見 見

《集韻》上聲筱韻:「《說文》:望遠合也。从日七。七,合也。徐鍇曰:七, 相近也。」

《說文》七上日部:「望遠合也。从日七。七,合也。讀若窈窕之窈。徐鍇 曰:比,相近也。故曰:合也。」

案:《繫傳》「臣鍇曰」下,作「七,相比近也」,徐鉉引作「比,相近也」, 「比」爲「七」之譌,《集韻》引不誤也;「相近也」,非有脫文,蓋節 取其意也。

塌 塌

《集韻》上聲晧韻:「《說文》:堡也。一曰:高土。」

《說文》十三下土部:「保也。高土也。从土屬聲。讀若毒。」

案:「高土也」上,小徐有「一日」二字,《集韻》引同。此爲別一義也, 當有「一日」之字。

樂 臩

《集韻》上聲養韻:「《說文》:驚走也。一曰:往來兒。引《周書》:伯臩。」 《說文》十下乔部:「驚走也。一曰:往來也。从乔臦。《周書》曰伯臩。古 文臦、古文冏字,臣鉉等臦居沉切。臦猶垂也。臦亦聲。言古囧字、 未詳。」

案:「一曰」之義、大徐作「往來也」,小徐作「往來兒」,段云:「兒,大徐作也,非。」《玉篇》注同小徐作「往來兒」,《廣韻》上聲三十六養引亦同。是《集韻》引不誤也。

雕侹

《集韻》上聲迴韻:「《說文》:長兒。一曰:著地。一曰:代也。勇也。」 《說文》八上人部:「長兒。一曰:箸地。一曰:代也。从人廷聲。他鼎切。」 案:大徐作「一曰:箸地」,小徐「箸」作「著」,《集韻》引同。「勇也」 之義,非引《說文》,丁度等增。

型 計

《集韻》上聲厚韻:「《說文》:扣也。如求婦先却叕之。一曰:即即笑也。」 《說文》三上言部:「扣也。如求婦先言叕之。从言从口。口亦聲。」 案:「如求婦先言叕之」,小徐作「如求婦先即叕之」,《集韻》引同。作「即」 是也,楚金案語云:「此當引當時俗語爲證也。即叕猶言扣嗑之也。」

如作「言」字,則無以爲證。「一曰」者,非引《說文》,《廣雅·釋訓》: 「記記,笑也」。

羅 黵

《集韻》上聲敔韻:「《說文》:大污也。」

《說文》十上黑部:「天污也。从黑詹聲。」

案:鍇本作「大污也」、《集韻》引同。大徐作「天污也」、義不可通、「天」 明爲「大」之譌。《廣韻》上聲四十九敢「黵」注曰:「大污垢黑。」

麗 湛

《集韻》上聲豏韻:「《說文》:沒也。一曰:湛水,豫州浸。古作滌。」 《說文》十一上水部:「沒也。从水甚聲。一曰:湛水,豫章浸。灑,古文。」 案:《周禮·職方氏》:「正南曰荊州,其浸潁湛。」鄭注:「潁,宜屬豫州, 在此非也。」《地理志》:「荊州澤曰潁湛。」顏注:「潁水宜屬豫州。 許慎又云:湛水豫州浸。並未詳也。」據上引,知大徐作「豫章」,非 也;小徐、《集韻》引作「豫州」是。又「浸」字,小徐作「濅」。

祝 伿

《集韻》去聲寘韻:「《說文》:惰也。」

《說文》八上人部:「隋也。从人只聲。」

案:小徐作「惰也」,《集韻》引同。《廣韻》去聲五寘注亦作「惰也」,段 云:「惰者,不敬也。《醫經解》 (你之你,當作此字。」 許書內部「隋」 訓「裂內也」,非此之用。

示 示

《集韻》去聲至韻:「《說文》:天垂象,見吉凶,所以示人也。从二,古文上字,三垂,日月星也。觀乎天文,以察時變,示神事也。古作**爪**。」

《說文》一上示部:「天垂象,見吉凶,所以示人也。从二,二古文上字。 三垂,日月星也。觀乎天文,以察時變,示神事也。∭,古文示。」

案:小徐「从二」下,無「二,古文上字」五字,「皆从示」下有「臣鍇曰:二,上字也」等語。古文示,大徐作「w」,小徐作「木」,《集韻》所引從小徐。王筠《說文釋例》云:「大徐作顺,非也;小徐作不,鐘鼎文亦祗示不二體。」《博古圖·齊矦鐘》四,皇祖字兩見,一作師,一作祖,知小徐是(說見王氏《繫傳校錄》)。

頭頭

《集韻》去聲至韻:「《說文》:見雨而止息。」

《說文》八下覞部:「見雨而比息。从覞从雨。讀若欷。」

案:《繫傳》作「見雨而止息」、《集韻》引同。大徐「止」作「比」,誤字也。《玉篇》規部「竸」注引《說文》正作「止息」,又雨部「竸」下引亦同。《廣韻》去聲六至「竸」下注:「《說文》云:見雨而止息曰竸。」 足徵作「止」不誤。

坚 坒

《集韻》去聲至韻:「《說文》:地相次坒也。」

《說文》十三下土部:「地相次比也。衞大夫貞子名坒。从土比聲。毗至切。」案:大徐作「地相次比也」,小徐「比」作「坒」,《集韻》引同,《玉篇》

注亦同。

姐姐

《集韻》去聲御韻:「《說文》:驕也。」

《說文》十下心部:「矯也。从心且聲。」

案:《繫傳》作「驕也」,《集韻》引同。大徐作「矯也」,誤。《廣韻》下平 九麻曰:「怚與樝同。」許書「樝」下正訓「驕也」(大徐作嬌,乃驕 之俗。)《方言》注曰:「怚,音驕怚。」又《玉篇》亦訓「驕也」,皆 可證大徐之譌。

航 蚧

《集韻》去聲夳韻:「《說文》: 妒也。」

《說文》十二下女部:「如也。从女介聲。」

案:鍇本作「妒也」、《集韻》引同。許書人部曰:「俠, 妎也。」《字林》

云:「疾, 娇妬也。」是鉉本作「如也」, 譌。

盥 館

《集韻》去聲卦韻:「《說文》:陋也。从館。 荐, 權文嗌字。或作隘。」

《說文》十四下館部:「陋也。从館冓聲。籀文嗌字。諡,籀文鵬从昌益。」

親 額

《集韻》去聲怪韻:「《說文》:頭藏顡也。謂頭癡。」

《說文》九上頁部:「頭蔽額也。从頁象聲。」

案: 鍇本作「頭藏額也」, 楚金案語云: 「字書藏即蒯。」段注云: 「藏額, 疊韻字, 蓋古語也。」又云: 「錢氏大昕曰: 春秋戰國人名有蒯聵者, 疑即此藏額字。」王筠《句讀》亦謂「衞太子蒯聵, 蔵即蒯之古字」。 《集韻》引同小徐, 不誤也。大徐「蔵」作「蔽」, 形近而譌。「謂頭 癡」三字, 非許書原文, 丁氏申釋之語也。

緣織

《集韻》去聲怪韻:「《說文》: 鈹有鐔也。」

《說文》十四上金部:「皮有鐸也。从金殺聲。」

案:小徐作「鈹有鐔也」、《集韻》引同。大徐「鐔」作「鐸」,形訛也。鐔, 劔鼻也。

調道

《集韻》去聲換韻:「《說文》:逃也。或作權。」

《說文》二下辵部:「兆也。从辵官聲。‡,逭或从雚从兆。」

案:小徐本作「逃也」、《集韻》引同。大徐作「兆也」, 譌。《書·太甲》: 「自作孽不可逭。」《傳》云:「逭, 逃也。」《爾雅·釋言》亦云:「逭, 逃也。」

山於鄉

《集韻》去聲諫韻:「《說文》:魚游水兒。引《詩》:烝然汕汕。」

《說文》十一上水部:「魚游水兒。从水山聲。《詩》曰:蒸然汕汕。」

案:引《詩》,小徐作「烝然汕汕」,《集韻》引同。今《詩·小雅·南有嘉 魚》作「烝」,嚴氏《校議》曰:「《詩考》不出蒸爲異文。」據此,則 作「烝」是也。

腦澱

《集韻》去聲霰韻:「《說文》:滓垽也。」

《說文》十一上水部:「滓滋也。从水殿聲。」

案:鍇本作「滓垽也」,《集韻》引同。許書土部曰:「垽,澱也。」是澱垽 互訓,大徐「垽」作「滋」,誤字也。又《玉篇》「澱」訓「垽也」。《爾 雅・釋器》:「澱謂之垽。」皆其碻證。

瓣 濻

《集韻》去聲映韻:「《說文》: 小津也。一曰:以船渡也。」

《說文》十一上水部:「水津也。从水横聲。一曰:以船渡也。」

案:《繫傳》作「小津也」,《集韻》引同。《玉篇》、《廣韻》去聲映韻引亦作「小津也」,據此,知大徐作「水津也」,「水」乃「小」之誤。

[佞

《集韻》去聲徑韻:「《說文》:巧讇高材也。」

《說文》十二下女部:「巧調高材也。从女信省。臣鉉等曰:女子之信近於 佞也。」

案:《繫傳》作「巧讇高材也」,許書言部「讇」下曰:「諛也。」是《繫傳》 不誤,《集韻》引同。大徐作「調」,當是形訛也。

片型

《集韻》去聲證韻:「《說文》: 地名。」

《說文》六下邑部:「地名,从邑興聲。」

案:「鄭」字,鍇本有,鉉本無。《廣韻》下平十六蒸「鄭」注亦曰:「《說文》曰:地名也。」《集韻》證韻「鄭」字亦引《說文》,是可知許書當有此字。

秀 秀

《集韻》去聲宥韻:「實也。有實之象下垂也。徐鍇說。」

《說文》七上禾部:「上諱。漢光武帝名也。徐鍇曰:禾,實也。有實之象 下垂也。」

案: 漢光武帝諱秀,故許書但存秀篆,闕而不釋其義。《集韻》引「實也」 云云,爲徐鍇說,今亦視同引《說文》。

附 伏

《集韻》入聲屋韻:「《說文》: 伺也。」

《說文》八上人部:「司也。从人从犬。臣鉉等曰:司今人作伺。」

案:段本「伏,司也」下注曰:「司者,臣司事於外者也。司,今之伺字。

凡有所司者,必專守之。伏伺即服事也。」是小徐作「伺」,後起俗字也,《集韻》引亦從俗。

帰 煜

《集韻》入聲屋韻:「《說文》:燿也。」

《說文》十上火部:「熠也。从火昱聲。」

案:《繫傳》作「燿也」、《集韻》引同。玄應《音義》卷四、卷五、卷八、卷十一、卷十五引皆作「燿也」。《類篇》、《韻會》引亦同。故知大徐作「熠也」,譌。

篇 消

《集韻》入聲屋韻:「《說文》:水出弘農盧氏山,東南入沔。一曰出鄭山西。」 《說文》十一上水部:「水出弘農盧氏山,東南入海。从水育聲。或曰出鄭 山西。」

案:大徐作「東南入海」,小徐「海」作「沔」,《集韻》引同,《五音韻譜》、 《類篇》亦同。《水經》:「沔水東過襄陽縣北,又從縣東屈西南,淯水從 北來注之。」故知大徐非。又大徐作「或曰:出酈山西」,小徐作「或以 爲」,《集韻》引作「一曰」,三者各異,然無關要誼。

爾觸

《集韻》入聲燭韻:「《說文》: 牴也。」

《說文》四下角部:「抵也。从角蜀聲。」

案:鍇本作「牴也」,《玉篇》注同。許書牛部曰:「牴,觸也。」與此互訓, 知作「牴」是也。《集韻》引不誤,大徐誤作「抵」。

量量

《集韻》入聲燭韻:「《說文》:直轅車鞼也。」

《說文》十四上車部:「直轅車欑也。从車且聲。」

案:大徐作「直轅車費也」,小徐「費」作「費」,是也。《說文》無「費」字,革部:囊或作費,云「車衡三束也,曲轅鞼縛,直轅糧縛」,《集韻》引亦作「鞼」,不誤也。

噆 噴

《集韻》入聲質韻:「《說文》:野人之言。」

《說文》二上上部:「野人言之。从口質聲。」

案:小徐《繫傳》作「野人之言」、《集韻》引同。大徐作「野人言之」、「言之」二字不詞、《玉篇》訓「野人之言也」、《廣韻》引正作「野人之言」、知小徐不誤。

湖 論

《集韻》入聲質韻:「《說文》:靜語也。一曰:無聲。一曰:愼也。」

《說文》三上言部:「靜語也。从言盈聲。一曰:無聲也。」

案:小徐「一曰」下作「無聲」,無「也」字,《集韻》引同。又「一曰: 愼也」,非引許也,《爾雅·釋詁》:「溢,愼也。溢愼,謐靜也。」

影歌

《集韻》入聲曷韻:「《說文》:欲飮也。」

《說文》八下欠部:「欲歡歡。从欠渴聲。」

糖 秸

《集韻》入聲末韻:「《說文》:舂桌不潰也。一曰:生也,謂未生。」

《說文》七上禾部:「舂棗不漬也。从禾昏聲。」

案:小徐作「春粟不潰也」,「粟」者,桑之隸寫。段注云:「水部曰:潰,漏也。春粟不潰者,謂無散於外者也。」大徐作「漬」,形偽也。《玉篇》注亦作「春粟不漬也」,《廣韻》入聲十三末「枯」訓「春穀不潰也」。「一曰」下,非引許書,「生也」之訓,見《廣雅·釋詁》一。「謂未生」,乃丁度等所加。

想 谻

《集韻》入聲藥韻:「《說文》:相踦谻也。」

案:小徐作「相踦谻也」、《集韻》引同。《玉篇》「谻」訓「相踦卻也」,與 小徐語合,「卻」殆「谻」之譌。段氏注、桂氏《義證》、王氏《句讀》 並作「相踦谻也」。

噂 嘆

《集韻》入聲鐸韻:「《說文》: 埱嘆也。一曰:定也。」

《說文》二上口部:「淑嘆也。从口莫聲。」

案:大徐本作「淑嘆也」,「淑」當作「啾」。《說文》「嘆」字上承「啾」篆, 从口。小徐本即作「啾嘆也」,《集韻》引不誤。「一曰:定也」,非引 許書,見《爾雅·釋詁》。

個 佰

《集韻》入聲陌韻:「《說文》:相什佰也。」

《說文》八上人部:「相什伯也。从人百。」

案:小徐作「相什佰也」、《集韻》引同。大徐作「伯」字,非。《玉篇》引亦作「相十佰也」、段云:「佰連什言者、猶伍連參言也。佰之言百也。」 段說是也。《廣韻》入聲二十陌「佰」下注:「一百爲一佰。」

隔码

《集韻》入聲麥韻:「《說文》:石地惡也。」

《說文》九下石部:「石也。惡也。从石鬲聲。」

案: 鍇本作「石地惡也」、《集韻》引同。大徐「地」作「也」,非。周雲青日:「唐寫本《玉篇》碩注引《說文》:石地也。」唐本《玉篇》引雖 與二徐稍異,然可證小徐、《集韻》引作「地」,不誤也。

辉 釋

《集韻》入聲誉韻:「《說文》: 漬米也。」

《說文》七上米部:「潰米也。从米睪聲。」

案:小徐作「漬米也」、《集韻》引同。《廣韻》入聲二十二昔韻引作「漬米也」、《玉篇》注同,故知大徐作「潰米也」、非。《詩·生民》「釋之叟叟」、《傳》曰:「釋,淅米也。」漬米亦淅米之意也。

解 辟

《集韻》入聲錫韻:「《說文》:仄也。」

《說文》九下厂部:「反也。从厂辟聲。」

案:小徐作「仄也」,《玉篇》「屛」下注「仄也」,《廣韻》入聲二十三錫注 亦同。故知小徐、《集韻》引不誤也。大徐作「反也」,「反」字當是「仄」 之形譌。

躬 馰

《集韻》入聲錫韻:「《說文》:馬自額也。一曰:駿也。引《易》:爲馰顙。」 《說文》十上馬部:「馬白額也。从馬的省聲。一曰:駿也。《易》曰:爲的 顙。」

案:引《易》,大徐作「爲的顙」,小徐「的」作「馰」,《集韻》引同。今《易·說卦傳》作「的」,《釋文》云:「《說文》作馰。」故知小徐、《集韻》引是也。

魏 黩

《集韻》入聲職韻:「說文:羔裘之縫。」

《說文》十上黑部:「羔文之縫。从黑或聲。」

案:小徐作「羔裘之縫」、《集韻》引同。大徐「裘」作「文」、非。《詩· 召南·羔裘》「羔羊之華、素絲五緎」、《傳》曰:「革、猶皮也。緘、 縫也。」段云「許所據《詩》作黬」、《爾雅·釋訓》:「緘、羔裘之縫 也。」正許君所本。

粒 粒

《集韻》入聲緝韻:「《說文》: 糂也。古从食(強)。」

《說文》七上米部:「糂也。从米立聲。域,古文粒。」

案:重文「鎗」下,大徐云「古文粒」,小徐云「古文從食」,《集韻》引蓋 本小徐。

常曹

《集韻》入聲帖韻:「《說文》:揚雄說,以爲古理官決罪三日,得其宜乃行之,从晶宜。亡新以爲疊,从三日太盛,改爲三田。一曰厚也。屈也。懷也。」

《說文》七上晶部:「揚雄說,以爲古理官決罪三日,得其宜乃行之,从晶 从官。亡新以爲疊,从三日太盛,改爲三田。」

案:大徐作「从晶从宜」,小徐作「从晶宜」,《集韻》引同小徐。「一曰」 下數義,均非引《說文》,「厚也」,見《廣雅・釋詁》三,《廣雅・釋 詁》四「疊, 詘也」,「詘」與「屈」同。「懷也」,見《廣雅・釋言》。

图 原

《集韻》入聲帖韻:「《說文》:快也。」

《說文》十下心部:「快心,从心匧聲。」

案:鍇本作「快也」,《集韻》引同。《韻會》引亦同。大徐本作「快心」, 非。《漢書·文帝紀》:「未有愿志。」顏注:「愿,快也。」《玉篇》亦 作「服也。又,快也」。

舍 酓

《集韻》上聲琰韻:「《說文》:酒味苦也。」

《說文》十四下酉部:「酒味苦也。从酉今聲。臣鍇曰: 款字从此。」

案:「酓」篆,祁刻《繫傳》有,《續古逸叢書本》、岩崎氏本竝無。汲古閣所據宋本亦奪此篆此解,而毛扆補之於部末。《玉篇》「酓」注作「酒味苦也」,《廣韻》上聲五十琰注同,今《集韻》引《說文》亦同,是可證丁氏所據鉉本未奪「酓」篆,其後傳鈔敚失,說解誤竄「醰」字下,「醰」義遂又湮滅不存(參見「醰」字考)。然亦有未能釋疑者,丁氏所見既未奪「酓」篆、「酓」義,何以「醰」下所引乃誤竄之義?抑其時「醰」義已失,淺人復以「酓」義系「醰」篆之下耶?

四、《集韻》、大徐、小徐詞異而義得互 通者(計四百三十八字)

個侗

《集韻》平聲東韻:「《說文》:大皃。引《詩》:神罔時侗。一曰:侗未成器 之人。」

《說文》八上人部:「大皃。从人同聲。《詩》曰:神罔時侗。」

案:「罔」字,小徐作「网」。「网」爲本字。「罔」乃或體。「一曰」者,非引《說文》,《論語》「侗而不愿」,皇《疏》:「侗,未成器之人。」

営 芃

《集韻》平聲東韻:「《說文》:草盛也。引《詩》:芃芃黍苗。」 《說文》一下艸部:「艸盛也。从艸凡聲。《詩》曰:芃芃黍苗。」 案:二徐竝作「艸盛也」,《集韻》引「艸」作「草」,俗字也。

鷓 鮽

《集韻》平聲東韻:「《說文》:魚名。」

《說文》十一下魚部:「魚名。从魚翁聲。」

案:小徐「名」作「也」。

易 風

《集韻》平聲東韻:「《說文》:八風也。風動蟲生,故蟲八日而化。一曰諷 也。古作風。」 《說文》十三下風部:「八風也:東方曰明庶風,東南曰清明風,南方曰景風,西南曰涼風,西方曰閶闔風,西北曰不周風,北方曰廣莫風,東北曰融風。風動蟲生,故蟲八日而化。从虫凡聲。凡風之屬皆从風。方戎切。例,古文風。」

案:「八風也」下,二徐竝有八風之名,《集韻》未引,蓋省。「一曰:諷也」, 非引《說文》,丁氏等所增。

融

《集韻》平聲東韻:「《說文》:炊氣上出也。一曰和也。《方言》:宋衛荊吳 之間謂長曰融。籀不省。」

《說文》三下鬲部:「炊气上出也。从鬲蟲省聲。龘,籀文融不省。」

案:「炊气上出也」,二徐竝同。《集韻》引「气」作「氣」,借字也。「一曰: 和也」,非引《說文》,丁氏等所增。左隱元年《傳》「其樂也融融」, 注:「和樂也」。下引《方言》,見卷一。

营营

《集韻》平聲東韻:「《說文》: 营藭,香艸也。司馬相如說从弓(芎)。」 《說文》一下艸部:「营藭,香艸也。从艸宮聲。芎,司馬相如說: 营或从 弓。」

案:小徐本「芎」下云「司馬相如說:营從弓」,無「或」字,《集韻》引 亦無。

彤 彤

《集韻》平聲冬韻:「《說文》:丹飾也,从彡,彡,其畫也。」

《說文》五下丹部:「丹飾也,从丹从乡,乡,其畫也。」

案:大徐作「从丹从乡」,小徐作「从丹乡」,《集韻》從大徐,止節取「从 乡」二字。又「畫」下,小徐無「也」字。

麓 鱅

《集韻》平聲鍾韻:「《說文》:魚名。」

《說文》十一下魚部:「魚名。从魚庸聲。」

案:小徐「名」作「也」。

輕 較

《集韻》平聲鍾韻:「《說文》:車跡也。」

《說文》十四上車部:「車迹也。从車從省聲。臣鉉等曰:今俗別蹤,非是。」

案:小徐作「車跡也」、《集韻》引同。「跡」爲「迹」之俗。

乳 夆

《集韻》平聲鍾韻:「《說文》: 牾也。《爾雅》: 粤夆製曳也。」

《說文》五下夂部:「牾也。从夂丰聲。讀若縫。」

案:小徐「啎」作「牾」,《集韻》引同。然「牾」俗字也,許書午部曰:「啎, 逆也。」當作「啎」爲是。

離 第

《集韻》平聲鍾韻:「《說文》:鱗蟲之長,春分而登天,秋分而潛淵。一曰: 寵也。」

《說文》十一下龍部:「鱗蟲之長,能幽能明,能細能巨,能短能長,春分 而登天,秋分而潛淵。从內,飛之形,童省聲,臣鉉等曰:象死轉 飛動之皃。」

案:「鱗蟲之長」下,二徐竝有「能幽能明,能細能巨,能短能長」十二字,《集韻》引蓋省。「一曰:寵也」,非引《說文》,見《廣雅·釋言》。

雞 鮮

《集韻》平聲鍾韻:「《說文》: 雝齅也。」

《說文》四上佳部:「雝縣也。从隹邕聲。」

案:小徐「龘」作「渠」,《玉篇》同,《爾雅·釋鳥》亦作「儺渠」,然許書鳥部有驥字,是作「鱢」亦不誤也。

限厖

《集韻》平聲江韻:「《說文》:石大兒,一曰:厚也。」

《說文》九下厂部:「石大也。从厂尨聲。」

案:二徐竝作「石大也」、《集韻》引「也」作「皃」。《方言》:「自關而西,秦晉之間,凡大皃謂之厖。」是作「皃」亦通。「一曰」者,非引《說文》、《商頌·長發》:「爲下國駿厖。」《傳》曰:「厖,厚也。」

隆 漣

《集韻》平聲江韻:「《說文》:涂也。」

《說文》十一上水部:「涂也。从水从上尨聲。讀若隨。」

案:「涂」字,小徐作「塗」,後起字也。

牆 榰

《集韻》平聲支韻:「《說文》:柱砥,古用木,今以石。引《易》:榰常凶。」 《說文》六上木部:「柱砥,古用木,今以石。从木養聲。《易》:榰恒凶。」 案:引《易》,二徐竝作「榰恒凶」,《集韻》引改「恒」爲「常」,蓋避宋 眞宗諱也。「榰恒凶」,今《易》無此文,趙宦光《說文長箋》謂此即 《易・恒卦》「振恒凶」之文,馬宗霍《說文解字引經考》云:「榰恒 凶者,恒上六爻辭文,今《易》作振。」

繪紅

《集韻》平聲支韻:「《說文》:粗緒也。一曰:繒屬。」

《說文》十三上糸部:「粗緒也。从糸璽聲。臣鉉等曰:今俗別作絁,非是。」 案:「粗」字,小徐作「麤」。「一曰」者,非引《說文》,丁度等所增。

淵斯

《集韻》平聲支韻:「《說文》:流冰也。」

《說文》十一下仌部:「流仌也。从仌斯聲。」

案:二徐竝作「流仌也」,《集韻》引「仌」作「冰」,後起字。

娣 螭

《集韻》平聲支韻:「《說文》:若龍而黃,北方謂之地螻。一說無角螭。」

《說文》十三上虫部:「若龍而黃,北方謂之地螻。从虫离聲。或云無角曰 螭。」

案:「或云:無角曰螭」,二徐竝同,《集韻》引作「一說:無角螭」,有所 省改。

額 鮍

《集韻》平聲支韻:「《說文》:魚名。一曰:破魚。」

《說文》十一下魚部:「魚名。从魚皮韻。」

案:「名」字,小徐作「也」。「一日」者,非引《說文》,丁氏等所增。

關原

《集韻》平聲支韻:「《說文》:人相笑相歋瘉。」

《說文》八下欠部:「人相笑相歋瘉。从欠虒聲。」

案:小徐「笑」下無「相」字,於義無礙。

麗 隓

《集韻》平聲支韻:「《說文》: 敗城自曰隓。徐鉉曰蓋从二左、衆力左之。 或作墮。」

《說文》十四下自部:「敗城自曰隓。从自蹇聲。臣鉉等曰《說文》無蹇字。 蓋二左也。衆力左之,故从二左。今俗作隳,非是。**婚**,篆文。」

案:「二左」上,徐鉉無「从」字,《集韻》節引鉉說,故加「从」字以就 行文也。

育 角

《集韻》平聲支韻:「《說文》: 角一俛一仰也。」

《說文》四下角部:「角一俛一仰也。从角竒聲。」

案:小徐「俛」作「俯」,俗字也。

縣 鸃

《集韻》平聲支韻:「《說文》: 鵔鸃。秦漢之初,侍中所冠。鵔鸃鷩也,似 山雞而小。」

《說文》四上鳥部:「鵔鸃也。从鳥義聲。秦漢之初,侍中冠鵔鸃冠。」

案:「秦漢」句,二徐並云「秦漢之初,侍中冠鵔鸃冠」,《集韻》引作「秦漢 之初,侍中所冠」,乃節引其意也。《集韻》又云「鵔鸃,鷩也」,蓋復引 許書「鵔」下注。又云「似山鷄而小」,非許君語,乃《爾雅》郭注。

暫 虧

《集韻》平聲支韻:「《說文》:氣損也。或从兮(虧)。」

《說文》五上亏部:「气損也。从亏兮,虧或雐聲。」,从兮。」

案:二徐竝作「气損也」、《集韻》引「气」作「氣」、借字也。

雀 隹

《集韻》平聲脂韻:「《說文》:鳥之短尾揔名也。」

《說文》四上隹部:「鳥之短尾緫名也。象形。」

案:二徐竝作「鳥之短尾總名也」、《集韻》引「總」作「揔」、宜併改作 「總」爲是。《廣韻》上平六脂引作「鳥之短尾者總名」、或古本有「者」 字、今奪。

6 4

《集韻》平聲脂韻:「《說文》: 姦袞也。韓非曰: 倉頡造字自營爲厶。」

《說文》九上厶部:「姦袞也。韓非曰:蒼頡作字自營爲厶。」

案:「姦袞」之「袞」,小徐作「邪」,俗字也。「蒼頡作字」二徐竝同,《集韻》引「作」作「造」。韓非〈五蠹篇〉曰:「古者蒼頡之作書也,自環者謂之私,背私者謂之公。」是當依二徐作「作」爲宜。

墀 墀

《集韻》平聲脂韻:「《說文》:涂地也。引《禮》:天子赤墀。」

《說文》十三下土部:「涂地也。从土犀聲。《禮》:天子赤墀。」

案:「涂」,小徐作「塗」,古今字也。

₩ 欅

《集韻》平聲脂韻:「《說文》:山行所乘者。引《虞書》:予乘四載山行乘欙。 一曰前無齒。」

《說文》六上木部:「山行所乘者。从木纍聲。《虞書》曰:予乘四載,水行 乘舟,陸行乘車,山行乘欙,澤行乘輔。」

案:小徐引《虞書》「四載」下,並有「水行」,「陸行」、「山行」等句,與 大徐同。唯「乘」書作「椉」有異耳。《集韻》引但有「山行乘樏」句, 非脫,蓋節引之,特證「樏」字之義耳。「一曰:前無齒」,非引《說 文》,丁度等所增。

纍 纝

- 《集韻》平聲脂韻:「《說文》:水出鴈門陰管累頭山,東入海。一曰治水也。」
- 《說文》十一上水部:「水出鴈門陰館累頭山,東入海。或曰治水也。从水 纍聲。」

案:二徐竝作「或曰治水也」、《集韻》引作「一曰」、義得兩通。

稱 秠

- 《集韻》平聲脂韻:「《說文》:一稃二米。引《詩》:維秬維秠,天賜后稷之 嘉穀也。」
- 《說文》七上禾部:「一稃二米。从禾丕聲。《詩》曰: 誕降嘉穀,惟秬惟在, 天賜后稷之嘉穀也。」
- 案:引《詩》「維秬維秠」上,二徐並有「誕降嘉穀」句,《集韻》引或省。

en att

《集韻》平聲脂韻:「《說文》:人臍也。从囟,囟取氣通也。一曰朋也。輔 也。厚也。」

《說文》十下囟部:「人臍也。从囟,囟取气通也。从比聲。」

案:「囟取气通也」,二徐竝同,《集韻》引「气」作「氣」,借字也。「一 曰」下數義,非引《說文》,《方言》卷十三:「妣,明也。」《詩·小 雅·節南山》:「天子是妣。」《傳》:「妣,厚也。」《箋》:「妣,輔也。」

鰡 湄

《集韻》平聲脂韻:「《說文》:水草交爲湄。」

《說文》十一上水部:「水艸交爲湄。从水眉聲。」

案:「爲」字,小徐作「日」,義得兩通。

慶慶

《集韻》平聲脂韻:「《說文》: 鹿屬。冬至解其角。」

《說文》十上鹿部:「鹿屬。从鹿米聲。麋,冬至解其角。」

案:「屬」下,小徐有「也」字。「冬」上,二徐竝有「麋」字,《集韻》引 無,非脫,蓋省。

可司

《集韻》平聲之韻:「《說文》:臣司事於外者,與后相反。一曰:后道寬惠,司家編急,違於君也。」

《說文》九上司部:「臣司事於外者。从反后。」

案:「从反后」,二徐竝同,《集韻》引作「與后相反」,取其意,而非其詞也。「一曰」云云,非引《說文》,丁度等所增。

首台

《集韻》平聲之韻:「《說文》:悅也。一曰:我也。」

《說文》二上口部:「說也。从口目聲。」

案:《繫傳》作「悅也」、《集韻》引同。段注云:「台說者,今之怡悅字。《說文》『怡』訓『和』,無悅字。」故知「悅」爲後起俗字。「一曰我也」, 非許書原文,見《玉篇》。

醫醫

- 《集韻》平聲之韻:「《說文》:治病工也。殿,惡恣也。醫之性然得酒而使。 从酉。王育說一曰殿病聲酒,所以治病也。《周禮》有醫酒。古者 巫彭初作醫。」
- 《說文》十四下酉部:「治病工也。段,惡姿也。醫之性然得酒而使。从酉, 王育說,一曰殷病聲酒。所以治病也。《周禮》有醫酒。古者巫彭 初作醫。」
- 案:大徐作「殹,惡姿也」,小徐「姿」作「恣」,《集韻》引同。王筠《句讀》從大徐,注:「凡精于小道者,其性多乖戾。女部: 嫛,婗也。婗,婦人惡皃。」似大徐爲是,然「恣」訓「縱」,義得兩通。

網 淇

- 《集韻》平聲之韻:「《說文》:水出河內共北山,東入河。一曰:出隆慮西山。」
- 《說文》十一上水部:「水出河內共北山,東入河,或曰:出隆慮西山。从 水其聲。」

案:二徐竝作「或曰」,《集韻》引作「一曰」,義得兩通。

結 溦

《集韻》平聲微韻:「《說文》:妙也。徐鉉曰:从耑省,耑,物初生之題。 尚微也。」

《說文》八上人部:「妙也。从人从支豈省聲。臣鉉等案豈字从敚省, 散不應从豈省。蓋傳寫之誤。疑从耑省。耑物初生之題, 尚敚也。」

案:《集韻》引「妙也」,與二徐同。下引鉉說,乃節取之也,非完文。

非

《集韻》平聲微韻:「《說文》:違也。从飛下翄取其相背。」

《說文》十一下非部:「違也。从飛下翄,取其相背。」

案:「翄」字,小徐作「翅」,俗字也。

幾餘

《集韻》平聲微韻:「《說文》: 穀不熟爲饑。」

《說文》五下食部:「穀不孰爲饑。从食幾聲。」

案:小徐「孰」作「熟」,《集韻》引同。然「熟」爲後起俗字,宜用本字 「孰」爲是。

緒 稀

- 《集韻》平聲微韻:「《說文》:疏也。徐鍇:从禾爻巾,爻者稀疏之義。巾 象禾之根莖。」
- 《說文》七上禾部:「疏也。从禾希聲。徐鍇曰:當言从爻从巾,無聲字, 爻者稀疏之義,與爽同意。巾象禾之根莖。至於莃晞皆當从稀省, 何以知之,《說文》無希字故也。」
- 案:《集韻》引「疏也」,與二徐同。下引徐鍇說,頗有簡省,楚金原文甚 冗長,茲不贅引。

派 沂

- 《集韻》平聲微韻:「《說文》:水出東海費東,西入泗。一曰:沂水出泰山, 蓋青州浸。」
- 《說文》十一上水部:「水出東海,西入泗。从水斤聲。一曰:沂水出泰山, 蓋青州浸。」

案:小徐「浸」作「濅」,是也。「浸」爲隸變字。

韓 韓

《集韻》平聲微韻:「《說文》:東也。徐鍇曰:東之象木華實之相累也。」 《說文》七上棗部:「東也。从棘章聲。徐鍇曰:言東之象木華實之相累也。」 案:引徐鍇說,「東」上二徐本竝有「言」字,《集韻》蓋省。

韓 雄

《集韻》平聲微韻:「《說文》:不悅皃。」

《說文》十二下女部:「不說兒。从女韋聲。」

案:二徐竝作「不說兒」,《集韻》引「說」作「悅」,俗字也。

《集韻》平聲魚韻:「《說文》: 口盧。飯器。以柳爲之。象形。或作筀。」 《說文》五上口部:「口盧。飯器。以柳爲之。象形。答,口或从竹去聲。」 案:「以柳爲之」,小徐作「目柳作之」,義得兩通。

强 疋

《集韻》平聲魚韻:「《說文》:足也。」

《集韻》平聲魚韻:「《說文》:足也。上象腓腸。下从止。《弟子職》曰:問 疋何止。一曰記也。」

《集韻》上聲馬韻:「《說文》: 古詩大疋字。」

《說文》二下疋部:「足也。上象腓腸,下从止。《弟子職》曰:問疋何止。 古文以爲《詩》大疋字,亦以爲足字。或曰胥字。一曰疋記也。」

案:《集韻》平聲魚韻「疋」字兩見,並引《說文》。一在「新於切」下, 引云「足也」;一在「山於切」下,引云「足也。上象腓腸,下从止。 《弟子職》曰:『問疋何止。』一曰:記也。」又見引於上聲馬韻,云 「古《詩》大疋字。」各有詳畧,以互足其義也。

韬 蒩

《集韻》平聲魚韻:「《說文》:茅藉也。引《禮》:封諸侯以土蒩白茅。」 《說文》一下艸部:「茅藉也。从艸租聲。《禮》曰:封諸侯以土蒩以白茅。」 案:二徐引《禮》並作「封諸侯以土蒩以白茅」,《集韻》引省一「以」字。 今《三禮》無此文,無由考證;然省「以」字,無害於義也。

書

《集韻》平聲魚韻:「《說文》:著也。一曰:如也。庶也。紀庶物也。」

《說文》三下聿部:「箸也。从聿者聲。」

案:「箸也」,二徐竝同,《集韻》引作「著也。」許書未收「著」字,當改 从竹爲宜。「一曰」以下,非許書原文。許《敍》曰:「箸于竹帛謂之 書。書者如也。」「庶也」之說,見《釋名,釋書契》。

前 初

《集韻》平聲魚韻:「《說文》:始也。从刀衣,裁衣之始。」

《說文》四下刀部:「始也。从刀从衣。裁衣之始也。」

案:大徐「从刀从衣」,小徐作「从刀衣」,《集韻》引同。

斯斯

《集韻》平聲魚韻:「《說文》:安氣也。」

《說文》八下欠部:「安气也。从欠與聲。」

案:小徐作「安气」,無「也」。《集韻》引「气」作「氣」,俗字也。

鬼 禺

《集韻》平聲虞韻:「《說文》:母猴屬。一曰:日在巳日禺中。」

《集韻》去聲遇韻:「《說文》:母猴屬。頭似鬼。」

《說文》九上由部:「母猴屬。頭似鬼。从由从内。牛具切。」

案:《集韻》引「母猴屬。頭似鬼」,與二徐同。虞韻下,無「頭似鬼」三字,蓋互見也。此釋从由之意也。「一曰」者,非引《說文》,丁度等所增。

愚 愚

《集韻》平聲虞韻:「《說文》: 戆也。从心禺,禺猴屬,獸之愚者。」

《說文》十下心部:「戇也。从心从禺,禺猴屬,獸之愚者。」

案:釋字之形,大徐作「从心从禺」,小徐作「从心禺」,《集韻》引同小徐。

鸊 湡

《集韻》平聲虞韻:「《說文》:水出趙國襄國之西山,東北入寖。」

《說文》十一上水部:「水出趙國襄國之西山,東北入寖。从水禺聲。」 案:「寖」字,小徐作「寖」。又「西山」上無「之」字,當補。

テチ

《集韻》平聲虞韻:「《說文》:於也。象氣之舒。亏从万。一者,其氣平也。 一曰:往也。由也。」

《說文》五上亏部:「於也。象气之舒。亏从万从一。一者其气平之也。今 變隸作干。」

案:釋字之形,二徐竝作「从万从一」。《集韻》引但作「从万」,省「从一」 二字。又「一者」二徐竝作「其气平之也」,《集韻》引無「之」字。 嚴氏《校議》云:「《韻會》七虞引作:其气平也。」是《韻會》亦無 「之」字。段注、桂氏《義證》、王氏《句讀》竝從之。「一曰」下二 義,非引《說文》,《詩,桃夭》「之子于歸」,《傳》:「于,往也」;「由 也」,蓋丁氏自增。

畸晌

《集韻》平聲虞韻:「《說文》:日出溫也。」

《集韻》去聲遇韻:「《說文》:日出溫也。北地有昫衍縣。」

《說文》七上日部:「日出溫也。从日句聲。北地有昫衍縣。」

案:二徐竝有「北地有昫衍縣」句,《集韻》平聲虞韻引無,去聲遇韻引有,蓋互見也。

爽 爽

《集韻》平聲虞韻:「《說文》:目邪也。一曰:矢長六指。」

《說文》四上間部:「目衰也。从間从大,大人也。」

案:二徐竝作「目衺也」,《集韻》引「衺」作「邪」,俗字也。「一曰」者, 非引《說文》,丁氏等所增益也。

译 俘

《集韻》平聲虞韻:「《說文》:軍所獲也。引《春秋傳》:以爲俘馘。一曰取 也。」

《說文》八上人部:「軍所獲也。从人孚聲。《春秋傳》曰:以爲俘聝。」

案:引《春秋傳》,大徐作「以爲俘聝」,小徐「聝」作「馘」,《集韻》亦是。許書耳部聝下亦引「以爲俘聝」。又曰「馘,或聝字也」,故小徐、《集韻》引爲或文。今《左傳》成公三年亦作「馘」。「一曰取也」,非引《說文》,見《爾雅·釋詁》。

* 扶

《集韻》平聲虞韻:「《說文》:左也。一曰:相也。古从支(技)。」

《說文》十二上手部:「左也。从手夫聲。齡,古文扶。」

案:「左」,小徐作「佐」,俗字也。「一曰相也」,非引《說文》,丁度等增。

鄉 紨

《集韻》平聲虞韻:「《說文》:布也。一曰:粗紬。」

《說文》十三上糸部:「布也。一曰:粗紬。从糸付聲。」

案:「粗」字,小徐作「麤」,本字也。

梯 袾 精 殁

《集韻》平聲虞韻:「《說文》:好佳也。引《詩》:靜女其袾。」

《說文》八上衣部:「好佳也。从衣朱聲。《詩》曰:靜女其袾。」

《說文》十二下女部:「好也。从女殳聲,《詩》曰:靜女其殁。」

案:許書「袾」字在衣部,訓「好佳也」,小徐無「也」,引《詩》「靜女其 株」;「殁」在女部,訓「好也」,引《詩》「靜女其殁」。《集韻》則將 「殁」併入「袾」字條下,以爲或文。許書衣部「褮」下,引《詩》 亦作「靜女其袾」,故嚴章福《校議議》以爲許所據當作袾,殁下引《詩》 者,乃校者依篆改。然惠棟《讀說文記》云:「靜女其姝,此三家《詩》 也,《毛傳》作姝。」吳玉搢《說文引經考》:「今《詩・邶風・靜女》 作姝,女部殁注亦引此《詩》作殁,殁,好也;袾,好佳也;姝亦訓 好,三字音義皆同,當是一字重文。」

養

《集韻》平聲虞韻:「《說文》: 艸也。可以烹魚。一曰: 艸中之翹翹者。」

《說文》一下艸部:「艸也。可以亨魚。从艸婁聲。」

案:小徐本「亨魚」作「烹魚」,與《集韻》同。然「烹」爲後起俗字,古

祇作「亨」,故以大徐本爲長。「一曰艸中之翹翹者」,非許書原文,《詩· 漢廣》「翹翹錯薪,言刈其蔞」,《傳》云:「蔞,草中之翻翹然。」

繭 鰤

《集韻》平聲模韻:「《說文》:王德布大飮酒也。」

《說文》十四下酉部:「王德布大歓酒也。从西甫聲。」

案:小徐「歆」作「飲」,隸寫也。

嵞 嵞

《集韻》平聲模韻:「《說文》:會稽山。一曰:九江當嵞也。引《虞書》:予 取嵞山。」

《說文》九下岫部:「會稽山。一曰:九江當嵞也。民以辛壬癸甲之日嫁娶, 从岫余聲。《虞書》曰:予娶嵞山。」

案:「當嵞」,小徐作「當塗」,俗字也。《說文》無「塗」。

適

《集韻》平聲模韻:「《說文》:積竹戟矜也。引《春秋國語》:朱儒扶籚。一 曰:筐也。大曰籚。小曰籃。」

《說文》五上竹部:「積竹矛戟矜也。从竹盧聲。《春秋國語》曰:朱儒扶籚。」 案:大徐作「矛戟」,小徐「戟」,作「戟」,省文也,《集韻》引亦是。「一 曰」者,非引《說文》,《廣雅,釋器》:「籚,筐也。」

智 奴

《集韻》平聲模韻:「《說文》:奴婢皆古之辠人。引《周禮》:其奴男子入於 罪隸,女子入于舂藁。徐鉉曰:又手也。持事者也。古从人(佐)。」

《說文》十二下女部:「奴婢皆古之辠人也。《周禮》曰其奴男子入于皋隸, 女子入于舂藁。从女从又。臣鉉等曰:又手也。持事者也。), 大奴从人。」

案:「古」下,小徐無「之」字。兩「于」字,二徐竝同。《集韻》皆引作 「於」。

關湖

《集韻》平聲模韻:「《說文》:大陂也。揚州浸有五湖,浸川澤所仰以灌溉 也。」

《說文》十一上水部:「大陂也。从水胡聲。揚州浸有五湖;浸川澤所仰以 灌溉也。」

案:兩「浸」字,小徐作「濅」;「溉」下無「也」。

魏

《集韻》平聲齊韻:「《說文》: 鴺鵝, 汙澤也。或从弟(鵜)。」

《說文》四上鳥部:「鶇胡,污澤也。从鳥夷聲。鬚,鶇或从弟。」

案:二徐竝作「鶇胡,污澤也」,「胡」字不从鳥,《集韻》引用後起俗字。 許書鳥部無「鵝」字。

麓 罐

《集韻》平聲齊韻:「《說文》: 魚名。」

《說文》十一下魚部:「魚名。从魚麗聲。」

案:小徐「名」作「也」。

谿 谿

《集韻》平聲齊韻:「《說文》:山瀆無所誦也。一曰:水注川曰谿。」

《說文》十一下谷部:「山瀆无所通者。从谷奚聲。」

案:大徐作「山瀆无所通者」,小徐「无」作「無」,《集韻》引同,唯「者」 作「也」。「一日」者,非引許書,《爾雅·釋水》:「水注川曰谿。」

性 娃

《集韻》平聲佳韻:「《說文》: 圜深目皃。一曰: 吳楚之間謂好曰娃。」

《說文》十二下女部:「圜深目皃。或曰:吳楚之間謂好曰娃。从女圭聲。」

案:大徐作「或曰:吳楚之閒,謂好曰娃」,小徐「娃」上,無「曰」字。 《方言》卷二「娃,美也。吳楚衡淮之間曰娃。」是有「曰」字,意 較顯。《集韻》引「或曰」作「一曰」,義得兩涌。

地 村田

《集韻》平聲灰韻:「《說文》:龜目酒尊,刻木作雲雷象,象施不窮也。或

从缶(罍),从皿(퉲)。」

《說文》六上木部:「龜目酒尊,刻木作雲雷象,象施不窮也。从木畾聲。 魯回切。纍,櫑或从缶。壹,櫑或从皿。‱,籀文櫑。」

案:小徐「尊」字作「樽」,俗字也。

將 枚

《集韻》平聲灰韻:「《說文》:幹也。可爲杖。引《詩》:施于條枚。一曰: 枚,簡,凡也。」

《說文》六上木部:「榦也。可爲杖。从木、从攴。《詩》曰:施于條枚。」

案:二徐竝作「榦也」、《集韻》引「榦」作「幹」、俗字也。「一曰」者, 非引《說文》、《方言》十二:「箇,枚也。」十三:「枚,凡也。」

第 程

《集韻》平聲灰韻:「《說文》: 罔也。」

《說文》七下网部:「网也。从网每聲。」

案:二徐竝作「网也」、《集韻》引「网」作「罔」、重文也。

觿 嬯

《集韻》平聲咍韻:「《說文》:遲鈍也。闡嬯亦如之。」

《說文》十二下女部:「遲鈍也。从女臺聲。闡嬯亦如之。」

案:「如之」,小徐作「如此」。

館 鮐

《集韻》平聲咍韻:「《說文》:海魚也。」

《說文》十一下魚部:「海魚名。从魚台聲。」

案:小徐作「海魚也」、《集韻》引同。

徐 淶

《集韻》平聲咍韻:「《說文》:水起北地廣昌,東入河,并州浸。」 《說文》十一上水部:「水起北地廣昌,東入河。从水來聲。并州浸。」

案:「浸」字,小徐作「濅」。

灣 偲

《集韻》平聲咍韻:「《說文》: 彊力也。引《詩》: 其人美且偲。」 《說文》八上人部:「彊力也,从人思聲。《詩》曰: 其人美且偲。」

案:小徐「彊」作「強」,借字也。

身

《集韻》平聲眞韻:「《說文》:躬也。象人之身。《爾雅》:我也。」

《說文》八上身部:「躳也。象人之身。从人厂聲。」

案:小徐作「躬也」,《集韻》引同。「躬」爲「躬」之隸變。下引《爾雅》 說,見《釋詁》。

属 辰

- 《集韻》平聲真韻:「《說文》:震也。三月陽氣動。雷電振民。農時也。物 皆生。从乙七。象芒達厂聲也。辰房星天時也。古作辰。」
- 《說文》十四下辰部:「震也。三月陽气動,靁電振民。農時也。物皆生。 从乙七,象芒達厂聲也,辰房星天時也。从二,二古文上字。徐鍇 曰:七音化,乙艸木萌初出曲卷也。臣鉉等曰:三月陽气成,艸木 生上徹於土,故从上厂非聲。疑亦象物之出。[6],古文辰。」
- 案:「陽气」二字,大小徐同,《集韻》引「气」作「氣」,俗字也。

化 儿

- 《集韻》平聲眞韻:「《說文》:仁人也。古文奇字,象形。引孔子曰:在人 下故詰屈。」
- 《說文》八下儿部:「仁人也。古文奇字人也,象形。孔子曰:在人下故詰 屈。凡儿之屬皆从儿。」
 - 案:「古文奇字人」下,小徐無「也」字。《集韻》引但云「古文奇字」,非 脫,蓋省。

卒 辛

- 《集韻》平聲眞韻:「《說文》: 秋時萬物成而熟。金剛味辛也。又辛痛即泣 出。从一辛。辛辠也。」
 - 《說文》十四下辛部:「秋時萬物成而孰。金剛味辛。辛痛泣出。从一从辛。 辛辠也。辛承象人股。」

案:「孰」字,小徐作「飌」,是也。《集韻》引作「熟」,俗字也。「辛」下, 二徐並無「也」字。大徐作「从一从辛」,小徐作「从一辛」,《集韻》 引同。

悲

《集韻》平聲眞韻:「《說文》:氣液也。从血事聲。」

《說文》五上血部:「气液也。从血事聲。」

案:二徐並作「气液也」,《集韻》引「气」作「氣」,借字也。當改從本字 爲是。

班 玭

《集韻》平聲眞韻:「《說文》:珠也。引宋矶云:淮水中出玭珠。玭珠之有 聲者。《夏書》从虫窟(蠙)。」

《說文》一上王部:「珠也。从玉比聲。宋弘云:淮水中出玭珠。玭珠之有聲。續,夏書玭从虫賓。」

案:「宋弘」二字,大小徐同,《集韻》引「弘」作「矶」,字之別體。「珠 之有聲」下,小徐有「者」字,《集韻》引同。

雜 辨

《集韻》平聲諄韻:「《說文》: 鶴屬。」

《說文》四上佳部:「鷂屬。从隹臺聲。」

案:二徐竝作「離屬」,《集韻》引「離」作「鷂」,用籀文也。

输 蛤

《集韻》平聲諄韻:「《說文》:蛇屬黑色。潛於神泉。能興風雨。或作蜧。」

《說文》十三上虫部:「蛇屬黑色。潛於神淵,能興風雨。从虫侖聲,讀若 戾艸。婦,輪或从戾。」

案:「潛于神淵」,二徐竝同。《集韻》引「于」作「於」,字異義同。

因 图 捆

《集韻》平聲諄韻:「《說文》:就也。徐鍇曰:能大者衆圍就之。一曰:仍 也。或作捆。」

- 《說文》六下口部:「就也。从口大。徐鍇曰:《左傳》曰:植有禮,因重固, 能大者衆圍就之。」
 - 案: 許書「因」字在口部,「捆」字在手部,並訓「就也」。《集韻》引併「捆」 於「因」字條下,以爲或文。段本「捆」字注下云:「捆與因音義同, 今則因行而捆廢矣。」「一曰」者,非引《說文》,《東京賦》「因秦宮 室」,注:「因,仍也。」

個 洇

《集韻》平聲諄韻:「《說文》:水名。」

《說文》十一上水部:「水也。从水因聲。」

案:二徐竝作「水也」,《集韻》引「也」作「名」。《廣韻》上平十八諄注作「水名」,丁氏或涉此而改。

汤 分

《集韻》平聲文韻:「《說文》:別也。从八刀。刀以分別物也。一曰與也。《周 禮》作匪。」

《說文》二上八部:「別也。从八从刀。刀以分別物也。」

案:「从八从刀」,二徐竝同,《集韻》引作「从八刀」。「刀」上少一「从」字, 段注亦同。「分別物」下,小徐無「也」字。「一曰與也」,非引《說文》, 《廣雅·釋詁》:「分,予也。」《集韻》蓋本此也,「予」「與」意同。

韓 轒

《集韻》平聲文韻:「《說文》:淮陽名車隆穹爲轒。」

《說文》十四上車部:「淮陽名車穹隆轒。从車賁聲。」

案:「穹隆」,二徐竝同,《集韻》引作「隆穹」,語雖倒,疑古亦有如是作者。《釋名》:「隆強,言體隆而強也。或曰車弓,似弓曲也。」「隆強」與「隆穹」聲近。《漢書·季布傳》「置廣柳車中」,李奇注:「廣柳,大隆穹也。」李注亦曰「隆穹」,而《廣雅》以「轒」爲「柳車」,可爲佐證。

氖 氛

《集韻》平聲文韻:「《說文》:祥氣也。或从雨(雰)。」

《說文》一上气部:「祥气也。从气分聲。原,氛或从雨。」

案:「祥气也」,二徐竝同,《集韻》引「气」作「氣」,俗字也。

《集韻》平聲元韻:「《說文》:樂器也。以土爲之,六孔。」

《說文》十三下土部:「樂器也。以土爲之。六孔。从土熏聲。」

案:「以土爲之」,小徐作「以土作」,意同。

豬 繙

《集韻》平聲元韻:「《說文》:宗廟火熟內。引《春秋傳》:天子有事繙焉, 以饋同姓諸侯。」

《說文》十下炙部:「宗廟火孰內。从炙番聲。《春秋傳》曰:天子有事繙焉, 以饋同姓諸侯。」

案:「孰肉」之「孰」,小徐作「熟」,《集韻》引同。「熟」入俗字也。

寬 蒐

《集韻》平聲魂韻:「《說文》:陽氣也。」

《說文》九上鬼部:「陽气也。从鬼云聲。」

案:「陽气也」,二徐竝同。《集韻》引「气」作「氣」,借字也。

坤坤

《集韻》平聲魂韻:「《說文》:地也。《易》之卦也。从土从申。土位在申。」

《說文》十三下土部:「地也。《易》之卦也。从土从申。土位在申。」

案:「从土从申」,小徐「申」上少一「从」字。

氰 歕

《集韻》平聲魂韻:「《說文》:吹氣也。」

《說文》八下欠部:「吹气也。从欠賁聲。」

案:小徐作「吹气」,無「也」。《集韻》引「气」作「氣」,借字也。

縣 孫

《集韻》平聲魂韻:「《說文》:子之子曰孫。」

《說文》十二下系部:「子之子曰孫。从子从系。系,續也。」

案:鍇本作「子之子也」,字句與鉉本有異,意仍同。

草意

《集韻》平聲魂韻:「《說文》:酒器也。从酋什以奉之。《周禮》六尊以待祭 祀賓客之禮。或从寸。一曰:高稱。」

《說文》十四下酋部:「酒器也。从酋什以奉之。《周禮》六尊:犧尊、象尊、 著尊、壺尊、太尊、山尊,以待祭祀賓客之禮。」等,尊或从寸。 臣鉉等曰:今俗以尊作尊卑之尊,別作罇,非是。

案:「《周禮》六尊」下,二徐竝著六尊之名,《集韻》未引,蓋省。「一曰: 高稱」,係丁度等所增益,非引《說文》,此謂尊卑之尊也。

喧喧

《集韻》平聲魂韻:「《說文》:口氣也。引《詩》:大車啍啍。」

《說文》二上口部:「口气也。从口臺聲。《詩》曰:大車哼哼。」

案:二徐竝作「口气也」,《集韻》「气」作「氣」,借字也。

論 除

《集韻》平聲魂韻:「《說文》:山阜陷也。」

《說文》十四下自部:「山自陷也。从自侖聲。」

案:「山昌陷也」,二徐竝同。《集韻》引「自」作「阜」,隸變也。

平 भ

《集韻》平聲寒韻:「《說文》:國也,今屬臨淮。一曰:本屬吳。」

《說文》六下邑部:「國也。今屬臨淮。从邑干聲。一曰:邗本屬吳。」

案:「一曰:邗本屬吳」,二徐竝同,《集韻》引「本」上無「邗」字,蓋 省。

蜜 蹇

《集韻》平聲寒韻:「《說文》:馬鞍具。」

《說文》三下革部:「馬鞁具也。从革从安。」

案:二徐竝作「馬鞁具也」,《集韻》引「鞁」作「鞍」,且無「也」字。段 注「鞌」下云:「此爲跨馬設也。」桂馥《義證》引〈急就篇〉顏注云: 「鞍所以被馬,取其安也。」朱駿聲《說文通訓定聲》亦云:「此人跨馬所用。」是《集韻》作「鞍」,從俗也。鈕氏《說文解字校錄》云《初學記》引亦作「馬鞁具也」,並云:「《韻會》引『鞁』作『鞍』,非。」《韻會》蓋承《集韻》而誤也。

颁 氚

《集韻》平聲桓韻:「《說文》:丸之孰也。」

《集韻》平聲戈韻:「《說文》: 丸之熟也。」

《說文》九下丸部:「丸之孰也。从丸而聲。」

案:《集韻》桓韻下引「丸之孰也」,與二徐同,戈韻下引「孰」作「熟」, 俗字也。

簡 莞

《集韻》平聲桓韻:「《說文》:艸也。可以作蓆。」

《說文》一下艸部:「艸也。可以作席。从艸完聲。」

案:二徐竝作「可以作席」、《集韻》「席」作「蓆」、方氏《集韻考正》云: 「宋本及《說文》、《類篇》『蓆』竝作『席』、今據正。」「蓆」爲後起 俗字、當从二徐爲是。

離 離

《集韻》平聲桓韻:「《說文》: 驢專, 畐蹂, 如鵲短尾。射之, 銜矢射人。」 《說文》四上鳥部:「驢專、畐蹂, 如誰短尾, 射之。銜矢射人。从鳥雚聲。」 案:大徐作「如誰短尾射之」, 小徐「誰」作「鵲」, 《集韻》引同。

韻 鏝 欄 槾

《集韻》平聲桓韻:「《說文》: 鐵杇也。或从木(槾)。」

《說文》十四上金部:「鐵杇也。从金曼聲。櫚,鍉鼓。从木。臣鉉等案: 木部已有,此重出。」

《說文》六上木部:「杇也。从木曼聲。」

案:許書「槾」字兩見,一在木部,訓「杇也」;一在金部,訓「鐵杇也」, 爲「鏝」之或文。《集韻》無訓「杇也」之槾,祇在「鏝」字條下,有 訓「鐵杇也」之槾,實則二字雖不同部,義卻近似。

鶦鰻

《集韻》平聲桓韻:「《說文》:魚名。」

《說文》十一下魚部:「魚名。从魚曼聲。」

案:小徐「名」作「也」。

艦艦

《集韻》平聲桓韻:「《說文》: 戳也。或从刀(剸)。」

《集韻》平聲獨韻:「《說文》: 戳也。或作劃。」

《說文》九上資部:「戳也。从皆从斷。斷,或从刀專聲。」

案:「戳」字,小徐作「截」,俗字也。許書戈部曰:「戳,斷也。」

職 鷻

《集韻》平聲桓韻:「《說文》:雕也。引《詩》:匪鷻匪黨。」

《說文》四上鳥部:「雕也。从鳥敦聲。《詩》曰:匪驤匪駕。」

案: 鍇本「雕」字作「鵰」,俗字也。許書隹部曰:「雕,鷻也。」二篆轉 注。

灣 潸

《集韻》平聲刪韻:「《說文》:涕流皃。引《詩》:潜焉出涕。」

《集韻》去聲諫韻:「《說文》:涕流皃。」

《說文》十一上水部:「涕流兒。从水散省聲。《詩》曰:潛焉出涕。」

案:二徐竝同,有「《詩》曰:濟焉出涕」句,《集韻》刪韻下引之,諫韻 下未引,蓋互見也。

Ш Ш

《集韻》平聲山韻:「《說文》:宣也。宣氣散生萬物。」

《說文》九下山部:「宣也。宣气散生萬物。有石而高。象形。凡山之屬皆 从山。」

案:「宣气」,二徐同,《集韻》引「气」作「氣」,借字也。

噴 嗔

《集韻》平聲先韻:「《說文》:盛氣也。引《詩》:振旅喧嗔。」

《說文》二上口部:「盛气也。从口眞聲。《詩》曰:振旅喧喧。」

案:二徐並作「盛气也」、《集韻》作「盛氣也」、「氣」爲「廩餼」字、當 用「雲气」之「气」爲宜。

孝 季

《集韻》平聲先韻:「《說文》:穀熟也。引《春秋傳》:大有季。」

《說文》七上禾部:「穀孰也。从禾千聲。《春秋傳》曰:大有季。」

案:小徐作「穀熟也」,《集韻》引同。「熟」爲「孰」之俗,大徐用本字是也。引《春秋傳》,小徐作「大有年」,許君蓋引經證字說也。當用「秊」 爲宜。

雅雅

《集韻》平聲先韻:「《說文》:石鳥。一名:雝躿。一曰:精刿。引《春秋 傳》:秦有士雃。」

《說文》四上隹部:「石鳥。一名雝驤。一曰:精刿。从隹开聲。《春秋傳》: 秦有土雃。」

案:小徐本「蟝」作「渠」,「刿」作「列」。

弱 強

《集韻》平聲先韻:「《說文》: 角弓也。洛陽名弩曰弰。」

《說文》十二下弓部:「角弓也。洛陽名弩曰弲。从弓首聲。」

案:「洛」字,小徐作「雒」,本字也。

鮮鮮

《集韻》平聲**僊**韻:「《說文》: 魚名, 出谿國。一曰鳥獸新殺曰鮮。又曰善也。」

《說文》十一下魚部:「魚名,出谿國。从魚羴省聲。」

案:小徐「名」作「也」。「一日」以下,非引《說文》,《書・益稷》:「奏 庶鮮食。」《傳》:「鳥獸新殺日鮮。」《爾雅・釋詁》:「鮮,善也。」

瓣鰱

《集韻》平聲僊韻:「《說文》: 魚名。」

《說文》十一下魚部:「魚名。从魚連聲。」

案:「名」字,小徐作「也」。

m - m

《集韻》平聲僊韻:「《說文》:貫穿通流水也。引《虞書》:濬畎澮距川。言 深畎澮之水會爲川也。」

《說文》十一下川部:「貫穿通流水也。《虞書》曰:濬〈〈〈,距川,言深〈 〈〈之水會爲川也。」

案:「</>
</>
</>

<

幹 幹

《集韻》平聲傳韻:「《說文》:蕃車下庳輪也。一說:無輻曰輇。」

《說文》十四上車部:「蕃車下庫輪也。一曰無輻也。从車全聲。讀若饌。」

案:「一曰無輻也」,二徐並同,《集韻》引改「一曰」爲「一說」,且作「無輻曰輇」。許書「輇」上承「輪」,訓曰「有輻曰輪,無輻曰輇」,丁氏即本此而私改。

新 歂

《集韻》平聲閱韻:「《說文》:口氣引也。」

《說文》八下欠部:「口气引也。从欠弗聲。讀若車輇。」

案:鍇本作「口气引」,無「也」。《集韻》引「气」作「氣」,借字也。

绪 蝝

《集韻》平聲僊韻:「《說文》:復陶也。一曰:蚍蜉子。一曰:蝗子。」

《說文》十三上虫部:「復陶也。劉歆說: 蝝, 蚍蜉子。董仲舒說:蝗子也。 从虫彖聲。」

案:「劉歆說:蟓,蚍蜉也。董仲舒說:蝗子也」、《集韻》引,去「劉歆說」、 「董仲舒說」,並改作「一日」也。

明鵙

《集韻》平聲蕭韻:「《說文》:目孰視也。」

《說文》四上目部:「目孰視也。从目鳥聲。讀若雕。」

案:「孰」字,小徐作「熟」,俗字也。

る 苔

《集韻》平聲蕭韻:「《說文》: 艸名。」

《說文》一下艸部:「艸也。从艸召聲。」

案:二徐均作「艸也」,《集韻》引「也」作「名」,宜改。《類篇》引亦作 「草也」。

県 県

《集韻》平聲蕭韻:「《說文》:倒首也。賈侍中說:此斷首到縣県字。」

《說文》九上県部:「到首也。賈侍中說:此斷首到縣県字。」

醇 淖

《集韻》平聲宵韻:「《說文》:水翰宗于海。」

《說文》十一上水部:「水朝宗于海。从水朝省。臣鉉等曰:隸書不省。」

案:「水朝宗于海」,二徐竝同,《集韻》引「朝」作「翰」,是也。許書倝 部翰下曰:「旦也。」「朝」爲隸寫。又「海」下,小徐有「也」,然《韻 會》引無。

器 繇

《集韻》平聲宵韻:「《說文》:隨從也。一曰:憂也。由也。」

《說文》十二下系部:「隨從也。从系會聲。臣鉉等曰:今俗从徭。」

案:小徐本作「從隨也」、《韻會》二蕭引作「隨從也」,又同大徐,實二者 義得兩通。「一日」下二義,非引《說文》,丁度等所增。

新欽

《集韻》平聲宵韻:「《說文》: 絘絘, 氣出皃。」

《說文》八下欠部:「絘絘,气出皃。从欠徭聲。」

案:「气出兒」,二徐竝同,《集韻》引「气」作「氣」,借字也。

侧如

《集韻》平聲宵韻:「《說文》:虞舜居姚虛,因以爲姓。或爲姚嬈也。《史篇》 以爲姚易也。」

《說文》十二下女部:「虞舜居姚虚,因以爲姓。从女兆聲。或爲姚嬈也。《史 篇》以爲姚易也。」

案:「或」字下,小徐有「以」字。

買買

《集韻》平聲宵韻:「《說文》:聲也。氣出頭上。或省(買)。」

《說文》三上眼部:「聲也。气出頭上。从眼从頁。頁首也。實,囂或省。」

案:「气出頭上」,二徐竝同,《集韻》引「气」作「氣」,借字也。

豐豐

《集韻》平聲宵韻:「《說文》:炊氣皃。」

《說文》三下鬲部:「炊气皃。从鬲嚻聲。」

案:「炊气兒」二徐竝同,小徐「兒」下有「也」字。《集韻》引「气」作 「氣」,借字也。

驕 驕

《集韻》平聲宵韻:「《說文》:馬高六尺爲驕。引《詩》:我馬唯驕。一曰野 馬。文十四。」

《說文》十上馬部:「馬高六尺爲驕,从馬喬聲。《詩》曰:我馬唯驕。一曰野馬。」

案:「六尺」,鍇本作「六赤」,「尺」「赤」古通用。

图 包

《集韻》平聲爻韻:「《說文》:象人裹姙。巳在中,象子未成形也。元氣起 於子。子,人所生也。男左行三十,女右行二十,俱立於巳,爲夫 婦。裹姙於巳。巳爲子十月而生。男起巳至寅,女起巳至申。故男 年始寅,女年始申也。一曰:本也。」

《說文》九上包部:「象人裹妊。已在中,象子未成形也。元气起於子。子, 人所生也。男左行三十,女右行二十,俱立於已,爲夫婦。裹妊於 已。已爲子,十月而生。男起巳至寅,女起巳至申。故男季始寅,女季始申也。」

案:「元气起於子。」二徐竝同。《集韻》引「气」作「氣」,借字也。「一 日本也」,非引《說文》,《易·否》「擊于包桑」,陸注:「包,本也。」

响响

《集韻》平聲爻韻:「《說文》:嘷也。」

《說文》二上口部:「嘷也。从口包聲。」

案:《繫傳》作「嘷也」,段注、桂馥《義證》、王筠《句讀》並同。「嘷」「嗥」 乃一字之二體。

领 匏

《集韻》平聲爻韻:「《說文》: 瓠也。从包,取其可包藏物。」

《說文》九上包部:「瓠也。从包从夸聲。包,取其可包藏物也。」

案:大徐作「从包从夸聲」,小徐作「从夸包聲」,小徐非,匏字从包,列 包部,不得爲聲。《集韻》引從大徐,唯語有省括,蓋就行文也。

帛 皐

《集韻》平聲豪韻:「《說文》:氣皐白之進也。禮祝曰臯。登歌曰奏。故皐奏皆从奉。引《周禮》:詔來鼓皐無皐告之也。一曰局也。澤也。」

《說文》十下奉部:「气皐白之進也。从奉从白。禮祖曰皐,登謌曰奏。故 皐奏皆从奉。《周禮》曰:詔來鼓臯,舞皐告之也。」

案:「气皐白之進也」,二徐竝同,《集韻》引「气」作「氣」,借字也。「皆 从本」,小徐「皆」作「同」。「一曰」下二義,非引《說文》,「局也」, 見《廣雅·釋言》;《詩》「鶴鳴于九臬」,《傳》云:「臬,澤也。」

糟 核

《集韻》平聲豪韻:「《說文》: 船總名。」

《說文》六上木部:「船總名。从木変聲。臣鉉等曰:今俗別作艘,非是。」 案:大徐作「船總名」,小徐「總」作「摠」,皆俗字也,《集韻》引作「總」 是也。

南 本

《集韻》平聲豪韻:「《說文》:進趣也。从大十,猶兼十人也。」

《說文》十下本部:「進趣也。从大、从十。十大猶兼十人也。讀若滔。」

案:大徐作「从大从十。大十猶兼十人也」,小徐作「从大十。大十猶兼十 人」,《集韻》引「从大十」下,直云「猶兼十人也。」節之以就行文 也。

罗哥

《集韻》平聲歌韻:「《說文》:聲也。誦作謌。」

《說文》五上可部:「聲也。从二可。古文以爲謌字。」

案:二徐云「古文以爲謌字」者,《集韻》引作「通作謌」。段注《說文敍》曰:「原夫叚借放於古文無其字之時;許書有言『以爲』者,有言『古文以爲』者,……,凡言『以爲』者,用彼爲此也。」《集韻》卷前韻例明揭:凡經史用字假借者,但言通作某。此其一例也。

縣縣

《集韻》平聲歌韻:「《說文》: 鴯鵝也。」

《說文》四上鳥部:「鴚鵝也。从鳥我聲。」

案:二徐竝作「鴚鵝也」,《集韻》引「鴚」作「鵐」,宜改。

器 科

《集韻》平聲戈韻:「《說文》:程也。从禾从斗。斗者量也。」

《說文》七上禾部:「程也。从禾从斗。斗者量也。」

案:「从禾从斗」,小徐作「从禾斗」。

多多

《集韻》平聲戈韻:「《說文》:重也。从重夕。夕者,相繹也。故爲多。重 夕爲多。重日爲疊。古作**君**。成書作**9**。」

《說文》七上多部:「重也。从重夕。夕者相繹也。故爲多。重夕爲多。重 日爲疊。多,古文多。」

案:「夕者,相釋也」,小徐「夕」下無「者」字。古文多,大徐作「多」; 小徐作「多」,其下云:「古文竝夕。」是也,此別於上「从重夕」而 言,與「棗」「棘」下之「重朿」「竝朿」,其屬詞正同,惟當增一「从」 字較宜。《集韻》引云「古作五」,又云「或書作9」,是也。

9 它

《集韻》平聲戈韻:「《說文》:蟲也。从虫而長,象寃曲垂尾形。上古艸居 患它。故相問無它乎。或从虫(蛇)。」

《說文》十三下它部:「虫也。从虫而長,象寃曲垂尾形。上古艸居患它。 故相問無它乎。</br>
故相問無它乎。
中它或从虫。臣鉉等日今俗作食遮切。」

案:二徐竝作「虫也」,《集韻》引「虫」作「蟲」,俗字也。

京 衰

《集韻》平聲麻韻:「《說文》: 實也。謂不正。」

《說文》八上衣部:「裏也。从衣牙聲。」

案:鍇本作「紕也」,嚴氏《校議》曰:「《韻會》六麻、《六書故》卷卅一引蜀本作紕也。按系部:紕,氐人綱也。此蓋綱文之衰者。交部:廈, 衰也。則大徐亦長。」許書「廈」篆下曰「从交韋聲」,是「廈」字亦作「慶」,大徐作「裏」,《集韻》「實」作「寰」,其下誤作衣,宜改。 「謂不正」三字,非許書本有,乃丁度等申釋之語。

車重

《集韻》平聲麻韻:「《說文》:輿輪之總名。夏后時奚仲所造。籀作輚。」 《說文》十四上車部:「輿輪之總名。夏后時奚仲所造。象形。隸,籀文車。」 案:「名」下,小徐有「也」字,又「造」字作「作」,玄應《音義》卷六 引亦云「奚仲所作」。「作」與「造」,義得兩通。

魦

《集韻》平聲麻韻:「《說文》: 魚名。出樂浪潘國。」

《說文》十一下魚部:「魚名,出樂浪潘國。从魚沙省聲。」

案:小徐「名」作「也」。

哨 碬

《集韻》平聲麻韻:「《說文》:厲石也。引《春秋傳》:鄭公孫碬字子石。」 《說文》九下石部:「厲石也。从石段聲。《春秋傳》曰:鄭公孫碬字子石。」 案:小徐「厲」作「礪」,俗字也。

简 窊

《集韻》平聲麻韻:「《說文》:污袤,下也。」

《說文》七下冗部:「污袤,下也。从穴瓜聲。」

案:大徐作「污袤,下也」,《玉篇》、《廣韻》下平九麻、《集韻》引並同。 小徐「污」作「汗」,「袤」作「邪」,俗字也。

% 邡

《集韻》平聲陽韻:「《說文》:竹邡,廣漢縣。」

《說文》六下邑部:「什邡,廣漢縣。从邑方聲。」

案:小徐「縣」下有「名」字。

据 腺

《集韻》平聲陽韻:「《說文》: 酢縣也。古作牀。」

《說文》十一上水部:「酢豚也。从水將省聲。臟,古文將省。」

案:「酢腺」之「腺」,小徐作「漿」,俗字也。

翔翔

《集韻》平聲陽韻:「《說文》:回飛也。」

《說文》四上羽部:「回飛也。从羽羊聲。」

案:小徐「回」作「廻」,俗字也。

良身

《集韻》平聲陽韻:「《說文》:善也。一曰:甚也。古作自且 2000 」

《說文》五下畐部:「善也。从畐省,亡聲。徐鍇曰:良,甚也。故从畐,吕 張切。曰,古文良。內,亦古文良。臣,亦古文良。」

案:《集韻》引「善也。一曰:甚也」,與二徐同。唯依《集韻》語例,「一 曰」當改作「徐鍇曰」。「甚也」之說,非許書本有,乃楚金按語。

香 蒸 薌

《集韻》平聲陽韻:「《說文》: 芳也。一曰:穀气也。引《春秋傳》黍稷馨 香,亦作薌。」 《說文》一下艸部:「穀气也。从艸鄉聲。」

案:《集韻》引「芳也」及引《春秋傳》,並與二徐同。中羼入「一曰:穀 气也」,非許書本有,此大徐新附字「薌」下之訓也,丁氏以「薌」音 義同「香」,而當作或文也。

瀬 穣

《集韻》平聲唐韻:「《說文》: 穀皮也。古作康。」

《說文》七上禾部:「穀皮也。从禾从米庚聲。蘭,糠或省。」

案:小徐「穀」下有「之」字。

耀 汪

《集韻》平聲唐韻:「《說文》:深廣也。一曰:池也。」

《說文》十一上水部:「深廣也。从水宝聲,一日:汪池也。」

案:「一曰:汪,池也」,二徐同,《集韻》引不重「汪」字,蓋省。

业 美

《集韻》平聲庚韻:「《說文》:門內祭先祖,所以徬徨,引《詩》:祝祭于鬃。 或作祊。」

《說文》一上示部:「門內祭先祖,所以徬徨,从示彭聲。《詩》曰:祝祭于 擊。**粉**,擊或从方。」

案:小徐本「徬徨」作「彷徨」。田吳炤《二徐箋異》云:「許書有徬無彷徨,旁方古通,故小徐作彷,彷徨蓋皆漢時俗字,許或用之。」《經典釋文・詩・楚茨・音義》、《爾雅・釋宮・音義》引皆作「門內祭先祖所徬徨也」,段注乃依二者所引,刪「以」字,補「也」字。

新 勍

《集韻》平聲庚韻:「《說文》: 彊也,引《春秋傳》: 勍敵之人。」

《說文》十三下力部:「彊也。《春秋傳》曰:勍敵之人。从力京聲。」

案:「彊」字,小徐作「強」,借字也。

備 情

《集韻》平聲清韻:「《說文》:人之陰氣有欲者。」

《說文》十下心部:「人之陰气有欲者,从心青聲。」

案:「陰气」二字,大小徐同,《集韻》引「气」作「氣」,借字也。

名 名

《集韻》平聲清韻:「《說文》:自命也。从口从夕。夕者,冥也。冥不相見, 故从口自名。」

《說文》二上口部:「自命也。从口,从夕。夕者,冥也。冥不相見,故从口自名。」

案:「从口从夕」,小徐作「从口夕」。

黧 鰹

《集韻》平聲清韻:「《說文》: 魚名。」

《說文》十一下魚部:「魚名。从魚巠聲。」

案:「名」字下,小徐作「也」。

锉胜

《集韻》平聲青韻:「《說文》: 犬膏臭也。一曰:不熟。」

《說文》四下內部:「犬膏臭也。从內生聲。一曰:不孰也。」

案:大徐作「一曰:不孰也」,小徐「孰」作「熟」,《集韻》引同,此後起 俗字也,宜改從本字。又《集韻》引「熟」下無「也」字,宜補。

萱

《集韻》平聲清韻:「《說文》:茅葍也。一曰:蕣也。」

《說文》一下艸部:「茅葍也。一名蕣。从艸敻聲。」

案:「一名蕣」,二徐竝同,《集韻》引改「一名」爲「一曰」,義得兩通; 唯「蕣」下衍「也」字。

粤 粤

《集韻》平聲青韻:「《說文》: 亟詞也。一曰: 甹, 俠也。三輔謂輕財者曰 甹。」

《說文》五上万部:「亟詞也。从万,从由。或曰: 粤,俠也。三輔謂輕財 者爲粤。臣鉉等曰: 由,用也。任俠用乞也。」 案:「或曰:粤,俠也」,二徐竝同,《集韻》引「或曰」作「一曰」,義同。

辩 辩

《集韻》平聲青韻:「蟲名。《說文》: 蟠蟥也。」

《說文》十三上虫部:「蟠蟥,以翼鳴者。从虫并聲。」

案:二徐註作「蛹蟥,以翼鳴者」、《集韻》引止作「蛹蟥也」、蓋節取也, 非完文。

鈴鈴

《集韻》平聲青韻:「《說文》:令丁也。」

《說文》十四上金部:「令丁也。从金,从令,令亦聲。」

案:小徐作「鈴釘也」,並後起字也。

令

《集韻》平聲青韻:「《說文》:獄名。」

《說文》六下口部:「獄也。从口令聲。」

案:二徐注作「獄也」,《集韻》引「也」作「名」,宜改。《玉篇》:「囹圄, 獄也。」

书 荆

《集韻》平聲青韻:「《說文》: 罰罪也,从井刀。引《易》: 井,法也。」

《說文》五下井部:「罰辠也。从井,从刀。《易》曰:井,法也。井亦聲。」

案:二徐竝作「罰辠也」、《集韻》引「辠」作「罪」、借字也、當改從本字。

関 興

《集韻》平聲蒸韻:「《說文》:起也。从舁,从同。同力也。」

《說文》二上舁部:「起也。从舁从同。同力也。」

案:「从舁从同」,小徐作「从舁同」,大小徐之異,每多類此,無礙於義也。

競 兢

《集韻》平聲蒸韻:「《說文》: 競也。从二兄。二兄競意。一曰:敬也。」

《說文》八下兄部:「競也。从二兄。二兄競意。从丰聲,讀若矜。一曰: 兢,敬也。」 案:「一曰:兢,敬也」,二徐竝同,《集韻》引作「一曰:敬也」,「兢」字 非脫,蓋省。

版 沋

《集韻》平聲尤韻:「《說文》:水名。」

《說文》十一上水部:「水也。从水光聲。」

案:二徐竝作「水也」,《集韻》引「也」作「名」。《廣韻》下平十八尤注 作「水名,在高密」,《集韻》或涉此而改。

肋 肋

《集韻》平聲尤韻:「《說文》:孰內醬也。」

《說文》四下肉部:「孰肉醬也。从肉九聲。讀若舊。」

案:《繫傳》「孰」作「熟」,俗字也。

鹵 堕

《集韻》平聲尤韻:「《說文》:氣行皃。」

《說文》五上乃部:「气行兒。从乃卤聲。讀若攸。」

案:二徐竝作「气行兒」,《集韻》引「气」作「氣」,用通假字也。

警锋

《集韻》平聲尤韻:「《說文》:魚名。一曰:魚子。」

《說文》十一下魚部:「魚名,从魚攸聲。」

案:「名」字,小徐作「也」。「一曰」者,非引《說文》,《淮南·覽冥》「若 觀緣魚」,高注:「緣,小魚也。」「小魚」即「魚子」也。

愡 愁

《集韻》平聲尤韻:「《說文》:腹中有水氣也。」

《說文》十一上水部:「腹中有水气也。从水从愁,愁亦聲。」

案:「腹中有水气也」,二徐竝同,《集韻》引「气」作「氣」,借字也。

產 侯

《集韻》平聲侯韻:「《說文》:春饗所軼侯也。从人,从厂,象張布,矢在 其下。天子軟熊虎豹,服猛也。諸侯躰熊豕虎,大夫躰麋麋惑也, 士**软鹿豕**,爲田除害也。其祝曰:毋若不寧侯,不朝於王所,故伉 而**软**汝也。一曰:猴也。維也。古作**厌**。」

- 《說文》五下矢部:「春饗所飲侯也。从人,从厂,象張布,矢在其下。天 子软熊虎豹,服猛也。諸侯软熊豕虎,大夫软麋麋惑也。士软鹿豕, 爲田除害也。其祝曰:毋若不寧侯,不朝于王所,故伉而软汝也。 (秦),古文侯。」
- 案:「伉而軼汝」、《繫傳》「伉」作「抗」。「其祝曰」以下見《考工記‧梓 人》祭侯之詞,而微有不同,故許不稱經。許書人部「伉」訓「人名」, 「抗」訓「扞」,則「抗」爲正,「伉」爲借字。今本亦作「抗」。「一 曰」以下,非引《說文》,方氏《考正》云:「猴,當从《類篇》改候。」 《周禮‧大司馬》「矦畿」,《疏》「矦之言候也」。《詩‧六月》「矦誰在 矣」,《傳》:矦,維也。」

講 溝

《集韻》平聲矦韻:「《說文》:水濟廣四尺深四尺。」

《說文》十一上水部:「水濟廣四尺,深四尺,从水冓聲。」

案:小徐兩「尺」字,皆作「赤」,古通用。

() 凍

《集韻》平聲侯韻:「《說文》: 澣也。一說以手曰涑,以足曰澣。一曰: 涑, 水名,在河東。」

《說文》十一上水部:「蘇也。从水東聲。河東有涑水。」

案:大徐作「河東有涑水」,小徐作「一曰:河東涑水」,依許書句例應作 「一曰:河東有涑水」,《集韻》引作「一曰:涑,水名,在河東」,係 經丁氏等所改易。「一說」云云,非引許書。《內則》云「冠帶垢和灰 請潄,衣裳垢和灰請澣」,鄭注:「手曰漱,足曰澣。」玄應《音義》: 「濯生練曰涑。去舊垢曰浣。一云:以手曰涑,以足曰浣也。通作漱。」 《集韻》引本此也,而玄應說又本鄭注。

路 亚

《集韻》平聲侯韻:「《說文》: 덤農縣庾地。」 《說文》六下邑部:「弘農縣庾地。从邑豆聲。」 案:「弘農縣」,二徐竝同,《集韻》引「弘」作「怕」,避諱故也。

麓 艛

《集韻》平聲侯韻:「《說文》: 魚名, 一名鯉, 一名鰜。」

《說文》十一下魚部:「魚名,一名鯉,一名鰜。从魚婁聲。」

案:「魚名」,小徐作「魚也」。

贈

《集韻》平聲侵韻:「《說文》:魚名。」

《說文》十一下魚部:「魚名,从魚簪聲。」

案:小徐「名」作「也」。

醒 醚

《集韻》平聲侵韻:「《說文》:孰藥也。」

《說文》十四下酉部:「孰籟也。从酉甚聲。」

案:「孰」字,小徐作「熟」,俗字也。

禮 鱏

《集韻》平聲侵韻:「《說文》:魚名。引《傳》曰:伯牙鼓琴,鱏魚出聽。」 《說文》十一下魚部:「魚名,从魚覃聲。《傳》曰:伯牙鼓琴,鱏魚出聽。」 案:「名」字,小徐作「也」。

認 歆

《集韻》平聲侵韻:「《說文》:神食氣也。」

《說文》八下欠部:「神食气也。从欠音聲。」

案:小徐作「神食气」,無「也」字。《集韻》引「气」作「氣」,借字也。

赞 婪 ㈱ 惏

《集韻》平聲覃韻:「《說文》: 貪也。杜林說: 卜者黨相詐驗爲婪,或作惏。」 《說文》十二下女部:「貪也。从女林聲。杜林說: 卜者黨相詐驗爲婪,讀 若瀆。」

《說文》十下心部:「河內之北謂貪曰惏,从心林聲。」

案:許書婪、惏訓同,然各爲二字,《集韻》則以「惏」爲「婪」之或文。

段氏「婪」注曰:「此與心部之惏音義同。」王筠《句讀》亦曰:「字 與惏同。」

牖 涌

《集韻》平聲覃韻:「《說文》:水澤多也。引《詩》:僣始既涵。」

《說文》十一上水部:「水澤多也。从水圅聲。《詩》曰: 僣始既酒。」

案:引《詩》,二徐並作「僭始既涵」,《集韻》引「涵」作「涵」,隸省字也。

撃 撃

《集韻》平聲談韻:「《說文》:暫也。」

《說文》十二上手部:「暫也,从手斬聲。」

案:小徐作「蹔也」,「蹔」爲「暫」之別體,見《廣韻》下平二十三談引亦作「暫也」。

鹽鹽

《集韻》平聲談韻:「《說文》:鹹也。古者宿沙初作煑海鹽。」

《說文》十二上鹽部:「鹹也。从鹵監聲。古者宿沙初作煑海鹽。」

案:「宿沙」,小徐作「夙沙」。《急就篇》「蕪荑鹽鼓酢醬」,顏注:「古者夙沙氏初煮鹽。」《太平御覽》引《世本》曰:「宿沙作煮鹽。」王應麟《困學紀聞》引魯連子曰:「宿沙瞿子善煮鹽。使煮漬沙,雖十宿沙不能得也。」古「宿」「夙」通用,難斷孰是孰非。

雜 撒

《集韻》平聲談韻:「《說文》:好手皃。」

《集韻》平聲咸韻:「《說文》:好手兒。引《詩》: 鐵鐵女手。」

《說文》十二上手部:「好手兒。《詩》曰:攕纖女手。从手鐵聲。」

案:二徐並有「《詩》曰:攕攤女手」六字,《集韻》談韻未引,而咸韻引之,蓋互見也。

日本 第

《集韻》平聲談韻:「《說文》薄水也。一曰:中絕小水。」

《說文》十一上水部:「薄水也。一曰:中絕小水,从水兼聲。」 案:「一曰」,小徐作「或曰」,義同。

彩 孔

- 《集韻》平聲董韻:「《說文》:通也。从乙从子,乙,請子之候鳥也。乙至 而得子,嘉美之也。古人名嘉,字子孔。一曰:甚也。」
 - 《說文》十二上乙部:「通也。从乙从子。乙,請子之候鳥也。乙至而得子, 嘉美之也。古人名嘉,字子美。」
- 案:「从乙从子」,小徐作「从乙子」。「一曰:甚也」,非引《說文》,見《爾雅·釋言》。

@ 冗

- 《集韻》上聲腫韻:「《說文》:散也。从宀,人在屋下,無田事。引《周書》: 宮中之冗食。」
- 案:小徐作「散也」,《集韻》引同,「散」爲「惏」之俗。

雅 漣

《集韻》上聲腫韻:「《說文》:塗也。」

《說文》十三下土部:「涂也。从土浝聲。臣鉉等案:水部已有,此重出。」 案:小徐作「塗也」,《集韻》引同。「塗」「涂」古今字。

砂西也

- 《集韻》上聲紙韻:「《說文》:黍酒也。一曰:甜也。賈侍中說:酏爲鬻清。」
- 《說文》十四下酉部:「黍酒也。从酉也聲。一曰:甜食。賈侍中說:馳爲 鬻清。」
- 案:「賈侍中」云云,小徐作「賈侍中以爲鬻清。」

弁 矢

- 《集韻》上聲旨韻:「《說文》: 弓弩矢也。从入,象鏑括羽之形, 古者夷牟 初作矢。一曰: 陳也。」
- 《說文》五下矢部:「弓弩矢也。从入,象鏑栝羽之形,古者夷牟初作矢,

凡矢之屬皆从矢。」

案:《繫傳》「栝」作「括」、《集韻》引同,並誤。許書「桰」字後一解云: 「一曰:矢桰築弦處。」「桰」即「栝」字,「昏」下注:「凡昏聲字隸 變皆爲舌。」「一曰:陳也」,非引《說文》、《爾雅·釋詁》:「戻,陳 也。」《廣雅·釋詁》二亦同,朱氏《通訓定聲》以爲「戻」即古文「矢」, 當補於「矢」篆下。

" 水

《集韻》上聲旨韻:「《說文》:準也。北方之行,象衆水並流,中有微陽之 氣也。」

《說文》十一上水部:「準也。北方之行,象衆水並流,中有微陽之气也。 凡水之屬皆从水。」

案:「微陽之气」,二徐竝同,《集韻》引「气」作「氣」,借字也。

藥藥

《集韻》上聲旨韻:「《說文》:木名,《爾雅》:山藥似葛,虎藥有毛刺。籀 作蠶。」

《說文》六上木部:「木也。从木藟聲。聲,籀文。」

案:二徐竝作「木也」、《集韻》引「也」作「名」。下曰:《爾雅》云云、 非許書本有,乃隱栝郭璞注,非引《爾雅》原文。《釋木》:「諸慮,山 藥。」郭注:「今江東呼藥爲藤,似葛而大。」《釋木》又云:「欇,虎 藥。」郭注:「今虎豆纏蔓林樹而生,莢有毛刺。」

糕 楑

《集韻》上聲旨韻:「《說文》:木也。一曰:度也。」

《說文》六上木部:「木也。从木癸聲。又:度也。」

案:二徐竝作「又:度也」,《集韻》引「又」作「一曰」。段氏亦改「又」 爲「一曰」,而未言其故,王筠《句讀》亦作「一曰」,明言依《集韻》 改。實則,許書用語有「又」字之例,亦謂別義也,不勞更改。

軟 軌

《集韻》上聲旨韻:「《說文》:車轍也。」

《說文》十四上車部:「車徹也。从車九聲。」

案:二徐並作「車轍也」、《集韻》引「徹」作「轍」、乃以後起字易古字也。段云:「支部曰:徹者,通也。車轍者,謂輿之下兩輪之間空中可通,故曰車轍。是謂之車軌。」《說文》無「轍」、古皆以「徹」爲之,如《漢書·文帝紀》:「結徹於道。」〈陳平傳〉:「門外多長者車徹。」

※ 先

《集韻》上聲止韻:「《說文》:止也。从果,盛而一橫止之也。」

案:「一横止之也」上,小徐有「从」字。

篮 悠

《集韻》上聲止韻:「《說文》:痛聲。」

《集韻》上聲尾韻:「《說文》:痛聲也。引《孝經》:哭不悠。」

《說文》十下心部:「痛聲也。从心依聲。《孝經》曰:哭不悠。」

案:二徐竝有「《孝經》曰:哭不悠」句,《集韻》上聲止韻未引,而於尾 韻下引之,蓋互見也。

국 己

《集韻》上聲止韻:「《說文》:中宮也。象萬物辟藏詘形也。古作芒。」

《說文》十四下己部:「中宮也。象萬物辟藏詘形也。已承戊衆人腹,壬, 古文己。」

案:「詘」下,小徐有「之」字。

犀 尾

《集韻》上聲尾韻:「《說文》:微也。从到毛在尸後。古人或飾系尾,西南 夷亦然。」

《說文》八下尾部:「微也。从到毛在尸後。古人或飾系尾,西南夷亦然。」 案:鍇本「到」作「倒」,俗字也。「亦然」之「亦」小徐作「皆」。

轄 瓣

《集韻》上聲尾韻:「《說文》,盛也。引《詩》: 萼不輕輕。」

《說文》六下藝部:「盛也。从藝韋聲。詩曰: 萼不轉轉。」

案:小《徐》引《詩》「萼」字作「咢」,段氏從之,注云:「咢,各本作萼, 俗字也,今正。今《詩》作萼,亦非。」據此,則大徐、《集韻》引「萼」 字並當去艸頭。

类 卉

《集韻》上聲尾韻:「《說文》:艸之總名。」

《說文》一下艸部:「艸之總名也。从艸屮。」

案:小徐「總」,正字也。大徐、《集韻》引宜改。又「名」下,《集韻》無尾詞「也」。

肅 鄦

《集韻》上聲語韻:「《說文》:炎帝太嶽之後,甫侯所封,在潁川。」

《說文》六下邑部:「炎帝太嶽之胤,甫侯所封,在潁川。从邑無聲。讀若 許。」

案:「嶽」小徐作「岳」,古文也。「胤」字,小徐缺筆作「亂」,《集韻》引作「後」,帝諱故也。

ヹ 鰮

《集韻》上聲語韻:「《說文》:魚名。」

《說文》十一下魚部:「魚名。从魚與聲。」

案:「名」字,小徐作「也」。

聯 貯

《集韻》上聲語韻:「《說文》:長眙也。一曰:張目。」

《說文》四上目部:「長眙也。一曰:張目也。从目宁聲。」

案:「一曰:張目也」,小徐本作「一曰:張眼」,《廣韻》上聲八語引亦作 「張眼」,然《玉篇》注作「張目也」。「目」與「眼」義得兩通,毋須 斷是非也。

角甫

《集韻》上聲嘆韻:「《說文》: 男子美稱也。从父用。甫,一曰:大也,始也。」

《說文》三下用部:「男子美稱也。从用父,父亦聲。」

案:「从用父」二徐同,《集韻》引作「从父用」,雖無礙於義也,然許君 例多以所從部首之字置於前。《廣韻》上聲九麌引作「字从父用」,《集 韻》或承襲於此。「一曰」下二義,皆非引《說文》,「大也」,見《爾 雅·釋詁》。《周禮·小宗伯》:「甫竁亦如之。」注:「甫,始也。」

翻翻

《集韻》上聲嘆韻:「《說文》:酒厚也。引《詩》:酒醴惟醹。」

《說文》十四下酉部:「厚酒也。从酉需聲。《詩》曰:酒醴惟醹。」

案:引《詩》,「惟」字小徐作「維」,與今《大雅·行葦》合。

麓 鱅

《集韻》上聲姥韻:「《說文》: 魚名, 出樂浪潘國。」

《說文》十一下魚部:「魚名。出樂浪潘國。从魚虜聲。」

案:小徐「名」字作「也」。

戶戶

《集韻》上聲姥韻:「《說文》:護也。半門曰戶。一曰止也。古从木。」

《說文》十二上戶部:「護也。半門日戶。象形。層,古文戶从木。」

案:「半門曰戶」,小徐「曰」字作「爲」,義得兩通。「一曰:止也」,非引 《說文》,見《小爾雅·廣詁》。

紫

《集韻》上聲薺韻:「《說文》: 飲而不食,刀魚也。」

《說文》十一下魚部:「飲而不食,刀魚也。九江有之。从魚此聲。」

案:「飲而不食」,二徐竝同,《集韻》引「飲」作「ൂ」,是也。「刀魚也」下,二徐竝有「九江有之」四字,《集韻》無,或省。

體體

《集韻》上聲薺韻:「《說文》:總十二屬也。」

《說文》四下骨部:「總十二屬也。从骨豊聲。」

案:小徐作「總十二屬也」、《集韻》引同。大徐「總」作「總」、俗。

豐

《集韻》上聲薺韻:「《說文》:酒一宿熟。」

《說文》十四下酉部:「酒一宿孰也。从酉豊聲。」

案:「孰」字,小徐作「熟」,《集韻》引同,俗字也。

懈解

《集韻》上聲蟹韻:「《說文》:勃澥,海之別也。一曰:澥谷也。」

《說文》十一上水部:「勃澥,海之別也。从水解聲。一說澥即澥谷也。」

案:「一說:解即澥谷也」,二徐竝同。《集韻》引作「一曰:澥谷也」,字 有省易。

菌 第

《集韻》上聲準韻:「《說文》: 箘簵也。一曰: 博棊。」

《說文》五上竹部:「箘簬也。从竹囷聲。一曰:博棊也。」

案:「箘簬也」,二徐竝同,《集韻》引「簬」作「簵」,「簵」爲古文。許書 「箘」下即次「簬」,亦訓「箘簬也」,「簵」字宜改。

坳 坋

《集韻》上聲吻韻:「《說文》:塵也。一曰:大防。」

《說文》十三上土部:「塵也。从土分聲。一曰:大防也。」

案:「大防上」,小徐複舉「坋」字。

營藝

《集韻》上聲隱韻:「《說文》: 盠也。一曰: 瓢也。」

《說文》五上豆部:「蠡也。从豆蒸省聲。」

案:二徐竝作「蠡也」、《集韻》引「蠡」作「盠」。許書瓠部曰:「瓢,蠡也。」是蓋爲瓢也。《廣韻》上平十二齊:「盠,以瓢爲飲器也。」然則「蠡」「盠」同物也。惟《說文》無「盠」,終不如用「蠡」爲宜。「一曰:瓢也」,非引許書,見《廣雅·釋器》。

晚晚

《集韻》上聲阮韻:「《說文》: 莫也。」

《說文》七上日部:「莫也。从日免聲。」

案:鍇本「莫」作「暮」,俗字也。

| | | | | | | | | | | |

《集韻》上聲混韻:「《說文》:大阜也。」

《說文》十四下自部:「大自也。从自鯀聲。」

案:二徐竝作「大自也」、《集韻》引「自」作「阜」、隸變也。

《集韻》上聲混韻:「《說文》:上下通也。引而上行讀若囟,引而下行讀若 退。」

《說文》一上「部:「上下通也。引而上行讀若囟,引而下行讀若逻。」

案:大徐作「讀若逻」,小徐「逻」作「復」,《集韻》引作「退」,實則皆一字也。許書彳部「復」下曰:「卻也。从彳日久。」又曰:「ሪ。」 文从辵。」是以小徐用本字爲宜,大徐用重文也,《集韻》則用隸變字。

% 捐

《集韻》上聲混韻:「《說文》:切熟內內於血中和也。」

《說文》四下內部:「切孰內內於血中和也。从內員聲。讀若遜。」

案:大徐作「孰內」,小徐「孰」作「熟」,俗字也,《集韻》引亦是,當改 从本字。

岡 罕

《集韻》上聲旱韻:「《說文》: 罔也。一曰:希也。」

《說文》七下网部:「网也。从网干聲。」

案:二徐竝作「网也」,《集韻》「网」作「罔」,用或文,當改從本字。「一 曰:希也」,非引《說文》,《爾雅·釋詁》:「希,罕也。」《集韻》蓋 本此。

賴館

《集韻》上聲緩韻:「《說文》: 轂端沓也。」

《說文》十四上車部:「轂耑沓也。从車官聲。」

案:「耑」字,二徐竝同,《集韻》引作「端」,後起字也。「沓」字,小徐 作「錔」,「錔」訓以金有所冒也,則「錔」當不誤。

樿 撣

《集韻》上聲緩韻:「《說文》:提荷也。」

《說文》十二上手部:「提持也。从手單聲。讀若行遲驒驒。」

案:二徐並作「提持也」、《集韻》引「持」作「荷」。桂氏《義證》曰:「荷 當爲何。《太玄》:何福滿肩,提禍撣撣。」丁度當有所據,然非許氏 之舊。

鯱鯇

《集韻》上聲潛韻:「《說文》: 魚名。」

《說文》十一下魚部:「魚名。从魚完聲。」

案:小徐「名」作「也」。

墅室

《集韻》上聲銑韻:「《說文》:牛很不从牽也。一曰:大皃。」

《說文》二上牛部:「牛很不從引也。从牛,从取,取亦聲。一曰:大兒。 讀若賢。」

案:二徐並作「牛很不從引也」。《廣韻》上聲二十六產「堅」下注曰「牛堅 很不從牽」,《集韻》或涉此而作「牽」。段注本「引」亦作「牽」;未 云何據。唯「牽」與「引」,義得兩通。

堺 現

《集韻》上聲銑韻:「《說文》:塗也。」

《說文》十三下土部:「涂也。从土見聲。」

案:鍇本作「塗也」、《集韻》引同。「涂」「塗」古今字。

1 <

《集韻》上聲銑韻:「《說文》:水小流也。《周禮》:匠人爲溝洫,耜廣五寸。 二耜爲耦,一耦之伐,廣尺,深尺謂之く。倍く謂之遂。倍遂曰 溝。倍溝曰洫。倍洫曰((。古从田川(甽),篆从田犬聲(畎)。 六畎爲一畝。」

- 《説文》十一下く部:「水小流也。《周禮》:匠人爲溝洫,梠廣五寸。二梠爲 耦。一耦之伐,廣尺,深尺謂之く,倍く謂之遂,倍遂曰溝。倍溝 曰洫。倍洫曰(く。凡く之屬皆从く。剛,古文く,从田从川。♥, 篆文く,从田犬聲(畎),六畎爲一畝。」

《集韻》上聲銑韻:「《說文》:絡也。」

《說文》十三上糸部:「落也。从糸瞏聲。」

案:二徐並作「落也」、《玉篇》引同、《後漢書·馬融傳》:「繯橐四野之飛征。」李注引《說文》:「繯、落也。」段云:「落者、今之絡也。古叚落、不作絡、謂包絡也。《莊子》:落馬首;《漢書》:虎落、皆作落。」是可知《集韻》引作「絡」、乃後起俗字。

養 後

《集韻》上聲獲韻:「《說文》:迹也。」

《說文》二下彳部:「迹也。从彳戔聲。」

案:《繫傳》「迹」作「跡」,俗字也。

軽 降

《集韻》上聲玃韻:「《說文》:水阜也。」

《說文》十四下自部:「水自也。从自戔聲。」

案:二徐竝作「水自也」、《集韻》引「自」作「阜」、隸變也。

離 鱓

《集韻》上聲獨韻:「《說文》:魚名。皮可爲鼓。一曰:蛇鱓,黃質黑文。」 《說文》十一下魚部:「魚名。皮可爲鼓。从魚單聲。」

案:小徐「名」字作「也」,「可」下有「以」字。「一日」者,非引《說文》,

丁度等增。《山海經·北山經》:「鱓,魚似蛇。」

締 緛

《集韻》上聲ূূূূ韻:「《說文》:衣縬也。」

《說文》十三上糸部:「衣戚也。从糸耎聲。」

案:二徐並作「衣戚也」,段云:「戚,今之蹙字也。《玉篇》:「經,衣蹙也。 縮也。」鄭注《鄉飲酒禮》:「古文縮作蹙。」《廣雅·釋詁》三:「經, 縮也。」徐鍇《韻譜》「經」訓「衣裓」。《集韻》、《類篇》引作「衣緘 也」。「裓」「縅」二字,《說文》無,蓋後起也,宜改作「戚」。

酒 酒

《集韻》上聲獲韻:「《說文》: 沔水出武都沮縣東狼谷, 東南入江。一曰: 入夏水。一曰: 流滿兒。」

《說文》十一上水部:「水出武都沮縣東狼谷,東南入江。或曰入夏水,从 水丏聲。」

案:「水出武都」上,二徐不複舉「沔」字。大徐「或曰:入夏水。」小徐 作「或以爲」,《集韻》引作「一曰」,義竝同。「一曰:流滿皃」,非引 《說文》,《詩・沔水》:「沔彼流水。」《傳》:「沔,水流滿也。」

新飯

《集韻》上聲獲韻:「《說文》: 魚名, 出薉邪頭國。」

《說文》十一下魚部:「魚名。出薉邪頭國,从魚免聲。」

案:小徐「名」作「也」。

* 替

《集韻》上聲ূূূূ韻:「《說文》: 輓車也。从妹,在車前引之。」

《說文》十四上車部:「輓車也。从車,从妹,在車前引之。」

案:「麸」上,小徐無「从」。

瓣鳅

《集韻》上聲小韻:「《說文》: 魚名。大鮎也。」

《說文》十一下魚部:「魚名。从魚兆聲。」

案:「名」下,小徐有「也」字。「大鮎也」,非引《說文》,《廣韻》上聲三十小注:「鮡,魚名,似鮎而大。」丁氏等蓋本此也。

精 撟

《集韻》上聲小韻:「《說文》:舉手也。一曰:擅也,正曲也。」

《說文》十二上手部:「舉手也。从手喬聲。一曰:撟,擅也。」

案:「一曰:撟,擅也」,二徐竝同,《集韻》引作「一曰:擅也」。「撟」字蓋省。「正曲也」非許書之文,丁度等所附益。《漢書·諸侯年表》:「可謂撟枉過其正矣。」丁氏蓋謂此意也。

鲍

《集韻》上聲巧韻:「《說文》:厭也。或从梁(餘)从卯(饗)。」

《說文》五下食部:「猒也。从食包聲。**铩**,古文飽从枲。**苓**,亦古文飽, 从卯聲。」

案:二徐竝作「猒也」、《集韻》引「猒」作「厭」、後起字也。

略 暭

《集韻》上聲晧韻:「《說文》: 暭旰也。」

《說文》七上日部:「皓旰也。从日皐聲。」

案:小徐本作「曍旰也」,嚴氏《校議》云《韻會》十九晧引亦同。《集韻》引作「暭旰也」,暭即暤之俗體。段氏注曰:「《漢書·上林賦》『采色澔汗』,《史記》作『澔旰』,〈靈光殿賦〉『澔澔涆涆』,曹植《七啓》云『丹旗耀野,戈殳晧旰』,此可證『晧旰』之爲古語。」王筠《句讀》云:「小徐本作暤旰,《集韻》《類篇》因之。暤晧固通用,而以之說暤,自當作晧。晧旰雙聲,形容之詞,蓋盛明之兒,不用其本義也。」如是,則以大徐作「晧」爲官。

題 題

《集韻》上聲晧韻:「《說文》:白兒。引《楚詞》:天白顥顥。商山四顥。白 首人也。」

《說文》九上頁部:「白皃。从頁从景。《楚詞》曰:天白顥顥。南山四顥, 白首人也。臣鉉等曰:景日月之光明白也。」 案:「南山四顥」,二徐竝同,《集韻》引「南」作「商」,《廣韻》上聲三十二時引同。段云:「《詩傳》曰:終南,周之名山,中南也。《左傳》作中南,《史》《漢》謂之南山。揚雄《解嘲》曰:四晧采榮於南山。《說文》作南山,不誤。《張良傳》注:商山四晧。宋時浙本作南山。」然則宜依二徐作「南山」爲是。

塌 埽

《集韻》上聲晧韻:「《說文》: 弃也。」

《說文》十三下土部:「棄也。从土从帚。」

案:二徐竝作「棄也」、《集韻》引「棄」作「弃」、古文也。

州 懆

《集韻》上聲晧韻:「《說文》: 愁不安也。引《詩》: 念子懆懆。」

《集韻》上聲感韻:「《說文》:愁不申也。」

《說文》十下心部:「愁不安也。从心喿聲。《詩》曰:念子懆懆。」

案:《集韻》 皓韻下引「愁不安也」及引《詩》,並與二徐同。又《詩·小雅·白華》「念子懆懆」,《釋文》引作「愁不申也」,《集韻》感韻下引同。「不安」與「不申」,義得兩通,然未知許氏之舊究如何也?

界 我

《集韻》上聲哿韻:「《說文》: 施身自謂也。一曰: 我頃頓也。」

《說文》十二下我部:「施身自謂也。或說我頃頓也。从戈从升, 升或說 古垂字。一曰:古殺字。徐鍇曰:从戈者, 取戈自持也。**水**, 古 文我。」

案:「或說:我,頃頓也」,二徐同,《集韻》引「或說」作「一日」,義得兩通。

姐 姐

《集韻》上聲馬韻:「《說文》:蜀謂母曰姐。淮南謂之社。」

《說文》十二下女部:「蜀謂母曰姐,淮南謂之社。从女且聲。」

案:「蜀」下,小徐有「人」字。

型型

- 《集韻》上聲馬韻:「《說文》:玉爵也。夏曰琖,商曰斝,周曰爵,一說: 斝受六升。」
 - 《說文》十四上斗部:「玉爵也。夏曰琖,殷曰斝,周曰爵,从吅从斗,曰 象形。與爵同意。或說斝受六升。」
 - 案:「琖」字,小徐作「醆」。「琖」「醆」二字,《說文》並無,《周禮,量 人》注引《明堂位》「夏后氏以琖」,《釋文》云劉昌宗本作「湔」,知 古借湔爲之。「或說:斝受六升」,二徐同,《集韻》引改「或說」爲「一 說」,義得兩通。

兩 兩

《集韻》上聲養韻:「《說文》:二十四銖爲兩,从一从兩,平分。」

《說文》七下网部:「二十四銖爲一兩。从一网平分,亦聲。」

案:大徐作「从一网平分」,小徐作「從一從网。网,平分也」,《集韻》作 「从一从网,平分」,互有出入,然皆視爲會意,無礙於義也。

煙 痙

《集韻》上聲靜韻:「《說文》: 彊急也。」

《說文》七下疒部:「彊急也。从疒巠聲。」

案:小徐「彊」作「强」,借字也。

麗穎

《集韻》上聲靜韻:「《說文》:水出潁川陽城乾山,東入淮,豫州浸。」 《說文》十一上水部:「水出潁川陽城乾山,東入淮,从水頃聲。豫州浸。」 案:「浸」字,小徐作「濅」。

至 壬

- 《集韻》上聲廻韻:「《說文》: 善也。從人士。士, 事也。一曰: 象物出地 挺生也。」
- 《說文》八上壬部:「善也。从人士。士,事也。一曰:象物出地挺生也。 臣鉉等曰:人在土上,壬然而立也。」

案:「挺」下,小徐有「而」字,作「挺而生也」。

等等

《集韻》上聲等韻:「《說文》:齊簡也。从竹,从寺,寺官曹之等平也。」

《說文》五上竹部:「齊簡也。从竹,从寺,寺官曹之等平也。」

案:大徐「从竹从寺」,小徐作「从竹寺」。

《集韻》上聲有韻:「《說文》:老人齒如臼也。一曰:馬八歲齒臼也。」

《說文》二下齒部:「老人齒如臼也。一曰:馬八歲齒臼也。从齒,从臼, 臼亦聲。」

案:小徐本作「老人齒如臼。從齒臼聲。馬八歲齒臼也」,蓋「老人」句脫 「也」字,「馬八歲」上脫「一日」二字。二徐異處似此者甚多,又文 每多顚倒,然無害於義也。

[編]

《集韻》上聲有韻:「《說文》:穿壁以木爲交寥也。譚長以爲甫上日也。非 戶也。牖所以見日。」

《說文》七上片部:「穿壁以木爲交寥也。从片戶甫。譚長以爲甫上日也。 牖所以見日。」

案:「쮋」字,小徐作「窗」,本字也。說見「悤」字考。

麵 酒

《集韻》上聲有韻:「《說文》:就也。所以就人性之善惡。一曰:造也,吉 凶所造也。古者儀狄作酒醪,禹嘗之而美,遂疏儀狄。杜康作秫酒。」

《說文》十四下酉部:「就也。所以就人性之善惡。从水,从酉,酉亦聲。 一曰:造也,吉凶所造也。古者儀狄作酒醪,禹嘗之而美,遂疏儀 狄。杜康作秫酒。」

案:「吉凶所造」下,小徐有「起」字。

百百肾肾

《集韻》上聲有韻:「《說文》:頭也。古文作皆。《《象髮,謂之馨。馨即《《 也。」

《說文》九上百部:「頭也。象形。」

《說文》九上晉部:「百同。古文百也。巛,象髮,謂之鬊。鬊即巛也。」

案:許書「百」「昝」分爲兩部,「百」下訓「頭也。」,「昝」下云:「百同。 古文百也。」《集韻》引則併爲同一字組,語句略有簡省。

胸 湾

《集韻》上聲有韻:「《說文》:浸芺也。」

《說文》十一上水部:「浸芺也。从水叜聲。」

案:「浸」字,小徐作「濅」,宜作「濅」爲是。又「荴」字,小徐作「沃」, 隸變字也。

科 肘

《集韻》上聲有韻:「《說文》:臂節也。从內,从寸,寸,手寸口也。」

《說文》四下內部:「臂節也。从內从寸。寸,手寸口也。」

案:「从肉从寸」,小徐作「从肉寸」。

離離

《集韻》上聲厚韻:「《說文》: 篩篓也。」

《說文》五上竹部:「薾爰也。从竹部聲。」

案:二徐作「簘爰也」,均未加竹頭。段注云:「《廣雅》曰: 籋蹇,篰也。 曹憲上音滿,下音緩。《廣韻》曰:籋蹇,簡也。篰,牘也。《玉篇》 曰:篰,竹牘也。按滿爰,漢人語,俗字加竹。」是《集韻》引用俗 字也。

产品

《集韻》上聲黝韻:「《說文》:魚名。」

《說文》十一下魚部:「魚名。从魚幼聲,讀若幽。」

案:「名」字,小徐作「也」。

瞻贖

《集韻》上聲寝韻:「《說文》:深視也。一曰:下視。一曰:竊見。」

《說文》四上目部:「深視也。一曰:下視也。又竊見也。从目覃聲。」

案:「竊見」上,二徐並作「又」字,段云此謂又一義也。《集韻》引改「又」 爲「一日」,義同。

舒 飪

《集韻》上聲寑韻:「《說文》:大孰也。或作肚煲。」

《說文》五下食部:「大孰也。从食壬聲。年,古文飪。棒,亦古文飪。」

案:小徐「孰」作「熟」,用後起字也。

合 亩

《集韻》上聲寶韻:「《說文》:穀所振入,宗廟粢盛,倉黃宣而取之,故謂 之 之 。从入回,象屋形中有戶牖。或作廩。」

《說文》五下卣部:「穀所振入,宗廟粢盛,倉黃卣而取之,故謂之卣。从入 回。象屋形中有戶牖。麼,靣或从广从禾。」

案:「从入回」,小徐作「从入从回」。

鵨 錦

《集韻》上聲覆韻:「《說文》:襄邑織文。」

《說文》七下帛部:「襄邑織文,从帛金聲。」

案:小徐「邑」作「色」,非。《御覽》八百十五引作「襄邑織文也」,與大徐同,《集韻》亦是。《漢志》陳留郡襄邑縣有服官。《書》曰:「厥匪織文。」《正義》曰:「漢世,陳留襄邑縣置服官,使制作衣服,是兖州綾錦美也。」陳留屬《禹貢》兗州。

董 董

《集韻》上聲琰韻:「《說文》:艸相蕲苞。引《書》:艸木蕲苞。或从木(槧)。」

《說文》一下艸部:「艸相蔪苞也。从艸斬聲。《書》曰:艸木蔪苞。繁, 薪或从槧。」

案:小徐作「艸相蕲苞」,無「也」字,《集韻》引同。引《書》小徐作「艸 木漸包」,今《書·禹貢》作「草木漸包」,後人或據今本改。

章 奄

《集韻》上聲琰韻:「《說文》:覆也。大有餘也。一曰:欠也。同也。从大, 从由,由,展也。」

《說文》十下大部:「覆也,大有餘也。又欠也。从大从申。申,展也。」案:「又欠也」,二徐竝同,《集韻》引改「又」爲「一曰」。「从大从申」,

小徐作「从大申」。「同也」之義,非引《說文》,《詩·執競》:「奄有四方。」《傳》云:「奄,同也。」

斬 斬

《集韻》上聲躡韻:「《說文》: 截也。从車从斤。斬法車裂也。」

《說文》十四上車部:「戳也。从車从斤。斬法車裂也。」

案:「斤」上,小徐無「从」字。

爾爾

《集韻》去聲送韻:「《說文》:小杯也。或作橋。」

《說文》十二下匚部:「小桮也。从匚贛聲。稿,鹽或从木。」

案:大徐作「小桮也」,小徐作「小杯也」,許書木部曰:「桮,**騷也**。」二 篆爲轉注,故知大徐是也。《集韻》引作「小杯」,蓋俗字也。

爾廖

《集韻》去聲送韻:「《說文》: 寐而有覺也。」

《說文》七下寐部:「寐而有覺也。从宀,从疒,夢聲。《周禮》:以日月星 辰占六瘳之吉凶:一曰正瘳,二曰斝瘳,三曰思瘳,四曰悟瘳,五 曰喜瘳,六曰懼瘳。凡瘳之屬皆从瘳。」

案:小徐作「寐而覺者也」,然《玉篇》引作「寐而有覺也」,同大徐,《集 韻》引亦同大徐。又二徐竝引《周禮》六夢之說,丁氏未引,蓋無關 於義也。

[]

《集韻》去聲送韻:「《說文》:神鳥也。引《天老》曰:鳳五色備舉,出於 東方君子之國。見則天下大安寧。古作知,象形。鳳飛羣鳥從以萬 數。故亦以爲朋黨字。」(鳳字下)

《集韻》平聲登韻:「《說文》:爲古鳳字。鳳飛羣鳥從以萬數。故以爲朋黨字。」(朋字下)

《集韻》平聲登韻:「《說文》:亦以爲古鳳字。」(鵬字下)

《說文》四上鳥部:「神鳥也。《天老》曰:鳳之象也。鴻前響後,蛇頸魚尾, 鸛鱻駕思,龍文虎背,燕頷雞喙,五色備舉。出於東方君子之國。 翱翔四海之外,過崐崘,飲砥柱,濯羽弱水,莫宿風穴,見則天下 大安寧。从鳥凡聲。豪,古文鳳,象形。鳳飛羣鳥從以萬數。故以 爲朋黨字。豪,亦古文鳳。」

案:許書鳳、朋、鵬爲一字之三體,《集韻》送韻下三體並列一處,登韻下 **多、鵬**又各自另列。送韻下所引字義,頗有簡省。「羣鳥」下,小徐作 「從萬數」,無「以」字。「故以爲朋黨字」,二徐並同,《集韻》「故」 下私加「亦」字。另登韻「**多**」下「爲古鳳字」之「爲」;「鵬」下「亦 以爲古鳳字」之「以爲」,皆丁氏自加也,蓋就行文,且爲使人易曉也。

用 用

《集韻》去聲用韻:「《說文》:可施行也。从卜从中。衛宏說:古作用。」

《說文》三下用部:「可施行也。从卜,从中。衛宏說。臣鉉等曰:卜中乃可用也。**用**,古文用。」

案:「从卜从中」,小徐作「从卜中」。

廊 啻

《集韻》去聲寘韻:「《說文》:語時不啻也。一曰:諟也,餘也。」

《說文》二上口部:「語時不啻也。从口帝聲。一曰:啻,諟也。讀若鞮。」

案:二徐「一日」以下,均作「啻, 諟也」,《集韻》引省「啻」字,《韻會》 引亦無「啻」字。「餘也」,非引《說文》,丁氏等所增。

瑶 瑞

《集韻》去聲寘韻:「《說文》:以玉爲信也。徐鍇曰:从耑,諦也。」

《說文》一上玉部:「以玉爲信也。从玉耑。徐鍇曰:耑,諦也。會意。」

案:《繫傳》「从王耑」下有「臣鍇曰: 耑音端。端,諦也」等語,徐鉉約 取其詞作「耑,諦也」,《集韻》從鉉之節引,復增一「从」字,以就 行文也。

皆 皆

《集韻》去聲寘韻:「《說文》:目匡也。」

《說文》四上目部:「目匡也。从目此聲。」

案:二徐竝作「目匡也」,《集韻》兩引「匡」作「圧」,避太祖諱也。

18 傷

《集韻》去聲寘韻:「《說文》:輕也。一曰:交易。」

《說文》八上人部:「輕也。从人易聲。一曰:交傷。」

案:第二義,大小徐竝作「一曰:交傷」,《集韻》引「傷」作「易」,《周 易·繫辭》曰:「交易而退。」《公羊》莊公十三年「公齊侯盟于柯」, 《傳》曰:「何以不日易也。」何注:「易猶佼易也。」是作「易」亦 通,非許氏之舊。

期 網

《集韻》去聲寘韻:「《說文》:重次第物也。」

《說文》六下貝部:「重次弟物也。从貝也聲。」

案:「重次弟物也」,二徐同,《集韻》引「弟」作「第」,俗字也。

赞 接

《集韻》去聲寘韻:「《說文》:羊相羵也。」

《說文》四上羊部:「羊相羵。从羊委聲。」

案:鍇本作「羊相積也」,「積」字亦通,然《玉篇》作「羊相**矮**積也」,是 仍以作「羵」爲佳。

る 季

《集韻》去聲至韻:「《說文》:少稱也。」

《說文》十四下子部:「少偁也。从子从稚省。稚亦聲。」

案:「偁」字二徐竝同。《集韻》引「偁」作「稱」,宜改。又「偁」下,小徐無「也」字。

塘 塘

《集韻》去聲至韻:「《說文》:仰涂也。」

《說文》十三下土部:「仰涂也。从土既聲。」

案:「涂」字,小徐作「塗」,古今字也。

戆 饐

《集韻》去聲至韻:「《說文》: 飰傷溼也。」

《說文》五下食部:「飯傷溼也。从食膏聲。」

案:「飯傷溼也」,二徐竝同,《集韻》引「飯」作「飮」,俗字也。

開

《集韻》去聲未韻:「《說文》:補鳥網也。」

《集韻》去聲至韻:「《說文》:捕鳥罔也。」

《說文》七下网部:「捕鳥网也。从网馭聲。」

案:二徐竝作「捕鳥网也」,《集韻》至韻下引「网」作「罔」,或文也;未 韻下引作「網」,後起字也。

鼻鼻

《集韻》去聲至韻:「《說文》:引氣自畀也。」

《說文》四上鼻部:「引气自畀也。从自畀。」

案:二徐竝作「引气自畀也」,《集韻》引「气」作「氣」,借字也。

[厘

《集韻》去聲至韻:「《說文》:足氣不至也。」

《說文》七下疒部:「足气不至也。从疒畢聲。」

案:二徐竝作「足气不至也」,《集韻》引「气」作「氣」,借字也。

夷 吏

《集韻》去聲志韻:「《說文》:治人者也。徐鍇曰:吏之治人,心主於一, 故从一。」

《說文》一上一部:「治人者也。从一从史。史亦聲。徐鍇曰:吏之治人, 心主於一,故从一。」

案:《繫傳》「臣鍇曰」下,云「吏之理人,心主於一也」,徐鉉引頗有改 易,《集韻》引從鉉改。

界 異

《集韻》去聲志韻:「《說文》:分也。从廾,从畀,予也。」

《說文》三上異部:「分也。从卅,从畀。畀,予也。徐鍇曰:將欲與物先 分異之也。《禮》曰:賜君子小人不同日。」 案:「从升从畀」,小徐作「从廾畀」,「畀」上無「从」字。

鬲 异

《集韻》去聲志韻:「《說文》:舉也。引《虞書》:岳曰异哉。」

《說文》三上升部:「舉也。从升目聲、《虞書》曰:岳曰异哉。」

案:鍇本「岳」作「嶽」。「嶽」爲本字,「岳」爲古文,乃一字也。今《書· 堯典》作「岳」,《史記·五帝本紀》引作「獄」,第不知許氏所據,本 作何字也?

意惠

《集韻》去聲志韻:「《說文》:說也。」

《說文》五上心部:「說也。从心,从喜,喜亦聲。」

案:小徐「說」作「悅也」,後起字也。

毅 毅

《集韻》去聲未韻:「《說文》:妄怒也。一曰:有決也。」

《說文》三下殳部:「妄怒也。一曰:有決也。从殳豪聲。」

案: 鍇本「一曰」下有「毅」字。

間滑

《集韻》去聲未韻:「《說文》:水出隴西首陽渭首亭南谷,東入河。杜林說。 《夏書》:以爲出鳥鼠山,離州浸也。」

《說文》十一上水部:「水出隴西首陽渭首亭南谷,東入河。从水胃聲。杜 林說。《夏書》:以爲出鳥鼠山,雖州浸也。」

案:「浸」字,小徐作「濅」,《繫傳》「浸」如此作,乃本篆隸定字也。

福

《集韻》去聲御韻:「《說文》:私燕飮也。」

《說文》十四下酉部:「私宴歡也。从酉區聲。」

案:大徐作「私宴歡也」,小徐「歡」作「飲」。《集韻》引「宴」作「燕」, 音義同,亦用隸寫「飮」。

斯 助

《集韻》去聲御韻:「《說文》:左也。」

《說文》十三力部:「左也,从力且聲。」 案:小徐「左」作「佐」,後起字也。

撕 耡

《說文》四下耒部:「商人七十而耡,耡耤稅也。从耒助聲。《周禮》曰:以 興耡利萌。」

案:二徐引《周禮》並作「以興耡利萌」,今《地官·遂人職》「萌」作「甿」,《集韻》引同今本,蓋因俗改也。

履履

《集韻》去聲遇韻:「《說文》:履也。一曰:鞮屬。」

《說文》八下履部:「履也。从履省婁聲。一曰:鞮也。」

案:小徐作「履」,無「也」字。「一日」之義,小徐「鞮」下亦無「也」字。《集韻》引作「鞮屬」,「屬」字,恐丁氏等所增,許書革部「鞮」下曰「屨也」,二字轉注。然王筠《句讀》「一曰:鞮也」下云:「也,一作屬。鞮,革履也。」或《集韻》所據本不同。

計 卧

《集韻》去聲遇韻:「《說文》:趣越皃。」

《說文》二下足部:「趣越兒。从足卜聲。」

案:小徐「趣」作「趨」。許書「赴」下曰「趨也」,王筠《句讀》以爲「卧」 與「赴」同,故从小徐作「趨越皃」,然《玉篇》注作「趣越皃」,同 大徐,段注亦從大徐,或「趣」「趨」二字,義得兩通。

间 付

《集韻》去聲遇韻:「《說文》:與也。从寸,持物對人。」

《說文》八上人部:「与也。从寸,持物對人。臣鉉等曰:寸,手也。」

案:小徐作「予也」,「与」「予」二字本同,《集韻》作「與」,蓋以後世俗

字改也。《玉篇》:「書云:皇天既付。付,与也。」「从寸」下,小徐作「持物以對人」,多一「以」字。

潮 鮒

《集韻》去聲遇韻:「《說文》:魚名。」

《說文》十一下魚部:「魚名。从魚付聲。」

案:「名」字,小徐作「也」。

瑙璐

《集韻》去聲莫韻:「《說文》:玉名。」

《說文》一上玉部:「玉也。从玉路聲。」

案:二徐並訓「玉也」,不曰「玉名」,《廣韻》去聲十一暮韻「璐」注云「玉名」,《集韻》或沿襲之。

衍 汙

《集韻》去聲莫韻:「《說文》:穢也。一曰:小池爲汙。一曰:涂也。」

《說文》十一上水部:「薉也。一曰:小池爲汙。一曰:涂也,从水亍聲。」

案:「薉也」,二徐竝同,《集韻》引「穢也」,薉穢,古今字也。《廣韻》去 聲十一暮亦作「穢」。「涂」字,小徐作「塗」,後起字也。

場 壻

《集韻》去聲霽韻:「《說文》:夫也,引《詩》:女也不爽,士二其行。士者, 夫也。或从女(婿)。」

《說文》一上士部:「夫也。从士胥聲。《詩》曰:女也不爽,士貳其行。士 者,夫也。讀與細同。釋,壻或从女。」

留 閉

《集韻》去聲霽韻:「《說文》:闔門也。從門。才,所以距門也。」

《說文》十二上門部:「闔門也。从門,才所以歫門也。」

案:大徐作「歫門」,小徐「歫」字作「距」,《集韻》引同。「距」爲流俗 用字,當作「歫」爲宜。

• 嚏

《集韻》去聲霽韻:「《說文》:悟解氣也。引《詩》:願言則嚏。」

《說文》二上口部:「悟解气也。从口疐聲。《詩》曰:願言則嚏。」

案:二徐竝作「悟解气也」、《集韻》「气」作「氣」、「氣」原爲「廩餼」字, 宜改從「气」。

類 類

《集韻》去聲霽韻:「《說文》:伺人也。一曰:恐也。」

《說文》九上頁部:「司人也。一曰:恐也。从頁契聲。讀若襖。」

案:「司人也」下,段注云:「司者,今之伺字。」王筠《句讀》亦謂「司, 今作伺」,然則,小徐、《集韻》引作「伺人」,乃後起俗字。

護憩

《集韻》去聲霽韻:「《說文》: 橐紐也。一曰: 盛馘囊。」

《說文》五下韋部:「**秦**紐也。从韋惠聲。一曰:盛虜頭橐也。徐鍇曰:謂 戰伐以盛首級。」

案:「櫜紐也」,二徐並同,《集韻》引「櫜」作「橐」。《說文》「櫜」訓「車上大橐」,「橐」訓「囊也」,則「櫜」字有專義也。惟「一曰」之義,大徐作「盛虜頭橐也」,小徐「橐」作「櫜」,然則二字又可互通。「韢」之第二訓,《集韻》引作「盛馘囊」,文字與二徐殊異,隱栝大意,非引其詞也。

繋 繋

《集韻》平聲齊韻:「《說文》: 緊繞也。今惡絮。」

《集韻》去聲霽韻:「《說文》: 繫綉也。一曰: 惡絮。一曰: 維也。」

《說文》十三上糸部:「緊褫也。一曰:惡絮。从糸毄聲。」

案:「繫続也。一曰:惡絮。」二徐並同,《集韻·齊韻》下引,「一曰」 作「今」,丁氏私改也。霽韻下有「一曰:維也」,非引《說文》,丁 氏等所增。

羿 羿

《集韻》去聲霽韻:「《說文》:羽之羿風。」

《說文》四上羽部:「羽之羿風,亦古諸侯也。一曰:射師,从羽开聲。」

案:「羿風」下,二徐並有,「亦古諸侯也,一曰:射師」等語,《集韻》未引,蓋省。

68 88

《集韻》去聲祭韻:「《說文》: 飰餲也。引《論語》: 食饐而餲。」

《說文》五下食部:「飯餲也。从食曷聲。《論語》曰食饐而餲。」

案:二徐並作「飯餲也」、《集韻》引「飯」作「酢」、俗字也。

觸濁

《集韻》去聲祭韻:「《說文》: 井一有水一無水謂之瀱汋。」

《說文》十一上水部:「井一有水一無水謂之瀱汋。从水罽聲。」

案:小徐「謂之」二字作「日」,義同。

惠 書

《集韻》去聲祭韻:「《說文》:車軸耑也。从車。象形。杜林說。或从彗(轉)。」

《說文》十四上車部:「車軸耑也。从車。象形。杜林說。徐鍇曰:指事。 轉, 東或从彗。」

案:「从車」下,小徐作「象軎之形」。

飆鳜

《集韻》去聲祭韻:「《說文》:魚名。」

《說文》十一下魚部:「魚名。从魚厥聲。」

案:小徐「名」作「也」。

機 槸

《集韻》去聲祭韻:「《說文》:木相磨也。或从艸(橫)。」

《說文》六上木部:「木相摩也。从木埶聲。磁, 槸或从艸。」

案:「木相摩也」,二徐並同,《集韻》引「摩」作「磨」。《爾雅釋木》:「木 相磨,槸。」是古「摩」「磨」通用。

見見

《集韻》去聲夳韻:「《說文》:海介蟲也。居陸名姦,在水名蜬。象形。古 者貨貝而寶龜。周而有泉,至秦廢貝行錢。」

《說文》六下貝部:「海介蟲也。居陸名茲。在水名蝒,象形。古者貨貝而 寶龜。周而有泉,至秦廢貝行錢。」

案:「象形」下,小徐有「也」字;「至秦」作「到秦」,義得兩通。

鷲 鮪

《集韻》去聲夳韻:「《說文》:魚名,出樂浪潘國。」 《說文》十一下魚部:「魚名,出樂浪潘國,从魚東聲。」 案:小徐「名」作「也」。

沧 种

《集韻》去聲夳韻:「《說文》:糠也。」

《說文》七上禾部:「糠也,从禾會聲。」

案:二徐並作「糠也」、《集韻》引「糠」作「糠」、俗字也。玄應《音義》 卷二引《字書》作「粗糠」。

鳴鳴

《集韻》去聲怪韻:「《說文》:高氣多言也,引《春秋傳》噧言。」 《說文》二上口部:「高气多言也。从口臺省聲。《春秋傳》曰噧言。」 案:二徐均作「高气多言也」,《集韻》「气」作「氣」,借字也。

喝喝

《集韻》去聲怪韻:「《說文》: 激也。」

《說文》二上口部:「潵也。从口曷聲。」

案:《繫傳》作「渴也」,玄應《一切經音義》卷十一引亦作「渴也」,「潵」 「渴」古字通用,《音義》所據本,容有異同。

護邁

《集韻》去聲夬韻:「《說文》:遠行也。从辵蠆省聲。或不省(臺)。」

《說文》二下辵部:「遠行也。从辵蠆省聲。禮,邁或不省。」

案:釋字之形,大徐本作「从辵蠆省聲」,重文「遭」下云「邁或不省」; 小徐本作「從辵萬聲」,重文「邁,邁或從蠆」。蠆固協萬聲,大徐「蠆 省聲」「或不省」較爲易識,小徐亦通。

帰 偏

《集韻》去聲隊韻:「《說文》:大帶佩也。从人从凡从巾,佩必有巾,巾謂之飾。」

《說文》八上人部:「大帶佩也。从人从凡从巾,佩必有巾,巾謂之飾。臣 鉉等曰:今俗別作珮,非是。」

案:「从人从凡从巾」,小徐作「從人凡巾」。

翰 甄

《集韻》去聲隊韻:「《說文》:破也。」

《說文》十二下瓦部:「破也。从瓦卒聲。」

案:小徐作「碎也」,《廣韻》十八隊引同。然《玉篇》引作「破也」,同大徐,《集韻》引亦同。「破也」、「碎也」義得兩通,唯不知許氏之舊究如何也。

畅 劾

《集韻》去聲代韻:「《說文》:法有罪也。」

《說文》十三下力部:「法有辠也。从力亥聲。」

案:二徐並作「法有辠也」、《集韻》引「辠」作「罪」、俗字也。

儋 儐

《集韻》去聲稕韻:「《說文》:導也。」

《說文》八上人部:「導也。从人賔聲。榜,償或从手。」

案:小徐作「道也」、《玉篇》引作「導也」、同大徐、《集韻》亦是。二徐 並有或文「擯」、《集韻》引脫、宜補。

确 酌

《集韻》去聲稕韻:「《說文》:少少飲也。」

《說文》十四下酉部:「少少數也。从酉匀聲。」

案:大徐作「少少**欲**也」,小徐「**欲**」作「**飲**」,《集韻》引亦同,「**飲**」爲 隸寫字。

墐 墐

《集韻》去聲稕韻:「《說文》:塗也。」

《說文》十三下土部:「涂也。从土堇聲。」

案:小徐作「塗也」、《集韻》引同。「涂」、「塗」古今字也。

籍 饉

《集韻》去聲稕韻:「《說文》: 蔬不熟爲饉。」

《說文》五下食部:「疏不孰爲饉。从食革聲。」

案:小徐「孰」作「熟」,俗字也,《集韻》引同,宜改從本字。

源 源

《集韻》去聲願韻:「《說文》:徐語也。引《孟子》源源而來。」

《說文》三上言部:「徐語也。从言原聲。《孟子》曰故謜謜而來。」

案:二徐引《孟子》,並作「故謜謜而來」,《集韻》引無「故」字,蓋省, 此〈萬章篇〉文。

淘爐

《集韻》去聲願韻:「《說文》:宗廟犬名羹獻,犬肥者以獻之。」

《說文》十上犬部:「宗廟犬名羹獻,犬肥者以獻之。从犬鬳聲。」

案:「獻」下,小徐無「之」字。

《集韻》去聲願韻:「《說文》:大皃。一曰:拳勇字。」

《說文》十下大部:「大兒。从大圖聲。或曰拳勇字,一曰讀若傷。」

案:「或曰拳勇字」,二徐並同,《集韻》引「或」作「一」,義同。

意 畲

《集韻》去聲願韻:「《說文》:酒疾熟也。一曰:不擇木而釀。」

《說文》十四下酉部:「酒疾孰也。从酉弁聲。」

案:「孰」字,小徐作「熟」,《集韻》引同,「熟」爲「孰」之俗。「一曰:

不擇木而釀。」非引《說文》,丁度等增,方氏《考正》云「木」宋本 《集韻》作「米」。

多

《集韻》去聲圂韻:「《說文》: 廁也。从口,象豕在口中也。」

《說文》六下口部:「廁也,从口,象豕在口中也。會意。」

案:「象豕在口中」、《繫傳》「在」下有「其」字。

혦館

《集韻》去聲換韻:「《說文》:館舍也。《周禮》:五十里有市,市有館,館 有積,以待朝聘之客。」

《說文》五下食部:「客舍也。从食官聲。《周禮》五十里有市,市有館,館 有積,以待朝聘之客。」

案:「客舍也」,二徐並同,《集韻》引「客」作「館」,蓋涉正文改,然義 得兩通。

娇 忨

《集韻》去聲換韻:「《說文》:貪也,引《春秋傳》: 忨歲而激日。」

《說文》十下心部:「貪也。从心元聲。《春秋傳》曰: 忨歲而潵日。」

案:「潵」字,小徐作「愒」,音義並同。

東 未

《集韻》去聲換韻:「《說文》:物中分也。从八从牛。牛爲物大,可以分也。」 《說文》二上半部:「物中分也。从八从牛,牛爲物大,可以分也。」

案:「从八从牛」,小徐作「从八牛」。

贊 贊

《集韻》去聲換韻:「《說文》:見也。从貝从兟。徐鉉曰:兟,進也,執贄 而進,有司贊相之。」

《說文》六下貝部:「見也。从貝从兟。臣鉉等曰:兟音詵,進也。執贄而進,有司贊相之。」

案:徐鉉原文作「兟音詵,進也」、《集韻》引作「兟,進也」,非脫,蓋

節引也。

讚

《集韻》去聲換韻:「《說文》:以羹澆飰。一曰:以膏煎稻爲酶也。」

《說文》五下食部:「以羹澆飯也。从食贊聲。」

案:「以羹澆飯也」,二徐並同,《集韻》引「飯」作「飰」,俗字也,又奪「也」字。「一曰」者,非引《說文》,丁度等增。

爤 爤

《集韻》去聲換韻:「《說文》:孰也。从閒从柬。」

《說文》十上火部:「孰也。从火蘭聲。爛,或从閒。」

案:「孰」,小徐作「熟」,俗字也。

糥 稬

《集韻》去聲換韻:「《說文》: 沛國謂稻曰稬。」

《說文》七上禾部:「沛國謂稻曰稬。从禾耎聲。」

案:小徐「日」字作「爲」。

震器

《集韻》去聲霰韻:「《說文》: 罔也。一曰: 綰也。」

《說文》七下网部:「网也。从网繯,繯亦聲,一曰:綰也。」

案:「网也」,二徐並同,《集韻》引「网」作「罔」,或文也,當改用本字。

褂 街

《集韻》去聲綫韻:「《說文》:迹也。」

《說文》二下行部:「迹也。从行戔聲。」

案:《繫傳》:「迹」作「跡」,俗字也。

約 釣

《集韻》去聲嘯韻:「《說文》:鈎魚也。」

《說文》十四上金部:「鉤魚也。从金勺聲。」

案:「鉤魚也」,二徐並同,《集韻》引「鉤」作「鈎」,俗字也。

属 尿

《集韻》去聲嘯韻:「《說文》:人小便也。从尾水。」 《說文》八下尾部:「人小便也。从尾从水,奴房切。」

案: 鍇本作「从尾水」,《集韻》引同。

射 敫

《集韻》去聲嘯韻:「《說文》:所歌也。」

《說文》八下欠部:「所謌也。从欠噭省聲。讀若叫呼之叫。」

案:小徐作「所謌」,無「也」。《集韻》引「謌」作「歌」,用本字。

翻翻

《集韻》去聲笑韻:「《說文》: 飲酒盡也。」

《說文》十四下酉部:「飲酒盡也。从酉嚼省聲。」

案:大徐作「飲酒盡也」,小徐「飲」作「飲」,《集韻》引同,「飲」爲隸體。

幣 能

《集韻》去聲效韻:「《說文》:國甸大夫稍稍所食邑。引《周禮》:任削地在 天子三百里之內。」

《說文》六下邑部:「國甸大夫稍稍所食邑。从邑肖聲。《周禮》曰:任郁地在天子三百里之內。」

案:引《周禮》二徐並作「任鄁地在天子三百里之內」,《集韻》引「鄁」作「削」。今《周禮·地官載師》作「稍」,鄭注:「故書稍或作削。」 賈疏:「天子大夫受采地二十五里,在三百里之內名爲稍者,以地少稍 稍給之,故云稍也。」故字義當以許氏从邑作「鄁」爲正,稍稍其訓 也,「削」者借字也。

爄 溤

《集韻》去聲碼韻:「《說文》:目病。一曰惡气著身。一曰蝕創。」 《說文》七下疒部:「目病。一曰:惡气箸身也。一曰:蝕創。从疒馬聲。」 案:第三訓,小徐作「蝕瘡」,「瘡」即「創」之俗。

器 駅

《集韻》去聲碼韻:「《說文》: 郁郹犍爲縣。」

《說文》六下邑部:「存鄢犍爲縣。从邑馬聲。」

案:「存駅」二字,大小徐並同,《集韻》引「存」作「梆」,俗字也。

館 涻

《集韻》去聲碼韻:「《說文》:水出北囂山,入邙澤。」

《說文》十一上水部:「水出北廳山,入邙澤。从水舍聲。」

案:小徐「黜」作「囂」、《集韻》引同,此乃一字之二體也。

虢 蟅

《集韻》去聲碼韻:「《說文》:蟲名。一曰:蝗類。一曰:鼠婦。」

《說文》十三上虫部:「蟲也。从虫庶聲。」

案:二徐並作「蟲也」、《集韻》引「也」作「名」。兩「一曰」義,非引《說文》、《方言》曰:「蟒,……南楚之外,謂之蟅蟒。」郭注:「即蝗也。」

麓 雙

《集韻》去聲碼韻:「《說文》:魚名。」

《說文》十一下魚部:「魚名。从魚蒦聲。」

案:小徐「名」作「也」。

畔 睢

《集韻》去聲漾韻:「《說文》:光美也。」

《說文》七上日部:「光美也。从日往聲。」

案:《繫傳》作「美光也」,段注從大徐作「光美也」,而未言其故。《廣韻》 去聲四十一漾:「旺,美光。」下收「暀」字,云「上同」。王筠《句 讀》引《廣韻》爲証,作「美光也」,《集韻》引則從大徐作「光美也」, 未知何者爲是,然二義可互通。

除原

《集韻》去聲映韻:「《說文》: 彊也。」 《說文》八上人部:「彊也。从人京聲。」 案:小徐「彊」作「強」,借字也。

聊 勁

《集韻》去聲勁韻:「《說文》: 彊也。」

《說文》十三下力部:「彊也。从力巠聲。」

案:「彊」,小徐作「強」,借字也。

筝 孕

《集韻》去聲證韻:「《說文》: 褱子也。」

《說文》十四下子部:「褢子也。从子从几。徐鍇曰:取象於褢妊也。」

案:「裹子也」,二徐並同,《集韻》引「裹」作「褱」,義近。

司右

《集韻》去聲宥韻:「《說文》:助也。一曰手口相助也。徐鍇曰:言不足以 左,復手助之。」

《說文》二上口部:「助也。从口从又。徐鍇曰:言不足以左,復手助之。」案:「右」字,許書重出,一在二上口部,訓「助也」;一在二下又部,訓

「手口相助也」,《集韻》引則併寫一條。

詹 段

《集韻》去聲宥韻:「《說文》:揉屈也。从殳从貞。貞,古叀字。徐鍇曰:叀, 小謹也,亦屈服之意。」

《說文》三下殳部:「揉屈也。从殳从自。自,古文叀字,廢字从此。臣鉉等日:東,小謹也,亦屈服之意。」

案:「从殳从直」,小徐作「从殳直」。

就 就

《集韻》去聲宥韻:「《說文》:就高也。从京从尤。尤,異於凡也。」

《說文》五下京部:「就高也。从京从尤。尤,異於凡也。寫,籀文就。」

案:「从京从尤」小徐作「从尤京」。

牕 殠

《集韻》去聲宥韻:「《說文》:腐氣也。」

《說文》四下夕部:「腐气也,从夕臭聲。」

案:大徐作「腐气也」,小徐「气」作「氣」,《集韻》引同,借字也。

黨 穀

《集韻》去聲候韻:「《說文》: 乳也。一曰: 穀, 瞀也。」

《說文》十四下子部:「乳也。从子ላ聲。一曰:穀,瞀也。」

案:「一日」,小徐作「或日」。

豆 短 梪

《集韻》去聲候韻:「《說文》:古食肉器也。古作園。或从木。」

《說文》五上豆部:「古食肉器也,从口,象形。會,古文豆。」

《說文》五上豆部:「木豆謂之梪,从木豆。」

案:許書「豆」、「梪」各爲二字,一訓「古食肉器也」,一訓「木豆謂之梪」,《集韻》則將「梪」併入「豆」字條下,以爲或文。玉篇亦以「梪」爲「豆」之或體。古文豆,大徐作「8」,小徐作「1」,《玉篇》作「豆」,《集韻》作「息」,段本作「11」,衆形雜出。

霓 载

《集韻》去聲栝韻:「《說文》:寒也。一曰:早霜而寒,謂之蠶。」

《說文》十一下雨部:「寒也。从雨執聲。或曰:早霜。讀若《春秋傳》:墊 阨。」

案:大徐作「或曰:早霜」,小徐「霜」下有「也」字。《集韻》引「或曰」 作「一曰」,下云「早霜而寒,謂之觀」,語較二徐頗有增益,未知所 據本有異,抑丁氏以意自加耶?

離 鮨

《集韻》去聲陷韻:「《說文》:魚名。」

《說文》十一下魚部:「魚名。从魚臽聲。」

案:小徐「名」作「也」。

糟嬻

《集韻》入聲屋韻:「《說文》: 媒也。」

《說文》十二下女部:「媟嬻也。从女賣聲。」

案:二徐並作「媟嬻也」、《集韻》引作「媟也」、許書「嬻」上承「媟」篆、訓「嬻也」、二字轉注、《集韻》引當亦不誤。王筠《句讀》曰:「媟嬻、同義、可單可雙。媟下云:嬻也。謂其單字各成義、本字下則舉複語。」

※ 解

《集韻》入聲屋韻:「《說文》: 魚名, 出樂浪潘國。」

《說文》十一下魚部:「魚名,出樂浪潘國。从魚樂聲。」

案:小徐「名」作「也」。

篇 複

《集韻》入聲屋韻:「《說文》:重衣也。一曰:褚衣。」

《說文》八上衣部:「重衣兒。从衣复聲。一曰:褚衣。」

案:大徐本作「重衣兒」,《集韻》引「兒」作「也」。《釋名》曰:「有裏曰複,無裏曰單。」是作「也」爲長。嚴氏《校議》曰:「宋本也作兒,蓋誤。」小徐止作「重衣」。

見見

《集韻》入聲屋韻:「《說文》:治也。从又下。下,事之節也。」

《說文》三下又部:「治也,从又从下。下,事之節也。」

案:大徐作「从又从り」,小徐作「从又り」,《集韻》引同小徐。

龄 勉

《集韻》入聲屋韻:「《說文》: 醜也。一曰:老女。」

《說文》十二下女部:「醜也。一曰:老嫗也。从女酋聲。讀若蹴。」

案:「一曰老嫗也」,二徐並同,《集韻》引作「一曰:老女」,意雖同,究 非許氏之舊。

兜 六

《集韻》入聲屋韻:「《說文》:易之數,陰變於六,正於八。从入从八。」

《說文》十四下六部:「《易》之數,陰變於六。正於八。从入从八。」

案:「从入从八」,小徐作「從入八」。

業 業

《集韻》入聲芺韻:「《說文》: 瀆業也。从丵从廾。徐鉉曰: 瀆讀爲煩瀆之 瀆。丵,衆多也。兩手奉之是煩瀆。」

《說文》三上業部:「瀆業也。从業从升,升亦聲。臣鉉等曰:瀆讀爲煩瀆 之濟。一本注云:業,衆多也。兩手奉之是煩瀆也。」

案:《集韻》引「瀆業也」,與二徐同。下引徐鉉說,「丵」上,省「一本注 云」四字。

融 論

《集韻》入聲質韻:「《說文》: 飲酒俱盡也。」

《說文》十四下酉部:「飲酒俱盡也。从酉监聲。」

案:大徐作「**龡**酒俱盡也」,小徐「**龡**」作「**飮**」,《集韻》引同,「**飮**」爲 隸寫。

憲 壹

《集韻》入聲質韻:「《說文》:專一也。」

《說文》十下壹部:「專壹也。从壺吉聲。」

案:「專壹也」,二徐並同,《集韻》引「壹」作「一」,以俗字改也。

7 2

《集韻》入聲質韻:「《說文》:象春艸木冕曲而出,陰气尙彊,其出乙乙 也。」

《說文》十四下乙部:「象春艸木寃曲而出,陰气尚彊,其出乙乙也。與「 同意,乙承甲。象人頸。」

案:「彊」字,小徐作「強」,借字也。

福 福

《集韻》入聲術韻:「《說文》:醬也。」

《說文》十四下酉部:「騰也。从酉矞聲。」

案:小徐作「醬也」,《集韻》引同,然「醬」非許氏之舊,大徐作「騰」 是也。

《集韻》入聲迄韻:「《說文》:乘輿馬頭上防釳,插以翟尾鐵翮象角,所以 防網羅。」

《說文》十四上金部:「乘輿馬頭上防釳, 插以翟尾鐵翮象角, 所以防網羅。 釳, 从金气聲。」

案:「網」字,小徐作「网」,本字也。

凝 莊

《集韻》平聲陽韻:「《說文》:山峻也。」

《說文》九下山部:「山陵也。从山戕聲。」

案:二徐竝作「山嶐也」,《集韻》引「嶐」作「峻」。方氏《集韻考正》云: 「嶐即峻本字。」

9 子

《集韻》入聲月韻:「《說文》:無左臂也。一曰:子子,短也。」

《說文》十四下了部:「無左臂也。从了」。象形。」

案:「臂」下,小徐有「也」字。「一曰」者,非引《說文》,見《廣雅·釋 詁》二。唯〈釋詁〉不重「孒」字。

際際

《集韻》入聲月韻:「《說文》:白鷢,王睢也。」

《說文》四上鳥部:「白鷢,王鵙也。从鳥厥聲。」

案:二徐並作「白鷢,王鵙也」、《集韻》引「鵙」作「睢」。段本亦作「王 睢」。《爾雅·釋鳥》:「鵙鳩,王睢。」《詩》「關關睢鳩」、《毛傳》:「睢 鳩,王睢也。」是《集韻》作「睢」亦通。實則,「从鳥」、「从隹」之 字,義多無別,如鷄、雞乃一字也。

劉 罰

《集韻》入聲月韻:「《說文》: 辠之小者,从刀从詈,未以刀有所賊,但持刀罵詈則應罰。」

《說文》四下刀部:「皋之小者。从刀从言,未以刀有所賊,但持刀罵詈則 應罰。」 案:「从刀从詈」,小徐作「从刀詈」。

か 女

《集韻》入聲沒韻:「《說文》:不順忽出也。从倒予。引《易》:突如其來,如不孝子,突出不容於內也。或从到(紅)。古文子,即《易》突字。」

《說文》十四下去部:「不順忽出也。从到子。《易》曰:突如其來,如不孝子,突出不容於內也。當,或从到,古文子,即《易》突字。」

案:「到」字,小徐作「倒」,俗字也。

悶 閼

《集韻》入聲曷韻:「《說文》:遮攤。」

《說文》十二上門部:「遮攤也。从門於聲。」

案:「攤」字,小徐作「壅」,俗字也。

辞 達

《集韻》入聲曷韻:「《說文》:行不相遇也。引《詩》:佻兮達兮。一曰通也。 一曰泆也。或作汏。」

《說文》二下辵部:「行不相遇也。从辵羍聲。《詩》曰: 佻芳達。欹,達或 从大。或曰泆。」

案:「遇」下,小徐無「也」字。引《詩》,岩崎氏本「達」下,少一「兮」字,葢脫。重文「达」下,二徐並云:「或曰:迭。」《集韻》引「或 日」作「一曰」,義得兩通。中羼入「一曰:通也。」非引許書,見《廣 雅·釋詁》一。

斯 剌

《集韻》入聲曷韻:「《說文》: 戾也。从束、从刀。刀者刺之也。徐鍇曰: 刺,乖違者,莫若刀。一曰:**綦**也。」

《說文》六下東部:「戾也。从東、从刀。刀者刺之也。徐鍇曰:刺,乖違也。東而乖違者,莫若刀也。」

案:《繫傳》徐鍇案語曰:「剌,乖違也。束而相乖害者,莫若束刀。」首句徐鉉引同,次句括引作「束而乖違者,莫若刀也」,《集韻》引作「剌,

乖違者,莫若刀」。「一日」者,非引《說文》,「**素**」字譌,方氏《考正》據《廣雅・釋詁》二正爲「衰」。

羚 斡

《集韻》入聲末韻:「《說文》: 蠡柄也。揚雄杜林說:皆以爲輕車輪斡。」 《說文》十四上斗部:「蠡柄也。从斗斡聲,揚雄杜林說:皆以爲軺車輪斡。」 案:「揚雄、杜林說皆以爲軺車輪斡」,二徐竝同,段云:「軺車者,小車也。 小車之輪曰斡,亦取善轉運之意,亦本義之引申也。」《集韻》引「軺 車」作「輕車」,意近是,然恐非原貌也。

夏夏

《集韻》入聲點韻:「《說文》: 戟也。一曰: 轢之也。」

《說文》十二下戈部:「韓也。从戈从百。讀若棘。」

案:「韓也」,二徐竝同,《集韻》引「韓」作「戟」,俗寫。「一曰」者,非引《說文》,《虞書》「戛擊鳴球」,馬、鄭竝注曰:「戛,櫟也。」丁氏曰「轢之也」,葢本此義也。櫟,今俗作轢。

學會

《集韻》入聲點韻:「《說文》:言微親詧也。」

《說文》三上言部:「言微親詧也。从言察省聲。」

案:「親詧」之「詧」,鍇本作「察」,借字也。

賴轄

《集韻》入聲鏧韻:「《說文》:車聲也。一曰:鍵也。」

《說文》十四上車部:「車聲也。从車害聲。一曰:轄,鍵也。」

案:「一曰:轄,鍵也」,二徐並同,《集韻》引「鍵」上,不複舉「轄」字, 葢省。

譜 迭

《集韻》入聲屑韻:「《說文》:更迭也。一曰:迭。」

《說文》二下辵部:「更迭也。从辵失聲。一曰:达。」

案:「一曰:达」,小徐本作「一曰:迭」,《集韻》引同。然《說文》「達」

篆下云:「達或从大(达),或曰迭。」據此,則各互通也。

集集

《集韻》入聲屑韻:「《說文》:頭衺骫奊態也。」

《說文》十下矢部:「頭衺骫奊態也。从矢圭聲。」

案:「裹」字,小徐作「斜」,俗字也。

段 隍

《集韻》入聲脣韻:「《說文》: 危也。徐巡以爲隉凶也。賈侍中說: 隉法度也。班固說: 不安也。引《周書》: 邦之阢隉。」

《說文》十四下自部:「危也。从自从毁省。徐巡以爲隉凶也。賈侍中說: 隉法度也。班固說:不安也。《周書》曰:邦之阢隉。讀若虹蜺之 蜺。」

案:「班固說」下,小徐複舉「隉」字。

循 潏

《集韻》入聲屑韻:「《說文》:涌出也。一曰:水中坻人所爲爲潏。一曰: 水名,在京兆杜陵。」

《說文》十一上水部:「涌出也。一曰:水中坻人所爲爲潏。一曰:潏;水 名,在京兆杜陵。从水矞聲。」

案:大徐作「一曰:潏,水名。在京兆杜陵」,小徐作「一曰:潏水在京兆 杜陵」,意同而字異。《集韻》引同大徐,「水名」上,不重「潏」字。

暫 瞥

《集韻》入聲脣韻:「《說文》:過目也。一曰:目翳。一曰:財見也。」 《說文》四上目部:「過目也。又目翳也。从目敝聲。一曰:財見也。」 案:「又目翳也」,二徐竝同,《集韻》引改「又」爲「一曰」,義得兩通。

陳 偰

《集韻》入聲薜韻:「《說文》:高辛氏之子,堯司徒,殷之先。」

《說文》八上人部:「高辛氏之子,堯司徒,殷之先。从人契聲。」

案:小徐「堯」下有「之」字,「先」下有「也」字。

洲

《集韻》入聲醉韻:「《說文》:羊粮也。」

《說文》二下齒部:「羊粻也。从齒世聲。」

案:二徐竝作「羊粻也」、《集韻》引「粻」作「粮」。許書米部無「粻」字、 食部「餱」下引「峙乃餱粻」。《爾雅·釋言》「粻,糧也」、《集韻》引 作「粮」、即「糧」之別體。

₩ 畷

《集韻》入聲聲韻:「《說文》:兩陌間道也。廣六尺。」

《說文》三下田部:「兩陌間道也。廣六尺。从田叕聲。」

案:「尺」字,小徐作「赤」,古通。

《集韻》入聲薜韻:「《說文》:滅也。从火戌,火死於戌,陽氣至戌而盡。 引《詩》:赫赫宗周,褒姒滅之。」

《說文》十上火部:「滅也。从火戌,火死於戌,陽氣至戌而盡。《詩》曰: 赫赫宗周,褒似滅之。」

案:大徐作「褒似滅之」,小徐作「褒姒威之」。《說文》女部無「姒」,蓋古 用假借,後易女旁,故當從大徐作「似」。《小雅·正月》「褒姒威之」下 《毛傳》云:「威,滅也。」此以今字釋古字,且許引《詩》證字說也, 當從小徐作「威」。《集韻》引,「姒」當改作「似」,「滅」當改作「威」。

黴 潚

《集韻》入聲韓韻:「《說文》:議罪也。」

《說文》十一上水部:「議辠也。从水獻,與法同意。」

案:小徐作「議罪也」,《集韻》引同。然「罪」爲俗字,大徐作「辠」是 也。

電 鼈

《集韻》入聲醉韻:「《說文》:甲介蟲也。」

《說文》十三下黽部:「甲蟲也。从黽敝聲。」

案:二徐竝作「甲蟲也」、《集韻》引「甲」下有「介」字。《藝文類聚》卷

九十六〈鱗介部〉引作「介蟲也」,是《集韻》亦有所本。沈濤《古本考》以爲古本蓋如《類聚》所作,又云經典皆言介,不言甲。沈說亦不盡然。《月令》「其蟲介」鄭注:「介,甲也。龜鼈之屬。」

腐 溜

《集韻》入聲藥韻:「《說文》:水自張掖刪丹,西至酒泉、合黎餘波,入於 流沙。桑欽所說。」

《說文》十一上水部:「水自張掖刪丹,西至酒泉。合黎餘波,入于流沙。 从水弱聲,桑欽所說。」

案:「入」下,小徐無「于」,《韻會》引有,同《集韻》作「於」,知小徐 舊有。

頭 醵

《集韻》入聲藥韻:「《說文》:會欽酒也。或从巨(配)。」

《說文》十四下酉部:「會歓酒也。从酉康聲。於, 醵或从巨。」

案:小徐「飮」作「飮」,隸寫也。

緒 錯

《集韻》入聲鐸韻:「《說文》: 金涂也。一曰:雜也。乖也。鑢也。」

《說文》十四上金部:「金涂也。从金昔聲。」

案:「涂」,小徐作「塗」,後起字也。「一曰」下數義,非引《說文》,《小爾雅·廣訓》:「錯,襍也。」《後漢書·第五種傳》注:「錯猶乖也。」

靴 秨

《集韻》入聲鐸韻:「《說文》:禾搖皃。」

《說文》七上禾部:「禾搖兒。从禾乍聲,讀若昨。」

案:小徐「搖」作「繇」,用古字也。

阔 胳

《集韻》入聲鐸韻:「《說文》: 腋下也。」

《說文》四下肉部:「亦下也。从肉各聲。」

案:大徐作「亦下也」、《集韻》引「亦」作「腋」、「亦」「腋」古今字、宜

改從本字爲是。小徐作「掖下也」,乃音同之借字也。

平 平

《集韻》入聲鐸韻:「《說文》:白涂也。」

《說文》十三下土部:「白涂也。从土亞聲。」

案:「涂」,小徐作「塗」,古今字也。

器部

《集韻》入聲鐸韻:「《說文》:江夏縣名。」

《說文》六下邑部:「江夏縣,从邑罢聲。」

案:小徐「縣」下有「也」字,《集韻》引「也」作「名」。

辩 蜕

《集韻》入聲鐸韻:「《說文》:似蜥蜴。長一丈,水潛,呑人即浮。出日南。」

《說文》十三上虫部:「似蜥易。長一丈,水潛,呑人即浮。出日南。从虫 並聲。」

案:「似蜥易」,二徐竝同,《集韻》引「易」作「蜴」,後起字也。

퉏

《集韻》入聲鐸韻:「《說文》:葬有木臺也。」

《說文》六上木部:「葬有木臺也。从木臺聲。」

缮 蠖

《集韻》入聲鐸韻:「《說文》:尺蠖,屈伸蟲也。」

《說文》十三上虫部:「尺蠖,屈申蟲。从虫蒦聲。」

案:「屈申」二字,大小徐同,《集韻》引「申」作「伸」,後起字也。

헮 舶

《集韻》入聲陌韻:「《說文》:海魚名。」

《說文》十一下魚部:「海魚名。从魚白聲。」

案:小徐「名」作「也」。

[隆] 澤

《集韻》入聲陌韻:「《說文》:光澤也。」

《說文》十一上水部:「光潤也。从水睪聲。」

案:二徐竝作「光潤也」,《集韻》引作「光澤也」,義雖兩通,疑筆誤也。

赭 耤

《集韻》入聲替韻:「《說文》:帝耤千敏也。古者使民如借,故謂之耤。」 《說文》四下耒部:「帝耤千畝也。古者使民如借,故謂之耤。从耒昔聲。」 案:「千畝」之「畝」,二徐同,《集韻》引「畝」作「報」,俗字也。

籍 擭

《集韻》入聲陌韻:「《說文》:擊擭也。一曰:布擭也。一曰:握也。」

《說文》十二上手部:「搫擭也。一曰:布擭也。一曰:握也。从手蒦聲。」

案:《繫傳》尚有「一曰: 益也」之訓。許書:「益,捉也。」「捉,益也。一曰: 握也。」「握」下云:「益持也。」許書「擭」下已云:「一曰: 握也。」 是有無「益也」,皆通。然玄應《音義》卷十三:「擭,亦益也。」《韻會》 十一陌引亦有「一曰: 益也」四字,似許書舊本有此一訓也。

給 給

《集韻》入聲陌聲:「《說文》: 麤葛也。亦从巾(峪)。」

《說文》十三上糸部:「粗葛也。从糸谷聲。輪,給或从巾。」

案:大徐作「粗葛也」,小徐「粗」作「麤」,《集韻》引同。

糕 蕀

《集韻》入聲麥韻:「《說文》:以穀餧馬,置莝中。」

《說文》一下艸部:「以穀萎馬,置莝中。以艸敕聲。」

案:《繫傳》作「以穀餧馬」,《集韻》引同,然許書「萎」篆下云:「食牛也。」段注:「下文(即蔽篆)云:『以穀萎馬』,則牛馬通偁萎。」段 氏此處從大徐,又可據知「萎」「餧」乃古今字,故仍以大徐爲是。

1000

《集韻》入聲麥韻:「《說文》:鼠屬。或从多(貖)。」

《說文》十上鼠部:「鼠屬。从鼠益聲。**2**000 或从**3**00 。」 案:小徐「鼠」下有「之」字,又「屬」下有「也」字。

鯖 鯖

《集韻》入聲替韻:「《說文》:魚名。」

《說文》十一下魚部:「魚名。从魚齊聲。」

案:「名」字,小徐作「也」。

2 9

《集韻》入聲替韻:「《說文》: 莫也。从月半見。」

《說文》七上夕部:「莫也。从月半見。」

案:「莫」,小徐作「暮」,俗字也。

適

《集韻》入聲替韻:「《說文》:之也。宋、魯語。」

《說文》二下辵部:「之也。从辵啻聲。適,宋、魯語。」

案:「適,宋、魯語」,二徐竝同,《集韻》引略去「適」字,義仍可通。

炭 赤

《集韻》入聲替韻:「《說文》:南方色也。从大从火。古从炎土(烾)。」

《說文》十下赤部:「南方色也。从大从火。鑿,古文从炎土。」

案:「从大从火」,小徐作「從大火」。

猴 殺

《集韻》入聲替韻:「《說文》:上谷名豬。」

《說文》九下豕部:「上俗名豬,豭。从豕役省聲。」

案:大徐作「上谷名豬,豭。」小徐「豭」作「殺」,是也。此謂上谷呼豬 曰殺,《御覽》九百三〈酆部〉引作「上谷名豬曰殺」可證。《集韻》 引止作「上谷名豬」,「殺」字當非脫,蓋省。

쀖 浙

《集韻》入聲錫韻:「《說文》:汰米也。」

《說文》十一上水部:「汏米也。从水析聲。」

案:二徐竝作「汏米也」、《集韻》引「汏」作「汰」、俗。

解 僻

《集韻》入聲錫韻:「《說文》:避也。引《詩》:宛如左僻。一曰:从旁牽。」

《說文》八上人部:「避也。从人辟聲。《詩》曰:宛如左僻。一曰:从旁牽也。」

案:引《詩》,小徐「如」作「然」,與今《魏風·葛屨》合,或後人據今 《詩》改。「从旁牽」下,二徐竝有「也」字,《集韻》引奪。

翠翟

《集韻》入聲錫韻:「《說文》:山雉尾長者。」

《說文》四上羽部:「山雉尾長者,从羽从隹。」

案:小徐作「山雉也,尾長」,文與大徐小異,義仍同。

屬語

《集韻》入聲錫韻:「《說文》:鼎屬。實五殼。斗二升曰殼。象腹交文三足。 或作融歷。古作點,象孰飪五味气上出。」

《說文》三下鬲部:「鼎屬。實五殼。斗二升曰殼。象腹交文三足。於,鬲 或从瓦。苓,漢令。鬲,从瓦麻聲。」

《說文》三下弼部:「歷也。古文亦鬲字,象孰飪五味气上出也。」

案:「鬲」、「弼」, 許書分屬二部, 各爲部首字, 《集韻》引則將二字併而爲一。「古作弼」下, 省「歷也」二字, 蓋就行文也。「气上出」下, 小徐無「也」字, 《集韻》引同。

想怒

《集韻》入聲錫韻:「《說文》:飢餓也。一曰:憂也。引《詩》:惄如調飢。」 《說文》十下心部:「飢餓也。一曰:憂也。从心叔聲。《詩》曰:惄如朝 飢。」

案:引《詩》,二徐竝作「惄如朝飢」,《集韻》引「朝」作「調」。調从周聲,朝从舟聲,聲近義通,故《毛詩》作「調飢」,《韓詩》作「朝飢」。 今《周南·汝墳》作「調」,《爾雅·釋言》:「惄,飢也。」郭璞注引 《詩》亦作「調」。

辯織

《集韻》入聲職韻:「《說文》:作布帛之總名也。樂浪《挈令》:从糸从式(紅)。 徐鉉曰:《挈令》,蓋律令之書也。」

《說文》十三上糸部:「作布帛之總名也。从糸戠聲。緒,樂浪《挈令》:織, 从系从式。臣鉉等曰:《挈令》,蓋律令之書也。」

案:「樂浪《契令》:織,从糸从式」,《集韻》引無「織」字,非脫,蓋省。

新力

《集韻》入聲職韻:「《說文》:筋也。象人筋之形。治功曰力,能圉大災。」 《說文》十三下力部:「筋也。象人筋之形,治功曰力,能圉大災。」 案:「能圉大災」,小徐作「能禦大灾」,蓋依今《禮記》改。

畫畫

《集韻》入聲職韻:「《說文》:傷痛也。引《周書》曰:民冈不衋傷心。」

《說文》五下血部:「傷痛也。从血聿皕聲。《周書》曰:民冈不衋傷心。」

案:大徐引《周書》作「民冈不衋傷心」,小徐「冈」作「罔」,《集韻》入 聲引同。然「冈」爲本字,當作「冈」爲宜。

聚裂

《集韻》入聲緝韻:「《說文》:捷也。」

《集韻》入聲洽韻:「《說文》:捷也。飛之疾也。一曰:俠也。」

《說文》四上羽部:「捷也。飛之疾也。从羽夾聲。讀若瀒。一曰:俠也。」

案:「捷也。飛之疾也(小徐無『也』)。一曰:俠也」,二徐竝同,《集韻》 緝韻下止引「捷也」一義,治韻下,則三訓竝出,蓋詳略互見也。

え 包

《集韻》入聲緝韻:「《說文》:穀之馨香也。象嘉穀在裹中之形。匕所以扱 之。一曰:一粒也。」

《說文》五下皀部:「穀之馨香也。象嘉穀在裹中之形。匕所以扱之。或說: 皀,一粒也。又讀若香。」

案:「或說:包,一粒也」,二徐竝同,《集韻》引「或說」作「一曰」,且 省「包」字。

拿 盒

- 《集韻》入聲合韻:「《說文》:蜃屬。有三,皆生於海。千歲化爲**盒**,秦謂之牡厲。一曰:百歲燕所化魁**盒**。一名復累,老服翼所化。」
- 《說文》十三上虫部:「蜃屬。有三,皆生於海。千歲化爲盦。秦謂之牡厲。 又云百歲燕所化魁盦。一名復累,老服翼所化。从虫合聲。」
- 案:「又云:百歲燕所化……」,二徐竝同,《集韻》引「又云」改「一曰」, 義得兩通。

暴暴

- 《集韻》入聲合韻:「《說文》:眾微杪也。从日中視絲。古以爲顯字。一曰: 眾口兒。或从爲繭,繭者,絮中往往有小繭也。」
- 《說文》七上日部:「眾微杪也。从日中視絲。古文以爲顯字。或曰:眾口 兒。讀若唋唋。或从爲繭,繭者,絮中往往有小繭也。」
- 案:大徐作「或曰:眾口皃」,小徐「或曰」作「或以爲」,《集韻》引作「一 曰」,義竝同,唯字有異耳。

™ 础

《集韻》入聲合韻:「《說文》: 春己復擣之曰碏。」

《說文》九下石部:「春己復擣之曰碏。从石沓聲。」

案:「擣」字,小徐作「搗」,俗字也。

鰯鯛

《集韻》入聲盇韻:「《說文》:鱋鰯也。」

《說文》十一下雨部:「虛鰨也。从魚易聲。」

案:二徐竝作「虛鰨也」,《集韻》引「虛」作「鱸」,後起字也。許書魚部 無「鱸」字。

競 鯜

《集韻》入聲葉韻:「《說文》:魚名,出樂浪潘國。」

《說文》十一下魚部:「魚名。出樂浪潘國。从魚妾聲。」

案:小徐「名」作「也」。

燮 燮

《集韻》入聲帖韻:「《說文》:大熟也。从又持炎辛。辛者物熟味也。」

《說文》十上炎部:「大熟也。从又持炎辛。辛者物熟味也。」

案:「大熟也」,二徐、《集韻》引竝同。《說文》無「熟」,祇作「孰」,「熟」 後起字也,故竝當改作「孰」。

属属

《集韻》入聲洽韻:「《說文》:从後相臿也。」

《說文》八上尸部:「從後相重也。从尸从臿。」

案:「從後相臿」,二徐竝同,《集韻》引「從」作「从」。許書「从」訓「相 聽也」,「從」訓「隨行也」,故官依二徐作「從」。

雲 雲

《集韻》入聲狎韻:「《說文》: 雪雪, 震雷兒。一曰: 眾言。」

《說文》十一下雨部:「雲雲,雲雷兒,一日:眾言也。从雨嘉省聲。」

案:「一日」下,小徐複舉「霅」字。

夢

《集韻》入聲陌韻:「《說文》: 宋也。」

《說文》七上夕部:「宗也。从夕莫聲。」

案:鍇本作「寂也」,「寂」爲「宋」之俗。